

5225


BIBLIOTHECA
UNIV. JAGELL.
CRACOVENSIS

THEOLOGIA

II



Cim 6315



510

Bryospermum Semper

Ther
5225

XVII. 3. 16

(Dr. 10/11/18)



10

SANCTI IOANNIS
CHRYSOStOMI
SERMONES

IN EPISTOLAM DIVI PAVLI
AD PHILIPPENSES

MVLTO ET PLENIORES, ET EMENDATIORES
quàm antehac impressi fuerint.

Flaminio Nobilio Interprete:

Notationes in eiusdem Patris sententias, quæ aut interpretis, aut
Exemplarium uitio pias lædere aures possunt.

D. Basilij Magni Epistolæ duæ.

Beati Maximi Monachi, & confessoris Sermo ad pietatem exercens.

Ad Sanctissimum Patrem nostrum
Gregorium XIII.



CVM LICENTIA SVPERIORVM.

ROMÆ Apud Iosephum de Angelis.
M. D. LXXVIII.

SANCTI IONIS

CHRYSOSTOMI

SERMONES

IN EPISTOLAM DIVI PAULI

AD PHILIPPENSES

MULTO ET TERTIO, ET EMENDATIONES

quibus emendat. interpres. Jacobi.

Flaminio Nobilio interpretatus.

Notandum in eisdem Pauli sermonibus, quos aut interpretatus, aut
transcriptum interpres per se habet, et postulat.

De eisdem Magnifico Jacobi.

Pauli Nobilio, et Jacobi interpres, et postulat.

Ad sanctissimum Patrem nostrum

Die Martii. XIII.



CAM LICENTIA SUPERIORVM

RO. M. E. Apud Josephum de Angeli.

M. D. LXXVII.



GREGORIO XIII.

PONT. OPT. MAX.

Flaminius Nobilius

Sacro sanctos pedes osculatur.



QVOD facere capitales, atq;
immanissimi hostes solent,
ut si fōtes, quibus aduersarij
ad uitam tuendam vtun-
tur, auertere cuniculis non
possunt, veneno inficiant, ac
pestilentes reddant: id tem-
pestate nostra ab improbis, sceleratisque homi-
nibus, qui bellum omni imbutum odio sanctæ Dei
Ecclesiæ intulerunt, omniaq; humana, ac diuina
iura peruerterunt, haud paulo maiore in re ui-
demus representatum. Monumenta enim sancto

rum Patrum, è quibus salutaris, iucundissimusq.
animorum cibus peti & poterat, & solitus erat;
quæ fidem confirmabant; quæ spem, pietatem,
iustitiam, liberalitatem aiebant; quæ in secundis
rebus humilitatem, in aduersis patientiam in-
stillabant; quibus libidines minuebantur, ma-
gnaque fiebant uirtutum omnium accessiones,
cum nobis eripere hæretici nequirent; ita aut de-
prauando, aut male uertendo, aut scholijs obscuran-
do, atque in alienos sensus detorquendo pollue-
runt, ac macularunt, ut sine magno discrimi-
ne tractari vix possent; idcircoque eorum lectio
necessario propemodum Christianis populis inter-
diceretur. Quæ tamen ex re, ut impuri illi, ac
nefarij non tam nostri, quàm religionis, & pie-
tatis hostes magnam voluptatem, magnum-
que sui consilij fructum capiebant; ita piorum
hominum vulgò graues querelæ audiebantur
desiderio tabescentium, optimoque illo &
solatio, & pabulo se priuatos uix ferentium. Nec
vero summi Pontifices, qui panem esurientibus
frangere non minimam muneris sui partem esse
intelligebant; huic rei defuerunt. Multos enim
iam annos eorum iussu aliquot S. R. E. Cardi-
nalem,

nalium, quorum præclara uirtus, & eruditio lu-
cet quasi diuinum aliquod lumen, aliorumque
hominum doctrina, ac pietate præstantium in pur-
gandis libris uersatur industria. Ceterum cū pro-
pter uoluminum multitudinem, ac uarietate res
tardius procedere uideretur; tu B. P. qui nullam
de humano genere benemerendi occasionem remit-
tis, omnibusque laborantis Reipublicæ partibus,
quantum in te est, mederis, hac quoque in re nihil
tibi omittendum putasti, quò ad exitum quàm
citissime perduceretur, Itaque cum multa alia
eo pertinentia prouidisti; tum me, de cuius dili-
gentia, ut confideres, amplissimorum Cardina-
lium Ioannis Moroni uiri, & mea, & omnium
laudatione longe maioris, Guglielmique Sirleti
uiri optimi, & optimarum artium principis te-
stimonium fecerat, conduxisti; qui sanctorum Pa-
trum uarios codices legerem, conferrem; quæ
aut deprauata, aut male conuersa, aut scholijs
peruersa deprehendissem, notare, & ad am-
plissimos huic rei præpositos Cardinales referrem.
Quòd si maximis laudibus Pontifices illi sunt
commendati memoriæ hominum sempiternæ, qui
bona Ecclesiæ terrena ab iniustis possessoribus

occupata recuperarunt; neq. tu certe mediocrem
gloriā consequeris, qui hunc cœlestem Ecclesiæ the-
saurum iam prope alienatum restitueris. Ego ue-
ro, quod pietati, ac religioni, quod sanctissimæ au-
ctoritati tuæ, quod eorum officijs, qui tibi de me testi-
moniū dederunt, deberi puto; illud ausim polliceri,
te si minus eruditionem (non enim me latet, quā
ea sit exigua) at certe uoluntatem, studium, cona-
tusq. meos probaturum. Cumq. ea quæ potero, at-
tulero, quod non potero, tuæ te humanitati condo-
naturum spero; quæ quidem humanitas summa
integritati, innocentie, prudentiæ coniuncta num-
quam non perspecta est, sed tamen in Pontificatu,
tamquam optimo in lumine collocata totam se pa-
tescit, mirabilesque sui amores excitauit. Pla-
cuit uero ijs, quos dixi, selectis Cardinalibus, ut
primum in latissimo, ac feracissimo D. Jo. Chry-
sostomi operum campo diligentia, studiumque
nostrum excurreret. Ea quinque voluminibus
comprehensa circumferuntur, quorum operum
nonnulla sunt B. P. quæ alium potius quemlibet,
quā uirum illum sanctitate, eruditione, eloquen-
tia præstantissimum, auctorem habent. Huius-
modi est opus imperfectum in Euangelium Mat-
thæi,

thai, & pleraque Homilia in psalmos; ac de alijs
etiam argumentis; quæ incerto interpreti adscri-
buntur. Id cum ex eo, quod græcè non habentur,
cum ex sententiarum, stylique dissimilitudi-
ne, alijsque præterea firmissimis coniecturis de-
prehendi non difficulter potest. In his, præcipue
autem in opere illo imperfecto, nonnulla extant
sententia, quæ (fortasse, quòd in eo nonnulla ab
hereticis sint deprauata, ablata, inculcata) partim
heretica sunt, partim ab hæresi non longe absunt:
tametsi alia quædam & pia & graues, atq. à san-
ctis Patribus nonnunquam usurpata non parua
scriptis illis attulerint auctoritatem. De cæteris
autem, quæ uerè Chrysostomi sunt, ita sentio, aliquot
quidem locis ea ab Hæreticis hominibus, qui in la-
tinum sermonem conuerterunt, de industria esse de-
prauata, sæpe uero interpretis inscitiam substinere
omnem culpam: uerum multa etiã in græcis codi-
cibus mutilata sunt, pluribusq. & magnis referta
mendis; quæ ex manuscriptis exemplaribus, po-
tissimum Vaticanis, & ijs, quæ Illustrissimus Car-
dinalis Syrletus correxit, restituenda erunt. Ego,
quod mihi munus assignatum erat, omnia Chry-
sostomi opera perlegi: & quacunque mihi in his

aut heresim, aut absurdam sententiam praeser-
re uidebantur, notavi; quas notationes cum ad
eundem Cardinalem, atque ad sacri palatii Ma-
gistrum insigni pietate, & eruditione uirum attu-
lissim; uisum ipsis est, interea dum noua omnium
operum editio Romae concinnatur, non inutiliter
communicari studiosis & pijs hominibus posse; ut
hinc qui uulgatas editiones habent, quid in illis
emendandum, aut cauendum sit, intelligant. Cæte-
rūm si id praeterea agitur; ac Sanctitas tua lauda-
tissimi sui Pontificatus hoc quoq. in sacrosanctam
Dei ecclesiam praeclarum munus extare cupit; ut
optimus autor, quo nemo ad hereses euellendas, ad
germanam fidem conseruandam, ad pietatē, tem-
perantiam, misericordiam, humilitatem, omnesq.
christianas virtutes in animis hominum inseren-
das, promouendasque aptior umquam fuit, non
modo sine periculo, sed longè etiā maiore, quā an-
tea cum emolumento, legi queat; idcircoque aliena
segreganda, mutilata resarcienda, ea, quae hucus-
que apud latinos desiderantur, è graecis manu-
scriptis codicibus conuertendam, quae ab haereticis
sunt conuersa, catholici aliquando interpretis no-
men praeferre debere putas: ego uero omnem ope-
ram, omnia studia, omnes labores meos ad sanc-
titatem

titatem tuam ita libenter defiro; ut si uita mihi
ea in re profundenda sit. præclarè mecum agi sim
existimaturus: cuius voluntatis mea specimen, &
duos ab hinc annos duo eiusdè auctoris opuscula
latina à me facta ad Sanctitatem tuam attuli, &
nunc sermones in Epistolā D. Pauli ad Philippen-
ses affero, longè pleniores, ne dicam emendatiores,
quàm hætenus, aut græce, aut latine impressi
legantur; breui etiam alia, si hanc Sanctitati
tua operam probari cognouero, allaturus. Ea
enim perpetuo hæret animo meo infixæ cura, ut
beneficiorum, quibus me quotidie afficis; aliquis
posteritati extet fructus: præsertim cum hortator
assiduus accedat Guido Ferrerius patronus
meus Cardinalis nobilitate, ingenio, optimis di-
sciplinis, morum suauitate florētissimus, qui
te, ut unicum in terris Dominum ueneratur, ut
optimum Parentem colit, ut singulari sapien-
tia, ac bonitate virum ita amat, ac suspi-
cit, ut de Sanctitate tua finem cogitandi non
faciat. Oro autem ego te per amplitudinem,
per maiestatem, per Sanctitatem tuam; ut
manu

*manu ista tua , cui tot , tantaque salutis no-
stra credita sunt mysteria , in salutaris illius cru-
ces effigiem ducta , mihi , laboribusque meis be-
ne omineris ; neque illos , quos eximia tua libe-
ralitate subleuare pergas , indignos putes . Vale
diu felix Pontifex optime , Maxime .*



Amplissi-



AMPLISSIMO CARDINALI

PHILIPPO VASTAVILLANIO

Flaminius Nobilius - S. D.



V O D de coelesti illa, atque ab
omnibus materiæ sordibus lō
gè seiuncta hierarchia sanctis
sunt, ac doctissimi Patres no-
stri monumentis mandarunt;
id in hac etiam Ecclesiastica;
quæ ad illius exemplar condi-
ta est, aptissime fit; ut quæ in-
finum obtinent locum, per intermedias personas ad
summas adeant; & cum sua, quæ possunt, offerant,
tum uero ea, quibus egent, beneficia reportent. Lon-
gius à re mea non abiero. Non ego mea hæc, exigua,
sed tamen debita minimi clientis officia ad summam
in terris Gregorii x i r i. Pontificis Opti. Max. auun-
culi tui maiestatem deferre auderem; nec uicissim,
quæ mihi in diem opus sunt, ab eo postulare; nisi tu
mihi.

mihi praesto esses, ita patronus amplissimus, ut humanissimum quoque internuncium apud illius Sanctitatem pro me, ubi vsus veniat, agere non graueris. Sed dabitur commodius tempus ad eximiam istam virtutem, ac benignitatem tuam, quam & mihi, & omnium hominum temporibus, commodisque paterere uis, praedicandam. Nihil enim maiori mihi curae est; quam ut ne ingratus iudicer. Nunc per eandem istam humanitatem tuam oro ego te, atque obsecro; ut consuetudinem tuam in me honestando serues; & hos meos labores Pontifici, cuius in beatissimo nomine apparent, offeras; eosque singulari ista tua vultus, atque orationis suauitate ornes, & charos reddas. Vale.





B. IOAN. CHRYSOSTOMI
ARCHIEPISCOPI CON-
STANTINOPOLITANI
ARGUMENTVM

EPISTOLAE AD PHILIPPENSES.



PHILIPPENSES sunt Cives
vnius ex Macedonia ciuitatibus,
quam Philippos vocant à condito-
re, ciuitatis coloniae, quemadmo-
dum Lucas inquit. Hic Purpura-
ria conuersa est, mulier valde pia,
atque attentata. Hic Archisynago-
gus credidit: hic Paulus vnà cum
Syla virgis caesus est: hic à magi-
stratibus rogati sunt, ut exirent; ac timori illis fuerunt:
splendidumque habuit Euangelii praedicatio principium.
Multa verò, & magna de illis ipse quoque Paulus testa-
tur, coronam suam illos vocans, & multa passos esse di-
cens. [Vobis enim datum est, inquit, à Deo, non solum,
vt in eum credatis, sed vt etiam pro illo patiamini] Eue-
nit autem; ut quo tempore ad eos scribebat, in uinculis
esset: propterea inquit; [ita vt vincula mea manifesta fie-
rent in Christo in omni praetorio] praetorium vocans Ne-
ronis palatium: verum è uinculis, in quibus fuerat, dimis-
sus est; idque ostendit ad Timotheum scribens in prima
A mea

*Act. c. 16.
Vide nota-
tiones.*

Act. 18.

Cap. 1.

Cap. 1.

2. Tim. 4.

ARGVMENTVM EPISTOLAE

*Vide notas
tiones.*

Cap. 1.

Cap. 2.

*Cap. 2.
Cap. 1.*

Cap. 4.

Cap. 1.

Cap. 2.

mea defensione nemo mihi adfuit: sed omnes me dereliquerunt: non illis imputetur: Dominus autem mihi adstitit, & confortauit me.] Vincula igitur illa significat, quæ defensionē istam antecesserunt. Nam ipso quidem defensionis, ac liberationis tempore minime affuisse Timotheum constat. Inquit enim [In prima mea defensione nemo mihi adfuit] idq; etiam hoc ipso ostendit; quòd hoc modo scribit: non enim illi per literas nunciasset, quòd notum ipsi esse sciret. Quo autem tempore hanc scribebat epistolam, Timotheus vnà secum aderat: idq; verbis istis ostendit [Spero autem in domino Iesu Timotheum me citò mittere ad vos] & rursus [Hunc igitur spero me citò mittere ad vos, mox vt videro, quæ circa me sunt] E vinculis enim dimissus est: atque in ea, postquam ad ipsos venisset, rursus coniectus. Quòd enim inquit [Sed etsi immolor supra sacrificium, & obsequium fidei vestræ] non ita dicit, quasi nunc fieret; sed quoniam si id eueniat, & quandoeunque eueniat [gaudeo] inquit, releuans illos mæore, quem ex ipsius vinculis conceperant: nunc enim minime mortem obiturum fuisse, ex illis verbis perspicuum est [Confido autem in domino, quoniam, & ipse veniam ad vos citò.] & rursus, [& hoc confidens scio, quia manebo, & permanebo omnibus vobis] Miserant autē ad eum Philippenses Epaphroditum; qui pecunias ad ipsum afferret, & quo loco res ipsius essent, cognosceret. Nam peramanter affecti erga illū erant. Quòd autem ab illis missus Epaphroditus fuerit; audi ipsum dicentem [Habeo autem omnia, & abundo; repletus sum, acceptis ab Epaphrodito, quæ misistis] & hanc igitur causam miserant; vt & illum confortarentur, & res illius cognoscerēt. Nam quòd & hoc cognituri miserint: in ipso statim epistolæ initio ostendit, de suo statu scribens, ac dicens [Scire autē vos volo, quia quæ circa me sunt, magis ad profectum venerunt Euāgelii] & rursus [Spero autem Timotheum me cito mittere ad vos; ut & ego bono animo sim cognitiss, quæ circa vos sunt] Illud [ut & ego] perspicue hoc significat; ut quemadmodū vobis, quæ vobis animū ex, leretis, misistis ad mea cognoscenda; ita &

ita & ego bono animo sim rebus uestris cognitis. Quoniā igitur cū longo iam interuallo nō misissent, tunc miserant, (id enim indicat illis uerbis [Quoniam tandem aliquando refloruitis pro me sentire]) audiebantq; ipsum in uinculis esse (nam si de Epaphroditī mala uoletudine audierant, hominis nō ualde clari, qualis quidem Paulus erat; multo magis de Paulo) & cōsentaneum erat ipsos perturbari; idcirco in ipso Epistolæ procemio inducit cōsolationem pro ipsis suis uinculis, ostendens tantum abesse, ut inde perturbari oporteat; ut gaudendū potius sit: deinde consilium illis dat; ut cōcordiam, atq; humilitatem colant, hoc illis tutissimum esse pręsidium docens, atq; hac ratione facile illos inimicis suis superiores fieri posse. Non enim doctoribus uestris molestum est in uinculis esse, sed discipulos inter se minime concordēs uidere. Illud enim vel ad prouehendum Euangelīū facit; hoc uerō ad disturbandum. Cum igitur illos ad concordiam esset cohortatus, concordiam uerō ab humilitate proficisci docuisset, atque aduersus Iudæos, qui christianismum prætendentes omnibus modis dogmati officiebant, inuectus esset, canes eos uocans, ac malos operarios, atq; ab illis abstinendum esse suasisset, & quibus rebus studendum esset, admonuisset, multa; differuisset de rebus ad mores pertinentibus, eorūq; cōposuisset, ac recreasset uerbis illis [Dominus propē est]; tū uerō ea, quæ ipsum decebat, prudentia, rerum etiam ad se misfarum mentionem facit, atque ita magnam affert consolationem. Facile autem animaduertere licet Paulum in scribendo hos potissimū honorificē tractare, nec quicquam usquam interiicere, quod obiurgandi vim habeat. Hoc uerō magnum illorū uirtutis argumentum est, nullam dedisse doctori occasionem obiurgandi, omniaq; ad eos non reprehensionis, sed suasionis modo esse scripta. Verū, ut nunc etiam repetā, quod initio dicebam, magnā hæc Ciuitas ad fidē ostenderat propensionē; quādoquidē custos ipse se carceris (quā uerō eiusmodi muneris administratio magna cum improbitate coniuncta esse soleat, non ignoratis) ex vno statim signo, & accurrit, & baptizatus est cum

Cap. 4.

Cap. 4.

Act. c. 16.

4 ARGVMENTVM EPISTOLAE

tota familia sua. Ac signum quidem, quod factum est, ipse solus uidit; fructum verò, ac lucrum non solus percipit, sed unà cum muliere, atque vniuersa domo. Sed & magistratus ipsos, qui Paulum verberibus affecerunt, tumultu potius, & impetu quodam, quàm improbitate id fecisse ex eo intelligitur; quòd citò illum dimitti iusserunt, atque in metu postea fuerunt. Testimonium autem illis dat nò solum fidei, & periculorum nomine, sed etiam beneficentig; vbi inquit [quòd & in principio Euangelii, & semel & bis in usum mihi misistis] nemine alio id præstante. Nā [nulla mihi, inquit, ecclesia communicauit in ratione dati, & accepti] Quòd si aliquando intermiserint; occasio ē potius, quàm voluntatem ipsis defuisse istis verbis ostēdit. [Sicut & sentiebatis: occupati autem eratis] Id verò magnum erga ipsos amoris stimulū præ se fert. Quòd enim vehementer eos dilexerit; hinc etiam manifestum [Neminem enim habeo, inquit, tam unanimem, qui sincera affectione pro vobis sollicitus sit] & rursus [cò quòd habeam uos in corde in vinculis meis.]

Cap. 4.

Ibidem

Ibidem

Cap. 2.

Cap. 1.

MORALIS DIGRESSIO.

De eleemosyna.



AE C igitur & nos intelligentes, ac tot habentes charitatis formulas, atque exemplaria, præbeamus nos ipsos dignos huiusmodi exēplis, propti, ac parati pro CHRISTO pati. Atenim hoc tempore non est, qui christianos interficiatur, & uexet. Ergo, ut nihil aliud, saltem efficacem, & vehemētem illorum beneficentiam imitemur; neque ubi semel, atq; iterum dederimus, omnino officio persanctos nos arburemur. Etenim per omnem vitam id faciendum est. Non enim semel, sed perpetuò placere oportet. Qui currit, si decem circuitionibus, quas greci vocant δίαυρον, iam factis postremam omittat; totum perdidit: ita & nos si ab incæpto bonorum operum cursu.

curſu defecerimus; totū perdidimus, totum corrupimus. audi perutilem admonitionem illis pronunciatam uerbis [eleemoſynæ, inquit, & fides te non deſerant] non dixit, ſemel facito, aut bis, aut ter, aut decies, aut centies: ſed perpetuo; [te non deſerant] inquit: nec uerò dixit, ipſas ne deſeras; ſed, ipſæ te non deſerant; oſtendens nos eſſe, qui ipſarum egeamus, nō ipſas noſtri; docenſque nihil nobis non faciendum eſſe; ut illas apud nos retineamus. [circunda eas, inquit, gutturi tuo] Quemadmodū diuitum filij decus aureum circa collum geſtant, illudque nunquam deponunt, quaſi nobilitatis inſigne circūferentes; ita & eleemoſynam nobis ipſis circūdemus oportet, declarantes nos eſſe miſericordis illius filios, qui ſolem exoriri facit ſuper malos, & bonos. At non credunt infideles? quinimo per hæc credent, ſi nos hæc præſtiterimus. Nam ſi viderint nos omnium miſereri, illumque repræſentare præceptorem; ad illius imitationem hoc à nobis fieri intelligent. Neque uerò utcumque feciſſe ſatis eſt; ſed cautio quædam præterea, ac munimentum requiritur. [Eleemoſyna, inquit, & fides ſit tibi uera] rectè dixit, [uera] non ex rapina, nō ex furto. Hoc enim non eſt fides, nō eſt uera eleemoſyna. Nam qui furatur; eum mentiri, ac peierare neceſſe eſt: tu uerò non ita; ſed unā cum eleemoſyna fidem quoque habet, inquit. Circumdemus nobis iſtum ornatum. Torquem hunc aureum animę aptemus, eleemoſynam dico; quamdiu ſcilicet hīc fuerimus. Nam cum ætas hæc præterierit; non amplius illa utemur; quid ita? non ſunt ibi pauperes; non ſunt ibi pecunię; non eſt tibi mendicitas: quamdiu ſumus pueri; ornatu hoc nos ipſos ne ſpoliemus. Quod enim in pueris euenit; ut cum ad virilem ætatem peruenerint, iſta deponant, atque alium ſibi aſſumant ornatum; idem quoque in nobis: Etenim illhīc non erit eleemoſyna iſta, quæ pecunijs ſit; ſed alia quædam longē maior. Ne igitur interea hac nos priuemus: operam demus, ut pulchram ſe ſpectandam præbeat anima. Magnū eleemoſyna bonum, atque honoratum eſt, magnū donum; imo uero magna eſt bonitas. Si didicerimus pecunias contemnere; etiam alia diſcemus.

*Prou. 3.
uulgata uerò editio habet [miſericordia, & ueritas te nō deſerāt]*

6 ARGVMENTVM EPISTOLAE

scemus . Vide enim quot hinc existant bona : qui dat eleemosynam , quomodo danda est ; is discit pecunias contemnere : qui pecunias contemnere didicit ; is malorum radicem excidit ; quamobrem non tam facit beneficium , quàm accipit ; non idcirco solum , quòd eleemosynæ constituta est merces , ac retributio ; verum etiam , quòd anima fit philosophica , excelsaque ac diues . Qui eleemosynam dat , ad hanc disciplinam eruditur ; vt pecunias , atque aurum minime admiretur : qui vero hac disciplina instituit animum ; ne ille præclarum ascendendi in cœlum principium fecit : sexcentasque pugne , contentionis , inuidiæ , mæroris occasiones amputauit . Nostis enim profecto ; nostis & vos ex pecunijs mala omnia , ex pecunijs sexcenta bella solere existere . Quamobrem qui illas contemnere didicit ; tranquillo in portu seipsum locauit ; nec damnum posthac metuit . Ad hanc enim disciplinam illum eleemosyna erudiuit : non appetit posthac aliena (quomodo enim , cum sua etiam profundat , ac donet ?) nulla posthac diuitis inuidia tangitur (quomodo enim , cum pauper fieri velit ?) ipsumque animæ oculum ab omni labe purum reddit . Atque hæc quidem hic : quorum vero ibi bonorum compos futurus sit , nulla unquam oratio queat exponere : non vnâ cum stultis virginibus foris manebit ; sed vnâ cum prudentibus , vnâ cum sponso ipso introibit , splendidas habens lampades . Ita ob hanc ipsam eleemosynam , iis , quæ in virginitate seruanda valde laborarunt , longè præstabit , expers ipse laborum illorum : tanta est eleemosynæ virtus : alumnos suos magna cum libertate introducit : nota enim est cœli ianitoribus , qui sponsi fores custodiunt ; nec verò nota solum , sed etiam huiusmodi , quam reuerentur : eosque , à quibus se cultam nouerit , magna cum libertate introducet ; ac nemo contradicet ; sed omnes cedunt . Nam si Deum in terram adduxit ; idque ipsi persuasit , vt homo fieret ; multo magis hominem in cœlum intromittere poterit : magna est ipsius potentia . Ergo si ex misericordia atque hominum amore Deus homo factus est , si eò , inquam , adductus est vt seruus fieret ; multo

Matt. 25.

multò magis seruos in domum introducet suam. Hanc amemus; hanc colamus, non vno aut altero die, sed per omne tempus; vt ipsa nos benè notos habeat: nam si ea nos nouerit; & Dominus noscet; sin ignoret; dominus etiam ignorabit, ac dicet [nescio vos]. Verum absit, vt hanc nos uocem audiamus, sed beatam illam [Venite benedicti patris mei: possidete paratum vobis regnum à constitutione mundi] quod vtinam nos consequamur in Christo Iesu domino nostro, cum quo Patri, vnaque Sancto Spiritui gloria, imperium, honos nunc & semper, & in secula seculorum, Amen.

Matt. 25.

SERMO PRIMVS CAP. I.



PAULVS, & Timotheus serui Iesu Christi omnibus sanctis in Christo Iesu, qui sunt Philippis, Coepiscopis, & Diaconis, Gratia vobis, & pax à Deo patre nostro, & domino Iesu Christo. Hic quasi ad æquali honore præditos scribens non ponit suum magisterii nomen, sed aliud quiddam, illudque magnum. quale uerò istud? seruum seipsum nominat, non apostolum. Nam & hæc verè magna dignitas est, ac bonorum caput, seruū esse Iesu Christi, & non tantum dici. Qui Christi seruus est; hic à peccato liber est; & hoc ipso, quod germanus, ac legitimus seruus est; nunquam committet, vt cuiusquā alterius seruus fiat: alioqui non esset Christi seruus, nisi ex dimidia parte. Ac tanè ad Romanos scribens, rursus ita inquit, [Paulus seruus Iesu Christi] ad Corinthios verò, & Timotheum scribens, Apostolum seipsum nominat: quid ita? non ob eam certè causam, quod isti meliores essent Timotheo; absit; sed potius, quod præ omnibus, ad quos scribit, istos potissimum honorat, & fouet: nam & magnæ uirtutis testimonium ipsis dat. Præterea verò, cum ad illos scribenti multa essent constituenda, & disponenda; ideo apostoli dignitatem præ se tulit. Hic verò nihil ipsis mādai præter ea, quæ etiam

Ro. c. 1.

8 ARGVMENTVM EPISTOLÆ

etiã per seipſi videbant. *Sanctis in Christo Iesu, qui sunt Philippi.*
 Quoniam verisimile erat Iudæos etiam seipſos sanctos no-
 minare ex priore illo oraculo, vbi dicti sunt populus san-
 ctus, & peculiaris; propterea addit *sanctis in Christo Iesu*. Hi
 enim soli sancti; illi vero reliquo iam tempore prophani.
Coepiscopis & Diaconis. Quid hoc? an vnus ciuitatis multi
 erant Episcopi? nequaquam; sed presbyteros isto nomine
 appellauit. Tunc enim nomina adhuc erant communia; at-
 que ipse etiam Episcopus vocabatur Diaconus. idcirco ad
 2. Cap. 4. Timotheũ scribens inquit [Diaconiam id est ministerium
 tuum imple] cum tamen ille Episcopus esset: Quod con-
 stat ex verbis illis ad eundem scriptis [manus cito nemini
 1. Cap. 5. imposueris] & rursus [quæ data est tibi cum impositione
 1. Cap. 4. manuum presbyterii] presbyteri verò episcopum non ordi-
 nassent. & rursus ad Titum scribens inquit [Huius rei gra-
 Cap. 1. tiæ reliquit Cretæ; vt constituas per ciuitates presbyte-
 ros: sicut & ego disposui tibi; si quis sine crimine est, vnus
 vxoris vir] quæ quidem de Episcopo dicit. Atque hæc cum
 dixisset, statim addidit. [oportet enim Episcopum sine cri-
 mine esse, sicut Dei dispensatorem non superbum] Anti-
 quitus igitur, quemadmodum dicebam, ipsi etiam presby-
 teri vocabantur episcopi, & diaconi Christi. Quocirca vel
 hodie multi episcopi ita scribunt, compresbytero, & con-
 diacono. Procedente verò tempore proprium cuique di-
 stributum est nomen; vt hic quidem Episcopus, ille verò
 presbyter appelletur. *Coepiscopis inquit, & diaconis, gratia vo-
 bis, & pax à Deo patre nostro, & domino Iesu Christo.* Hoc loco nō
 iniuria queret quispiam; quid causæ sit; quamobrem cum
 nusquam alibi ad Clerum scribat, non ad eum, qui Romæ,
 non qui Corinthi, nō qui Ephesi, sed generatim dicat [om-
 nibus sanctis] vel [fidelibus] vel [dilectis] hñc ad clerum
 scribat? nimirum, quoniam clerici ipsi fuerant; qui literas
 ad eum dederant, & fructum protulerant; ipsique ad eum
 miserant Epaphroditum t *Gratias ago Deo meo, inquit, in omni
 memoria uestri semper.* Alibi ita scripsit [Obedite prepositis ve-
 stris, & subiacete; ipsi enim peruigilant quasi rationem pro
 animabus uestris reddituri: vt cum gaudio hoc faciant, &
 non

Deuter. 7.
& 14.

2. Cap. 4.

1. Cap. 5.

1. Cap. 4.

Cap. 1.

Vide nota-
tiones.

Hæb. c. 13.

non gemētes.] Si igitur gemere ex uitio discipulorum est; cum gaudio id facere, ex profectu erit. Hoc igitur est, quod ait. Quotiescunque, inquit, vestri memoriam repeto, Deum glorifico. Id vero facit; quòd multorum illis bonorum conscius erat. Et glorifico, inquit, & precor. Non enim quoniam virtutis viam ingressi estis, finem precandi pro vobis facio; sed persto adhuc in oratione. *Gratias, inquit, ago Deo in omni memoria uestri semper, in omni oratione mea pro omnibus vobis cum gaudio etiam deprecationem faciens* [semper] non solum, quando precor. Recte autem addidit *cum gaudio* est enim & cum merore id facere; quemadmodum alibi dicit [nam ex multa tribulatione, & angustia cordis scripsi vobis per multas lachrymas] *super communicatione uestra inquit, in Euangelium à prima die usque nunc.* Magnum quidem est; de quo illis testimonium hoc loco dat, & valde illis, quodque Apostolis, & Euangelistis dari solent. Non enim una, inquit, ciuitas vobis cōmendata est; illam solam curatis: sed nihil omittitis, vel aliorum bonorum participes sitis, ubique præsentes, uestramque operam, ac diligentiam vnà mecum in prædicatione collocantes. Nec uerò semel, bis ve, aut ter, sed semper ex eo tēpore, quo credidistis usque; ad hūc diem, apostolorum planè studiū, atque alacritatē representastis. Vide eos quidē, qui Romæ erant, ab illo sese auertisse (audi enim illum dicētem [Scis hoc, quòd auersi sunt à me omnes, qui in Asia sunt] & rursus [Demas me reliquit] & [in prima mea defensione, inquit, nemo mihi adfuit]) hos autem etiam cum aberant, illius sibi incommoda communia duxisse; quippe cum & certos homines ad illum mitterent, & pro viribus, quæ opus erant subministrarent, omninoque nihil omitterent. Atque hoc facitis, inquit, non solū nunc, sed perpetuo, omni ratione subsidiū afferentes. Ergo subsidium ferre. hoc est communicatio in Euangeliū. Etenim quando ille quidem prædicat, tu uerò predicantem foues, & adiuuas; illius coronæ communes tibi fiunt. Nam & in externis certaminibus non ad illum tantum; qui certat, corona pertinet; sed etiam ad pēdotribam, & ad ministrum,

B omni-

Vide notationes.

2. Cor. 2.

2. Tim. 1.
Cap. 4.

omninoque ad omnes illos, quicunque athletam instituerunt. Etenim qui illum confirmant, ac recreant; eos victoria quoque participes fieri æquum est. Itidem uero in bellis non solus ille, qui præclarum facinus edidit, sed omnes etiam, qui ei utilem operam dederunt, non iniuriâ ad trophæorum, gloriæque partem uocantur; perinde ac diligens illa opera, & ministerium pars quædam, ac societas certaminis fuerit. Atqui sanctis inferuire, tantum abest, ut paruum quiddam sit, ut multum omnino ualeat. Nobis enim cōmunes facit repositas illis mercedes. Exēpli causâ profudit quispiam magnam pecuniæ uim propter Deum, assidue adheret Deo, eximie uirtutis officiis fungitur, magnâ adhibens diligentiam, ne uel in uerbis, aut cogitationibus ipsis, ulla uel alia re labatur. In tua manu est, quamuis tantundem diligentie non adhibueris, repositas illi pro tot laboribus mercedes communes tibi facere. Quomodo? si illum cures, foueasq; & sermone, & re ipsa; si consoles cum suppeditas necessaria, tum in omni ministerio inferuens. Tu enim is eris, qui asperam illam uiam faciliorem ipsi facies. Quamobrem si admiramini illos, qui in eremo uiuunt, qui uite rationem planè angelicam suscepserunt, qui in Ecclesiis eadem, atque illi, uirtutis obeunt munera; si admiramini, inquam, ac doletis tam longo uos interuallo ab illis abesse; licet uobis alia quadam ratione cum illis coire societatem, id est inferuendo, curando, ac fouendo. Nam & hoc Dei benignitatis est, eos etiâ qui negligentiores sunt, nec duram illam, asperam, exquisitam uiuendi rationem suscipere possunt, rursus per aliam uiam ad eundem, atq; illos gradum prouehere. Atq; hoc illud est, quod Paulus cōmunionem uocat; communicant nobis, inquit, & impartiunt carnalia; & nos illis communicamus spiritalia. Nam quemadmodum Deus pro exiguis, ac nullius ponderis rebus regnum largitur; ita & illius serui pro exiguis, ac sensilibus spiritalia impartiunt: imo uero ipse est; qui per hos, & hæc, & illa dat. nō potes ieiunium ferre? non solitudinē? non humi cubare? non integras noctes uigilare? licet tibi harum omnium rerū mercedem accipere; si alia quadā ratione

Ro. 15.
1. Cor. 9.

tionem rem tuam gesseris; nempe si eum, qui istos labores capit, cures, recrees, foueasque assidue; & laborem, qui in illis certaminibus sustinetur, leuē reddas. Ille quidem stat pugnans, ac vulnera excipiens: Tu uerò à certamine redeuntem cura, obuiis manibus suscipe, sudorem absterge, recrea, solare, lassam animam foue, ac refice. Profecto si tantum cum alacritate sanctis inseruiamus; participes mercedum, quæ illos manent, erimus. Hoc & Christus docet [facite uobis amicos de mamona iniquitatis; ut recipiant uos in æterna tabernacula] Vides quomodo isti participes facti fuerint? *à prima die, inquit, usque nunc ob hoc ipsum, inquit, gaudeo super communicatione uestra.* Gaudeo autem non de præteritis tantum, sed etiā de futuris. Nam ex præteritis de istis quoque coniecturam facio. *Confidens hoc ipsum, inquit, quia qui coepit in uobis opus bonum, perficiet usque in diem Iesu Christi.* Vide quomodo illos modestiam etiam tueri doceat. Etenim quoniam magnum quiddam erat, quod de illis testatus fuerat; ne humani quid patiantur; protinus ipsos ita instituit, ut & præterita, & futura ipsi Christo accepta referant. quomodo? non dixit, confido, quemadmodum cepistis, ita etiam perfecturos. sed quid? *qui coepit in uobis opus bonum, perficiet, neque ipsorum in recte facto aliquas fuisse partes negat.* Dixit enim. *Gaudeo super cōmunicatione uestra, nimirum, tanquam ipsi recte se gessissent: neque tamen ipsis duntaxat recte facta assignat sed principaliter Deo.* Confido enim, inquit, *quia, qui coepit in uobis opus bonum, perficiet usque in diem Iesu Christi.* id est Deus. Nec uerò solum de uobis inquit; sed etiam de iis, qui ex uobis orientur, hoc spero. Nam & hæc non exigua laus est; nempe Deum in aliquo operari. Etenim si ille personarum acceptator non est, quemadmodum certe non est, sed ad cuiusque propositum spectans nobis in uirtutis officiis obeundis opitulatur; satis constat nos ipsos esse, qui occasionem demus; cur ille nobis concilietur: quare hac etiam ratione illos laudem esse promeritos minimè negauit: cæteroqui si absolute ageret; nihil sanè impedimenti erat; quominus & Græci, & omnes omnino homines agerentur; si inquam nos perinde ac ligna, & lapides moueret, neque par-

Luc. 16.

De gratia,
et libero arbitrio.

tes etiam nostras desideraret. Quamobrem, cum inquit, *Deus perficiet* & hoc rursus ad illorum laudem pertinet; quippe qui Dei gratiam ita sibi conciliarint, ut ipsis cooperaretur ad naturę humanę conditionem exuperandam. Atque alia etiam ratione hac in re laus inest; nimirum, quod talia sint uestra recte facta; ut minime humana sint; sed diuino actu sit opus. Quod si Deus perficiet; nō maximus capiendus erit labor; sed confidere oportet, facile à nobis omnia præstitum iri; quippe qui ab illo adiuuemur. *Sicut est iustum me hoc sentire pro omnibus uobis, eò quod habeam uos in corde, & uinculis meis, & in defensione mea, & confirmatione Euangelij; quod omnes uos unà mecum participes estis gratia.* Magnam interea desiderii vim hoc loco ostendit; siquidem illos in corde habebat; atque in ipsomet carcere uinctus Philippē sūm recordabatur. non vulgaris uirorum laus, esse in memoria sancti huius. non enim illius dilectio ex inconsiderato quodā animi motu, sed iudicio, ac bene cogitata ratione existebat. Quamobrem diligi aliquem à Paulo adeò uehemēter, satis argumenti est, magnum esse illum, atq; admirabilem. *& in defensione, inquit, et confirmatione euangelij;* Et quid mirum, si in carcere illos in corde haberet? nam neq; illo tempore, inquit, quo ad tribunal accedebam dicturus causam, ex animo meo effluxistis. Tanta enim uolētia est amoris spiritualis; ut nulli cedat ille tempori, sed amantis animā perpetuò complectatur, nullaque calamitate, aut dolore uinci sinat. Etenim quemadmodum in fornace Babylonica, cum tātum esset excitatum incendium, ros tamē erat beatis illis pueris; ita etiam amicitia, ubi semel amantis, Deoque accepti hominis animam apprehendit; omnem extinguit flammā, roremque admirabilem spargit. *et confirmatione Euangelij inquit.* Ergo vincula erant confirmatio Euangelii: ergo erant defensio; ac iure quidem. Nam si uincula detrectasset; impostoris omnino speciem præbuisset. Nunc uerò omnia tolerans, & vincula, & calamitatem; planē demonstrat non se humanam aliquam ob causam hæc pati, sed propter Deum, qui mercedem reddere solitus est. Nemo enim fuerit, qui & mori, & tot adire pericula statuat; nemo

nemo qui tanti Imperatoris (Neronem dico) offensionem subeat; nisi alium multo maiorem Imperatorem intueretur. Erant igitur vincula confirmatio Euangelij. Vide quo modo, ut plenius, atque abundantius, quod vult obtineat, omnia in contrariam partem conuerterit. Quod enim infirmitatis, & criminis loco putabant; id confirmationem vocat; ut nisi id euenisset, infirmitate laboraturum fuerit. Deinde ostendit dilectionem non temerè, sed iudicio susceptam. unde? *Habeo uos, inquit, in uinculis meis, & in defensione; eò quòd unà mecum participes estis gratiæ* Quid hoc est? Hoc ipsum ne erat Apostoli gratia, vinciri, iactari, sexcentas ferre acerbitates? maxime. Nam [sufficit tibi, inquit, gratia mea. virtus enim mea in infirmitate perficitur; propter quod placeo mihi, inquit, in infirmitatibus, in contumeliis] Quando igitur video vos factis ipsis virtutem ostendere, atque huius gratiæ esse participes, idque alacriter; non immerito has coniecturas facio. Nam qui vos fuerim expertus, optimeque omnium vos, & vestra benefacta norim, qui vel tanto à nobis interuallo seiuncti, omnem contentionem adhibetis, ne in calamitatibus à nobis seiungamini, sed periculorum, quæ pro Euangelio subeunda sunt, participes sitis, & procul positi nihil minus me ipso habeatis, qui in certamina ipsa descendi; æquum planè est, ut hæc relinquam testata. Cur autem non dixit *participes* Sed *unà mecum participes*? Et ego ipse, inquit, alteri impertio; ut vnà fiam particeps Euangelij, idest bonorum, quæ pro Euangelio nos manent. Ac mirum profecto est, omnes illos ita affectos animo fuisse, ut à Paulo vocari possent sui participes. Ita enim, inquit, *quòd omnes uos unà mecum participes estis gratiæ*. Hæc igitur initia fidem mihi faciunt, vos vique ad finem tales fore. Vix enim fieri potest, ut principium adeò splendidum extinguatur, atque euanescat; sed magnos quoque, ac præclaros exitus præstat.

2. Cor. 12.



MORALIS DIGRESSIO.

De alendis
sanctis

VONTA M igitur alia quadam ratione licet ef-
 se participem gratiæ, & periculorum, & calami-
 tatum; obsecro ego uos, simus nos quoq; par-
 ticipes. Quā multi ex iis, qui hīc sunt, uellent?
 quinimō omnes uelletis participes esse Pauli in
 repositis illi bonis. Atqui licet, si uultis, facile istud asse-
 qui. quomodo? si iis, qui ministerium illius repræsentant,
 iis, qui pro Christo malè accipiuntur, uelitis subsidium ala-
 criter ferre, opitulari, manum porrigere. Vides periclitari
 fratrem? porrige manum. Vides præceptorem prælio appe-
 ritum? assiste. Atenim dicis; nemo est, qui Paulo cōparari
 queat. En subito animi elatio: subito iudicant. Neminem
 propè ad Paulū accedere, ego quoq; fateor. Verumtamen
 [qui recipit, inquit, Prophetam in nomine prophetæ, mer-
 cedem prophetę accipiet] Non enim PhilIPPenses ob eam
 causam admirabiles erant; quòd Paulum adiuuabant: non,
 inquam, ob eā causam; sed quoniā communicabant ei; qui
 Euangelii prædicationem susceperat. Propterea Paulus ho-
 norem promerebatur; quoniā hæc patiebatur pro Christo.
 Qualis Paulus, nemo quidē est; nemo qui ad beatum illum
 vel propè accedat. Euangeliiū verò, quod hodie prædicatur,
 idem est, atq; eo tempore erat. Nec verò tantū, dum in vin-
 culis erat, ei communicabant, sed etiam à principio. Audi
 enim ipsius verba. [Scitis autem, & uos PhilIPPetes, quòd
 in principio Euangelii nulla mihi Ecclesia cōmunicauit in
 ratione dati, & accepti, nisi uos soli] Ac sanè omissis etiā pe-
 riculis multas, & graues hēt molestias præceptor; uigilias,
 dicendi, ac docēdi laborē, repræhensiones, accusationes,
 querelas, obtreccionēs. Leuia hæc dic mihi? fexcētis se
 linguis exponere, cū liceret sua vnus curare? Heu quid mi-
 hi animi est. Duabus rebus interclusus, hæsito, atq; hæreo.
 Nam cum uos & admonere, & cohortari cupio, ut sanctos
 Dei foueatis, omniq; ope iuuetis; tum verò metuo, ne cui
 alia

Matth. 10.

Cap. 4.

alia quædam incidat suspicio; nimirum hanc mihi orationem non uestri, sed illorum causa esse susceptam. Verum scitote hæc à me non illorum, sed vestra ipsorum causa dici; idque, si mentem aduertere velitis, ipsæ uobis rationes persuadebunt. Non æquale est lucrum, quod uos reportatis, atque illi. Nam uos quidem si dederitis; ea dabit; quæ paulo post, velitis, nolitis, aliis resignaturi, & cōcessuri estis. At quæ accipitis; permagna sunt; longe, inquam, maiora. An nō hoc animo estis, accipere vos, cū datis? Ego verò, nī si hoc animo estis, ne detis quidē uelim; tantum abest, ut pro illis sermonem faciam. Nisi quis antea sibi persuaserit, accipere se magis, quàm dare, ingens lucrum facere, beneficio magis affici, quam afficere; ille uerò ne det; si ita putat, dare se beneficium accipienti; ne det. Non enim id mihi nunc magnopere curæ est; ut alantur sancti. Nam nisi tu dederis; alius dabit. Quamobrem quod uolo, hoc est; ut vos peccatis uestris lenem quandam medicinam faciatis. Qui verò hanc in dando rationem non tenet; medicinam non habebit. Non enim dare; sed alacrem dare, sed lætum, sed gratias habentem accipienti, hoc est eleemosynam facere. Inquit enim [Non ex tristitia, aut ex necessitate] & rursus [hilarem enim datorem diligit Deus] Non det igitur, qui hoc modo non dat. Iactura enim istud est, non eleemosyna. Quare si vobis hoc exploratum est, vos esse, qui questum facitis, non illos; exploratum quoque illud sit, maius etiam lucrum vobis accedere. Nam illis quidē corpus alitur; vobis autē splendet anima: illis, cum accipiunt, nullum remittitur peccatū; vobis vero multæ offensiones abolentur. communicemus igitur ipsis in laboribus, ac certaminibus; ut in magnis quoq; illis premiis aliquando communicemus. Non defuerunt; qui reges sibi adoptarent, atque in eo non magis se dare, quàm accipere putarent. Tu Christum tibi adopta, tuasque res in tuto collocabis. Vis & Paulo cōmunicare? nō veto. Ecquid dico Paulo; vbi Christus ipse est, qui accipit? Vt autem intelligatis, me nō aliorum recreationi studentē, sed vestra causa, hæc omnia & dicere, & facere; si quis est ex præfatis Ecclesiæ, qui vitā non inopem

2. Cor. 9.

Luc. 14.

Matt. 25.

3. re. 17.

Matt. 19.

Mar. 12.

In danda e-
leemofyna
nimis accu-
ratur dele-
ctum nō ad-
hibendum.

inopem agat, nullaque re egeat; etiam si sanctus sit, tamen nolo ei des; sed huic præpone illum, qui eget, quamuis nō adeo admirabilem. Quid ita? quoniam ipse etiam Christus hoc ita vult; idque illis uerbis indicat [Cum facis coenam, aut prandium, noli uocare amicos tuos, neque cognatos, sed debiles, claudos, & cecos] eos nimirum; qui tibi par pari referre non possunt. Non enim temerè sunt quilibet inuitandi, sed esurientes, sed sitientes, sed nudi, sed peregrini, sed ij, qui ex diuitiis ad inopiam sunt redacti: non enim absolute dixit, aluistis me, sed addidit, esurientem. [Esurientem, inquit, me uidistis, & dedistis mihi manducare] Quòd si quemuis esuriētem nutrire opus est; multò magis cum ad cibi necessitatem uiri sanctitas accesserit. Duplici enim nomine officium iustum est; quòd & in sanctum, & in esurientem confertur. Ergo si quis sanctus quidem fuerit, sed non egeat; nihil ei dato: non enim hoc lucrum est: non enim hoc Christus præcepit: quinimò ne sanctus quidē ille fuerit; qui cum abundet, accipit tamen. Vides non turpis lucri causa hæc à me esse dicta, sed vestrę utilitatis. Ale esurientem; ut ne alas gehennæ ignem: ille de tuis rebus comedēs, eam etiam partem, quę tibi relinquitur, sanctificat. Cogita, quō uidua Heliam aluerit, ac nō magis aluerit quàm alta sit; non magis dederit, quàm acceperit. Id nunc etiam sit, & multo amplius. Non .n. hydria farinæ, aut lecythus olei; sed quid? centuplū, & vita æterna huiusmodi officii proposita merces est. [misericordia Dei propria est: alimentum spirituale fias, fermentum mundum] Vidua erat illa; urgebat fames; & nihil horum impedimento illi fuit: habebat filios; neque hinc etiam se retardari fuit: æquauit illam, quæ misit duo minuta in gazophylacium: non secum ipsa dixit: Quæ mihi utilitas ab hoc expectanda est? ipse mei eget: Si quid virium haberet; non incidisset in famem; depulisset hanc siccitatem; nō itidem premere-tur malis. Eorsitā & ipse in Dei offensionem incurrit. Nihil horum cogitauit. Vides quantum boni sit adhibere simplicitatem in benefaciendo; nec nimis curiosè in eum inquirere, qui beneficium sit accepturus? profecto si omnia uoluisset

Iuisset nimia quadam diligentia expendere; multa illius animi diuerse traxissent; nec fidem habuisset. Ita & Abraam si curiose agere voluisset; angelos non suscepisset. Fieri enim minimè potest; fieri inquam nō potest, ut qui tam tenuem singulis quibusque rebus examinandis diligentiam adhibet, sancto homini aliquando benigne faciat; sed omnium maximè incidit in impostores. Et quo modo istud? ego dicam. Vir pius non hoc affectat, ut pius uideatur; neque hanc sibi personam vult imponere; etiam si futurum videat, ut despiciatui habeatur. Impostor autem, quippe qui rem hanc artis loco habet, eximie cuiusdā pietatis speciem artificio ad deprehendendum difficillimo præ se fert. Quamobrem fit, ut ille quidem, qui etiam iis, qui non videntur pii, benignè facit, in pios incadat: qui autem eos solos quærit, qui pii existimantur; incadat persèpè in impios. Obsecro igitur ego uos, omnia in simplicitate faciamus: Esto enim: qui ad nos accedit, sit impostor: non tamen iustus es hæc curiosè scrutari, [omni enim, inquit, à te petenti tribue.] & [qui trahuntur ad interitum, liberare ne cesses] quamuis multi eorum, qui necantur, in criminibus deprehensi ea poena mulctati fuerint; sed [ne cesses] inquit. Ita enim similes Deo, ita admirabiles erimus; & immortalia bona consequemur; quibus utinam digni efficiamur gratia, & benignitate &c.

Luc. 6.

Prouer. 24

S E R M O . S E C V N D V S .



ESTIS est mihi Deus; quomodo nos omnes cupiam in uisceribus Iesu Christi; & hoc oro, ut charitas uestra adhuc magis, ac magis abundet in scientia, & omni sensu; ut probetis potiora, ut sitis sinceri, & sine offensa in diem Christi repleti fructibus iustitiæ per Iesum Christum in gloriam, & laudem Dei. Non idcirco quod sibi fides non habeatur; testem citat Deum: sed ex animi affectu id facit; utq; illis hoc sit persuasissimum. Nam quoniam dixerat, eos sibi communicasse; ne ob hæc causam, idest ob ea, quæ mittebant, putarent se ab ipso desiderari, minimè verò, quod

C ipsi

ipsi per se amarentur; idcirco subiunxit *in visceribus Christi*. Quid hoc sibi vult? Idem ac si dixisset, secundum Christum, quoniam fideles estis; quoniam amatis Christum; propter dilectionem, quæ secundum Christum est: neque dixit dilectionem, sed, quod ardentius est, viscera Christi; perinde atque ita diceret, viscera eius, qui veluti pater vester effectus est per eam cognationem, quæ est secundum Christum. Hæc enim est, quæ nobis dat viscera, viscera calientia, & inflammata. Germanis enim seruis suis viscera largitur. In illis, inquit, visceribus amo vos; ac si dicat, visceribus non naturalibus, sed iis, quæ ardentiora sunt, nimirum, quæ Christi sunt. *Quomodo, inquit, nos omnes cupiam*: omnes desidero; quoniam & omnes tales estis: modum desiderii non possum consequi oratione: quando igitur verbis exprimi non potest; propterea Deo cognoscendum relinquo penetranti corda. Quod si illis assentiretur; minime Deum citasset testem. Non enim id tutum est. *Et hoc, inquit, oro, ut charitas uestra magis, ac magis abundet*: recte: insatiabile enim est bonum hoc. Vide, quomodo; cum adeo amaretur; adhuc magis amari cupiebat. Qui enim hoc modo amat; eum, quem amat, ita sibi respondere vult; ut nullo in amoris gradu consistere patiatur. Nullus enim est huius boni modus, idcircoque Paulus semper debere vult. [Nemini inquit, quicquam debeatis, nisi ut inuicem diligatis] Modus, & mensura charitatis est nusquam consistere. *Vt charitas uestra, inquit, adhuc magis, ac magis*. Attende verborum dispositionem. *Vt adhuc magis, inquit, ac magis abundet in scientia, et omni sensu*. Nō vniuersæ quamuis amicitiam, quamuis charitatem admiratur; sed eam, quæ ex scientia proficiscitur, id est ut nō erga omnes eandem charitatem adhibeatis. Id enim minime charitatis est, sed insulsiatit. Quid est *in scientia*? adhibito iudicio, cogitata ratione, delectu quodam, ac sensu. Non enim desunt; qui inconfusio, ac temerè ament: ex quo etiam fit, ut huiusmodi amicitia parum roboris habeant. *In scientia, inquit, et omni sensu, ut probetis potiora, διαφέρετα. 1. συμφέρετα. 1.* quæ utilia sunt; non mea, inquit, sed vestra ipsorum causa hæc

sa hæc dico . Periculum enim est ; ne quis ab hæreticorum amore corrumpatur . Hoc enim totum significat ; dum ita loquitur . Vide autem , quomodo istud iniicit . non mea , inquit , causa isthæc dico , sed *ut sitis sinceri* , idest ne spurium aliquod dogma prætextu charitatis admittatis . Quæres , quomodo igitur alibi dixit ? [si fieri potest , cum omnibus hominibus pacem habete] non tanè hoc docens , ita vobis amandum esse , vt ex amicitia damnum reporte- tis , (Nam si oculus tuus dexter scandalizat te , inquit , erue eum , & proice abste) sed illud faciendum esse ; vt sitis , quod quidem ad Deum pertinet *Sinceri* , quod verò ad homines , *sine offensa* . Multis enim sæpè amicitia nocent . Nam etsi tibi nihil nocet , inquit ; attamen alius interea offenditur . *in diem Christi* , idest , vt tunc reperiamini puri ; quippe qui nemini scandalo fueritis *repleti fructibus iustitiæ* , per *Iesum Christum* , in gloriam , & laudem Dei id est vnà cum dogmatis vitam quoque rectam habentes : nec quomodocunque rectam esse satis est , & confertam fructibus iustitiæ (est enim quædam iustitia , quæ non secundum Christum est , vt vita illa , quæ virtutè quoquomodo colit) sed per *Iesum Christum* in gloriam , & laudem Dei . Vides non me gloriam meam curare , sed gloriam Dei . Sæpè autem eleemosynam iustitiæ nomine appellat . Ne , inquit , officiat vobis charitas , quominus cognoscatis , quæ in rem vestram sunt ; nec quoniam hunc , vel illum amas , propterea collabaris . Cupio quidem vestram crescere charitatem : sed non adeò , vt inde damnum feratis : nec quauis præcepta semel opinione vos moueri velim ; sed cum perpenderitis , vtrum quæ dicimus , rectè se habeant ; neque dixit , vt mea præconatis , sed *ut probetis* ; neque peripicuè dixit ; ne cum isto vel illo familiariter versimini ; sed velim charitas vobis ad vtilitatem proficiat ; minime verò perinde affecti sitis , ac si sensu careatis . Res enim stultitiæ plenissima est , iustitiam operari aliam ob causam , quàm propter Christum , & per ipsum . Ecce rursus illam loquendi formulam , per ipsum . Num igitur vltus est Deo , tanquam famulo , qui inferiorem in operando locum teneat ?

C 2 absit.

Rom. 12.

Matt. 5.

Vide notationes.

Vide notationes.

ablit. Inquit igitur, non ut ego lauder, ita loquutus sum; sed ut glorificetur Deus. Scire autem uos uolo fratres, quia, quæ circa me sunt, magis ad profectum uenerunt Euangelij; ita ut uincula mea manifesta fierent in Christo in omni pratorio, & in cæteris omnibus. Verisimile erat illos, cum eum in uinculis esse audissent, dolere; putareque obstructam esse viam prædicationi. Quid igitur facit? statim hanc suspensionem tollit; atque ita inquit. Ea, quæ mihi euenerunt, in Euangelij progressum redundarunt. Est autem & hoc amatis, suas illis res patefacere; ut pote quibus curæ sint. Quid ais? in uinculis es; impeditus es: ecquo igitur modo euangelium ipsum progressus facit? ita ut uincula mea, inquit, manifesta fierent, quæ sunt in Christo, in omni pratorio; idque non modò aliis silentium non imposuit, neque timorem incussit; sed etiam hoc ipso fidentiores sunt facti. Quod si illi, qui in mediis periculis versantur, non solum nihil damni tulerunt, sed etiam plus animi, ac fidentia sumpserunt; multo magis vos fidatis oportet. Nam si ille quidem, qui uinctus est, id miseriae loco tulisset, ac tacuisset; consentaneum erat, illos quoque eodem modo affici. Nunc verò cum is, qui est in uinculis, liberius, & fidentius agit; longè magis animum illis addit, quàm si uinctus non esset. Sed quomodo uincula ad progressum Euangelij fecerunt? Hoc, inquit, gubernauit Deus; ut ne laterent mea uincula; uincula, inquam, quæ in Christo, quæ per Christum, in omni pratorio. Tunc enim hoc nomine regias appellabant: neque verò solum, inquit, in prætorio, sed etiam in uniuersa ciuitate. Et plures è fratribus in Domino confidentes in uinculis meis abundantius audent sine timore uerbum loqui. His uerbis ostendit & antea fidenter illos egisse, ac libet è differuisse, sed nunc multò magis. Ergo si alii propter mea uincula fidenter agunt; multo magis ego. Si aliis fidentia causa sum; multo magis mihi ipsi; & plures è fratribus in domino. Quoniam magnum dictu erat, mea illis uincula animum addidisse; propterea occupans dixit, in domino. Vides necessitate etiam ipsi imposita magnificè de se loquendi, quàm tamen modestia non obliuiscatur? abundantius audent, inquit, sine timore uerbum loqui, dum inquit, abundantius; satis indicat, illos iam pri-


iam pridem cepisse: *quidam quidem propter inuidiam, & contentio-*
nem, quidam uerò & propter bonam uoluntatem Christum prædicant.
Operæ præcium fuerit cognoscere, quid hoc sit. Cum in
vinculis detineretur Paulus; multi ex infidelibus cupien-
tes acre bellum ab Imperatore aduersus illum excitare; ipsi
quoque Christum prædicabant; ut Imperatoris ira vehe-
mentior fieret, disseminari Euangelium animaduertentis;
& in Pauli caput, quicquid ille furoris concepisset, recide-
ret. Itaque duæ agendi rationes ex vinculis meis, tanquam
ex causa extiterunt. Aliis enim illa multū animi addiderūt;
alios uerò in spem perniciēi meę adducendo ad prædican-
dum Christum inuitarunt. *quidam quidem propter inuidiam: id est*
meæ inuidentes gloriæ, & præclaris initus, meq; perditum
cupientes, mecumq; pugnātes, adiuuant, ac prouehunt
actiones meas; vel ipsi quoque honoris cupiditate ducti, ac
putantes fore, ut aliquid de mea gloria decerpāt. quidam ue-
rò, & propter bonam uoluntatem: id est sine simulatione, penitus
que ex animo: quidam quidem ex contentione Christum annunciant
non syncerè. id est non purè, atque integrè, non propter rem
ipsam; sed cur? existimantes pressuram suscitare uinculis meis: exi-
stimantes enim ita mihi maius periculum creari, dolorem
dolore cumulant. ò ciuē itatem, ò diabolicum impetum.
Vinctum cernebant, coniectumq; in carcerem; & adhuc
inuidebant; augere ipsius calamitates, vehementiorique
iræ obnoxium reddere cupiebant. Ac recte dixit, *Existiman-*
tes: non enim id illis ex sententia successit. Nam illi quidem
hac re putabant dolorem mihi afferre; ego uerò Euange-
lii progressu lætabar. Ita interdum est, cum opus bonum
non ex bono proposito sit; nec modo nulla illi merces est
proposita; sed supplicium manet. Nam quoniam ideo Chri-
stum prædicabant, quòd Christi prædicatorem in maiora
pericula coniectum uellent; nō modò nullam capient mer-
cedem, sed etiam supplicio erunt obnoxii, ac poenas da-
bunt. quidam uerò ex charitate, scientes, quoniam in defensionem
Euangelij positus sum, id est hoc præstantes, ut ne mihi in ratio-
nibus Deo reddēdis valdè laborandum sit, & quiddam mi-
hi subsidii ad defensionem afferentes. Horum verborum
hæc

hæc sententia est. Iussus sum prædicare; rationes mihi reddendæ sunt, ac defensio comparanda pro imposito mihi officio; igitur, ut mea defensio sit facilior, adiumento mihi sunt. Etenim si multi inuenti fuerint, qui catechesim acceperint, & crediderint, facilis mihi defensio erit. *Quid enim? dum omni modo siue per occasionē, siue per ueritatem Christus adnūtiatur.* Videte viri philosophiā. Non in illos vehementer inuectus est; sed factū ipsum narrauit. Quid enim mea, inquit, interest; utrum hoc, an illo modo? dum nihilominus, siue occasione, siue ueritate Christus interea annuncietur? Non dixit, adnunciator, quasi legem ferens; sed primum quidem euentum ipsum narrauit: Deinde etiam si legem ferens hoc dixisset; non propterea hæresibus aditum patefecisset. Rem enim ipsam, si libet, expendamus. Intellegemus profecto, etiam si ad eum modum prædicare iussisset, quemadmodum illi prædicabant; non tamen hac ratione hæresi locum dari. quomodo? quoniam illi sanam quidem doctrinam prædicabant; propositum verò, ac mens, qua id faciebant, ita corrupta erat, ut non tamen doctrina prædicata variaretur: Sed ut eodem modo prædicarent, magna illis imposita necessitas erat. Quapropter? quoniam, si aliter prædicassent, ac Paulus; si aliter docuissent, atque ille; profecto Imperatoris iram non auxissent. Nunc verò hoc ipso, quòd illius prædicationem dilatabant, atque eadem docebant, & similes sibi, atque ille, discipulos comparabant; Imperatorem ad bellum suscipiendum irritare potuerant, tanta discipulorum multitudine prodeunte in conspectum. Sed importunus quispiam, & stolidus hunc locum reprehendens ita dicet: imo verò illi contrariam rationem sequuti essent, si Paulum ledere uoluissent: non enim fidelium numerum auxissent; sed eos potius, qui iam crediderunt, abegissent. Quid igitur nos respondebimus? Hoc vnum illos spectasse, ut Paulum præsentibus periculis circumcingeret, ut ne illū dimitti sinerent; atq; hac ratione putabant maiorem se illi dolore allaturos, atq; Euāgelium extincturos, quàm si illos abegissent; aliter enim faciēdo & Imperatoris iram sedassent, & Paulum

Non esse
aditum dan-
dum hære-
sum disse-
minationi.

Pau'um exire, ac rursus prædicare fuissent. Hoc autem modo totam se rem euertere existimabant; cum ipsum, inquam, de medio substulissent. Neque vero multi huc penetrabant, sed amari quidam homines, & improbi. Deinde *et in hoc, inquit, gaudeo, sed et gaudebo.* Quid hoc est *sed et gaudebo?* etiam si, inquit, magis, ac magis id agant. Nam vel inuiti actiones meas adiuuant; & laborum, quos in hac re impendunt, ipsi quidem poenam, ego verò, qui eò nihil confero, mercedem feram. Est ne quicquam diabolo scelestius hoc agente, vt Euangelii suscepcio iis, quibus suscipere pertuaierit, supplicium conciliet? Vide enim quantis malis vndique suos perfodiat. Poenam istis, & supplicium ex ipsamet prædicatione, & laboribus in ea susceptis fabricatur. Ecquis nam alius inimicus, atque hostis, quicquid ad illorum salutem faceret, adeò contaminasset? Intelligis nihil eum posse, qui aduersus veritatem bellum gerit; sed potius seipsum vulnerare, quemadmodum qui aduersus stimulum calcitratur. Scio enim, inquit, quia hoc mihi proueniet ad salutem per uestram orationem, & subministrationem spiritus Iesu Christi.

M O R A L I S D I G R E S S I O .



N I H I L diabolo scelestius. Ita ubiq; infructuosis laboribus suos obruit, ac dilaniat; nec solum premiorum compotes esse minime finit, sed etiam supplicio nouit obnoxios facere. nō enim solum prædicationem, sed etiam eiusmodi ieiunia, ac uirginitatem ipsis iniungit, quæ non modo premii sit illos priuatura, verum etiam magnam calamitatem iis, qui ipsam amplexi fuerint, inuectura. De quibus & alibi inquit [cauteriatā habentes suam conscientiam.] Quamobrem hortor, pro omnibus gratias agamus Deo, qui nobis & labores leues fecit, & mercedes auxit. Quas enim mercedes apud nos ii consequuntur, qui caste vtuntur matrimonio; eas apud istos ne illi quidem, qui uirginitatem

*Imperia
Diaboli durissima esse; præcepta Christi facilia.*

1. Tim. 4.

tatem seruant, assequi possunt. Sed qui apud hereticos virginitatem colunt; eandem, ac fornicatores, poenam subeunt. Vnde? quòd nihil bono consilio, ac proposito faciunt; sed vt creaturas Dei, immensamque illius sapientiam criminantur. Igitur ne torpeamus negligentia: moderata nobis certamina Deus iniunxit, nullius ferè laboris plena. Nec tamen propterea despiciamus. Nam si hæretici inutilibus laboribus seipsos miserè affligant; quæ nobis excusatio reliqua erit; si neque tanto minores, quibusque maxima est proposita merces, subire voluerimus? Ecquod enim Christi præceptorum graue? ecquod valde molestum est? non potes in virginitate degere? licet tibi matrimonio iungi: non potes tuis te rebus omnibus priuare: licet tibi ex bonis tuis alteri suppeditare [vestra, inquit, abundantia illorum inopiam suppleat.] Nam ista quidem valde graua videri possint, pecunias pro nihilo habere, & corporea cupiditate superiorem esse. Alia verò, vt præstes; nullo sumptu, nulla violentia opus est. Quam enim tibi vim afferas oportet; vt ne maledicas, nec crimineris temere? ne cæterorum bonis inuideas? ne ambitione capiaris? Tormentis subiici, nec de gradu deiici patientiæ est; in exercitatione philosophica se continere, patientiæ est; paupertatem ferre; cum fame, ac siti luctari patientiæ est. At vbi nihil horum præstare cogeris; sed licet tibi bonis tuis, quatenus Christianum decet, fruuentem, alienis non inuidere; quam adhibeas violentiam oportet? Certe inuidia aliunde non existit; quàm quòd ex præsentibus rebus pendemus; imò verò neque aliunde omnia mala. Nam si pecuniam, & gloriam mundi huius pro nihilo putes; neutiquam iis, quibus suppetunt, inuidebis. Sed quoniam istis inhias, ista admiraris, ac stupes; idcirco inuidiæ, idcirco inanis gloriæ stimulis agitaris; ac denique omnia hinc proficiscuntur; ex admiratione, inquam, vitæ præsentis, rerumque ad illam pertinentium. Inuides illi; quem vides ditescere? At ille misericordia potius, ac lachrymis dignus est. Sed continuo cum risu inquis; ego lachrymis dignus, non ille. Profectò lachrymis dignus & tu; non ideo quòd pauper es; sed quoniam

2. Cor. 8.

Ex amore
rerum præ-
sētium oīa
mala exi-
sunt.

Diues nō in-
uidia, sed
misericor-
diā dignus
est.

quoniam te ipsum miserum ducis. Eos enim, quibus nihil mali adest, ac tamen ægro animo sunt, lachrymis prosequimur; non quòd malè habent; sed quòd, cum minime malè habeant, habere se putant. Etenim dic mihi, si quis à febre liber mēreat, valensque decumbat, atque in lectulo circumferatur; non ne iste lachrymis dignior, quàm febris laborantes? Tu quoque lachrymis dignus; propterea quòd te ipsum miserabilem ducis; minime verò propter paupertatem: nam paupertas ipsa vel beatissimum te faceret. Quid est, quòd inuideas diuiti? quòd seipsum pluribus curis subiecit? quòd difficiliori seruituti? quòd sexcentis catenis, veluti canis quispiam, suis pecuniis illigatus est? Aduenit vesper; successit nox; huic verò solatii, ac requietis tempus fit tumultus, tristitiæ, moeroris, solitudinis tempus. Increpuit quid? continuò proripit se. A latronibus spoliatus est quispiam? qui nullum damnum fecit; maiore torquetur solitudine, quàm ille, qui fecit. Nam ille quidem semel perdidit, ac dolorem accepit; deinde verò curam deposuit; hic vero perpetuò secum illam gerit. Aduenit nox, portus malorum nostrorum, nostrarum calamitatum solatium, vulnerum medicamentum. Nam & illi, qui in luctu aliquo sunt, amicis quidem, & cognatis, & familiaribus, ac sæpe etiam patribus consolationem afferentibus non obtemperarunt, neque morem gesserunt; sed illo ipso sermone ad iracundiam sunt prouocati; somno autem requietem indicente, ne oculos quidem contra attollere valuerunt. Nullus enim estus est; qui æquè atque acerbitas doloris, animas nostras cruciet. Quemadmodum igitur corpus valde estuans, & sub feruentioribus radiis fatiscens, diuersorio quasi cuidam multis irriguo fontibus, & ex leui aura solatium afferenti commendare solemus; ita nox somno commendat animam nostram; vel potius neque nox, neque somnus hoc præstat; sed omnia hæc à Deo profecta sunt; qui miseram humani generis conditionem nouit. Verum nos nulla nostri misericordia tangimur; sed perinde, ac nobis ipsis inimicissimus, tyrannidem naturali necessitate, & solatio superio-

D rem

*Eccl. 31.
ubi vulga-
ta habet, vi-
gilia hone-
statis tabe-
faciet car-
nes, & co-
gitatus il-
lius aufert
somnum.*

*Diuitiæ nō
sunt bona,
sed indiffe-
rentia.
Lu. 6.*

rem nobis comparauimus; vigilias, inquam; quæ ex diuitiis existunt. [Diuitiarum enim, inquit, cura aufert somnum.] Ac vide quanta sit Dei prouidentia. Solatium, & quietem hanc non proposito consilioque commisit; non somni vsum electionis nostræ esse voluit; sed naturalis necessitatis vinculis adstrinxit; vt vel inuiti beneficium accipiamus. Dormire enim naturæ est. Nos autem quasi nos ipsos valde oderimus, quasi non nos, sed alienos bello persequamur, ac vexemus; hac ipsa naturali necessitate maiorem nobis tyrannidem imposuimus, illam nimirum, quæ ex pecuniis est. Dies illuxit; atque hic sibi metuit à sycophantis: nox successit; timet latrones: imminet mors: non tantum ex ipsa morte doloris capit; quàm quòd sua in aliorum manus deuenient: puerulum habet? tunc verò tanto maior cupiditas; tunc se pauperem putat: non habet? egritudine conficitur. Hunc igitur beatum iudicas; ad quem nullo ex loco affluere potest voluptas? huic fluctibus iactato inuides; cum tu in tranquillo portu, paupertate, inquam, conquiescas? Verè & hæc infirmitas est naturæ humanæ, bona generosè non ferre, sed ea, vnde nobis benè est, contumeliis incessere. Atque hæc quidem in hoc mundo. Verum cum illuc abierimus; audi, quid dicat diues ille innumerabilium bonorum dominus, quemadmodum quidem tu dicis: neque enim ego equidem bona dixerim, sed indifferentia. Hic igitur innumerabilium bonorum dominus, audi quid dicat, & cuius rei necessitate laboret [pater, inquit, Abraham mitte Lazarum, vt intingat extremum digiti sui in aquam, & refrigeret linguam meam; quoniam crucior in hac flamma] Nam tametsi diues iste nihil eorum malorum, quæ supra commemorabam, perpeffus esset; tametsi omnem vitam sollicitudine, & cura liber placidissimè egisset; quamquam, quid dico, omnem vitam egisset? vnicum illud momentum (momentum enim est; vt vnicum, inquit, momentum est omnis nostra vita, si cum illo infinito seculo conferatur) tametsi igitur omnia illi ex sententia fluxissent; nonne ex his ipsis verbis, vel potius ex his ipsis rebus miserabilis est? An non vino tua vndique mensa redun-
bat?

bat? nunc verò ne guttam quidem aquæ in potestate habes, nunc cum maxime eges. An non pauperem illum viceribus deformatum despiciebas? nunc verò postulas; vt ipsum possis aspicere; ac nemo permittit. Ad fores tuas iacebat; nunc verò in sinu Abrahæ conquiescit. Tu sub amplis laquearibus cubabas; nunc verò in igne geennæ. Audiant hæc diuites, vel potius non diuites sed inhumani, & qui nullo misericordiæ sensu tanguntur. Non enim idcirco ille puniebatur; quoniam diues erat: sed quoniam misertus non est. Licet enim diuiti, dummodo misericordia se duci sinat, cuiusvis boni esse compoti. Ac sanè ob hanc causam neminem iste alium vidit, quàm illum pauloante ipsius egentem; vt hinc in memoriam rediens factorum suorum, intelligeret iustè se huiusmodi poenis affici. An fortasse deerant sexcenti alii pauperes iusti? sed, qui ad fores ipsius iacebat, is illi se spectandum præbet, vnà erudiens ipsum, ac nos; quantum boni sit pecuniis non confidere. Nihil illi paupertas obfuit ad regnum consequendum; nihil huic diuitiæ profuerunt ad vitandam geennam. Quousque pauperes? quousque mendici? Non est, non est pauper ille; qui nihil habet; sed qui multa cupit: non est diues, qui multa possidet; sed qui nullius eget rei. Quid enim prodest vniuersum quidem terrarum orbem possidere, nihilo verò iucundius iis viuere, qui nihil habent? Electiones ipsæ & vitæ instituta sunt; quæ diuites, & pauperes faciunt; non pecuniarum abundantia, aut inopia. Vis tuò pauper ditescere? si velis; licet tibi: nemo est, qui prohibeat: contemne mundi pecunias: pro nihilo illas habe; quemadmodum reuera nihil sunt; abiice diuitiarum cupiditatem: & factus es diues. Qui ditari non vult; hic est, qui ditatur. Qui minime vult in paupertatem incidere; is incidit. Nam quemadmodum is verè egrotat, qui etiam in sanitate languet, seque affligat, non ille, qui morbum nihilo difficilius fert, quàm integram sanitatem; ita etiam pauper est, qui paupertatem ferre non potest, atque vndique affluentibus diuitiis se præ omni-

bus pauperibus pauperem putat; non ille, qui paupertatem facillimè ferens hilarius vivit, quàm diuites. Hic enim longè ditior est. Dic enim mihi, cur paupertatem times? cur tremis? non ne propter famis periculum, non ne propter periculum sitis, & frigoris? non ne ob alias huiusmodi causas? At nemo, nemo, inquam, est; cui his de causis desperandum aliquando fuerit. [Respicite enim in antiquas generationes, & videte. Quis credidit Deo, & derelictus est; vel quis speravit in ipso, & confusus est?] & rursus. [Respicite volatilia coeli, quæ non ferunt, neque metunt, neque congregant in horrea; & pater vester coelestis pascit illa]. Non cito quisquàm nobis quempiam protulerit; qui fame aut frigore perierit: Quid igitur cauere est, quamobrem paupertatem timeas? nihil habes, quod respondeas. Nam si necessaria tibi suppetunt; cur denique illam times? quòd non tibi adest famulorum multitudo? id verò nihil aliud est, quàm à dominis esse liberum; quàm perpetua quædam beatitudo; quàm curarum vacuitas, & libertas. An quòd vasa, lectos, suppellectilem non habes ex argento fabrefacta? Ecquid plus habet, quàm tu, quod ad fruendum pertinet, is, cui ista suppetunt? nihil. Vñs enim idem est, siue ex hac, siue ex illa materia constent. An quòd multis non es terrori? Absit, vt id tibi vnquàm in mentem veniat? Quæ enim voluptas, esse, qui te metuant, ac formident? An quòd alios formidas? at licet non formidare [Vis enim inquit, non timere potestatem? bonum fac, & habebis laudem ex illa]. Atenim dicis; facile contemnimur, facile malis afficimur: quinimo id potissimum facit improbitas, non paupertas. Etenim cum multi pauperes vitā agant sine molestia; non defuerunt principes abundantes diuitiis, ac dynastæ; qui quouis facinoroso, & latrone, & sacrilego deterius multati discesserunt. Quod enim in te paupertas; id in illo diuitiæ faciunt. Nam qui malefacere volunt; quemadmodum tibi ex contemptu; ita diuiti ex inuidia, & liuore malefaciunt; atque hi magis, quàm illi: Hi enim validiore impetu ad malefaciendum impelluntur. Etenim qui inuidet; omnem animi vim & fa-

*Eccl. 2.
ubi vulga-
ta [respici-
te filij na-
tiones ho-
minū etc.]
Matt. 6.*

Ro. 13.

& facultatem in agendo adhibet. At qui contemnit; sapē etiam illius, quem contemnit, miseretur; atque hoc ipsum causa illi salutis fuit, pauperem, inquam, esse; nihil habere virium. Ita enim aduersus eum, qui pauperi imminet, dicere soliti sumus; magnum verò quiddam effeceris; si hunc sustuleris; si pauperem vnum interfeceris; en quanta, & quàm ampla consequeris præmia; atque his verbis furorem illius cohibemus. At aduersus diuites inuidia ita insurgit; vt non ante desinat, quàm quod vult, effecerit, suumque venenum euomuerit. Vides non in paupertate, aut diuitiis sitam esse boni naturam, sed in nostra electione. Hanc igitur componamus; doceamusque philosophari. Si hæc bene se habuerit; neque diuitiæ nos excludere à regno poterūt; nec quicquam nobis adimet paupertas; sed ex quo ipsam feremus animo, nullum ex ea detrimentum aut ad futura bona consequenda, aut in hac vita reportantes: quinimo & his fruemur, & coelestibus illis potiemur bonis; quibus vtinam digni efficiamur gratia, & benignitate domini nostri Iesu Christi, cum quo Patri &c.

S E R M O T E R T I V S.



*E*st in hoc gaudeo, sed & gaudebo. Scio enim, quia hoc mihi proueniet ad salutem per uestram orationem, & subministrationem Spiritus Iesu Christi secundum expectationem, & spem meam; quia in nullo confundar, sed in omni fiducia, sicut semper, & nunc magnificabitur Christus in corpore meo siue per uitam, siue per mortem. Magnam & philosophicam animam nihil, quod in hac vita molestè accadat, lædere potest; non inimiciæ, non accusationes, non calumniæ, non pericula, non insidiæ. Nam, perinde atque in excelsum quoddam montis cacumen se receperit; nihil ad illam ex iis, quæ de inferiore loco, de terra, inquam, iaciuntur, peruenire potest. Talis erat Pauli anima: quouis fastigio altiorem locum prehenderat, locum philoso-

*Ethnici nō
habent ue-
ram philo-
sophiam.*

philosophiæ spiritualis, verè philosophiæ. Nam ea, in quibus ethnici versantur, verba tantummodo sunt, & puerorum lus. Verum de his nunc nobis sermo non est; sed de Pauli rebus verba facimus. Beatus quidem ille & Imperatorem hostiliter sibi aduersantem habebat, & alios præterea inimicos; qui variis, & acerbissimæ calumniæ plenis modis ipsum vexabant. Et quid ait? non modo propterea non doleo, neque animo concido; sed etiam gaudeo, & gaudebo: non ad tempus, inquit, sed semper de his gaudebo. *Scio enim, quia hoc mihi proueniet ad salutem, nimirum eam, quæ futura est.* Et quomodo non proueniat; quando & inimicitie, & Zelus aduersum me susceptus Euangelicæ prædicationi adiumento est? *Per uestram orationem, inquit, & subministrationem spiritus Iesu Christi secundum expectationem & spem meam.* Vide beati huius humilitatem: in certaminibus laborarat: innumerabilia erant ipsius benefacta; iam iamque coronam ipsam tenebat: Paulus enim erat: Nam quid maius dici potest? ac tamen Philippensibus ad hunc modum scribit, per uestram orationem possum salutem consequi: ille inquam, cui sexcenta benefacta salutem compararant. *Et subministrationem, inquit, spiritus Iesu Christi id est si per uestras preces dignatus fuero gratia.* Venim ista *subministrationem* hoc significat, si subministretur, si mihi plus spiritus tributum fuerit. Illa autem *ad salutem* hoc valet, ad hoc, vt liberer, & ex præsentis periculo perinde, atque ex primo eripiar. De primo enim dixit [in prima mea defensione nemo mihi adfuit; non illis imputetur: Dominus autem mihi adstitit, & confortauit me] Hoc igitur & nunc propheticè prædicit: *per uestram orationem, & subministrationem spiritus Iesu Christi secundum expectationem, & spem meam.* Ita enim, inquit, spero; Nam, vt nos doceat, non ita totum committere precibus, quæ pro nobis funduntur, vt nihil ipsi afferamus; Vide quomodo exponat, quid ipse attulerit; nimirum spem omnium bonorum causam; quemadmodum propheta inquit [Fiat misericordia tua domine super nos, quemadmodum sperauimus in te] quemadmo-

2. Tim. 4.

Ps. 32.

admodum & alibi alius [respicite in antiquas generatio- *Eccl. 2.*
 nes , & videte : quis speravit in domino , & confusus
 est?] & rursus beatus hic inquit [spes autem non con- *Ro. 5.*
 fundit] *secundum expectationem* , inquit , *& spem meam* , quia
in nullo confundar Hæc est Pauli spes ; sperare nusquam se
 confusum iri . Vides quantum valeat sperare in Deo .
 Quicquid , inquit , eveniat ; non confundar ; idest non
 hi me superabunt . *Sed in omni fiducia sicut semper , & nunc*
magnificabitur Christus in corpore meo . Sperabant illi dolo suo
 veluti laqueo quodam hoc se efficere posse ; vt Paulum
 quidem e medio tollerent , prædicationem verò extin-
 guerent . Id igitur nunc futurum negat ; non nunc ,
 inquit , moriar , *sed sicut semper , & nunc magnificabitur Chri-*
stus in corpore meo . Quomodo ? sæpè in pericula incidi ;
 in quibus de nobis non modo alii , sed nos ipsi despe-
 rabamus ([ipsi enim , inquit , in nobismetipsis respon- *2. Cor. 1.*
 sum mortis habuimus]) ac tamen ex omnibus nos eri-
 puit Deus ; ita & nunc magnificabitur in corpore meo .
 Verùm ne quis ita cogitet , ac dicat ; quid si tu obie-
 ris ; non magnificabitur ? probè , inquit , novi ; atque
 ideo non dixi , per solam vitam magnificari dominum ;
 sed addidi etiam , per mortem . Sed interea inquit ;
 per vitam . non enim me tollent ; quòd si tollant ; ni-
 hilominus ita etiam magnificabitur Christus . Quomo-
 do ? per vitam quidem ; quoniam me eripuit ; per mor-
 tem verò ; quoniam neque mors , vt illum negarem ,
 mihi persuasit ; quoniam ille tantum mihi lacrimarum lar-
 gitus est , meque morte superiorem fecit : ibi quidem ,
 quoniam me à periculis liberauit ; hinc verò , quoniam
 mihi me à mortis tyrannide metuere non finit . Ita per
 vitam , & mortem magnificabitur . Hæc verò , inquit ,
 non quòd mortem esset obiturus ; sed ne illi , vbi mor-
 tem obierit , humana quadam perturbatione tententur .
 Etenim ne putarent tanquàm obiturum hæc dixisse ,
 quod magna illos egritudine affecisset ; vide quomodo
 adhibeat consolationem , talibus propè verbis usus .

Hæc

C. I.

Hęc autem loquor, non quasi mihi moriendum sit: propterea & in progressu illa adiungit [& hoc confidens scio, quia manebo, & permanebo omnibus vobis] *quia in nullo, inquit, confundar*, id est nullam mihi ignominiam, sed magnum lucrum afferet mors. perinde ac si diceret; immortalis quidem minimè sum; sed clarior ero, quàm si immortalis etiam essem. Non enim par laus est; si immortalis mortem contemnat, ac si mortalis. Quamobrem etsi moriendum nunc mihi esset; nullum hinc subirem dedecus, verūtamen non moriar: *in nullo confundar*, neque si viuam, neque si moriar: vtrumque enim generosè feram: siue viuendum, siue moriendum sit, honestatem tueri hoc christianę animę est. *Sed in omni, inquit, fiducia*: vides quomodo non confundar? Nam si quidem mortis timor meam mihi ademisset fidentiam; pudendum sanè fuisset mori. Nunc verò, cum illa impendens me nihil terruit; nullum profecto in ea dedecus esset. Sed siue viuam, ex vita non confundar (Prædico enim Euangelii prædicationem) siue moriar, ex morte non confundar: non enim coerces me timor: eandem enim fidentiam, atque animi libertatem præ me fero. Neque enim, quòd vinculorum mentionem feci; rem istam turpem putetis. Tantorum mihi bonorum efficientia fuerunt; vt cæteris etiam animum addiderint, quo confidant. Non enim vinctum esse pro Christo, sed vinculorum metu prode quippiam eorum, quæ ad Christum pertinent, id turpe est. Quandiu istud minimè accidet; firmiorem potius, atque audentio rem animum vincula faciunt. Non, quoniam sæpe ex periculis euasi (atque inde est, cur aduersus infideles glorier;) si quid simile accidat; iam vos confundi, atque ignominia notari existimetis. Nam & hoc etiam non minus vobis libertatis, ac fidentię præbet, quàm illud. Vide, quomodo sub persona sua hanc rem pertractet: quod & sæpe alibi facit: quemadmodum erga Romanos. [Non enim erubescō Euangelium] quemadmodum erga Corinthios [hæc autem transfigurauī in me, & Apollo] *siue per uitam, siue per mortem*. Non hoc veluti ignorans dicit: nouerat enim minimè tunc sibi moriendum esse, sed in sequenti

C. I.

1. Cor. 4.

quenti tempore. Attamen iam ipſorum animam præparat. *Mihi enim, inquit, uiuere Chriſtus, & mori lucrum.* Nam & moriendo, inquit, non moriar, vitam habens in me ipſo. Tunc me ſuſtuliffent; ſi per metum potuiſſent ex anima mea fidem exturbare. Quandiu vero Chriſtus mecum fuerit; etiam ſi mors ingruerit, viuam. Atque in hac etiam vita, non hoc mihi viuere eſt, ſed Chriſtus. Quòd ſi dum hęc uiuo; non hoc mihi viuere; quid in altero ſeculo futurum eſt? [Quod verò nunc, inquit, in carne uiuo, in fide uiuo.] *Gal. 2.* Hoc & ibi dicit. [Viuo autem iam non ego, uiuit verò in me Chriſtus] Talem oportet Chriſtianum eſſe: non uiuo, inquit, communem vitam. Quomodo igitur uiuis beate Paule? non ſolem aſpicias? non communem aerem reſpirando ducis? non iisdem, atque omnes, alimentis nutris? non terram, quemadmodum nos facimus, calcas? non ſomni eges? non veſtium? non calceorum? Quid inquis, non uiuo? Quomodo non uiuis? quid ſibi vult iſte verborum tumor? Non ſunt hæc tumoris, & oſtentationis. Etenim, niſi res ipſæ teſtimonium darent, merito illa quiſpiam tumori, ac vanitati adſcriberet. Nunc verò cum res ipſæ teſtimonium dant; quam oſtentationis ſpeciem habebunt? Diſcamus igitur, quomodo non uiuat. Nam & alibi, inquit, [ego crucifixus ſum mundo, & mihi mundus] *Gal. 6.* Quomodo igitur dicit [non iam ego uiuo] & quomodo rurius *mibi uiuere Chriſtus*? Audiatis. Vitæ nomen multiplex eſt, dilecti; ideſt multa ſignificat: quemadmodum mortis etiam nomen. Eſt vita hęc corporis; eſt etiam vita quædam ipſius peccati: quemadmodum Paulus alibi dicit [ſi enim mortui ſumus peccato; quomodo adhuc uiuemus in illo?] *Ro. 6.* Eſt igitur viuere peccati vitam: attendite obſecro diligenter, ne fruſtra laboremus. Eſt vita æterna & immortalis; quæ etiam coeleſtis eſt [noſtra enim, inquit, conuerſatio in coelis eſt] *Phil. 3.* Eſt etiam vita corporis, de qua dicit [per ipſum uiuimus; & mouemur, & ſumus] *Act. 17.* Non igitur negat naturalem ſe vitam viuere; ſed eam, quæ peccatorum eſt, quam viuunt omnes homines. Et merito quidem negat. Nam qui præſentis vitæ cupidus non eſt;

E quomo-

Gal. 2.

Ro. 7.

Gal. 2.

quomodo hanc viuit? qui ad alteram festinat; quomodo hanc viuit? qui mortem contemnit; quomodo hanc viuit? qui nihil ex iis quæ in mundo sunt, amat; quomodo hanc viuit? Nam quemadmodum qui ex adamante constat; ne si millies quidem percutiatur, quicquam commouebitur; ita etiam Paulus: [viuo autem, inquit, non iam ego] idest non iam vetus homo; & rursus alibi [Miser ego homo, quis me liberabit ex corpore mortis huius:] Ita qui nihil alimenti, nihil vestium, nihil vllius rei præsentis causa facit; quomodo hanc viuit? Hic profecto ne naturalem quidem vitam viuere dicendus est. Qui nihil eorum, quæ ad vitam faciunt, curat; is nec viuit. Nos hanc vitam viuimus; qui pro hac omnia facimus; ille verò non vivebat, neque in rebus vllis inferioribus versabatur. Quomodo igitur vivebat? Ita etiam de quibusdam dicimus; ille mihi non adest; vbi nihil agat, quod ad me pertineat. Ita etiam rursus, ille mihi non viuit. Quòd enim naturalem hanc vitam non reiiciat; alibi his verbis ostendit. [Quod autem nunc viuo in carne, in fide viuo filii Dei, qui dilexit me, & tradidit se ipsum pro me] idest nouam quandam vitam viuo, atque ab vtitata longe diuersam. Hæc sane omnia ad Philippensium consolationem dicit. Ne puteris, inquit, fore, vt hac vita spolièr: quandoquidem ne viuens quidem hanc vivebam vitam. Dic enim mihi, qui pecunias contemnit, qui cibum, qui famem, & sitim, qui pericula, qui sanitatem, qui salutem; is hanc vitam viuit? qui nihil in terris habet, qui sæpè profundere ipsam cupit, si opus sit, neque reluctatur; is hanc viuit vitam? neutiquam. Sed istud vobis quasi exemplo quodam perspicuum faciendum est. Esto quispiam diuitiis multis, famulis, auro abundans; nulla autem harum rerum vtatur: num is diuitiis istis diues erit? minime. Sed videat præterea bona à filiis dissipari temere circumcursantibus, nec quicquam curet; adde etiam si vis; percussus non doleat; an hunc dicemus in diuitiis esse? nequaquam; tamen si ipsius sunt diuitiæ. Ad hunc etiam modum se habebat Paulus. *Mihi, inquit, uiuere Christus: si meam vestigas vitam, ille est*

est & *mori lucrum*: cur? quoniam maior mihi illius notitia erit; & familiarius cum ipso uersabor. Quare hoc nihil aliud est, quàm moriendo ad vitam peruenire; Nihil mihi durius facient, qui interfecerint, ad meam me emittentes vitam, & ab hac quæ mihi apta non est, liberantes. Quid igitur? dum hîc es, Christi non eris? & valde quidem. *Viueret autem in carne, hoc mihi fructus operis est, & quid eligam ignoro.* Ne quis dicat; si igitur illud est vita; cur Christus hîc te manere finit? *fructus, inquit, operis est*: quomobrem licet præsentem etiam vitam eò, quò oportet, uti: quomodo? si ipsam minimè viuamus eo modo, quo vulgus uiuit. Hoc ideo inquit, ne putes vitam ipsam crimini dari; neque dicas, si igitur hîc nulla nobis comparatur utilitas, quid est, cur nos non è medio tollamus, & occidamus? neutiquam, inquit: Licet ex hac etiam mansione lucrum reportare, si hanc uitam minimè viuamus, sed alteram. Ergo, si quispiam fortè Paulum interroget; hoc ne tibi fructum affert? certe, inquit; Vbi nunc hæretici? Audis nunc, *uiueret in carne hoc fructus operis*: operis enim inquit: quomodo fructus operis? Quòd autem nunc uiuo in carne, in fide uiuo] hinc fructus operis. *Et quid eligam ignoro.* Papæ quanta est philosophia? Quomodo præsentis uitæ cupiditatem abiecerat; nec tamen illam criminabatur? nam his quidem verbis, *mori lucrum*: cupiditatem abiiciebat; illis vero, *uiueret in carne fructus operis*, ostendit præsentem quoque vitam esse necessariam; si ipsa, quo oportet, utamur; si fructum feramus. Etenim si infructuosa sit; neque uita amplius est. Nam & arbores quæ fructum non ferunt; itidem, atque aridas auersamur, & in ignem coniciimus. Rursum enim uita est ex earum rerum numero; quæ mediæ sunt, & indifferentes: bene autem, uel malè uiuere in nobis est situm. Igitur ne displiceat uita. Nam licet etiam honestè uiuere; ut si malè uita utamur, non etiam propterea ipsam accusare debeamus. quapropter? quoniam non ipsa causa fuit; sed electio eorum, qui malè ipsa sunt usi. Nam Deus quidem ideo te fecit uiuere; ut ipsi uiuas. Tu verò propter uitiositatem pecca-

Gal. 2.

Vita est ex numero rerum indifferentium.

to viuens, omnem in te hærere culpam voluisti. Quid ais quæso Paule? ignoras, quid eligas? Hoc loco magnum patefecit mysterium. His enim verbis ostendit, factam sibi esse potestatem decedendi. Quandocunque enim hoc elegerimus; potestatem habemus. *Quid eligam, inquit ignoro.* Ergo in te situm est? certe, inquit si à Deo hanc postulare gratiam voluero. *coarctor è duobus, desiderium habens.* Attende beati huius paternum affectum. Hac etiam ratione ipsos consolatur. Vbi enim intellexerint, id in ipsius voluntate situm esse, neque ab hominum improbitate, sed à Dei cuncta disponentis prouidentia proficisci; non leue hoc erit ad consolationem accipiendam momentum. Cur ergo, inquit, mors vobis moerorem affert? multò satius erat iampridem decessisse dissolui enim, inquit, & esse cum Christo multo melius, manere autem in carne magis necessarium propter uos. Hæc preparabant ad futuram ipsius mortem generosè ferendam: hæc philosophiam docebant. Bonum, inquit, est dissolui, & esse cum Christo. Nam & ipsa mors in numero rerum indifferentium est. Non mors malum est; sed post mortem poenas dare hoc malum est; neque verò bonum est mors; sed postquam decesseris, cum Christo esse, id bonum est; ita planè; ut quæ post mortem, ea demum sint vel bona vel mala.

*Mors est in-
numera-
rum indiffe-
rentium.*

*Quæ post
mortem ea
bona, uel
mala.*

MORALIS DIGRESSIO.

*Qui nam
& uiui &
mortui sint
digni la-
chrymis.*



IGITUR non generatim eos, qui moriuntur, lugeamus, neque de uiuentibus generatim gaudeamus: sed quid? lugeamus peccatores non solum morientes, sed etiam uiuentes. De iustis gaudeamus non solum dum uiuunt, uerum etiam postquam mortui fuerint. Nam illi quidem etiam dum uiuunt; mortui sunt; hi uero etiam cum mortui fuerint; uiuunt. Illi etiam dum hîc sunt, omnium elicere misericordiam debent; quoniam Deum offendunt: hi uerò

hi verò illuc etiam translati beati sunt; quoniam ad Christum sunt profecti. Peccatores, vbi vbi sunt; procul à rege sunt: propterea lachrymis digni. Iusti autem siue hìc, siue ibi; cum Rege sunt; atque ibi quidem multo magis, ac propius, non quasi quodā interiecto vestibulo, non per fidem, sed faciem, inquit, ad faciē. Non igitur vniuersē ploremus mortuos; sed eos, qui in peccatis: hi lamentis digni, hi eiulatu, hi lachrymis. Quæ enim dic mihi, spes est vnā cum peccatis eò discedere; vbi peccata exuere non licet? Donec enim hìc erant; magna forsitan erat spes, fore, vt conuerterentur; vt meliores euaderent: at si in infernum abierint, vbi nihil lucri ex poenitentia reportari potest, (Nam [in inferno, inquit, quis confitebitur tibi?]) quomodo non lamentis digni? lugeamus eos, qui hoc modo decedunt, non veto; lugeamus; sed non præter decorum, non vellentes capillos, non brachia nudantes, non lacerantes faciem, non puillas vestes induentes; sed solum in anima lachrymas amaras quiete fundamus. Etenim sine hac etiam pompa est amarè flere, & non tantum ludere. Nam quæ à nonnullis fiunt; à puerorum lusibus nihil differunt. Quoniam enim fletus illi forenses non ex dolore, quem quidam naturæ consensus attulerit, proficiscuntur, sed ex ostentatione, & ambitione, & vanæ gloriæ studio; ideo multæ inueniuntur mulieres; quæ huius rei artem exercent. Amarè fleas; domi plores, nemine vidente. Id misericordiæ fuerit; id tibi etiam profuerit. Nam qui illum hoc modo lugeat; multo magis ipse studium adhibebit; ne in eadem incidat mala, Terrorem tibi posthac peccatum incutiet: luge infideles; luge eos; qui nihil ab infidelibus differunt; qui sine illuminatione, sine signaculo decesserunt. Hi verè lamentis digni, hi lachrymis. Extra regiam sunt vnā cum iis, qui poenæ sunt obnoxii, vnā cum damnatis. [Amen dico vobis, nisi quis natus fuerit ex aqua & spiritu Sancto, non introibit in regnum coelorum] luge eos, qui in diuitiis sunt mortui; cum ex diuitiis nullum animabus suis solatium comparassent; eos, quibus abluendi peccata sua potestas facta erat, & noluerunt. Hoc quidem

1. Cor. 13.

Ps. 6.

De ijs, quī
sine baptis-
mo decedū. --
Io. 3.

nos omnes, & publicè, & priuatim lugeamus; sed ita, ut à decore ne recedatur; ut grauitatem tueamur; ut ne nos ipsos ludibrio exponamus. Hos lugeamus non unum, aut alterum diem, sed per omne uitæ nostræ tempus. Lachrymæ hæc non sunt amentis perturbationis, sed ueri, ac germani amoris: illæ uerò amentis planè affectionis; propterea etiam citò arescunt. Quæ enim ex Dei timore proficiscuntur; semper durant. Hos igitur lugeamus; opem pro uiribus feramus; aliquod ipsis auxilium comparemus, exiguum illud quidem, sed quod tamen auxiliari queat. Quomodo, qua uè ratione? cum ipsi preces fundentes, tum alios, ut pro ipsis fundant, obsecrantes, ac pro ipsis perpetuo dantes eleemosynas pauperibus. Affert hæc res aliquid solatii. Audi enim Deum ita dicentem. [Protegam urbem hanc propter me, & propter Dauid seruum meum] Si sola iusti memoria tantum ualuit; ubi opera præterea pro mortuo fiant; quid non poterunt? Non frustra hæc ab Apostolis sunt legibus constituta; ut in uenerandis, inquam, atque horrificis mysteriis memoria eorum fiat; qui decesserunt. Nouerant hinc multum ad illos lucrì accedere, multum utilitatis. Eo enim tempore, quo uniuersus populus stat manibus passis, ac cætus sacerdotalis, & illud horrorem uenerationis plenum incutiens sacrificium; quomodo Deum non placabimus pro istis orantes? Atque id quidem de iis, qui in fide decesserunt. Catechumeni uero neque hac dignantur consolatione; sed omni auxilio sunt destituti, uno quodam excepto. Quale uerò hoc? licet pauperibus pro ipsis dare, atque hinc aliquid percipiunt refrigerationis. Vult enim Deus, nos nobis mutuum auxilium afferamus. Ecquid enim aliud causæ sit; quamobrem pro pace, & bono mundi statu precari iusserit? quamobrem pro omnibus hominibus? nam hic quidem inter omnes sunt etiam latrones, sacrilegi, fures, atque alii sexcentis scatentes malis; ac tamen pro omnibus precamur: erit enim fortasse quædam ipsorum conuersio. Quemadmodum igitur pro uiuentibus istis precamur, qui nihil a cadaueribus differunt; ita pro illis etiam precari

4. Rē. 19.
Opera pro
mortuis.
Traditiones
Apostolorum.

Traditiones
Apostolorum
sunt iussæ à
Deo.

precari licet. Iob pro filiis sacrificia faciebat ; & ipsos
 a peccatis liberabat [ne quid forte , inquit , cogitaue- Iob. 1.
 rint in cordibus suis] Hoc modo consulitur liberis.
 Non dicebat ; quod plerique homines solent ; opes il-
 lis relinquam ; non dicebat , gloriam illis comparabo ;
 non dicebat , mercabor principatum ; non dicebat , a-
 gros emam ; sed quid ? [ne quid cogitauerint in cor-
 dibus suis .] Quæ enim ex rebus illis utilitas , cum hic
 restent ? nulla. Illum , inquit , omnium Regem pro-
 pitium ipsis reddam ; & nihil ipsis posthac deerit .
 Inquit enim , [Dominus pascit me , & nihil mihi dee- Psal. 22.
 rit .] Hæc est magna opulentia ; hic thesaurus est : si
 Dei timorem habeamus ; nullius rei egemus ; sin mi-
 nus ; tamen si regnum obtineamus ; omnibus homini-
 bus magis pauperes sumus . Nihil ei par inueniri po-
 test ; qui Deum timeat . Nam [timor , inquit Domini Eccl. 25.
 super omnia se superposuit] : hunc nobis comparemus :
 pro hoc omnia faciamus ; etiam si reddenda anima sit ,
 etiam si corpus trucidationi exponendum ; non ideo re-
 fugiamus , omniaque faciamus , vt hunc timorem con-
 sequamur : hoc enim modo & omnibus erimus opulen-
 tiores , & futura consequemur bona in Christo Iesu Do-
 mino nostro , cum quo Patri , simul sancto Spiritui glo-
 ria , Imperium , honos nunc & semper & in secula se-
 culorum . Amen.

S E R M O Q V A R T V S .



T quid eligam ignoro , coarctor autem è duobus , desi-
 derium habens dissolui & esse cum Christo , multo ma-
 gis melius ; permanere autem in carne magis necessa-
 rium propter uos : & hoc confidens scio , quia ma-
 nebo , & commanebo omnibus uobis ad profectum
 uestrum , & gaudium fidei ; ut gloriatio uestra abundet in Christo
 Iesu in me per meum aduentum iterum ad uos . Nihil Pau-
 li anima

li anima beatius; quoniam nihil etiam magis generosum. Nunc verò contra de omnibus dici potest. Nihil nobis infirmius; nihil miserius. Propterea omnes horremus mortem, partim quidem peccatorum multitudine grauati, quorum ego quoque vnus sum, partim vero vitę cupidi, & mori miserum ducentes; quibus ego vtinam nunquam adnumerer. Animales enim sunt, qui hunc timorem timent. Ergo hoc quod omnes horremus; ille optabat; eòque incumbebat; ita dicens, *Dissolui multo magis melius, & quid eligam ignoro.* Quid ais? Cum hinc abiens ad cælum sis migraturus, & cum Christo futurus; ignoras quid eligas? sed longe nos absumus à Pauli anima. Quis enim fuerit, cui si hæc verè feratur conditio; non illam quamprimum arripiat? Certè, inquit, ignoro. Sed quemadmodum minimè nostrum est posse illud dicere, cupio dissolui, & esse cum Christo; ita cum id assequi liceat, minimè nostrum est, hìc manere velle. Sed vtrumque Pauli est, & beatę illius animę. Quid est, quod dicis? nosti, ac pro comperto habes futurum te esse cum Christo; & hæsitās, ac dicis, quid eligam nescio? neque hoc tantum, sed etiam hìc manere eligis? manere, inquam, in carne? Quid ita? non ne acerbam vitam ducebas? in vigiliis, in naufragiis, in fame, & siti, & nuditate, in curis, & solitudinibus; cum iis, qui infirmabantur, infirmabaris; propter eos, qui in scandalum incidebant, viebaris. [in multa, inquit, patientia, in tribulationibus, in necessitatibus, in angustiis, in plagis, in carceribus, in seditionibus, in ieiuniis, in castitate; quinque quadragenas vna minus accepi: ter uirgis cęsus sum; semel lapidatus sum; nocte, & die in profundo maris fui; periculis fluminum, periculis latronum, periculis in ciuitate, periculis in solitudine, periculis in falsis fratribus] Nonne cum tota Galatarum gens ad legis obseruationem reuersa esset, clamabas dicens [qui in lege iustificamini, à gratia excidistis?] Quem tunc luctum non hausisti? atque adhuc moribundam hanc vitam desideras? Nam tametsi nihil horum tibi accidisset; & omnia quęcunque rectè fungebarris, quietè, & cum voluptate functus esses; non ne tamen

2. Cor. 11

2. Cor. 6.

Gal. 5.

tamen oportebat incerta futuri temporis pertimescentem ad portum aliquem contēdere? Ecquis mercator naui vēctus innumerabilium thesaurorum plena, si liceat subire portum, ac requiescere; mari adhuc iactari malit? Ecquis athleta, cum liceat corona potiri, adhuc certare postulet? Ecquis pugil, cum coronam possit induere, malit rursus in certamen descendere, & suum ipsius caput concidendum præbere? Ecquis dux, qui à bello cum gloria, & trophæis liberari queat, & cum Rege in Regia quietus degeret, seque oblectare; adhuc & sudare præoptet, & in aciem prodire? Quomodo igitur adeo acerbam vitam viuens adhuc vis in terris manere? an non tua sunt ista verba? [timeo, ne fortè cum aliis prædicauerim, ipse reprobus efficiar:] si nihil aliud præterea causę fuisset; hæc satis erat, quo liberatio desideraretur: si innumerabilibus bonis præiens vita abundasset; ab hac tamen liberari optandum erat, ob Christum, quem desiderabas. O Pauli animam: nihil illi par aut fuit, aut futurum est. Times, si in hac vita permanear, quid futurum sit; innumeris malis implicatus es; ac tamen recusas apud Christum esse? Recuso, inquit, idque propter Christum; ut quos illi paravi seruos, firmitus in illius amore stabiliam; ut ex agro, quem plantavi, fructus extare faciam. Non audisti, me non querere, quod mihi vtile est, sed quod proximis? Non audisti, mihi in optatis fuisse anathema fieri à Christo; quod multi ad illum venirent. Qui illud, elegi; non multo magis hoc eligam? ut damnum ipse ex hac mora, & dilatione faciam; quod illis aliqua ad salutem accessio fiat? Quis loquetur potentias tuas Domine; qui Paulum, minimè latere siueris; qui talem virum orbi ostenderis: laudant scilicet te omnes angeli vno animo; cum astra fabricatus es, & solem; sed non perinde, atque eo tempore; quo nobis, toti que orbi Paulum ostendisti. Hinc terra facta est splendidior cœlo. Pulchrior hic solis lumine, splendidiore emisit fulgore; lætos effudit radios. Quantum hic nobis peperit fructum, non spicas pinguefaciens, aut arbores nutriens, sed ipsum pietatis fructum & procreans, & ad vigorem addu-

F cens,

1. Cor. 9.

1. Cor. 10.
Ro. 9.

Psal. 15.

Iob. 38.
vulgata autem paulo aliter habet.

Paulus pulchrior sole.

cens, & eos, qui concidebant, assidue recreans? Nam hic quidem sol, quod semel in arborum fructibus computruerit, restituere nequaquam poterit: Paulus autem eos etiam, qui sexcenta ulcera ex peccatis habebant, ad vitam reuocauit. Atque hic quidem nocti decedit: ille vero Diabolo superior fuit. Nihil illum euerit; nihil superauit. Hic de sublimi loco dum fertur, radios deorsum emittit; Paulus vero de infero loco exoriens non cœli, ac terræ dimidium lumine compleuit; sed simulatque os aperuit, angelos etiam ipsos magna referat voluptate. Nam si de vno homine poenitentiam agente gaudium existit in cœlis; cum Paulus à prima concione multos venatus fuerit; quomodo fieri potuit; ut superas potestates gaudio non impleret? Ecquid dico quomodo? satis erat Paulum loqui; & hoc ipso cœli exultabant, & lætabantur. Etenim si Israelitis ex Aegypto exeuntibus, montes exultarunt, ut arietes; quando homines ex terra in cœlum transferebantur; quantum gaudii putas fuisse? Propterea igitur *permanere in carne magis necessarium propter uos*. Et quæ nobis posthac relicta est excusatio? Fit enim persæpè; ut quispiam paruam, ac pauperem ciuitatem nactus, abire tamen aliò nolit, cetera omnia præ sua quiete postputans. Paulo abundum ad Christum erat; & non voluit Christum, (Christum illum, quem ita desiderabat, ut pro ipso Geennam etiam eligeret); sed adhuc voluit manere, ac laborare in pugna pro hominibus. Ecquæ nobis erit excusatio? Verum est ne vniuersè tantum mentio facienda Pauli? Attende quid egerit. Dixit melius esse abire; ne illi de ipsius morte dolerent: ostendit etiam, si maneat, idcirco manere; ut illis profit: non enim id ex mala insidantium mente succedere. Igitur ut illi facilius ad hoc credendum adducantur; causam apposuit. Nam si id necessarium est; omnino adhuc manebo; nec tantum manebo, sed etiam vobiscum manebo. Hoc enim sibi volunt verba illa & *commanebo*; id est videbo vos. Quam ob causam? *ad profectum vestrum, & gaudium fidei*. Hoc loco ipsos excitat; ut sibi attendant. Nam si propter vos, inquit manebo; videte ne mansio-

Lu. 15.

Psal. 13.

manſionem meam dedecoretis. Cum iam Chriſtus mihi videndus eſſet; elegi propter veſtrum profectum manere. Mea enim præſentia, & ad fidem vobis facit, & ad gaudium: propterea elegi manere. Quid igitur? Philippenſium ne tantum gratiã manſit? non ſane illorum tantum gratiã manſit; Sed his verbis quandam illis adhibet ſenem medicinam. Quomodo autem erant illi profecturi in fide? vt magis magisque vos confirmem; perinde ac pullos quosdam matris cura egentes; donec iſſis ſolidiores ſuccreſcant alæ. Magnum hoc charitatis indicium. Ad hunc modum à nobis etiam quidam excitari ſolent; atque ita dicimus; tua cauſa manſi; vt te bonum redderem. *Vt gratulatio ueſtra, inquit, abundet in Chriſto Ieſu in me per meum aduentum iterum ad uos.* Vides iſta voce, *commanebo*, hoc, quod dicebam, ſignificatum eſſe? Atqui conſidera humilitatem. Quoniam dixit *ad profectum ueſtrum*; oſtendit id ſibi quoque vtilitatem afferre; quod etiam facit ad Romanos ſcribens his verbis [ideſt ſimul conſolari in vobis] antea enim dixerat [vt aliquid impertiar vobis gratiæ ſpiritalis.] Quid autem hoc eſt *ut gloriatio ueſtra abundet*? id eſt, vt creſcat id, quod erat cauſa gloriandi; hoc autem eſt corroborari in fide; hæc enim eſt gloriatio in Chriſto, rectè viuere. Ergo *gloriatio ueſtra in me per meum aduentum iterum ad uos*? maxime, inquit; quæ enim eſt ſpes noſtra, aut quæ corona gloriationis? Nonne & vos? Vos enim eſtis gloriatio noſtra, quemadmodum & nos ueſtra; id eſt, vt habeam; quò in vobis maiorem in modum glorier. Quomodo? *Vt gloriatio inquit, ueſtra abundet*: maiorem enim habeo gloriationis materiem; cum vos proficitis: *per meum aduentum iterum ad uos.* Quid igitur? num ad ipſos rediit? hoc vobis inquirendum relinquo, vtrum redierit. *Tantum dignè, inquit, Euangelio Chriſti conuerſamini.* Vides omnia quæcumque dixit, huc ſpectaſſe; vt ipſos exhortetur ad maiores in virtute progreſſus faciendos? *Tantum dignè Euangelio Chriſti conuerſamini*: quod inquit, *Tantum*, idem valet, ac ſi diceret; Hoc ſolum eſt, quod requiritur; præterea nihil. Si hoc adſit; nihil vobis moleſti obtinget. *Vt ſiue cum uenero, &*

Ro. i.

audero uos, siue absens audiam de rebus uestris. Non hæc dicit; quasi mutarit sententiam, neque ad ipsos redire amplius velit; sed etiam si hoc accadat, inquit, absens quoque legari possum. *Si audiero, quia statis in uno spiritu, & una anima;* Hoc est, quod maxime fideles coniungit, & charitatem ipsam continet. Hinc illa Domini verba [ut sint unum.] Nam [& si regnum, inquit, in se diuidatur; non poterit stare] Propterea & Paulus multus vbique est in concordia suadenda; & Christus inquit [in hoc cognoscent omnes, quia discipuli mei estis, si dilectionem habueritis ad inuicem.] Ne igitur, inquit Paulus, mei aduentus expectatione pendentes interea obdormite; ut cum quod expectabatis, successerit, meque videritis, deinceps diligentiam remittatis, ac dissoluamini. Nam etiam ex auditu eandem capere uoluptatem possum. Quid istuc est, *In uno spiritu?* id est eadem illa gratia concordiae, alacritatis. Vnus enim est spiritus. Atque id ex eo ostenditur; quod sepe hoc modo dictum est; ita enim est & in vna stare anima, cum omnes vnum spiritum habemus. Vides voce illa *μὴ ἑξ ἑ*. i. vna nimes concordiam esse significatam? Vides multas animas vnâ dici? Ita se habebat antiquitus [Omnium, inquit, erat cor, & anima vna] *collaborantes fidei Euangelij.* Ergo tanquam fide laborante in certamine, mutuo, inquit, collaborantes. Non enim inter se pugnabant; sed quod vult Paulus, hoc est; mutuuum, inquit, vobis auxilium afferte; dum fides Euangelij in certamine veretur: *& in nullo territi ab aduersarijs, quod quidem ipsis est argumentum perditionis, vobis autem salutis.* optime dixit territi: Talia enim sunt, quæ ab aduersariis proficiuntur: Terrent tantummodo. Inquit igitur, *in nullo.* Quicquid euenerit, etiam si pericula proposita sint, etiam si insidiæ; hoc enim est recte stantium. Illi enim terrere duntaxat possunt; præterea nihil. Verisimile enim erat illos valde perturbari; cum animaduernerent Paulum innumerabiles subire calamitates. Ergo non illud tantum, inquit, à vobis postulo; ut ne fluctuetis; sed etiam ut ne terreamini; quod quidem valde contemnendum est. Nam si hoc modo animati sitis; hinc iam & ipso-
rum

Io. 17.

Mar. 3.

Io. 13.

Act. 4.

rum perditionem, & vestram salutem perspicuam facietis. Etenim cum viderint sexcenta se artificia comminisci, ac ne terrere quidem vos posse; certa sui ipsorum interitus argumenta capient. Quotiescunque enim vexatores iis, quos vexant, superiores non euadunt, non insidiatores iis, quibus insidiantur, non potentes iis, quos in potestate habent; nonne ex hoc ipso perspicue intelligent, se ad interitum ruere; nihil posse; sua esse inania, & infirma? *Et hoc à Deo, inquit, quia uobis donatum est pro Christo non solum, ut in eum credatis; sed etiam ut pro illo patiamini.* Rursus illos componit; ut de se modeste sentiant, totum Deo ascribens, & gratiam, & charisma, & donum esse dicens pati pro Christo. Itaque ne uos pudeat. Charisma enim & donum verè est longe admirabilius, quàm cadauer ad vitam reuocare, ac cætera miracula facere. Nam ibi quidem ego sum debitor; hîc vero debitorem habeo Christum: quare tantum abest, ut probri loco id habendum sit; ut potius sit exultandum, ac gaudendum; quippe qui charisma habemus. Virtutes vocat Charismata, & dona, non tamen eodem modo, atque alia. Illa enim tota Dei sunt; hæc verò etiam nostra. Verumtamen quoniam & hîc maior, ac potior pars Dei est; propterea totum ipsius esse inquit, non voluntatis libertatem euertens, sed ipsos apparans, ut moderati, & grati sint. *idem certamen habentes, quale uidistis in me: id est exemplum etiam habetis.* Rursus hoc loco ipsos extollit. Vbi-que enim eos ostendit in iisdem ac se, certaminibus versari, eosdem impetus ferre, priuatim etiam, atque apud se ipsos; eò quòd eandem, atque ipse, tolerant tentationes. Non dixit, audistis, sed *uidistis*. Nam & illic, id est in Philip-pensium vrbe certauerat. Hoc igitur magnæ virtutis est. Quamobrem & ad Galatas scribens dicebat. [Tanta passi estis sine causa? si tamen sine causa.] & Hebræis rursus scribens dicebat [rememoramini autem pristinos dies, in quibus illuminati magnum certamen sustinuistis passionum, & in altero quidem opprobriis, & tribulationibus spectaculum facti, in altero autem focii taliter conuersantium effecti.] Et rursus Macedonibus, id est Thessalonicensibus scribens

*Cur totum
Deo acca-
ptum refe-
ratur.*

*Gal. 3.
Heb. 10.*

1. Theß. scribens dicebat [Ipsi enim de nobis adnunciant, qualem
c. 1. & 2. introitum habuerimus ad vos.] & rursus [nam & ipsi scitis
fratres introitum nostrum ad vos, quia non inanis fuit] om-
ninoque de omnibus id ipsum similiter testatur, certamina
& pugnas. At minime hoc nunc apud nos inuenietur. Nunc
enim satis bene agitur; si quis vel in pecuniis quippiam detri-
menti ferat : Ac sanè in pecuniis quoque præclarum de illis
testimoniū dat Paulus. Nam de aliis quidē ita dicit [rapinā
Heb. 10. bonorū vestrorū cum gaudio suscepistis] de aliis verò. [pro-
Ro. 15. bauerunt Macedonia, & Achaia collationē aliquā facere in
2. Cor. 9. pauperes] & iterū, [vestra emulatio prouocauit plurimos.]

MORALIS DIGRESSIO.

De mise-
ricordia.



IDES illius temporis virorum encomia : nos
verò ne ad alapas quidem, & plagas vsque pa-
tientiam adhibemus; non contumeliam, non
pecuniarum iacturam ferimus. Illi iam omnes
æmulatores erant, & martyres in certamen de-
scendentes : nos vero charitatem in Christum refrigerauim-
us. Rursus cogor præsentem rerum statum accusare. Et
qualem putatis esse animi mei sensum? nollem quidem, sed
planè cogor. Nam si fieri posset, vt tacendo, nec quic-
quam ex iis quæ gesta fuissent, commemorando, silentio
ipso, ea quæ geruntur, è medio tollerentur; tacendū certe
erat. Sin autem contra fit; & nobis tacentibus non modo
non tolluntur, sed grauiora etiam fiunt; dicendum necessa-
riò est. Nam qui peccata accusat; vt nihil aliud præstet; cer-
tè longius illa progredi non finit. Nulla enim est tam impu-
dens anima, ac temeraria; quæ si assidue se reprehendi au-
diat; non suffundatur pudore; non remittat aliquid de sum-
ma illa improbitate. Inest enim, inest etiam in impudenti-
bus paululū quid verecundię. Naturę enim nostrę Deus ip-
se pudorem iniecit. Etenim quando non satis poterat ti-
mor ad nos componendos; multas alias non peccandi ra-
tiones apparauit; quemadmodum reprehensiones homi-
num, metum humanarum legum, amorem glorię, amicitia-
rum

rum studium. Omnia enim hæc eò nos adducunt; vt peccandum non putemus. Sepe enim quæ propter Deum minimè fiebant; propter pudorem sunt facta; & quæ Dei causâ, vt velimus, non adducimur; ea timore hominum suscipimus. Quod enim petitur, hoc est; primum, vt discamus non peccare: deinde vero illud etiam, vt Dei causâ hoc agamus, consequemur: alioqui quid causæ fuisset, cur Paulus eos, quibus superandi aduersarii per patientiâ erant, non à timore Dei cohortatur, sed inde, quod supplicium de illis sumpturi essent [hoc enim faciens, inquit, carbones ignis, congeres super caput eius]. Interea enim hanc progressionem fieri vult ad virtutem. Inest igitur, quod antea dicebam, in nobis nescio quid verecundi; multa que naturalia habemus bona ad virtutem; velut ad misericordiam omnes à natura ipsâ mouemur; nec quicquam aliud in natura nostra æquè bonum est, atque hoc. Quamobrè merito etiam quispiam quæsierit; quam ob causam id potissimum nostræ naturæ sit insitum, vt frangamur lachrymis, flectamur, omninoque ad misericordiam propensi, ac parati simus. Nemo naturâ strenuus est: nemo naturâ ab inanis gloriæ cupiditate liber; nemo naturâ superior emulatione. Sed misereri omnibus à natura inditum est; quantumuis crudelis sit quis & sæuus. Et quid mirum, si erga homines hanc animi inductionem ostendamus? ferarum etiam miseremur: adeo nobis redundanter indita est misericordia; vel leonis catulū aspicientes, non nihil commouemur. Quanto igitur magis erga id, quod eiusdem nobiscū generis est? Hem quot cæci, & corporibus mutilatis; sæpe dicimus; non ignorantes id satis aptū esse; quod nos ad misericordiam adducat. Nihil equè Deū delectat, ac misericordia. Quamobrè sacerdotes, Reges, Prophetæ oleo ungebantur. Oleum enim pro symbolo Dei misericordiæ habebant. Præterea discebant in Principe plus misericordiæ requiri; itemque ostendebatur, spiritū propter misericordiā venturū esse in hominem. Deus. n. hominū miseretur; humaneque & benignè cū ipsis agit. propterea oleo inungebantur. Nā & sacerdotiū ipsum ex misericordia instituit. Verū Reges etiā oleo inungebātur. Misereris enim omnium,

Etiam timor hominum utilis est.

Ro. 12.

Nihil in natura nostra æquè bonum, ac misericordia.

- Sap. 11.* omnium, inquit, quia omnia potes] Et si quis Principem laudet; nihil, quod æquè ipsum deceat, atteret, ac misericordiam. Principatus enim proprium est misereri. Cogita ex misericordia esse conditum mundum, & imitare dominum. [Miseratio inquit, hominis circa proximum suum misericordia autem Dei super omnem carnem]: siue peccatores, siue iustos protuleris; omnes egemus misericordia Dei; omnes ipsa fruimur; siue ipse sit Paulus, siue Petrus, siue Ioannes. Atque audi ipsorum verba; quid enim nostris
- 1. Tim. 2.* opus est? Quid igitur inquit beatus hic? [Sed misericordiam consequutus sum, quia ignorans feci.] Quid? postea igitur non eguit misericordiæ? Audi quid dicat. [abundantius illis omnibus laboravi, non ego autem, sed gratia Dei
- 1. Cor. 15.* *Phil. 2.* mecum] ac rursus de Epaphrodito inquit. [nam & infirmatus est vsque ad mortem, sed Deus misertus est eius, non solum autem eius, verumetiam & mei; ne tristitiam super
- 2. Cor. 1.* tristitiam haberem] & rursus [grauati, inquit, sumus super virtutem, ita ut tederet nos etiam viuere. Sed ipsi in nobis metipsis responsum mortis habuimus, ut non simus fidentes in nobis, sed in Deo, qui de tantis mortibus eripuit nos, & eripiet] & rursus [liberatus sum de ore leonis, & liberabit me dominus] Atque ubique ipsum inueniemus id gloriantem; quòd misericordia salutem sit consequutus. Atqui Petrus etiam, eò quòd in ipsum misericordia fuisset adhibita, talis erat. Audis enim Christum hoc ipsimet Petro verbis illis significantem. [Ecce Satanæ expetiuit vos ut cribraret, sicut triticum; ego autem rogaui pro te, ut non deficiat fides tua] Et Ioannes misericordia talis erat, atque omnes omnino Apostoli. Audi enim quid Christus dicat
- Io. 15.* [non vos me elegistis; sed ego elegi vos] omnes enim egemus misericordia Dei [misericordia enim Dei inquit, super omnem carnem] Quòd si isti quoque egebant misericordia Dei; quid tandem de ceteris dicendum erit? Ecquid enim aliud, dic mihi, causæ est; cur solem exoriri faciat super malos, & bonos? Quid? si vnum dumtaxat annum pluuiam cohibuisset; non ne omnes peremisset? Quid verò si imbres densasset? quid si pluisset ignem? quid si muscas immi-

immisisset? sed quid hoc affero? Si tenebras induxisset, quod aliquando fecit; non ne omnes perdidisset? si terram concussisset; non ne periissent omnes? Opportunè nunc dixero [quid est homo, quòd memor es eius?] Si vel terræ minitetur tantum; omnes vnum sepulchrum fient. [quasi stilla aquæ de situla, inquit; ita gentes coram ipso: quasi spuma reputabuntur, quasi momenta stateræ] Quemadmodum nobis facile est trutinam mouere: ita ipsi omnia perdere, ac de integro facere. Qui igitur tam nos in sua potestate habet, ac videt quotidie peccantes, nec tamen punit; non ne fert ex misericordia? sed vide etiam iumenta per misericordiam esse & seruari [homines enim, inquit, & iumenta saluabis domine] respexit terram, & ipsam impleuit animalibus: quamobrem? propter te. te verò cur fecit? propter bonitatem. Nihil misericordia melius ò dilecte. Lucis causa est, & ibi, & hic [Tunc enim, inquit Propheeta, exorietur mane lumen tuum] si misericordiam erga primum præstiteris: ac merito quidem: quemadmodum oleum hoc lucem præbet nauigantibus; ita & eleemosyna magnum illic, & admirabile largitur lumen. Talis olei magnam habebat rationem Paulus. Audio enim interdum quidem dicentem [tantum vt pauperum memores essemus.] interdum verò [si dignum fuerit, vt ego eam] omninoque ipsum vides vbique omnibus modis hanc rem sollicitè curare. Et rursus [discant autem & nostri bonis operibus præesse.] & rursus. [Hæc enim sunt bona, & vtilia hominibus.] Audi verò & alium quendam ita dicentem. [eleemosyna à morte liberat] & alium [si misericordiam remoueris domine; domine quis sustinebit?] & rursus. [ne intres, inquit, in iudicium cum seruo tuo] & alius [magnum quiddam homo, & præclarum vir misericors.] hoc enim est hominem esse, vel potius hoc est Deum esse. Vides quanta diuinæ misericordiæ sit potentia. Hæc omnia fecit; hæc mundum condidit; hæc angelos perfecit; sola, inquam, bonitas. Propterea etiam geennam minatus est; vt regnum assequamur: nec verò aliunde consequimur regnum; quàm ex misericordia. Cur enim cum solus esset

G Deus,

Psal. 8.

Esa. 40.

Psal. 35.

Alludit ad

Psal. 103.

Esa. 3.

Gal. 2.

1. Cor. ultimo.

Ti. 3.

Tob. 4.

Psal. 129.

Psal. 142.

Trouerb. 2

ubi vulgata

[multi ho-

mines mi-

sericordes

uocantur.]

Matth. 18.

Deus, tot Deos fecit? non ne propter bonitatē? non ne propter benignitatem, atq; humanitatē? si quaeris; cur hoc, cur illud fecerit; ubiq; inuenies bonitatem. Itaq; proximorum misereamur; ut etiam in nos misericordia adhibeatur. Non magis illis, quam nobis ipsis colligimus oleum hoc in diem illum. Vbi vehemens fuerit flamma ignis; oleum hoc ignem quidem restinguit; lucis autem nobis causa est. Ita huius opera à Geennæ igni liberabimur: cæteroquin vnde sua nobis viscera aperiet Deus? vnde miserebitur? ex charitate misericordia exoritur. Nihil adeo irritat Deum; atq; immisericordem esse. Oblatus est ei quispiam, qui mille talenta debebat; & misericordia motus debitum remisit. At cum hic idem conseruum ob debitos sibi centum denarios respirare non sineret; tunc tradidit eum dominus tortoribus; quousque redderet debitum. Hæc audiētes misericordes simus erga debitores in pecuniis, in peccatis; nemo iniuriarum sit memor; nisi in se ipsum velit esse iniurius. Non enim tantum molestiæ illi afferet non remittens; quātam sibi ipsi inferet iniuriam. Nam te quidem illum iudicio persequente, nō persequitur Deus: te vero dimittente, aut persequitur Deus, aut tua tibi dimittit peccata. Quomodo autē nisi tu remittas proximo, ad regnum aspiras? Quo quidem damno ne afficiamur, remittamus omnibus; nobis enim ipsis remittimus: condonemus; ut nobis condonet Deus peccata nostra; atque ita futuris potiamur bonis gratia, & benignitate domini Nostri Iesu Christi cum quo Patri &c.

SERMO V. AC TOTVS EST MORALIS.

Cap. II.



I qua ergo consolatio in Christo, si quod solatium charitatis, si qua societas spiritus, si qua viscera, & miserationes; implete gaudium meum, ut idem sapiatis, eandem charitatem habentes, unanimes, id ipsum sapientes, nihil per contentionem, neque per inanem gloriam, sed in humanitate superiores sibi inuicem arbitantes, non quæ sua sunt, singuli consi-

li considerate, sed & ea, quæ aliorum, unusquisque: Nihil melius, nihil in amore tenerius doctore spirituali: quouis naturali patre maiorem benevolentiam præstat. Attende obsecro quàm suppliciter petat à Philippensibus ea, quæ è re ipsorum erant. Quid enim dicit ad concordiam omnium bonorum causam cohortans? & vide quàm copiosè, quàm vehementer, quanto cum animi illorum vicem solliciti sensu. Si qua ergo consolatio in Christo, inquit: id est si quid habetis consolationis in Christo; perinde, ac si quispiam diceret; si quam mei rationem habes; si qua tibi mei cura; si quid bene unquam de te merui; hoc facito. Hac vero orationis figura in mouendo affectu utimur; si quid postulandum sit; quod cæteris omnibus rebus præponamus. Nam nisi omnibus præponeremus; non eo vno impetrato omnium nobis exhaustam esse mercedem vellemus; nec per illud diceremus, quicquid nobis debebatur, esse repræsentatum. Sed nos quidem carnalia beneficia commemoramus; ut si pater erga filium diceret, si quid tibi reuerentiæ erga patrem, si qua educationis, si qua pietatis erga me, si qua honoris, quem ex me esse consequutus, si qua benevolentia memoria; rogo te, ne sis inimicus fratri; hoc dictum est; pro omnibus illis hanc exigo mercedem. Sed non ita Paulus: nihil enim, quod ad carnem pertineat, redigit ad memoriam; sed omnia spiritualia. Quod igitur, inquit, tale est: si quid mihi solatii vultis in tentationibus afferre, meque recreare in Christo; si quam consolationem charitatis, si quicquam eius communionis, quæ in spiritu est, vultis ostendere; si qua habetis viscera, & misericordiæ sensum; implete meum gaudium, si qua viscera, & miserationes. Miserationem sibi exhibitam vocat Paulus discipulorum concordiam, ostendens summum imminere periculum; nisi concordēs fuerint. Si quid mihi, inquit, solatii à vobis expectandum est; si quid consolationis ex vestra charitate reportare licet; si pote est vobiscum communicare in spiritu; si communicare vobiscum in Christo; si qua mihi à vobis misericordia,

dia, & commiseratio præstanda est; omnium harum rerum mercedem in charitate ipsa tuenda repræsentate. Satis mihi a vobis factum esse, omniaque consequutum putabo; si inter vos amaueritis. *implete gaudium meum*. Ne, quæ dicit, admonitionis vim habere viderentur, quasi illi iam ab officio decessissent; vide ipsum non ita dicere, facite mihi; sed *implete*; id est cepistis iam in me ferere; iam mihi dedistis, ut satis quietus sim; sed ad finem peruenire desidero. Quid desideras, dic mihi? ut te à periculis liberemus? ut tibi quippiam suppeditemus? nihil huiusmodi, inquit; sed ut vos *idem sapiatis eandem habentes charitatem*, in qua cœpistis; *Vnanimis unum sapientes*. Hem quoties idem reperit ex magno quodam affectu. *Ut idem sapiatis inquit*; imo verò ut vnum sapiatis. Hoc enim progrediens ostendit verbis illis. *Vnum sapientes*, quod maius quiddam est, quàm idem sapere: *eandem charitatem habentes*, id est non tantum in nuda fide, sed in cæteris etiam omnibus rebus. Pote enim est & idem sapere, & charitatem non habere: *eandem charitatem habentes* id est æquè & amare & amari. Noli, cum magna aliorum in te charitate fruaris, minorem ipsis præstare; quasi hac etiam in re plus equo tibi appetas; ac si nonnulli sunt, qui faciant; tu id in te cadere nullo pacto feras: *unanimis inquit*, id est vni animæ omnium corpora quasi propria accommodantes, non quidem substantia ipsa, nam id fieri non potest, sed electione, & sententia; ut quasi ex vna anima omnia, inquit, proficiantur. Quid est *unanimis*? hoc declaravit addens, *unum sapientes*: vnicum enim vult esse omnium sensum; perinde ac si ex vna anima penderent: *nihil per contentionem*: non grauatur præterea modum exponere; quo id fiat: *nihil per contentionem uel inanem gloriam inquit*; quod quidem ipsum semper dico malorum omnium esse causam; hinc pugne & lites; hinc inuidia, & vincendi studium, hinc charitatis refrigeratio. Cum hominum gloriam amamus; cum honori, qui à multis exhibetur, seruimus; tunc omnia hæc accidunt: minimè enim fas est gloriæ seruiente m Dei etiam germanum esse seruum. Qua igitur ratione hoc inanis gloriæ studium fugerimus? nondum enim illam exposuisti,

posuisti. Audi sequentia: *sed in humilitate, inquit, superiores sibi inuicem arbitantes.* Hem quomodo plenum philosophiæ dogma, & ad nostram salutem mirabiliter conducens exposuit: si existimaris, inquit, illum te maiorem esse; idque tibi ipsi persuaseris; aut potius si non solum dixeris; sed etiam persuasionis istius plenus, honore quoque illum fueris prosequutus. Quod si tu ipse honorem tribuas; minime succenses; si ipsi ab alio tributum videas. Igitur non tantum existima illum te maiorem esse; sed etiam *superiorem* (voce enim ista ὑπερείχεν Paulus magnam quandam præstantiam voluit indicare) & non admiraberis, neque dolebis; si illum in honore esse videas; & si contumeliam intulerit; generose feres: ipsum enim maiorem te existimasti; & si conuictus appetierit; non excandescas; & si malefecerit, tacitus feres; quando enim semel hoc sibi anima penitus persuaserit, illum esse maiorem; non impellitur ad iram; si ab ipso male accipiat; non ad inuidiam; iis enim qui valde præstant, nemo inuiderit. Hæc enim omnia præstantiæ illius esse putat consequentia. His igitur verbis te docet talem animum suscipere: quod si vicissim ille tanto abste honore affectus, inquit, eundem erga te animum suscepit; facile iam est intelligere duplici quasi muro sultam esse æquanimitem & lenitatem. Quandiu enim vterque vtrumque honore dignos putatis; nihil vnquam accidere molesti potest. Nam si hoc vel ab altero dumtaxat præstitum satis est ad omnem contentionem tollendam; quando cunque ab vtrisque præstetur; quis hanc munitionem perumpet? ne ipse quidem diabolus. triplici enim & quadruplici muro, atque eo amplius sulta est arx. Omnium enim honorum causa est humilitas. Quod vt ita esse discas; audi Prophetam dicentem [Quoniam si sacrificium voluisses, dedissem vtrique: holocaustis non delectaberis: sacrificium Deo spiritus contribulatus: cor contritum, & humiliatum Deus non despicias] non absolute quamuis humilitatem, sed intentionem quamdam humilitatis ob oculos posuit. Nam quemadmodum in corporibus quod contritum est, numquam solido corpori relucet

*Omnium
bonorum
causa est
humilitas.
Psal. 50.*

Eccl. 10.

Prima in-
gratitudo
superbia est

Gen. 40.

quamuis ad
Chryf. sen-

stabitur; sed quot quot grauiam patitur, prius ipsum inter-
bit, quàm in alterum irruat; ita & in anima eligit enim.
potius perpetuo male accepta mortem etiam obire; quàm
irrumperet, & vlciſci. Quouſque ſpirabimus ſpiritus illos
ridiculos? nam quemadmodum pueros ſi videamus ſe ſe
efferre, & ſuperbire; ridemus; quòd ſi etiam lapides ca-
pere, & proicere; rursus ridemus; ita humana arro-
gantia puerilis mentis, infirmi animi proles eſt [Quid
ſuperbit terra, & cinis?] magnos ſpiritus ſumis homo?
quapropter? quæ utilitas, dic mihi? vnde vero ma-
gnos ſpiritus ſumis in eos etiam, qui eiufdem ſunt or-
dinis? non eiufdem particeps eſt naturæ? non eiufdem
animæ? non eundem à Deo honorem accepisti? at ſa-
piens es? Ergo gratias agere, non intumescere debe-
bas. Prima ingratitude ſuperbia eſt; aufert enim bene-
ficentiæ donum: qui enim ſe ſe effert; is, quaſi ipſe
id quod recte factum eſt, confecerit, ſe effert. Qui
autem omnia à ſe profecta putat; ingratus eſt aduer-
ſus eum, qui honorem dedit. quippiam boni habes?
gratias age ei, qui dedit. Audi quid dicat Ioseph, quid Da-
niel. Nam cum Aegypti Rex illum è carcere accerſiſſet, &
in conſpectu totius exercitus de eo negotio interrogaf-
ſet, in quo defecerant Aegyptii, qui in huiusmodi re-
bus maxime pollebant; cum ipſe iam ſe ſe illis omnibus
ſuperiorem oſtenſurus eſſet, longeque ſapientior eſſet
habendus aſtologis, vatibus, præſtigiatoribus, magis,
philosophis eius temporis omnibus, puer ipſe ex ca-
ptiuitate, & ſeruitute (tunc enim maior exiſtit gloria;
neque enim idem eſt hominem iam clarum lucere, at-
que præter expectationem; quare quòd præter ſpem id
euenerit, admirabiliorem ipſum fecit) quid igitur iſte?
accedens ne ad Pharaonem ita dixit, profecto noui? ni-
hil minus; ſed quid? nemine ipſum arguente, pro
ſua magna humilitate, & grati animi virtute, quid ait?
[numquid non per Deum interpretatio horum eſt?] con-
tinuò gloriam Deo tribuit; propterea ipſe quoque glo-
riam accepit. Nam & hoc ad gloriæ rationem non leue
momen-

momentum habet; multò enim maius est ipsi à Deo esse reuelatum; quàm ipsum per se hoc confecisse; præterquam quòd hinc etiam verbis suis fidem conciliabat; idque firmissimum est familiaritatis cum Deo argumentum. Nihil enim æquè bonum est, ac familiarem fieri Deo. [si enim ex operibus iustificatus est; habet gloriam, inquit, sed non apud Deum] Nam, & qui criminibus obnoxius gratiam est consequutus; gloriatur in Deo; nimirum, quòd ab illo amatur, sibi que peccata remissa sunt; & ille qui operatur; habet gloriam, sed non apud Deum, vt ille. Nam hoc quidem magnæ infirmitatis nostræ est argumentum; at qui sapientiam à Deo accepit; quanto erit admirabilior? gloriam Deo tribuit, & vicissim ab illo gloriam accepit. [glorificantes enim me, inquit, glorifico] Rursus pronepos huius, quo quidem nemo fuit sapientior [scriptum est enim (nunquid tu sapientior es Daniele?)] Hic igitur Daniel, cum omnes, qui erant in Babilone sapientes, atque ipsi rursus astrologi, vates, magi, prestigiatores, atque vniuersa philosophia, non modo conuicta iam esset, sed etiam è medio sublata (capitalis enim à Rege in sapientes lata sententia satis indicabat antea quoque se ab illis deceptum fuisse) accedens ergo ad Regem, ipsius petitioni iam satisfactorius, neque ipse se magnificè circumspicit; sed primum omnia Deo refert accepta, & inquit [Mihi verò non in sapientia quæ sit in me, plusquàm in cunctis hominibus, reuelatum est ò Rex:] tunc vero adorauit ipsum Rex, ac dixit, adoleantur thura. Vides humilitatem? vides gratum animum? vides mores à superbia remotos? Audi verò & Apostolorum verba, interdum quidè dicentiū [quid nos intuemini, quasi nostra uirtute, aut pietate fecerimus hūc ambulare?] interdū verò [& nos mortales sumus, similes vobis homines.] Quòd si illi delatos sibi honores adeò repudiabāt, homines, qui per eā humilitatem, quæ secundum Christum est, ipsiusq; potentiā maiora, quàm Christus ipse, opera ediderant (Nam [qui credit in me, inquit, maiora horum faciet, quæ ego facio])

tentiam magis uideantur facere
uerba c. 41

Rom. 4.

1. Reg. 2.

Eze. 28.

Dan. 2.

Act. 3.

Act. 14.

Ioan. 14.

*Quomodo
humilitas
distingua-
tur ab assen-
tatione.*

2. Re. 16.

Dan. 2.

*† Videtur
deesse exē-
plum, &
fortasse ex
eodem lib.
cap. 3.
Act. 28.
Ibidem.*

Mar. 6.

2. Re. 16.

facio]) quomodo nos non miseri, atque infelices sumus; qui ne culices quidem expellere possumus, ne dum demonas; qui ne vni quidem homini prodesse valemus, ne dum vniuerso orbi; ac tamen tantos nobis spiritus sumimus; quantos ne ipse quidem Diabolus? Nihil æquè alienum ab anima Christiana est, ac superbia, superbiam dico, non fidentiam, non virilis animi fortitudinem. Nam ista quidem conuenientia sunt; longè enim ab illa differunt. Quà obrem aliud quidem est humilitas, aliud verò illiberalitas, & assentatio, & molles blanditiæ. Ac si vultis; horum omnium ego vobis exempla afferam. Videntur enim, quæ contraria sunt inter se, prope quodammodo esse posita, vt frumento Zizania, & rosis spinæ: sed pueri quidem facile fallantur: qui autem verè sunt viri, spiritualis agriculturæ periti; norunt vera bona à malis distinguere. Age igitur exempla vobis ex ipsismet scripturis proponamus. Quid tandem est assentatio, & illiberalitas, & mollis blanditia? Siba intempestiuè Dauidi est assentatus, suumque Dominum criminatus est: multò autem magis Architophel Absaloni. At non talis Dauid, sed humilis. Qui enim subdoli sunt; assentatores sunt: quemadmodum cum Magi dicunt [viue Rex in secula]. Rursus Magi, quàm sunt assentatores. † Ac de Paulo multà huiusmodi inueniemus in actis, cum Iudæis ita differente, vt non assentetur, sed humiliter agat. Nouit enim & liberè, ac fidenter agere, vt cum inquit [Viri fratres nihil aduersus plebem faciens, aut mores paternos, victus ab Ierosolymis traditus sum]. Vt enim intelligas humilitatis fuisse hæc verba; audi, quàm ipsos obiurget in sequentibus, ita dicens [benè spiritus Sanctus loquutus est; aure audietis, & non intelligetis, & videntes videbitis; & non perspicietis]. Vides fortitudinem Sed Ioannis etiam Baptistæ fortitudinem considera, qua erga Herodem vsus est dicens. [Non licet tibi habere uxorem Philippi fratris tui] Hoc fidentia est, hoc fortitudinis: at non verba illa semei [Egredere vir sanguinum]: quamquam & ille fidenter agebat. At non hoc fortitudo est, sed audacia, & contumelia, & linguæ intemperantia. Iezabel etiam

etiam conuicium fecit Iehu dicens [qui interfecit dominum suum] sed hoc audacia erat ; non fidentia . Conuicium & Helias fecit ; sed fidentia , ac fortitudo erat [non ego turbo populum , sed tu , & domus patris tui] : rursus erga uniuersum populum fidenter agebat Helias dicens ; [vsquequo claudicatis vtrisque vestris poplitibus ?] Hoc igitur modo tangere fidentia erat , & fortitudo ; idque prophetæ faciebant ; Illo autem audacia . Vis præterea humilitatis , ac libertatis audire verba ? audi Paulum dicentem [Mihi autem pro minimo est , ut à vobis iudicer , aut ab humano die ; sed neque me ipsum iudico : nihil enim mihi conscius sum , sed non in hoc iustificatus sum .] Huiusmodi spiritus Christianum decent : ac rursus . [audet aliquis vestrum habens negotium aduersus alterum iudicari apud iniquos , & non apud sanctos ?] Vis amentium Iudæorum assentationem cognoscere ? Audi ipsos dicentes [Nos non habemus regem , nisi Cæsarem] vis cognoscere humilitatem ? audi rursus Paulum dicentem [non enim nosmetipsos prædicamus ; sed Iesum Christum dominum , nos autem seruos vestros per Iesum] Vis & assentationem , & audaciam videre ? considera audaciam quidem Nabal , assentationem verò Ziphæorum ; quomodo ille quidem maledicta iaciebat ; isti verò , quantum ad ipsorum voluntatem , & consilium pertinet , Dauidem prodiderunt . Vis non assentationem , sed Philosophiam cognoscere ? considera Dauidem intercæpto Sauli parcentem . Vis assentationem cognoscere ? considera eos , qui Memphibosthe interfecerunt ; quos ideo etiam Dauid è medio sustulit : omnino autem , vt summatim describamus , audacia quidem est ; si quis irascatur , & conuicium faciat nullam ob iustam , grauemque causam , sed aut seipsum vlciscens , aut alio quouis modo iniuste effervescent ; fidentia autem , & fortitudo ; cum quis aduersus pericula , & mortem audet , amicitias , & inimicitias despicit pro iis rebus , quæ Deo probantur . Rursus assentatio quidem , & illiberalitas est , cuius inferuire non ob eas res , quæ opus sunt , sed aliquid , quod ad hanc vitam faciat , captantem ; humilitas

H vero;

4. Re. 9.

3. Re. 18.

Ibidem.

1. Cor. 4.

1. Cor. 6.

10. 19.

2. Cor. 4.

11. Re. 25.

Et 23.

2. Re. 4. ubi
uulgata ha-
bet Miphi-
boseht . sed
puto legen-
dum potius
Ieboſthe ;
qui quidem
in uulgata
est, Isbo-
seth.

Quomodo
distingua-
tur audacia
à fortitudi-
ne.

Ro. 2.
Cognitio
condemnat
si beneficiis
careant.

vero; si quis ob causas, quæ Deo probantur, id faciat; ideoque à gradu dignitatis suæ descendat; ut magnū quippiam, atque à lmirabile opus perficiat. Si hæc sciamus, ac præterea factis exprimamus; beati erimus. Non enim satis est scire [non enim auditores legis, inquit, sed factores legis iustificabuntur.] Quin etiam cognitio ipsa condemnat; si factis, virtutisque officiis caruerit. Itaque ut condemnationem vitemus; actiones ipsas obeamus; ut promissa consequamur bona in Christo Iesu domino nostro; quoniam ipsi gloria in secula: Amen.

S E R M O S E X T U S.



O C enim sentiatur in nobis; quod & in Christo Iesu; qui cum in forma Dei esset, non rapinam arbitratus est, esse se æqualem Deo; sed semetipsum exinanivit, formam serui accipiens in similitudine hominum factus, & habitu inuentus, ut homo.

Humiliavit semetipsum factus obediens usque ad mortem, mortem autem crucis: Dominus noster Iesus Christus discipulos suos ad magna cohortans, seipsum, & patrem, & prophetas pro exemplo propoluit: veluti cum dicit [ita enim se gesserunt aduersus prophetas: qui fuerunt ante vos] & rursus [si me persequuti sunt, & vos persequentur.] & [discite à me, quia summitis] & rursus [estote misericordes, sicut pater vester, qui in cœlis est] Id Beatus etiam Paulus facit. [scitis enim gratiam Domini nostri Iesu Christi, quoniam propter vos egenus factus est, cum esset diues] nihil enim excelsum, ac philosophum animum æquè ad bona opera obeunda excitat; ac si intelligat, hac re Deo se similem fieri. Quid enim æquè, atque hoc, ad cohortationem valeat? nihil. Quod sane & Paulus sciens, istos ad humilitatem exhortans, primum quidem obsecrauit, supplicauit; deinde quasi confundens, & pudorem eliciens, dixit, [quia statim in vno spiritu] dixit [quod illis est argumentum perditionis, vobis autem salutis] Nunc vero tandem & hoc affert. Hoc enim sentiatur in nobis; quod & in Christo Iesu; qui cum in forma Dei

Matt. 5. li-
cet paulò
ceter.

Jo. 15.

Matt. 11.

Lu. 6.

2. Cor. 8.

Supra c. 1.

ma Dei esset, non rapinam arbitratus est esse se aequalem Deo; sed semet-
ipsum exinanivit, formam serui accipiens: Attendite, obsecro, atq;
exurgite. Etenim quemadmodum machera quædã vtrinq;
acuta, quocunq; acciderit, etiam si in sexcentas phalan-
gas; facile ipsas perrumpit, ac delet; eò quòd vndiq; acuta
est, nihilq; illius aciem ferre potest: ita planè & spiritus ver-
ba. Nam his ipsis verbis, & Arrii Alexandrini sectatores, &
Pauli Samosatei, & Marcelli Galatæ, & Sabeilii lybici &
Marcionis Pontici, & Valentini, & Manetis, & Laodicensis
Apollinarii, & Photini, & Sophronii, omnesq; omnino hæ-
reses prostravit. Ut ad huiusmodi spectaculum inuitati, vt
vna plaga tot phalangum ruinam visuri, excitamini; ne
spectaculi iucunditas vos præteruolet. Nam si in curruum,
atq; equorum certaminibus nihil eque spectatu iucundũ
est; ac cum quis totos currus vnà cum aurigis impulsu ip-
so prostrauerit, multisq; quadrigis resupinatis vnà cum in-
sistentibus aurigis, solus ad metam, calcemq; agonis con-
tenderit; magnusq; vndiq; plausus, & clamor ascenderit; il-
le vero ex letitia illa, & plausibus quasi volucris factus totũ
radius equis confecerit; quanto maior hinc existet volu-
ptas; cum omnium hæresum cuneos, & diabolica machina-
menta unà cum aurigis ipsis, Dei gratia, omnia simul, con-
fertim prostrauerimus? Ac si libet; primum hæreses ipsas
ex ordine collocemus. Vultis igitur impietatis, an tempo-
rum ordinẽ? sed temporum tanè sequamur: etenim quæ
nã impietate prior, vel posterior sit; difficile est iudicatu.
Primus igitur prodeat Sabeilius lybicus. Quid iste inquit?
patrẽ, filium, & spiritũ sanctũ nuda esse nomina vni perso-
næ imposita. Marcion autẽ Ponticus negat Deum, qui om-
nia condidit, esse bonum, ac patrẽ Christi boni; sed alium
quendã esse fingit, qui iustus sit; filiũq; pro nobis sumpsisse
carnẽ negat. Marcellus, & Photinus, & Sophronius verbũ ip-
sum inquit energiã, & efficaciam operationis esse; atq; hanc
energiã inhabitare in illo, qui ex feminibus David, minime
verò substantiam hypostaticã. Arius filium quidẽ fatetur; sed
tãtũ nomine. Creaturã. n. esse inquit, & patre lōge minorẽ.
Ceteri verò negāt habere animã. Vides stantes currus? con-

sidera igitur & illorum ruinas ; quomodo omnes simul
 propellens sternit , omnes inquam , vna plaga , atque im-
 petu . Quomodo igitur sternit ? Hoc enim sentiatur in vobis ,
 inquit , quod & in Christo Iesu , qui cum in forma Dei esset , non rapi-
 nam arbitratus est esse se æqualem Deo . Hinc & Paulus Samoia-
 teus corruit , & Marcellus , & Sabellius . Inquit enim , qui
 cum in forma Dei esset : si in forma , quomodo ais tu ò scelette
 à Maria initium habuisse ; atque antea non fuisse ? quomo-
 do verò tu rursus dicis energiam fuisse ? Inquit enim in for-
 ma Dei , & formam serui accepit : forma serui , dic mihi , est
 ne energia serui , an natura serui ? omnino natura serui ,
 respondebis . Ergo & forma Dei , natura Dei est ; non
 igitur energia . En & Marcellus Galata , & Sophronius , &
 Photinus corruerunt . Sed nihilominus etiam Sabellius .
 Non rapinam , inquit , arbitratus est esse se æqualem Deo . Acqua-
 le verò non in vna dicitur persona . Acquale enim alicui
 est æquale . Vides duarum personarum hypostasim ; non
 autem nuda nomina , quibus nullæ res subiectæ sint ? Au-
 disti existentiam vnigeniti ante secula . Verum hæc qui-
 dem aduersus illos . Sed quid iam aduersus Arium dice-
 mus ; qui alterius essentiæ filium facit ? Dic mihi , quid
 hoc est , formam serui accepit ? homo factus est , inquit .
 Ergo & in forma Dei existens Deus erat : nam & hîc , & il-
 lic nomen formæ ponitur . Si hoc verum ; certe & il-
 lud : forma serui , est natura homo : Ergo forma etiam
 Dei , natura est Deus . Neque hoc solum ; sed etiam per-
 inde ac Ioannes , de ipsius equalitate testimonium dat ;
 ostenditque nihilo ipsum patre minorem esse . non rapinam ,
 inquit , arbitratus est esse se æqualem Deo : sed argutam illorum
 orationem audiamus . Atenim contrarium potius istis
 verbis ostenditur , inquiunt . Dixit enim , cum in forma
 Dei esset , non hoc rapuisse , vt esset æqualis Deo ? Atqui
 si Deus erat ; quomodo poterat rapere ? & quomodo hoc
 non inconsideratè dictum fuerit ? Quis enim vnquam di-
 xerit , illum cum homo esset , non hoc rapuisse , vt esset
 homo ? Quî enim fieri potest , ut quisquam rapiat id , quod
 est ? Hoc igitur , inquiunt , sibi volebat Apostolus ; filium ,
 cum

cum Deus minor esset, non hoc rapuisse; ut æqualis esset Deo magno, & maiori. Ergo paruus & magnus Deus est? & Græca in Ecclesiæ dogmata inducitis? Nam apud Græcos quidem est magnus Deus, & paruus: quod si etiam apud vos; non audio. Nam in scripturis quidem nullibi inuenies; sed magnum quidem ubique; paruum verò nullibi. Etenim si paruus; quomodo etiam Deus? si non est paruus homo, & magnus nisi in eadem natura; & si quicquid in vna illa natura non conuenit, homo non est; quomodo fuerit paruus & magnus Deus; ubi eadem illa natura non est? Qui paruus est; Deus non est. Vbiq; enim in scriptura magnus dicitur [Magnus Dominus, & laudabilis nimis] Ecce etiam de filio. Vbiq; enim eum vocat dominum. [Magnus es tu, & faciens mirabilia. tu es Deus solus.] & rursus. [Magnus dominus noster, & magna virtus eius, & magnificentie eius non est terminus.] Sed hæc de Patre, inquiunt; filius verò paruus est. Cæterum tu es, qui hoc dicis. Scriptura verò contra quod de patre, id etiam de filio dicit. Audi enim Paulum dicentem [expectantes beatam spem, & perspicuum aduentum magni Dei.] Nunquid autem de patre perspicuum aduentum dixit? Verum ut magis adhuc vos argueret; non illi satis fuit dicere, perspicuum aduentum, sed addidit magni Dei. Num igitur de patre id dictum est ne utiquam. Non enim id admittit additio illa [& perspicuum aduentum magni Dei, & saluatoris nostri Iesu Christi] En igitur & filius magnus est. Quomodo igitur dicis paruum, & magnum? Audi etiam prophetam; qui ipsum vocat magni consilii angelum. Qui est magni consilii Angelus, an non magnus est? qui est Deus fortis; an non est magnus, sed paruus? Quid igitur impudentes isti, & nefarii verba ista usurpant [cum esset paruus Deus?] sæpe illorum verba affero, ut magis ab illis refugiatis. Cum paruus, inquiunt, esset Deus; non hoc rapuit, ut eundem gradum cum magno obtineret. Quid enim, dic mihi (verum ne puteris hæc nostra esse uerba) si de illorum sententia paruus erat, & paterna potentia longe inferior; qui hoc vnquam

Psal. 144.

Psal. 146.

Ad Ti. 2.

Esa. 9.

quàm rapere potuisset, ut Deo æqualis esset? Natura enim minor nequaquam hoc rapere queat; ut euadat in magnā; quemadmodum homo nunquam hoc rapere queat; ut angelo æqualis sit secundum naturam; neque equus hoc rapere queat, etiam si velit; ut homini æqualis sit secundum naturam. Sed hoc omisso, illud etiam dicam. Quid hoc exemplo fruit, ac molitur Paulus? omnino, respondebis, Philippenses ad humilitatem adducere. Cur igitur, dic mihi, hoc in medium protulit? Nemo enim, qui ad humilitatē cohortari velit; ita loquitur: Esto humilis, ac minus magnificē de te sentias; quàm de æqualibus tuis: Nam & Sofia cum seruus esset, non incubuit, neque seditionem mouit aduersus dominum; illum igitur imitare. At quis non videt minime isthuc humilitatis esse? neque enim aliter facere potuit, nisi demens, ac vecors fuisset. Discite quid sit animi humilitas vos, qui tumorem habetis diabolicum. Quid igitur animi humilitas est? humilia sentire: humilia autem sentit; non qui ex necessitate est humilis; sed qui se ipsum humiliat. Planius id exponam, vos autem attendite. Qui cum magnos spiritus sumere, ac sublimia sentire posset, humiliter tamen sentit; hic animo humilis est. Quicumq; verò idcirco humiliter sentit; quoniā magnificē nō potest; is profecto humilis animo non est. Imperator, exempli causa. si legato se subiiciat; humilis animo est; quoniam de sublimi illo gradu descendit: quod si idem legatus faciat; non ideo humilis animi officio fungetur. Quomodo enim fungatur; cum non se ipse de sublimiori gradu demiserit? Omnino humili isti sensui locus non est; ubi potestas nō adest. Nam si quis etiam inuitus necessario humiliatur; iam hoc rectum factum non interni ipsius sensus, ac voluntatis est; sed necessitatis. ταπεινοφροσύνη autem inde dicitur; quod est τοῦ πνεύματος ταπείνωσις, id est animi, atque interni sensus humiliatio, ac demissio. Dic mihi; si quis, cui potestas desit rapiendi aliena, se se intra suarum rerum possessionē contineat; hūc iustitiæ nomine laudabimus? minime: quid ita? quoniam necessitas, ne laudari volūtas queat, impedimento est. Dic mihi; si quis, cum tyrannide, ac regno potiri nequeat,

quid sit ani-
mi humili-
tas.

queat, priuatus manserit hunc ne tanquam ocii studiosum laudabimus? minimè: Ergo neque hoc etiam loco. Laus enim, ò homines hominū indoctissimi, non in eo versatur; quod ab istis rebus abstineatur; sed in bonis officiis obeūdis: Nam illud quidem vituperationis expers est; sed non eò peruenit; vt laudem assequatur; hoc autem encomiis, & laudationibus dignum est. Atqui considera Christū hoc modo laudantem, cum ita dicit. [Venite benedicti patris mei; possidete paratū vobis regnum à constitutione mundi. Esuriui enim & dedistis mihi māducare; sitiui, & dedistis mihi bibere.] Non dixit, quoniam alieni appetentes non fuistis, neque quoniam non rapuistis (lenia enim hæc.) sed quoniam esurgentem me vidistis, & aluistis. Ac sanè quis vnquam hoc modo vel amicos, vel inimicos laudauit? neque ipsum Paulum (quid dico Paulum?) ne vulgarem quidem hominem quisquam ita laudauit; quemadmodum tu Christum laudas? quod nimirum sibi non conuenientem principatum non vsurpauerit. Talia enim admirari nihil aliud est, quàm magnæ improbitatis testimoniū dare. Quomodo? quoniam in improbis hominibus id laudi solet dari; quale illud est [Qui furabatur, iam non furetur] secus autem in bonis viris. Non enim qui principatum ad se minimè pertinentem nō rapuit, is laudandus est. Atq; omnino cuius hæc dementiæ sunt? Attendite obsecro; longa enim est oratio. Alia ē ratione intelligetis, neminē ex huiusmodi loco ad animi humilitatē solitū esse quempiā cohortari. Exempla enim longe maiora atq; illustriora sint oportet; quā res proposita, ad quā cohortamur: nemo. n. sit; qui ex alienis, quæq; ad rem parū faciunt, cohortetur. Exempli causā Christus homines cohortatus est; vt benigne facerēt inimicis; magnū exemplū attulit, nimirū patris [qui so-

Matt. 25.

Eph. 4.

Matt. 5

Matt. 11.

Io. 13.

tet. Nam & nos ipsi id obseruamus. At in re nostra exem-
 plum ipsum ne propè quidem accedit. quomodo? quoniã
 si seruus est; minor etiam est, & maiori subiectus. Hæc
 autem minimè est animi humilitas. Contra enim potius fa-
 ciendum erat; ut maior quispiã minori obtemperans pro-
 ferretur. Verùm quoniam id in Deo non inueniebat, maio-
 rem, inquam, & minorem; æqualitatem igitur statuit. Quòd
 si minor fuisset filius; non aptum erat exemplum; vnde Pau-
 lus ad animi humilitatem cohortaretur. Quapropter? quo-
 niam non hoc animi humilitas est, non impetum facere
 aduersus maiorem, non rapere principatum, obedire vs-
 que ad mortem. Cæterùm & illud præterea considera;
 quid allato exemplo subiungat, *humilitate superiores sibi inui-*
cem arbitantes: arbitantes, inquit. Nam, quando & secun-
 dum substantiam unum estis, & secundum honorem à Deo
 acceptum; reliquum est, ut ipsa tantum existimatio locū
 ibi habere possit. At in maioribus & minoribus, nō ita dixit;
 arbitantes, sed [Honorate eos, qui uobis præstāiores sunt]
 quemadmodū & alibi inquit [Obedite præpositis uestris, &
 subiaccete eis] Illhīc enim ipsa rei natura postulat subiectio-
 nem: hīc verò ex uestro iudicio proficiscatur oportet. *hu-*
mitate, inquit, superiores sibi inuicem arbitantes: quemadmodum
 & Christus fecit. Et heretica quidem hoc modo euerfa
 sunt. Deinceps verò nostra afferenda sunt; si antea ad sum-
 mam quandam ea, quæ aduersus illos faciunt, redegeri-
 mus. Hæc autem sunt. Cum Paulus ad animi humilitatem
 inuitaret; non eum, qui minor sit, ac maiori obediat, pro-
 tulisset. Nam si seruis, ut dominis obedirent, suauisset; recte
 id quidem. Sed si, ut liberi liberis; quid ad hanc rem facit
 serui erga dominum subiectio? quid minoris erga maio-
 rem? non enim dixit, minores maioribus obediant; sed
 qui equalem dignitatem obtinetis, vicissim vobis obedite.
Superiores, inquit, sibi inuicem arbitantes: Ecquid verò causę
 fuit, quam obrem muliebrem obedientiam non adduxerit,
 neque ita dixerit; quemadmodum mulier viro obedit, ita
 & vos obedite? Quòd si illud, in quo inerat æqualitas, &
 libertas, non attulit; quoniam nonnulla tamen in eo inerat
 subie-

Heb. 13.

subiectio; multò minus seruilem obtemperationem protulisset. Verum & illud initio dixi, neminem ideo solere laudari, ac ne commemorari quidem; quòd crimina non admittat: neque enim si quis aliquem temperantiæ nomine laudare velit, ita dicet, minime illum esse mœchatum; sed hoc afferet, à propria etiam vxore se continuisse: omnino enim abstinere se tantum à prauis actionibus nunquam in laudatione ponimus; nisi ridiculi haberi velimus. Illud addidi, veram esse serui formam, nihilque minus habere; quare & formam Dei perfectam esse, nihilque minus habere. Cur non dixit, in forma Dei factus, sed, *qui cum in forma Dei esset?* Tantumdem ualet hic loquendi modus, atque ille [Ego sum, qui sum] forma, quatenus forma est, eandem adesse naturam demonstrat: nec fieri potest; ut quod alterius essentiae est, eandem cum eo, à quo diuersum est, formam habeat; quemadmodum nemo hominum est, qui angeli formam habeat; nec brutum animal hominis habet formam. Quomodo igitur filius? Deinde in nobis quidem, quoniam ex pluribus naturis compositi sumus, forma ad ipsum corpus pertinet: At in eo, quod omnino simplex, nulloque modo coagmentatum est, ad ipsam sine dubio essentiam. Quòd si ex eo, quòd sine articulo dictum est *ἐν μορφῇ θεοῦ* contendis non indicari patrem; multis aliis ego locis ostendam tibi sine articulo dictum esse: Et quid dico multis aliis locis? In hoc ipso statim loco, *non rapinam arbitratus est esse se aequalem deo*: non enim dixit *τῷ θεῷ*; cum tamē de patre loqueretur. Vellem nostra etiam adiungere; sed vereor, ne mentes vestras obruamus. Interea verò, quæ dicta sunt ad illos euertendos, memorià tenete. Interea spinas euellamus. Tunc verò cum euulsæ fuerint spinæ, ac paululum requietis concessum terræ; bonam sementem faciemus, ut omni, quod inde contraxit, vitio deposito, magna cum habilitate suscipiat diuina semina.

Exo. 3.



MORALIS DIGRESSIO.

De uincen-
dis inimi-
cis potesta-
tibus.



Esa. 52. &
Ro. 2.

Esa. 5. unl-
gata autem
paulo aliter

RATIAS agamus pro iis, quæ dicta sunt, Deo: postulemus ad ipso; det nobis ea custodire, ac retinere; ut & nobis, & vobis gaudium obtingat; heretici vero dedecore notati abeant. Illum obsecremus; ut ad ea etiam, quæ sequuntur, os nobis aperiatur: ut nostra etiam pari diligentia statuemus. Ab eo precemur, ut vitam quoque ipsa fide dignam nobis præbeat; quod ad ipsius gloriam viuamus; ne ipsius nomen nostrâ causâ blasphemius appetatur. Vobis enim, inquit, propter quos nomen Dei blasphematur; Etenim si nos filium habentes (quamquam quid filio nobiscum coniunctius?) si filium, inquam, habentes, atque illius causâ blasphemius appetiti, ipsum repudiamus, auersamur, nec nostrum dici volumus; quanto magis Deus seruet nos, quos ingratos viderit, & à quibus se blasphemius, & contumeliis affici cognouerit, auersabitur, atque odio prosequetur? Quem verò Deus oderit, atque auersatus fuerit; quis suscipiet, ac complectetur? nemo præter Diabolum, ac dæmones. Quem verò dæmones caperint; quam salutis spem habebit? quod vitæ solatium? quamdiu in manu Dei sumus; nemo rapere nos potest. Robusta enim & valens est: cum primum verò de manu illa deciderimus; atque auxilium illud amiserimus; perimus; omnibus expofiti ad rapinam sumus, omnibus ad conculcandum, tanquam murus inclinatus, & sepes cōcidens. Etenim cū murus est inbecillus, facile cuius patet ad irrumpendum. Neque enim quod dicturus sum, ad solam Hierusalē putetis pertinere, sed etiam ad singulos quoque homines. Quid verò de Hierusalem dictum est? Cantabo dilecto canticum dilecti mei, vineæ meæ. Vineam factam dilecto in cornu, in loco pingui. Et sepiui eam, ac vallo circumdedi, & plantaui vitem Sorech, & ædificaui turrim in medio eius, & torcular extruxi in ea, & expectaui, ut faceret vuam, & fecit spinas. Nunc igitur viri Iuda, & habitatores Hierusalē iudicate inter

ter me, & vineam meam. Quid est, quod ultra debui facere vineę meę, & non feci ei? ideo expectaui, vt faceret vna; fecit autem spinas. Et nunc ostendam vobis, quid ego faciam vineę meę. Auferam sepem eius, & erit in direptionem; & diruam maceriam eius, & erit in conculcationem; & derelinquam vineam meā; & nō putabitur, & non fodietur, ascendent in eam perinde atque in terram incultam spine, & nubibus mandabo, ne pluant super eam imbrem. Vineam enim domini exercituum domus Israel est, & uir Iuda germen dilectum. Expectaui vt faceret iudicium; fecit autem iniquitatem; & non iustitiam, sed clamorem] Id etiam de singula quaque anima dicitur. Nam cum omnia, quę oportuerat, impleuerit benignus Deus; illa verō pro vna spinas fecerit; sepem auferet, & murum diruet, ac patebimus direptioni; Audi vero, & quanto cum fletu alius propheta hæc dicat. [Vt quid destruxisti maceriam eius; & vindemiant eam omnes, qui prætergrediuntur viam? Exterminauit eam aper de silua, & singularis ferus depastus est eam?] Ibi quidem de Medo, ac de Babilonio loquitur; hic vero nihil est, quod de illo dicatur; sed aper, & singularis ipse diabolus est, totaque illius manus. Singularem uero illum appellauit; vt ipsius ferociam, atque impuritatem ob oculos poneret. Nam scriptura, cum illius rapacitatem demonstrare vult; ita inquit [tanquam leo rugiens circuit, quærens, quem deuoret.]; cum virus illud perniciosum, ac lethale; serpentem vocat, & scorpionem [calcate inquit super serpentes, & scorpiones, & super omnem virtutem inimici; cum simul venenum, & robur; draconē nominat; quemadmodum eo loco [Draco iste, quem formasti ad illudendum ei, & Draconem & serpentem tortuosum, & aspidem ubiq; ipsum vocat: tortuosa enim, ac varia bestia, & magnis pollet viribus, omnia mouet, omnia turbat, omnia fursum, ac deorsum agit. Verum ne timeatis; ne animū despondeatis. Tantū vigilate; & erit, vt passerculus. [calcate enim, inquit, supra serpentes, & scorpiones.] Illum, si uouerimus, eo fecit Deus; vt nostris pedibus conculcetur.

Psal. 79.

1. Pe. 3.

Lu. 10.

Psal. 103

Vide igitur, quàm ridiculum, vel potius, quàm miserum sit eum, qui nobis datus est ad calcandum, intueri statem supra caput nostrum. Quomodo verò hoc fit? à nobis. si nos velimus; magnus est; si nos velimus; parvus fit: si nostri ipsorum curam geramus, stemusque vnà cum Rege nostro; contrahit se, ac nihilo plus paruo infante in pugna aduersus nos potest; sin à Rege desciuerimus, valde turget, fremit, dentes acuit; quippe qui nos magno illo auxilio destitutos nactus fuerit. non enim aggreditur; nisi permiserit Deus. Nam si in porcorum gregem inuadere ausus non est Deo non permittente; multo minus in animas hominum. permittit autem Deus, vel erudiens, vel poenam exigens, vel clariores faciens. Vides illum non aggredi Iob, neque audere accedere, sed metuere, atq; tremere. Et quid dico de Iob? Nam in Iudam inuadens non ante totū apprehendere, atq; in ipsum ingredi ausus est; quàm illum Christus à sacro choro secreuisset. Extrinsecus quidem tētabat; sed intus irrumpere non audebat. Postquam verò à sacro illo grege abscissum vidit; quouis lupo vehementius impetum fecit; neque ante destitit; quàm illum duplici morte mactaret. Hæc ad nostram eruditionem sunt scripta. Nam si quæras; ecquid lucri sit nouisse Christum ab vno ex duodecim esse proditum, ecquid emolumenti, ecquæ utilitas; magnam respondebo. Etenim cum didicerimus; quia ille causa impulsus, hoc exitiale consilium cæperit; cauebimus ipsi, ne ab eadem nos quoque auferamur. Vnde igitur ille huc descendit? ex avaritia: fur erat; ideo triginta argenteis Dominum prodidit. Ita illum morbus iste ebrium reddiderat; vt orbis dominum triginta argenteis proderet. Quid hac infania deterius? nihil par ei, quem tradidit; nihil tanti. Cui gentes si conferantur [quasi nihilum reputatæ sunt ei]; hunc triginta argenteis prodidit. Grauis enim est avaritiæ Tyrannis; quæque animam de suo statu deturbare queat. Non perinde quis ex ebrietate demens redditur; atque ex avaritia; Non æquæ ex infania, ac stupore; atque ex argenti cupiditate. Ecquid enim aliud causæ fuit, dic mihi, cur proderes? te obscurum atque ignotum hominem vocauit,

Lu. 8.

*Cur Deus
permittat
nos tētari à
Diabolo.*

*De avaritia
& Iudæ.*

Esa. 40.

vocauit, vnumque ex duodecim fecit; doctrina impartit;
uit; innumerabilia bona promisit; miracula faciendi po-
testatem dedit; mensæ, itinerum, consuetudinis, contu-
bernii, rerum omnium æquæ ac ceteri particeps eras; Hæc-
cine satis nō fuerunt, quæ te cohiberent? quam igitur ob
causam prodidisti? quid habebas; quod quereris scelestè?
vel potius quo nam beneficio affectus non fueras? noue-
rat mentem tuam; nō destitit, quæ ab ipso erant expectan-
da, præstare. Sæpè dixit [quia vnus ex vobis tradet me] 10. 13.
sæpè notauit, ac tibi tamen pepercit; & cum talem te esse
sciret, ex choro non eiecit; adhuc ferebat; adhuc ut legiti-
mum, atque vnum ex duodecim, ita honorabat, ita dilige-
bat. Denique, ò scelus, linteo etiam sumpto, puris illis ma-
nibus impuros pedes tuos lauit; neque id etiam te cohi-
buit; furabaris ea, quæ pauperum erant; atque istud etiam,
ne ad maius aliquod malū progredereris, ferebat; sed ni-
hil animum tuum mutauit. Nam etiam si fera esses, etiam
si lapis; non ne beneficiis in te collatis, non ne miraculis,
non ne illo docendi officio flecti te oportebat? Verum ul-
que adeo efferatum adhuc uocabat; & mirandis operibus
alliciebat; quamuis lapides ipsos uacuitate sensu exupe-
raret: sed nihil horum fuit, quod te meliorem redderet.
Forssitan miramini tantam proditoris amentiam. Metum
igitur vobis incutiat illius vulnus. Argenti cupiditas, pecu-
niarum amor talem reddidit. Euelle hunc affectum: tales
enim morbos parit; impios facit; atque eò nos adducit; vt
etiam si sexcentis beneficiis afficiamur, Deum ignore-
mus. Euelle, obsecro; non est leuis morbus, sexcētas acer-
bissimas mortes afferre nouit. Vidimus Iudæ morbum;
metuamus; ne ipsi quoque in eadem incidamus: ideo scri-
pta sunt, ne iisdem nos quoque malis afficiamur: propte-
rea ab omnibus Euangelistis id narratum est; vt nos tem-
perantiam docerent: procul fuge: non hoc solum auari-
tia est, multas pecunias cupere, sed etiam pecunias om-
nino cupere. Grauis auaritia est plus poscere, quàm opus
sit. Non enim talenta auri fuerunt; quæ proditorem in
hanc mentem impellerent; sed triginta argentei. Triginta argen-

argenteis ipsum prodidit dominum. Ergo memoria tene-
 te; quod antea dicebam; immoderatam habendi cupidi-
 tatem non in eo solum se ostendere; quod magna accipiā-
 tur; sed etiam, quod parua. En quantum scelus iste com-
 misit pauculo auro adductus, vel potius non auro, sed ar-
 genteis. Nefas, nefas planè est hominem avarum vquam
 intueri faciem Christi. Hoc est vnum ex iis, quæ fieri mi-
 nimè possunt. Radix malorum avaritia est. Quod si qui
 vel vni malo obnoxius est, gloriam illam amittit; qui ra-
 dicem ipsam secum affert; vbi collocabitur? nefas est pe-
 cuniarum, seruum, germanum esse Christi seruum. Chri-
 stus ipse pronunciauit rem esse huiusmodi; quæ constare
 nullo pacto queat [Non potestis, inquit, Deo seruire,
 & Mammonæ] Et Nemo potest duobus dominis serui-
 re; contraria enim præcipiunt. Christus inquit; parce
 pauperibus; Mammona inquit; exue illos etiam iis,
 quæ habent; Christus inquit; effunde quæcunque ha-
 bes; Mammona inquit; Ea etiam cape, quæ non habes.
 Vides pugnam? vides bellum? Vultis ne offendamus; quo-
 modo vtrique nemo obtemperare potest; sed alterum
 contemnat oportet? an res ita clara est, vt minimè egeat
 oratione? cum id in rebus, & factis ipsis cernere liceat?
 An non hoc cernimus, Christum quidem contemni, Mam-
 monam verò colis? sentitis, quàm vel ipsa verba aspera sint?
 Quod si verba; multò magis res ipsæ. Verùm in rebus, ac
 factis non equè apparet ipsa asperitas; quoniam nos mor-
 bus occupat. Nam nunc quidem, & si non nimis valde ab
 hoc morbo se purgauerit anima; tamen dum in hoc ipso
 statu manet, potest rectè iudicare. At cum febri corre-
 pta est, & in ipsa rei voluptate versatur; facultatem iu-
 dicandi minimè puram habet, non incorruptum tribu-
 nal. Christus inquit [qui non renunciat omnibus, quæ
 possidet, non est meus discipulus] Mammona inquit;
 Eripe esurienti panem. Christus inquit; Vesti nudum;
 hic verò; nudum etiam exue. Christus inquit, [Do-
 mesticos feminis tui ne despexeris] Mammona inquit, do-
 mesticorum feminis tui ne miserearis: etiam si matrem
 videris,

Matt. 6.

Luc. 14.

Esa. 58. se-
cundum 70Hier. pau-
lo aliter.

videris, etiam si patrem; sperne. Et quid dico patrem, & matrem? tuam quoque ipsius, inquit, animam perdes; attamen auditur. Hei mihi; ei qui adeo sæua, & immitia, & fera mandata imponit; dicto audientes potius sumus; quam illi; cuius leuia, nobisque salutaria iussa sunt? Hinc geëhna; hinc ignis; hinc fluuius ignis; hinc vermis finem nesciens. Scio multos esse, qui nos hæc dicentes non iucundè audiant. Nam neque mihi sunt iucunda dicta. quid enim his dicendis consequor? Vellem vobis perperuò ea, quæ regni propria sunt, narrare; requietem illam, aquam plenè reficientem, viridia, ac læta pascua. Inquit enim. [Super aquam refectionis educavit me; & in loco pascuæ ibi me collocauit] Vellem de loco illo dicere; vnde dolor, egritudo, luctus abest. Vellem narrare voluptatem; quæ Christo fruendo capitur; quamquàm omnem orationem, omnem cogitationem superat. Verumtamen pro viribus in isto argumento versare vellem; sed quid agam? non licet ad eum; qui febris laborans malè habet, de regno verba facere. Etenim dum ita habet, de sanitate differendum est; dum poenæ est obnoxius, non ei rectè de honore differitur. Tunc enim hoc vnum queritur, à poena, & supplicio liberari; nisi hoc consequatur; quomodo illud consequetur? propterea de his assidue loquor; ut ad illa citius veniamus. Nam & Deus ipse ideo Geënnam minatus est; vt nemo in geënnam decidat; ut omnes regnum assequamur. Et nòs idcirco geënnæ perperuò mentionem facimus; vt ad regnum vos incitemus; vt mentes vestras timore mollientes ad ea, quæ regno digna sunt, facienda apparemus. Ne igitur succenseatis verborum grauitati. Horum enim verborum grauitas leues reddit animas vestras à peccatorum pondere. Nam & ferrum graue est, & malleus grauis; ac tamen faciunt vasa aurea & argentea; & quæ distorta sunt, dirigunt; quòd nisi grauià essent, distortam materiam dirigere neutiquam possent. Ita etiam grauis sermo noster componere animam potest. Verborum igitur grauitatem plagaque

Psal. 22.

*Asperitati
orationis
non succen-
sendum.*

gasque ab illis factas ne fugiamus. Non enim ideo infertur plaga; ut animam frangat, ac laceret; sed ut corrigat. Scimus enim Dei munere, quis sit verberandi modus; & quam altè infligamus plagam; ut ne comminuatur vas; sed ut polliatur; ut dirigatur; ut aptum reddatur, quo utatur Dominus; ut ex sanitate splendidum offeratur, beneque sculptum in illa die, in qua existet flumen ignis; ut offeratur pyræ illius, quæ ibi futura est, minime indigum. Nam nisi dum hic estis, vos inflammauerimus, illi hic omnino inflammemini necesse est; nec fieri aliter potest. [Dies enim Domini in igne reuelatur.] Satiùs est ad breue tempus nostris sermonibus vramini; quàm perpetuò flamma illa. Id enim futurum omnino esse, perspicuum est: ac sepe vobis rationes attuli; quibus cōtradici non potest: ac Iolas quidem scripturas plenam vobis fidem facere oportebat; sed quoniam nonnulli procliuēs ad contentionem sunt; multa etiam ratiocinationibus mouimus. Nihil verò impedit; quominus & nunc easdem afferamus. Quæ nam verò illæ erant? Iustus est Deus; omnes fatemur, & Græci, & Iudæi, & Hæretici, & Christiani. At hinc multi, qui peccarant, abierunt impune: multi qui ex virtute vixerant; tum demum abierunt; cum sexcentas subiissent calamitates. Ergo si iustus Deus; ubi nam his quidem præmia, illis verò supplicia tribuet, si non est geenna, si non est altera vita? Hanc igitur rationem & illis, & vobis ipsis semper canite; nec sinet vos de resurrectione dubitare. Qui verò de resurrectione non dubitat; is sedulo, atque attentè vitam suam curabit; ut sempiterna bona consequatur. Quæ utinam nos omnes consequamur, gratia & benignitate Domini nostri Iesu Christi &c.

1. Cor. 3.

Ratio ad
probandam
resurrexio-
nem.

S E R M O S E P T I M V S .



HOC sentiatur in uobis, quod & in Christo Iesu; qui cum in forma Dei esset, non rapinam arbitratus est esse se æqualem Deo; sed semetipsum exinaniuit formam serui accipiens in similitudinem hominum factus, & habitu inuentus ut homo: humiliavit semetipsum factus obediens usque ad mortem, mor-
tem

tem autem crucis : propter quod & Deus exaltauit illum , & donauit illi nomen , quod est super omne nomen ; ut in nomine Iesu omne genu flectatur caelestium , terrestrium , & infernorum ; & omnis lingua confiteatur , quia dominus Iesus Christus in gloriam Dei Patris. Expōsitā à nobis illa sunt ; quæ ad hæreticos pertinebant . Iam verò opportunum est nostra etiam afferre . Illi ita dicunt verba ista, *Non rapinam arbitratus est*, idem valere, ac si dixisset, non rapuit . Nos verò ostendimus inæptum id , atq; absurdum futurum fuisse ; Neminem enim esse, qui aut ex huiusmodi loco ad animi humilitatem cohortetur ; aut Deum , hominem vè hac ratione celebret . Quid igitur est ò dilecti ? Attendite ea , quæ nunc dicuntur . Quoniam magnam partem homines arbitrantur ; si humiliter se gesserint ; fore vt propriam amittant dignitatem, & minoris habeantur , atque ad humiliorem locum descendant ; hunc metum adimens Apostolus , quid inquit ? ostendens non ita nobis sentiendum esse ; de ipso Deo inquit, Deum illum vnigenitum , qui in forma Dei est , qui nihil minus Patre habet , qui ei equalis est , non rapinam esse arbitratum esse æqualem Deo . Quid verò istud est ? Percipe . Quod quisque rapuit , & præter æquum accepit ; id deponere nequaquam audet , veritus, ne amittatur , atque ex manibus elabatur ; sed perpetuò apud se retinet : at qui naturalem quampiam dignitatem habet ; is minimè metuit ab illa etiam dignitate descendere ; certè enim scit nullum sibi illius amittendæ periculum imminere . Afferam exemplum . Absalon rapuerat tyrannidem ; idcirco eam deponere non audebat . Sed aliud etiam exemplum proponemus . Quòd si exempla rem totam repræsentare nequeunt ; ne moleste feratis . Exempla enim sunt huiusmodi ; maiorem partem menti cogitandam relinquunt . In Regem quispiam inuasit , regnumque eripuit . Hic deponere, aut dissimulare auctoritatem suam minimè audet . Nam si semel dissimularit ; statim illa amittitur ; Quod exemplum aliis etiam ex rebus peti potest . Quicquid enim quisque rapuit ; id perpetuo retinet . Nam cum primum illud deposuerit ; amittet ; omninoque quod quisque ex rapina

K

habet :

habet; timet deponere, atque à se remouere, & non perpetuo illud retinere, quod occupauit. Abest verò hic timor ab iis; qui minimè ex rapina habent; quemadmodum homo dignitatem istam, vt rationis compos sit, ex rapina non habet: sed non inuenio satis aptum exemplum. Non enim est apud nos principatus naturalis. Bonorum enim nullum nobis naturale est; quandoquidem omnia simul cum natura Dei coniuncta, illiusque propria sunt. Quid igitur Paulus ait? Dei filium veritum non esse de gradu dignitatis sue descendere; quoniam non est arbitratus rapinam ipsam deitatem; quoniam non timuit; ne quis ipsi naturalem suam dignitatem eriperet. Quamobrem illam etiam deposuit, non dubitans se recepturum; atque abscondit; non ideo se minorem fieri arbitratus: propterea minimè dixit, non rapuit; sed, *non rapinam arbitratus est*: Non ex rapina habuit principatum, neque etiam ab alio sibi traditum, sed naturalem, stabilem, ac tutum. Ideo neque etiam satellitum cunctatur habitum sumere. Tyrannus metuit in bello purpuram deponere; Rex verò id fidenter ac tuto facit; cur? quia non ex rapina principatum habet. Non ergo veluti, qui rapuisset, non deposuit; sed vt qui naturalem haberet, eumque qui amitti nunquam posset; occultauit. Hoc inquam, esse æqualem Deo, non ex rapina habuit, sed à natura; quamobrem se ipsum exinaniuit. Vbi sunt, qui dicunt, illum subiisse necessitatem, ac subiectum fuisse? *Se ipsum, inquit, exinaniuit, se ipsum humiliavit, obediens factus usque ad mortem: Quomodo exinaniuit? formam serui accipiens, in similitudine hominum factus, & habitu inuentus ut homo: hoc loco spectans ad illud, quod antea dixerat, [superiores sibi inuicem arbitrantes] hæc verba protulit seipsum exinaniuit: Etenim si subiectus fuisset, ac non sponte, atque ex seipso hoc suscepisset; minimè res ista humilitatis nomine erat commendanda. Nam si id faciendum sibi omnino esse ignorauit; nondum suam perfectionem, atque absolutionem erit assequutus; sin autem cum mandari tempus nesciret, illud expectauit; igitur tempus ignorasse fatendum erit. Quòd si & faciendum esse; & quo*

quo tempore faciendum, sciuit; quæ nam causa est; cur illum subiectionem sustinuisse dicendum sit? Vt patris, inquit, præstantiam indicet. Istud uero minime est patris præstantiam indicare, sed suam uilitatem. Patris enim nomen nonne satis est ad indicandum patris priorem in origine gradum? Hoc autem uno excepto, quod pater non est, omnia eadem habet filius. Ac sane neque aptus est hic honor, quia patre perueniat in filium. Hoc autem excepto, quæcunque patris sunt, filio etiam sunt communia. Hoc loco Marcionistæ, quod dictum est, arripientes; ecce, inquit, non est factus homo. Non enim dixit Paulus, factus est homo, sed *in similitudine hominû factus*. Quomodo uero potest quis in similitudine hominum fieri? umbram indutus? Igitur idolum istud est, ac tenuis imago; minime verò hominis similitudo. Hominis enim similitudo alter homo est. Quid autem respondebis Ioanni ita dicenti, [Verbum caro factum est?] Verum & hic ipse beatus alibi inquit [In similitudine carnis peccati] : *& habitu inuentus ut homo*. Ecce inquit, & habitu, & ut homo. At esse ut hominem, & esse habitu hominem, hoc nequaquam est uerè hominem esse. Habitu enim hominem esse, aliud est, ac natura esse hominē. Videte quàm ego ingenuè, & æquo animo ea, quæ ab aduersariis dicuntur, afferam. Tunc enim demum splendida, ac redundans uictoria parta erit; cum illorum argumenta, quæ aliquid roboris videntur habere, minime absconderimus. Abscondere enim, potius dolus est, quàm uictoria. Quid igitur inquit? rursus enim eadem repetamus. Aliud est habitu hominem esse, ac natura; atque esse ut hominem, & in similitudine hominis esse longe aliud est, atque hominem esse. Ergo & formam serui accipere aliud est, ac formam serui accipere. Secum igitur hoc ipsum pugnat; & quare tu non prior istud dissoluis? Nam quemadmodum hæc nobis aduersari existimas; ita & nos illud tibi aduersari ostendimus. Non enim dixit, ut forma serui, neq; in similitudine formæ serui; neque in habitu formæ serui; sed, *formam serui accipit*. Quid igitur hoc est? subest ne aliqua in uerbis pugna? nulla pu-

Cap. 1.
Rom. 8.

gnat abfit: sed operę precium est frigidam & ridiculam illorum interpretationem animaduertere. formam, inquit, serui accepit; cum linteo circumcinctus discipulorum pedes lauit. Hoc cene forma serui est? neutiquam forma serui est; sed opus serui. Aliud verò est opus serui esse; ac formam serui accipere. Cur enim non ita dixit, opus serui fecit; quod multò manifestius erat? Nusquam omnino in scriptura nomen formę pro opere est usurpatum. Magna enim inter hæc differentia intercedit. Nam alterum quidem naturę est; alterum verò functionis muneris, atque operationis. Nec verò vnquam in ipso etiam vñ loquendi formam pro opere dicimus. Quamquam apud istos ne opus quidem fecit, neque succinxit se. Etenim, si quod gerebatur, in visione ac spectro duntaxat consistebat; nulla suberat veritas. Si manus non habebat; quomodo lauit? si renes non habuit; quomodo se linteo succinxit. Ecce quę verò etiam vestimenta sumpsit? Nam [accepit, inquit, vestimenta sua]. Quemadmodum igitur nullum hęc opus, quod vere factum fuerit, reperitur; sed mera illusio; ita neque discipulorum pedes lauit. Nam si incorporea illa natura in carne non apparuit, neque in corpore fuit; quis igitur discipulos lauit? Ceterum quid rursus aduersus Paulum famosum afferemus? Quid nam ille dicit? plane idem. Nos autem istud tenemus. Non hoc esse inanitionem, eum qui naturam habeat humanam, purusque homo sit, lauare conseruos. Quę enim aduersus Arianos diximus; valent etiam aduersus istos. Nihil enim inter eos interest, nisi breue quoddam temporis. interuallū: vtrique enim creaturā statuunt Dei filiū. Quid igitur aduersus ipsos dicemus? si homo homines lauit; non inaniuit, non humiliavit se ipsum. Si cum homo esset, non hoc rapuit, nimirum esse se æqualem Deo; profecto non est, cur laudetur. Nam eum quidem, qui Deus sit, hominē fieri, magna humiliatio est; quāque nulla oratio consequi narrando queat. Eum verò, qui homo sit, humana facere; quæ tandem humiliatio? Vbi verò, quod opus Dei est, appellatur forma Dei? Etenim si purus homo erat, atque ex operibus.

Ioan. 13.

ribus appellatur forma Dei; cur non & in Petro id facimus; qui maiora etiam opera edidit? Cur non & Paulum in quibus Dei formam habuisse? cur non & seipsum ad exemplum proposuit Paulus; qui sexcenta ministeria seruilia obliuerat, ac nullum recusauerat? Inquit enim, [non enim nosmetipsos prædicamus, sed Iesum Christum dominum; nos autem seruos vestros per Iesum]. Deridicula, ac nugæ sunt, quæ ab istis afferuntur? humiliavit seipsum, inquit, Quomodo seipsum humiliavit, dic mihi. Ecquæ hæc inanitio? An quoniam miracula edidit? At hoc & Paulus & Petrus præstiterunt; quamobrem minimè hoc proprium, ac peculiare filii fuerit. Quid igitur sibi volunt verba illa *in similitudine hominum factus*? Multa ille quidem nostra habuit; multa verò non habuit; huiusmodi sunt, non esse natum ex commissione corporum; peccatum non admississe. Hæc ipsius erant propria, nullique hominum communia. Non hoc solum erat quod apparebat; sed etiam Deus. Etenim apparebat quidem homo; in multis verò non erat similis; tametsi carne similis erat. Hoc igitur ista verba indicant, non fuisse purum hominem: propterea inquit, *in similitudine hominum*. Etenim nos quidem anima, & corpus sumus: ille vero Deus, & anima & corpus. propterea inquit, *in similitudine*. Etenim ne audiens voces illas, *exinanivit semetipsum*, mutationem aliquam suspiceris, ac degenerationem, & interitum; manens, inquit, quod erat, assumpsit, quod non erat; & caro factus perseverauit esse Deus verbum. Hac igitur ratione Paulus dixit, similem esse homini; atque illud præterea addidit, *ut habitu*: non enim natura degenerauit; neque confusio vlla facta est; sed habitu factus est. Nam cum dixisset formam serui accepisse; fidenter postea istud etiam protulit; nimirum cum illud nemini non os obstruxisset. Etenim & cum ita dicit, [*in similitudine carnis peccati*] non hoc dicit, carnem non habuisse; sed carnem illam non peccasse; similem tamen fuisse peccatrici: Quatenus similis? secundum naturam, non secundum vitiositatem: Propterea similis animæ peccatricis. Quemadmodum igitur ibi similitudinis nomine usus est.

2. Cor. 4.

Rom. 8.

est; quoniam non omnia æqualiter se habebant; ita & hoc loco utitur; eò quod non omnia sunt æqualia; ut pote, quod non ex commistione corporum; quod sine peccato; quod minimè nudus homo; ac pulchrè dixit. *Vt homo*. Non enim erat unus ex multis, sed ut unus ex multis. Non enim Deus verbum in hominem degeneravit; neque substantia est mutata; sed tanquam homo apparuit; non simulacris ac visis nos decipiens; sed erudiens ad animi humilitatem. Cum igitur ita inquit, *Vt homo*, hoc sibi vult: cæteroquin
 1. Tim. 2. & hominem alibi ipsum uocat; ut cum dicit [Vnus Deus, & vnus mediator homo Christus Iesus.] Ea etiam diximus; quæ aduersus istos dicenda erant. Deinceps uerò aduersus eos, qui negant assumpsisse animam, necessariò dicendum. Si forma Dei perfectus Deus est; certe & forma serui perfectus est seruus. Iterum contra Arianos ratio suppetit. *Cum in forma Dei esset; inquit, non rapinam arbitratus est esse se æqualem Deo: hinc de diuinitate loquens nusquam istis verbis utitur, factus est, aut accepit: semetipsum exinanivit formam serui accipiens, in similitudine hominum factus: hinc de humanitate: quare audis ista uerba, accepit, & factus est. Hoc factus est; hoc accepit: illud uerò erat, ac subsistebat. Igitur nec confundamus, nec diuellamus. Vnus Deus; vnus Christus, qui filius Dei. Verum, cum vtor ista uoce, vnus: vnionem dico, non confusionem: non enim natura hæc in illam uersa degeneravit, sed unita est. Humiliauit semetipsum factus obediens usque ad mortem; mortem autem crucis. En, inquiunt, sponte factus est obediens, cum ei minimè æqualis esset, cui obediuit. O stolidi, ac dementes; hoc de illo nihil detrahit; quandoquidem nos etiam amicis obedimus, neque id tamen nos minores facit. Sponte filius patri obediuit; non quasi in seruilem conditionem decidisset; sed hoc ipso maximè seruans suspiciendam illam germani filii dignitatem; magnū, inquam, patri honorem exhibendo. Honorauit patrem; non ut ipsum propterea tu honore spoliare; sed ut ma-*

gis

gis suspiceret, ac uenerareris; ut uel hinc germanum filium agnosceres, ac suspiceres; quod omnium maximè patrem honorauit. Nemo Deum ita honorauit. Quantum habuit celsitatis; tantundem uicissim humilitatis subiit. Quemadmodum omnibus maior est, ac nemo illi æqualis; ita in patre etiam honorando omnes uicit, non coactus, neque inuitus; sed hoc etiam uirtutis ipsius fuit: aut potius desunt mihi uerba, quibus utar. Magnum omnino illud est; atque inexplicabile, seruum fieri: sed mortem præterea subire, longe adhuc maius. Verumtamen, & aliud quiddam est hoc facto maius, magisque opinionem omnem exuperans. Quomodo? non cuiusque mortis eadem conditio est. Hæc uerò, quam dominus pertulit, omnium turpissima habebatur: hæc plenissima ignominia: hæc, quam homines execrentur.

[Maledictus enim inquit, omnis, qui pendet in ligno]. *Deuter. 21 et Gal. 2.*

Propterea etiam Iudæi hac ipsum morte afficere studuerunt; quod infamem præterea redderent; ut nisi quis ab eo idcirco deficeret, quod è medio sublatus esset; saltem ob hanc causam deficeret; quod hoc modo sublatus. Propterea etiam inter duos latrones Cruci affixus est; ut eadem de ipso, ac de illis existimatio esset; atque impleretur, quod dictum est. [Et cum iniquis reputatus est]: sed tanto magis elucet ueritas; tanto illius prior redditur.

Esa. 53. 8 et Mar. 10.

Longe enim pulchrius, atque admiratione dignius spectaculum apparet; cum tot ab hostibus aduersus ipsius gloriam artificiiis, ac machinis adhibitis, splendet tamen illa, & fulget. Illi enim non solum, quod interfecerant, sed etiam, quod hoc modo interfecerant, talem se reddidisse putabant; quem homines detestarentur, ac maximè quidem detestarentur; nec tamen quicquam profecerunt. Erant uero ambo illi latrones adeo impuri, (nam postea quidem alter ipsorum in bonam partem mutatus est) ut etiam dum in Cruce essent, in ipsum probra iacerent; illorumque furorem non conscientia suo-

Luc. 23.

suorum peccatorum, non supplicium, non eiusdem poenę perpeſſio coerceret; quod etiam vnus ipſorum vidit, atque alterum his verbis compescuit. [Neque tu times Deum; quòd in eadem damnatione ſumus?] tanta erat illorum improbitas; ſed nihil hinc quicquam detrimenti proprię ipſius glorię allatum eſt: quamobrem inquit. & *Deus exaltauit illum, & donauit illi nomen, quod eſt ſuper omne nomen*: Poſtquam Paulus carnis mentionem induxit: ſidenter deinceps omnia illa commemorat; quę humilitatem indicant. Quoad enim minimè dixerat, formam ſerui ſumpſiſſe, ſed de diuinitate differebat; vide quàm excelleſe: excelleſe, inquam, pro virium modo: nam illius quidem dignitatem non aſſequitur: minimè enim poteſt. *Cum in forma Dei eſſet, inquit, non rapinam arbitratus eſt eſſe ſe æqualem Deo*: At poſtquàm dixit hominem eſſe factum; ſidenter deinde, quę humilia ſunt, profert; hoc fretus, nullum diuinitati damnum propterea importari; quòd humilia de ipſius carne commemorentur iſtas ſuſcipiente humilitates. Propter quod & *Deus exaltauit illum; & donauit illi nomen; quod eſt ſuper omne nomen; ut in nomine Ieſu omne genu ſelectatur, celeſtium, & terreſtrium, & infernorum; & omnis lingua confiteatur; quia dominus Chriſtus Ieſus in gloriam Dei patris*: Dicamus aduerſus hæreticos. Si hæc de non incarnato afferuntur, ſi de Deo verbo; quomodo ipſum exaltauit? & hoc modo exaltauit; quaſi plus aliquid ei dederit? Ergo hac quidem ex parte imperfectus erat; & per nos obtinuit perfectionem. Etenim niſi nobis benefeciſſet; neutiquam honorem iſtum eſſet conſequutus, & *donauit, inquit, nomen*: Hem ne nomen quidem, quantum veſtra fert opinio, habebat. Quomodo verò, ſi id, quod ſibi debebatur, acceperit; ex dono, & gratia accepiſſetuebimur? *Et donauit nomen, quod eſt ſuper omne nomen*. Verùm, & quale ſit iſtud nomen, videamus. *Vt in nomine Ieſu Chriſti, inquit, omne genu ſelectatur*: Nomen iſti gloriam interpretantur. Hęc igitur gloria omnem gloriam ſuperat. Gloria autem omnino hæc apud vos eſt, ſelecti gēua ac ſe ad illum prouoluere. Longe abeſtis à Dei magnitudine ò vos, qui vobis cognitum eſſe Deum putatis, quem admodum

admodum ipse seipsum novit. Atqui vel istud satis indicat, quantum à bona mente, rectaq; de Deo sententia absitis. Ceterum hoc etiam indicabit; Hæc, dic mihi gloria est? Ergo antequam homines facti essent, antequam Angeli, antequam Archangeli, minime erat in gloria. Etenim si hæc ea gloria est, quæ superat omnem gloriam (hoc enim significant illa verba, *quod est super omne nomen*); certè tametsi in gloria erat, at saltem in minore, quàm nunc sit. Huc igitur spectans, & ob hanc causam, ut gloriam assequeretur, res ipsas condidit, minime verò bonitate adductus, sed indigus gloriæ, quæ à nobis proficisceretur? Videte amentiam; videte impietatem. Itaq; si hæc de incarnato dicantur; optima sane ratione dicètur: finit enim Deus verbum de carne hæc dici: Non enim divinam naturam tangunt; sed omnia in œconomia, idest in assumpta humanitate hærent, atque insunt. Nunc verò ad Deitatem ista malitiosè accommodantibus nulla superest venia. Quamobrem, si quando dixerimus, hominem Deus fecit immortalem; etiam si de toto homine dicam; quid dicā, scio. Quid verò illa sibi verba volunt? *Coelestium; & terrestrium, & infernorum*: id est omnis mūdus, & angeli, & homines, & demones; vel hoc significat, & iusti, & peccatores. *Et omnis lingua confiteatur, quia dominus Iesus Christus in gloriam Dei patris*, id est, ut omnes hoc dicant. Id verò gloria patris est. Vides ubiq; cum filius glorificatur, glorificari patrem? itidem verò dedecorato filio, dedecoratur etiam pater. Nā si apud nos hoc sit, ubi inter patrem, & filios multum interest; multò magis in Deo, ubi nihil discriminis, in ipsum & honor, & dedecus redundabit. Nam si orbis, inquit, fuerit subiectus filio; id gloria patris est. Ergo, & cum dicimus esse perfectū, non indigentem, nihilo minorem patre; hoc gloria patris est. Hoc & potentiæ ipsius magnum indicium, & bonitatis, & sapientiæ, quòd filium talem genuit; quòd nihilo minorem, neque quòd ad bonitatem, neque quòd ad sapientiam attinet: Cum sapientem esse dico item ut patrem, & nihilo minorem; hoc magnæ patris sapientiæ indicium est: cum dico potentem equè esse, ac patrem; hoc potentiæ

L

patris

Videtur innuere locū

Pauli 1.


Cor. 15. et

Heb. 2.

patris indicium est: cum dico bonum esse item ut patrem; hoc bonitatis argumentum maximum; talem, inquam, genuisse, qui nequaquam ipso sit inferior, nequaquam minor, atque indigus. Cum dico non esse minorem secundum essentiam, sed æqualem, neque alterius esse substantiæ; hinc etiam rursus Deum suspicio, & potentiam ipsius, & bonitatem, & sapientiam; qui alium ex se nobis eiusdemmodi promiserit, hoc excepto, quod pater non est. Quamobrem, quæcunque tandem de filio magna dixerò, omnia hæc in patrem reducuntur. Nam si exiguum istud, ac leue (exiguum enim ad Dei gloriam est, à mundo filium adorari) ad gloriam Dei pertinet; multò magis reliqua omnia.

MORALIS DIGRESSIO.

*Non suffi-
cit sola fi-
des.*



REDAMVS igitur ad ipsius gloriam; & vivamus ad ipsius gloriam. Alterius enim sine altero nulla utilitas. Nam, cum illum rectè quidem glorificamus, sed non rectè vivimus; tunc maximè in ipsum contumeliosi sumus; quippe qui illum dominum, ac magistrum in inscriptione ipsa præ nobis ferentes, nihilominus eum contemnimus; nec terribile illud tribunal pertimescimus. Etenim Græcos quidè impure vivere, neque mirandum est, neque tanto dignum supplicio. At Christianos tantorum mysteriorum participes, tantæque gloriæ compotes adeò impuram vitam vivere, hoc nimirum est, quod omnem exuperat improbitatem; nulloque pacto ferendum est: id adeo mecum recognosce. Christus usque ad ultima obedientiæ officia descendit; propterea ad excelsum illum honoris gradum pervenit; servus factus est; propterea omnium factus est dominus, & Angelorum, & cæterorum omnium. Quamobrem nos etiam minimè de statu dignitatis nostræ deiici existimemus; cum nos ipsos humiliaverimus. Tunc enim potius vere in sublime ferimur: tunc maximè digni sumus, qui

qui suspiciamur. Quòd enim sublimis sit humilis; humilis verò sublimis; sufficit ad fidem faciendam vel vna Christi sententia hoc pronuncians. Verumtamen ipsam quoque rei naturam perpendamus: quid est humiliari? an non vituperari? an non accusari, & calumniis peti? quid verò exaltari? non ne honorari? laudari? in magna gloria esse? Videamus igitur, quomodo ad hæc perueniatur. Angelus erat Satana: ipsum exaltauit: quid igitur? non ne omnium maximè est humiliatus? non ne sedes ipsius terra est? non ne ab omnibus accusatur? omniumque criminationi patet? Homo erat Paulus; humiliavit seipsum: quid igitur? an non suspicatur? an non laudibus, atque encomiis celebratur; an non Christi amicus est? an non maiora illis edidit; quæ Christus fecerat? an non sæpè diabolo tantquam mancipio imperauit? an non veluti lictorem circumduxit? an non ludibrio habuit? an non contritum illius caput suis subiecit pedibus? an non aliis etiam hoc idem magna cum fidentia à Deo precatus est? Quid hæc affero? extulit seipsum Absalon; deiecit, seipsum David: vter tandem positus in excelsò est? vter gloria circumfluxit? Quid enim verbis hisce humilior; quibus beatus hic Propheta erga Semei vsus est? cum ita diceret [dimittite eum; vt maledicat mihi: Dominus enim præcepit ei.] humiliavit seipsum publicanus (quanquam ne animi quidè humilitas erat) sed tamen quàm modeste, & verecundè dicebat, quæ dicebat? Extulit seipsum Phariseus: sed, si libet, omissis personis res ipsas examinemus. Statuantur duo aliqui, ambo & diuitiis, & honoribus abundantes; ac tum sapientiæ, tum potentiæ, & cuiusuis alius in mundanis bonis præstantiæ nomine de se ipsis magnificè sentientes. deinde alter quidem honores ab omnibus petat, & nisi accipiat, irascatur, & plusquam opus est, exigat, ac seipsum extollat; alter vero totam rem despiciat; nemini hac de causa succenseat; de atumque sibi honorem repudiet. Vter, dic mihi, maior est, an qui honorem non accipit, quamuis petat; an qui delatos etiam despicit? perspicue hic, qui contemnit; & iure quidem. Gloriæ enim consequendæ

Humilitatē esse quæ nos in altū euehat.

Ro. 16.

2. Ro. 16.

*Gloriā consequimur fru-
giendo.*

alia ratio non est, quàm gloriam fugere. Quandiu enim ipsam persequimur; fugit nos; cum uerò eam fugimus; ipsa nos persequitur. Si uis in gloria esse; gloriam ne concupiscas: si uis celsus esse; ne te ipse in sublime efferas. Atque alia etiam causa est; quamobrem homines colant honoris non appetentem; consecretantem uerò auersentur. Insitum enim hoc quodammodo est hominum generi contentio- nis esse cupidum, & cum aliorum desideriis luctari. Itaque despiciamus gloriam: ita enim poterimus humiles fieri, vel potius celsi. Ne te ipsum extollas; ut ab alio extollaris. Quia se ipse extollitur; is ab aliis non extollitur: qui se ipsum deiecit; is ab aliis non deiecitur. Magnum arrogantia malum est. Satiùs est stolidum esse, quàm arrogātem: nam ibi quidem stultitia sola mētis infirmitas, atque inopia est; hīc uero stultitia deterior est, & stultitia quidē cum furore coniuncta. Stolidus sibi ipsi nocet; arrogans uerò aliorum etiam perniciēs est. A dementia hīc morbus procreatur: fieri minimē potest; ut quis de se magnos spiritus sumat: nisi stultus sit: qui uerò ualde stultus est; is arrogans quoque est. Audi sapientem quēdam ita dicentem [Vidi hominem sapientem sibi uideri: magis uero illo spem habet insipiens]. Vides non me temere dixisse grauius esse hoc malum stoliditate? [magis enim, inquit, illo spem habet insipiens]. Propterea Paulus etiam dicebat [Nolite esse prudentes apud uos metipsos]. In corporibus, dic mihi, quæ nam ualere dicimus? utrum ualde tumida, ac multo intus referta flatu, & aqua? an depressa, & contractam habentia superficiem? sine dubio hęc. Ergo & in anima idem euenit: quæ tumet; grauiorem hydropē morbum habet: quæ uero depressa est; omni caret perturbatione. Quot igitur bona parit nobis animi humilitas? Quid quæris? non ne hinc illa existunt, malarum rerum esse tolerātem, iracundiæ expertem, humanum, sobrium, attentum, atque alacrem? Hęc, inquam, omnia bona ab humilitate proficiuntur; contraria uerò ab arrogantia. Nam, qui arrogans est; hunc & contumeliosum esse necesse est, & percussorem, & iracundum, & amarum, & tristem, omninoque fe-

ram

Prou. 26.

Rom. 12.

ram potius, quàm hominem . Robustus es, ac superbis ?
Quin inde potius deprimi debueras ? cur enim ex re , quæ
nullius ponderis est , magnos tibi spiritus sumis ? Etenim
& leo te audacior est , & ius robustior ; ac præ illis ne culex
quidem es . Et latrones verò , & sacrilegi , & gladiatores , &
famuli tui , fortasse uerò , & qui inter ipsos hebetiores sunt ,
te robore , & uiribus excellunt . Hoccine igitur laude di-
gnum ? ac non te ipsum præ pudore abdis ; qui ideo super-
bias ? At pulcher es , & in ætatis uigore . Cornicum hæc glo-
riatio est ; nō es pauone pulchrior , siue nitorem , siue pen-
nas spectes : Pennæ auis longe te vincunt , ipsa coma , ipso
nitore . Atqui olor etiam ualde pulcher est , aliæque aues
multæ : quibuscum si te contuleris ; despicias plane te ip-
sum . Sæpè verò , & uiles pueruli , & uirgines innuptæ , & fa-
mosæ mulieres , & molles homines hanc habent gloriatio-
nem . Hoccine igitur arrogantia dignum ? Atenim diui-
tiis abundas ? unde ? quibus rebus abundans ? auro , argen-
to , lapillis pretiosis ? Hæc & latronum gloriatio est , & se-
ctorum , & eorum , qui metalla effodiunt . Ergo quod dam-
natis labor est ; id tibi gloriandi causa erit ? At ornatu nites ?
equos etiam licet cernere pulchrè ornatos . Apud Persas
verò camelos etiam uideas mirificè comptos ; inter homi-
nes autem eos omnes , qui ex scæna . Non pudet te has ob-
res magnos spiritus sumere , in quibus tecum communi-
cant bruta animantia , & serui , & homicidæ , & molles , &
latrones , & sepulchrorū perfossores ? At ædes extruis splen-
didas : Et quanti hoc ? multi graculi splendidius habitant ;
& magnificentiora habent domicilia . An non uides ab his
ipsis , qui diuitiis ita immoriuntur , ut insaniant , in agris ,
ac solitudine extructas domos , graculorum esse domicilia ?
At uocis gratia superbis ? Olore & luscinia nunquam pote-
ris canere suauius ? at artium multitudine ? Ecquid in his
ape sapientius ? Ecquis uariegandi artifex , ecquis pictor ,
ecquis architectus istius imitari opera poterit ? At subtili-
tate uestis ? Cæterum hîc te araneæ vincunt . At uelocitate
pedum ? rursus primæ brutis animantibus deferendæ , le-
pori , damæ : & quot iumēta uelocitate pedum minimè vin-
cuntur ?

Matt. 6.

cuntur? At mutas sedes? uerum nihilo plus auibus; hæ enim facilius peregrinantur, ac sedes mutant; non viatico, non iumentis egent: sed ad omnia illis ala satis est. hæc naus est; hæc iumentum; hæc vehiculum, hæc ventus; & quidquid aliud postulari queat; at acutè cernis? uerum non æque, atque caprea, aut aquila: at acutè audis? uerum tamen asinus acutius. At bene olfacis? uerum canis minime se abs te vinci patitur: at parandi victus artificium tenes? uerum formicæ cedis: at aurum gestas? uerum non item atque indicæ formicæ: At sanitas te effert? multò melius brutis animantibus est; siue bonitatem habitus, siue parandarum rerum, quæ ad vitam faciunt, facultatem spectes: non illa paupertatem timent [Respicite enim inquit, volatilia cœli, quæ non ferunt, neque metunt, neque congregant in horrea.] Ergo, inquires, bruta ipsa nobis præstantiora Deus condidit. Vides quanta sit inconsiderantia? vides, quàm negligenter res examinentur? vides, quantum illud sit, quod rerum ipsarum pondus examinatum nobis largitur? Ille qui præ omnibus hominibus magnos sibi spiritus sumebat; vel brutis ipsis vilior esse conuictus est. Sed nos ei parcamus; neque ipsum imitemur. Non enim, quoniam supra nostræ naturæ conditionem de se magnificè sentit; delectum illum infra brutorum ordinem iacere patiamur; sed inde ipsum extrahamus, atque euehamus, non quidem ipsius gratia (nam ille quidem qui huiusmodi conditionem subeat, dignus est) sed ut Dei humanitas, honorque ab eo nobis tributus demonstretur. Sunt enim, sunt omnino quædam; in quibus quidem nihil brutis animantibus nobiscum commune est. quæ nam hæc? pietas, & uita uirtuti congruens. Hic non potes in medium adducere scortatores, non molles, non homicidas. Longe enim ab illis distamus. Quid uerò hoc est? Deum nouimus; ipsius prouidentiam agnoscimus; de immortalitate philosophamur. Hic cedunt bruta: de huiusmodi rebus non hesitantes sobriè sentimus: Hic nihil brutis commune nobiscum est. Nam cum omnibus illis inferiores simus; iis tamen imperamus: nam in hoc extat imperii magnitudo

gnitudo; quòd ipsis inferiores regnum tamen in ipsa obtinemus; ut intelligas non te harum rerum esse causam; sed Deum, qui te condidit, & rationem largitus est: retia, & laqueos illis tendimus; in quos ipsa impellimus, & capimus: moderatio .n. nobis adest, æquitas, lenitas, pecuniarum despicientia. Sed quoniã tu unus ex arrogatibus es; nihilq; horum habes; merito uel præ omnibus hominibus magnificè de te sentis; uel præ omnibus brutis humiliter. Talis enim est arrogantia, & audacia: uel præter æquum sese effert; uel itidem se deiicit, nusquam modum seruans. Hac quidem re æquales sumus Angelis; regnum nobis promissum est, & chorea cum Christo. Qui uerè homo est; uapulat, & non succumbit; mortem despicit; non tremit; non metuit; non appetit plura. Quamobrè qui tales non sunt; brutis sunt deteriores. Quando enim rebus quidè ad corpus pertinentibus alios homines uincis, eximiis uerò, atq; excellentibus animi ornamenti careres; quomodo brutis non es deterior? Age enim in medium adducamus eorum aliquem; qui cum vitio, qui minimè congruenter rationi, qui in delitiis, & immoderata rerum abundantia uiuunt. Isto equus est pugnacior, sus robustior, lepus uelocior, pavo formosior, olor vocis suauitate præstantior, elephas maior, aquila facultate cernendi acutior, omnes aues ditiores. Vnde igitur dignus es; qui brutis domineris? ex ratione? minimè id quidem. Quàdo enim illa, quò oportebat, non uteris; rursus illis es deterior. Quando enim ratione præditus minus quàm illa, congruenter rationi uiuis; satius tibi erat neque initio factum esse rationis cōpotem. Non enim idem est, cum principatum acceperis, illum prodere; atq; initio non accepisse. Regi satellitibus suis deteriori satius erat neq; purpura se induisse. Idè hac in re euenit: Intelligētes igitur uel brutis ipsis nos esse deteriores, nisi uirtutē habeamus; huic exercendæ operam demus, ut homines siamus, uel potius angeli; promissisq; bonis fruamur, quæ utinam nobis omnibus consequi liceat gratia, & humanitate. Domini nostri Iesu Christi; cum quo patri, simulq; sancto spiritui gloria, imperium, honos nunc, & semper, & in secula seculorum. Amen.

S E R M O O C T A V V S.



ITAQVE charissimi mei, sicut semper obediſtis, non in praesentia mei tantum, sed & multò magis nunc in absentia mea cum timore, & tremore uestram salutem operamini. Deus est enim, qui operatur in uobis, & uelle, & operari pro bona uoluntate: omnia autem facite sine murmurationibus, & hesitationibus, ut sitis sine quarela, & simplices; filij Dei sine reprehensione in medio nationis prauae, & peruersae, inter quos lucetis, sicut luminaria in mundo, uerbum uitae continentes ad gloriam meam in diem Christi. Admonitiones laudationibus temperandae sunt. Nam hoc modo in bonam partem accipiuntur; cum eos, quos monemus, ad suam ipsorum imitationem prouocamus; quod nunc etiam Paulus fecit. Attende autem, qua ratione, & quàm prudenter. Itaque charissimi mei, inquit: non hoc nudè, atque absolutè dixit, obedite; sed postquam illos laudauit, atque ea uerba praemisit, sicut semper obediſtis, idest hortor, atque obsecro uos; ut imitemini non alios, sed uos ipsos. Non in praesentia mei tantum, sed multò magis in absentia mea: cur multo magis in absentia mea? cur? tunc quidem fortasse uidebamini omnia facere pro uestra in me reuerentia, quodque mihi honorè haberetis: nunc verò non ita. Quòd si nunc maiorem etiam animi contentionem, ac diligentiam ostenderitis; illud simul constabit, tunc quoque Dei causa, non mea uos adductos esse. Dic rogo Paule quid tibi uis: non ut me audiat; sed ut cum timore, & tremore uestram ipsorum salutem operemini. Nefas enim est eum, qui sine timore uiuit, praecclarum quippiam, & admirandum edere. Neque tantum dixit, timore, sed addidit, & tremore, qui maior quidam, & uehementior timor est; nimirum id studens, ut illos attentiores reddat. Hunc habebat timorem Paulus; propterea etiam dicebat. [Timeo, ne quomodo cum aliis praedicauero, ipse reprobus efficiar]. Nam si quae ad uitam hanc pertinent, sine timore rectè acquiri non possunt; multò minus spiritualia. Cedò

1. Cor. 9.
De utilitate
timoris.

Cedò enim, quis literas sine timore didicit? quis artem tenuit sine timore? quòd si ubi non imminet Diabolus, sed sola negligentia impedimento est; tanto opus est labore, ut solam illam naturalem negligētiam uincamus; ubi tantum impendet bellum, tanta impedimenta; quò fieri vnquā poterit; ut sine timore salutem consequamur? sed qua ratione hic in nobis excitabitur timor? si illud in animo habuerimus, ubique adesse Deum, omnia audire, omnia uidere nō ea solum, quæ fiunt, aut dicuntur, sed etiam quęcunque in cordibus, & recessu mentis latent [Discretor *Heb. 4.* enim est cogitationum & intentionum cordis.] Si ita nos ipsos preparauerimus; nihil cum improbitate coniunctum faciemus, nihil dicemus, nihil cogitabimus. Dic enim mihi, si tibi perpetuò in conspectu Principis standum esset; non ne cum timore stares? Et quò fit; ut cum Deo adstes; rideas, & osciteris; nec timeas, neque contremiscas? Tolerantione illius per contemptum ne abutitor: Ideo enim cunctatur; ut te ad poenitentiam adducat: neque cū quid vis tibi faciendum est, sine hac cogitatione facere adducaris, omnibus factis interessè Deum. Interest enim omnino. Ergo siue comedas, siue dormitum eas, siue irascaris, siue rapias, siue in delitiis agas, siue quid uis aliud facias; crede interessè Deum; ac nunquam in risum incides, nunquam ira accenderis. Si hanc perpetuo retinueris cogitationem; perpetuo in timore, ac tremore eris; quippe qui in cōspectu regis adstes. Aedificator, etiam si bene peritus sit, ac bonus artifex, cum timore tamē, ac tremore stat, metuens, ne ab ædificio decidat. Ergo & tu, qui credidisti, multa virtutis officia functus es, ad excelsum quēdam gradum peruenisti: te ipsum in tuto contine, & cum timore sta, atque oculos aperi, ne inde decidas. Multa .n. sunt spiritualia illa nequitia; quæ id student, ut te deiiciant. [Seruite, inquit, *Eph. 6.* domino in timore, & exultate ei cū tremore.] Et quæ nam *Psal. 2.* esse potest exultatio cum tremore? quin hæc ipsa sola est exultatio. Nam cum aliquod uirtutis officium, ac tale omnino quippiam præstiterimus, quale cōsentaneum est eos præstare, qui tremorem in faciendo adhibent; tunc solum

M gande-

gaudemus. Cum timore, & tremore uestram salutem operamini. Non dixit tantum, ἐργάζεσθε, sed κατεργάζεσθε: idest non quouis modo operamini, sed accurate, magnoque cum studio operamini. Quoniam uero dixit, Cum timore, & tremore, ac sollicitudinem iniecit; uide, quomodo illam mitiget. Quid enim inquit? Deus est, qui operatur in uobis. Ne illud tibi metū incutiat, quod dixi, Cum timore, & tremore: non .n. ideo dixi, ut desperes; ut uirtutem rem huiusmodi esse putes; quam cōsequi nullo pacto queas; sed ut mentē adhibeas; ac ne te ipsum remittas, ac quasi fatiscas. Si hoc attuleris; Deus omnia operabitur. tu confidito. Deus enim est, qui operatur in uobis. Ergo si ipse operatur; nos uoluntatem ipsam penitus obsecundantem, non remissam, sed contentā, atq; in sese collectā exhibeamus oportet. Deus enim est, qui operatur in uobis & uelle, & operari. Si Deus est, qui in nobis hoc operatur, ut uelimus; cur nos cohortaris? Nam si ipse est, qui ut uelimus, facit, si ustra nobis dicis, obedistis: non enim nos sumus; qui obediunt: frustra dicis, in timore, et tremore. Totum enim Dei est. Minimè uerò huc spectans, inquit, ista uerba protuli, Deus est, qui operatur & uelle, & operari, sed eò; ut uestram sollicitudinem sedarem. Si uolueris; tunc operabitur, ut uelis: nō te iste metus angat. Et propensionem uoluntatis ipse nobis dat, & operationē. Etenim ubi uoluerimus; de cætero augebit propensionem uoluntatis: ueluti, uolo boni quippiā operari: hoc ipsum bonum ille operatur; & per hanc boni operationē operatur etiā uelle. Aut ex abundātia pietatis hoc inquit; quemadmodū cū nostra rectē facta, charismata, ac dona appellat. Quemadmodum igitur illa nominans charismata nō propterea nos deicit de liberi arbitrii possessione; sed hanc ipsam liberam, ac sui iuris potestatem nobis permittit; ita cum inquit Deum esse, qui operatur in nobis uelle; minime nos libero arbitrio priuat; sed ostendit recte faciendo magnam nos acquirere propensionem ad uolendum. Nam quemadmodum faciendo illud consequimur, ut faciamus; ita non faciendo hoc comparatur, ut non faciamus: dedisti eleemosynam? te ipsum magis incitasti ad dandum. non dedisti?

magis

Quomodo
Deus ope-
retur uelle.

magis te ad cessationem cōparasti. Temperasti tibi unum diem? habes incitamentum, ut & alterum temperes. temperare neglexisti? auxilii negligentiam. [Impius enim, inquit, cum in profundum uenerit peccatorum, cōtemnit.] Quemadmodum igitur, qui in malorum profundum descendit; contemnit, ac negligit; ita qui in profundum bonorum uenit; studiosè agit. Nam ut ille desperatione negligentior sit; ita hic bonorum copiam secum cogitās, diligentior sit, ne totum perdat, *pro bona uoluntate inquit: id est propter charitatem; ut Deo placeatis; ut quæ illi probantur, quæque illius uoluntati consentanea sunt, fiant.* Hoc loco ostendit, & fidere nos facit, fore omnino, ut Deus operetur. Vult enim nostram nos ad illius uoluntatem aggregare, atque ita ut uult, viuere. Quòd si Deus uult; illud autem quod uult, ipse operatur; certe hoc quoque operabitur, ac præstabit; ut rectè uiuamus. Hoc enim uult. Vides à Paulo minimè tolli arbitrii libertatem? *hæc omnia, inquit, facite sine murmurationibus, & hæitationibus.* Diabolus ubi nos abducere minimè potuerit; quin rectè faciamus; alia quadam ratione molitur inanem reddere mercedem nostram. Nam uel uanæ gloriæ amorem, uel arrogantiam induxit, uel si nihil horum, murmurationem, uel saltem hæitationem. Ac vide; quomodo hæc purget Paulus. Dixit de animi humilitate, quæcunque iam audiuiſtis, arrogantiam abigens; dixit de inanis gloriæ studio, comprimens tumorem, *Non in præsentia, inquit, mei tantum: nunc uerò nonnulla addit de murmuratione, & hæitatione.* Ecquid uerò causæ est; quamobrem, cū Corinthiis adimeret hunc morbum, Israelitarum etiam mentionem fecit; hoc autem loco nihil huiusmodi attulit, sed simpliciter præcepit? nimirū quoniam illi ab hoc morbo iam fuerant occupati: quamobrè altius inferre vulnus necesse habebat, ac uehementius obiurgare: Hic uerò, ne se occupari sinant, monet. Igitur erga eos, qui nondum peccarant, superuacuum erat durioribus uerbis uti; quò sibi cauere. Nā & ad animi humilitatē adducens non attulit exemplū illud ex

Pron. 13.

1. Cor. 10.

Heb. 12.

Heb. 10.

ex Abac. 2

ubi uulgata

habet [qui

incredulus

est, non erit

recta anima

eius in se-

metipso.]

2. Cor. 12.

Euangelio; ubi superborum supplicium narratur: sed ab exemplo Dei admonitionem duxit: ipsisque omnino, ut ingenuis loquitur, ut legitimis filiis, non ut famulis. Etenim ad uirtutem sequendam is, qui bona & generosa mente præditus est, exemplo eorum, qui recte se gesserunt, adducitur; is uero, cui mala mens, ac malus animus; eorum exemplo, qui uirtutis munera non obiuerunt; ille honore, hic supplicio. Propterea ad Hebreos etiam scribens Esau in medium adduxit [qui propter unam escam uendidit primitiua] & rursus, [si subtraxerit se, non placebit animæ meæ] Atqui inter Corinthios quidē multi erant; qui scortati fuerant. Propterea dicebat [Ne iterum cū uenero ad uos; humiliet me Deus meus; & lugeam multos ex iis, qui antea peccauerunt; & non egerunt poenitentiam super immunditia, & fornicatione, & impudicitia, quam gesserunt]: ut sitis, inquit, sine querela, et simplices: id est nulli reprehensioni obnoxii, puri, atque integri. Non enim leuem maculam imponit murmuratio. Quid autē significat, sine hesitationibus? Vtrum bonū est, an minimē? ne in disputationem, inquit, rem adducatis; etiam si labor, etiam si molestia sit, quod proponitur. Non dixit, ut ne puniamini; quamquam isti etiam rei supplicium est propositum, quod in Epistola ad Corinthios indicauit: sed hic nihil eiusmodi dixit, sed ut sitis, inquit, sine querela, & simplices, filij Dei sine reprehensione, in medio nationis prauæ, & peruersæ, inter quos lucetis, sicut luminaria in mundo uerbum uitæ continentes ad gloriam meam in diem Christi.

MORALIS DIGRESSIO.

*Aduersus
murmura-
tores.*



IDES hos a Paulo institui, ne obmurmurent: Est enim iniqui, ac stupidi serui obmurmurare. Ecquis enim dic mihi filius est; qui in bonis paternis, ac sibi ipse laborem capiens obmurmuret? Cogita, inquit, te tibi ipsi laborare, tibi ipsi colligere. Illorum uero proprium est obmurmurare; qui aliis laborant, aliis sudant: Qui autem sibi ipse colligit,

ligit; cur obmurmurat? quòd ipsius diuitiæ non crescunt? minimè id quidem. Qui sponte nulla imposita necessitate facit; cur obmurmurat? satius est nihil agere, quàm murmurando agere. Nam & hoc ipsum, quod fit, perit. An nò vides in ipsis met domibus nostris hæc nobis semper in ore esse; satius est isthæc minimè fieri, quàm obmurmurando fieri? Ac sepè malumus ministerio, quod nobis exhibetur, carere, quàm murmurantem ferre. Grauis enim res, grauis est murmuratio; ac prope ad blasphemiam accedit: alioqui cur tantum de illis supplicii sumptum fuisset? uitium istud crimen ingrati animi est. Qui murmurat; ingratus est erga Deum: qui verò erga Deum ingratus est; profectò blasphemus etiam est. Ac sanè eo maximè tempore còtinentes tentationes erant, & contexta pericula: nulla dabatur requies, nulla cessatio: undique innumerabilia ingruiebant mala: nunc uerò summa pax, ac tranquillitas. Cur igitur murmurat? quòd pauper es? Iob illum cogita: morbo laboras? Quid igitur faceres, si tantorum tibi bonorum, ac sanctus ille, rectorumq; factorum conscius in morbum incidisses? Rursus illum cogita. Ille quidè per diu erat, cum vermes scaturire, in stercore sedere, scabiem fricare persequeretur. [Nam cum multum, inquit, temporis præcessisset, dixit ad eum mulier: quousque uteris patientia ista, ac perges dicere; adhuc paulum quiddam temporis expecto? Dic verbū aliquod ad dominum, ac morere.] At filius tibi obiit? quid igitur, si omnes amisisses, & acerba quidè morte; quemadmodum ille? Nostis enim, nostis, assidere egrotanti, os ori conferre, oculos claudere, contrectare genas, suprema audire uerba, quātum solatii afferat: quorum nullo dignatus est iustus ille; sed omnes simul obruti occubuerūt. Et quid hæc dico? si ipse iustus esses filium tuum interimere, & immolare, & ardētem spectare, quemadmodum beatus ille Patriarcha; quid fecisses? Ille uerò & altare ædificabat; & ligna imponebat; & filium ligabat. At nonnulli sunt, qui te conuiciis confectentur? quid igitur tibi animi esset; si hæc eadem ab amicis, qui consolationis causa aduenissent, audires? Nam nunc quidè multa habemus pecca-

*Iob. 2.
Vbi vulgata hêt [dixit autè illi uxor sua, &c.]*

peccata; iureq; probris afficimur. Tunc uerò ille uerax, iustus, pius, qui se se ab omni crimine abstinerebat, secus omnia ab amicis audiebat. Quid uerò, dic mihi, si mulierem exprobrantem audires, ac dicentem, [Ego quasi erratica quædam mulier, & famula locum ex loco, domum ex domo circumerrans, Solis aliquando occasum expectās; ut à doloribus me undique prementibus requiescam]: cur ista inquis ò stolidus? Non enim harum rerum tibi causa est uir, sed diabolus. [Dic, inquit, uerbum aliquod aduersus dominum, & morere.] Ita ne? si decumbens hoc diceret; ac moreretur; tibi ne melius esset? Nō est morbus illo grauior; etiam si sexcentos afferas. Talis, ac tantus erat; ut ne domi quidem, ac sub tecto manere posset: talis erat; ut omnes ab eo deficerent. Non enim, si ullam admisisset medicinam; extra urbem sedisset; deteriori conditione, quàm illi, qui elephantias laborāt. Nam isti quidē & domos subeunt & inter se congregantur. Ille uerò sub dio in stercore nudus pernoctabat; ac ne uestē quidē induere poterat: quomodo enim? quin etiam fortasse creuisset dolor. [Macero, inquit, glebas terrę saniem scalpens]: carnes ipsius saniem, ac vermes scaturiebant; idq; assidue? Sentis, quàm quisque nostrum hæc audiens horrescat? Quòd si ea sunt auditu intolerabilia; quanto magis perpeſſu? Ac tamen perpeſſus est iustus ille non unum, aut alterum diem, sed per diu; nec peccauit quicquā in labiis suis. Ecquem huiusmodi morbum potes mihi afferre? tot refertum doloribus? an nō iste cecitate, ac membrorū mutilatione deterior erat? [Fetidos enim sentio cibos meos]: neq; hoc solū, sed neq; etiā, quę aliis solet recreationi esse, nox & somnus, huic quicquam solatii afferebat; sed quouis tormento grauior erat: idq; ex ipsius uerbis cognosce. [Cur terres me per somnia, & per visiones errore concutis? cum aduenit diluculum, dico, quando adueniet uespera?] ac tot, tantisque malis affectus non obmurmurauit. Neque uerò id solum molesti inerat: sed etiam mala, quam multi de ipso conceperant, opinio. Nam ex calamitatibus, quæ illi acciderāt, sexcentorū iam criminum reum existimabant; quod & ei dicebant amici,

[mino-

Ibidē, licet paulo aliter

Iob 7. ubi uulg. [fordibus pulueris, etc.]

Iob. 1.

Ibidem c. 6 ubi uulgata

[quæ prius nolebat tangere, &c.]

Ibidem. 7. licet paulo aliter.

[minora peccatis tuis flagella passus es; quam obrem & ipse dicebat [& monent me infirmi homines; quos canibus pastorum meorum minime dignos existimasset.] Quot mortibus non erat istud grauius? Verum tamen tantis undique fluctibus pressus, ac tam seua undiq; ingruente tempestate in mediis nubibus, procellis, fulminibus, turbini- bus, ac vorticibus mansit ipse immotus, tanta, tamque graui in tempestate, perinde atq; in placido quodam portu quietus sedens; neq; obmurmurauit. Atq; hæc ante gratie tempus; antequam de resurrectione, de geena, de poena, de supplicio quicquam dictum esset. Nos verò, qui & Prophetas, & Apostolos, & Euangelistas audimus, & sexcenta cernimus exempla; atq; ea, quæ resurrectione nobis exploratissimam faciunt, didicimus; adhuc egré ferimus; quauis nemo sit, qui tot ac tanta sibi mala accidisse queat dicere. Nam tametsi quis pecunias amisit; at non tot filios, filiasq; : ac si amisit, fortasse propterea, quod culpam admisit. Ille uerò repente in mediis sacrificiis, illo ipso tempore, dum deferuisset, & cultum tribueret Deo: quod si filios, ac diuitias simul tantas quod vix fieri potest; at non per totum corpus ulceribus scattet, ac sanie effundit. Quod si hoc quoque; at non insultantes nactus est, atq; exprobrantes; quod quidem omnium maxime nos pungere consuevit; magisq; adeo, quam calamitates ipse. Etenim, si ubi in malis adsunt, qui nos consolentur, ac dolorem leniant, bonasq; nobis spes iniciant; tamē adeo frangimur, atq; animam despōdemus; cogita quantum illud fuerit, exprobrantes habere. Si illud, quod propheta conquerebatur, [substinui, qui simul contristaretur, & non fuit: et qui consolaretur, & non inueni], graue, atq; intolerabile erat; quantum tandem mali erit pro consolantibus incidere in exprobrantes? [Consolatores, inquit, malorum omnes]. Si hæc assidue uersassemus; si hæc essemus ratiocinatis; nulla sanè presentium rerum dolore nos affecisset, in illum intuentes athletam, in adamantinam illam animam, in mentem illam æneam, & quæ frangi minime posset: perinde quasi ac æreo, uel lapideo corpore circumdatus esset, ita omnia generose, ac patienter ferebat. Hæc cogitantes, omnia

fine

Cap. 11. li-
cet paulo a-
liter.

Ca. 30. ubi
uulg. [quæ
non digna-
bar, &c.]

Psal. 68.

Iob 16. ubi
uulg. [con-
solatores
enerosi om-
nes.]

sine murmurationibus, atque hæitationibus faciamus. Boni quippiam facis, ac murmuras? cur? num fortè imposita tibi necessitas est? Noui, inquit Paulus, multos, qui circum vos sunt, uos penè cogere, ut murmuretis. Hoc enim significat illis uerbis, *in medio nationis prauæ & peruersæ*. At hoc demum admirabile est, neq; etiam cum pungaris, atque impellaris, eò adduci. Nam & Sydera in nocte fulgent, in tenebris emicant; tantumque abest, ut ullam pulchritudinis suæ iacturam faciant; ut splendidiore etiam appareant: ubi enim lux aduenerit; non æquè apparent. Ita etiam tu, si inter peruersos homines, rectus manseris; lucebis magis; longeque admirabilius erit, sine reprehensione esse. Ergo ne hoc afferant; occupans ipse id attulit. Quid est *uerbum uitæ continentes*? idest, qui ad uitam uenturi estis; qui ex numero eorum estis, qui salutem consequuntur. Vide, quàm continuo subiecerit premia: luminaria, inquit, λόγον, idest rationem, ac facultatem lucis continent: vos λόγον, idest uerbum uitæ in uobis habetis: hoc uocat uerbum uitæ. Ergo cæteri omnes mortui. Id enim uerbis istis indicauit: alioquin & alii uerbum uitæ continuissent. *ad gloriam inquit meam*. Quid hoc est? Et ego uerò, inquit, particeps sum uestrorum bonorum. Tanta est uestra uirtus; ut non solum salutem det uobis; sed me etiam clarum faciat. Quæ nam gloria ò beate Paule? flagellis cederis, expelleris, contumeliis afficeris nostra causa: propterea inquit, *in diem Christi quia non in uacuum cucurri; neque in uacuum laboraui; sed semper est; unde glorier me non non frustra cucurrisse: sed et si immolor: non dixit, etiam si moriar; quemadmodum neq; ad Timotheum scribens*. Nam & ibi eadem eloquutione utitur, ita dicens, *Ego enim iam immolor*, partim consolans illos de sua ipsius morte, partim cōdocefaciens mortem pro Christo moderatè ferre. Victima inquit quædam, & hostia euado: ò beatam animam. Hostiam uocat introductionem illorum. Multò satius immolare animam, quàm bouem immolare. Qua propter si in hoc sacrificio me ipsum tradidero, inquit, quasi uictimam; gaudeo, inquit, mea morte. Hoc enim ista uerba significant, *supra sacrificium,*

2. Tim. 4.

ficiū, & obsequium fidei uestræ; gaudeo, & congratulor omni-
 bus. Id ipsum autem, & uos gaudete; & congratulamini mihi. Quid
 congratularis? uides quomodo ostendat gaudendum illis
 esse. Gaudeo igitur, inquit, me uictimam fieri; congratulor
 autem me ita uictimam fieri; ut simul quoque sacrificium
 offeram. Id ipsum autem & uos gaudete, & congratulamini mihi,
 quod oblatus sum. Cōgratulamini, inquit, mihi mea ipsius
 morte gaudenti. Nō igitur lachrymis dignus est iustorum
 obitus, sed lætitia. Si ipsi gaudent; gaudendum cum ipsis
 est. Absurdum enim fuerit gaudentibus illis nos lugere:
 sed consuetudinem requirimus, inquit. Commenta isthæc
 sunt, & prætextus. Vide, quid Paulus admoneat Philippen-
 ses, gaudete, & congratulamini mihi: consuetudinem requiris?
 si tibi quidem ipsi hīc manendum sit; recte dicis: sin autem
 paulo post ad illum qui abiit, peruerturus es; quam requi-
 ris consuetudinem? Ille enim merito requirat; qui ita ab
 aliquo diuellitur; ut perpetuo sit abfuturus. Sed si idem
 tibi iter conficiendum est; quam cōsuetudinem requiris?
 Eos, qui peregrē absunt, cur non lugemus? non ne paucis
 emissis lachrymis confestim post vnum, aut alterum diem à
 fletu cessamus? si consuetudinem requiris; tantum dum-
 taxat fletu; quātum satis sit ad ostendendum, te naturā ho-
 minem esse: deinde uerò gaude; quemadmodum Paulus;
 qui ita dicebat; nihil mihi molesti accidit; sed etiā gaudeo
 ad Christum abiens, & uos gaudete, inquit, et congratulamini mihi.
 Gaudeamus igitur & nos cum iustum uiderimus interiisse;
 vel potius quando aliquem etiam ex desperatis. Nam ille
 quidem discedit, laborum suorum mercedē accepturus;
 hic uerò quippiam de peccatorum suorum numero detra-
 xit. Sed fortasse, inquit, uiuens vitam mutasset suam. At
 non illum rapuisset Deus; si uitam ille mutaturus fuisset.
 Etenim qui omnia pro salute nostra facit, ac disponit; cur
 non eum fuisset uiuere, qui aliquando talis futurus esset,
 ut placeret? si finit eos, qui non conuertuntur; multo ma-
 gis eos, qui conuertuntur. Vndiq; igitur fletus nobis am-
 putatus sit; undique lamenta sublata. Quæcunq; eueniant;
 de omnibus gratias agamus Deo; omnia sine murmura-

Non est la-
 chrymis di-
 gnus iusto-
 rum obitus.

Nec despe-
 ratorū mors
 lugenda.

N tionibus

tionibus faciamus: letemur, atque in omnibus illi placeamus; ut futura etiam consequamur bona in Christo domino nostro; cum quo patri, simulq; sancto spiritui gloria &c.

S E R M O N O N V S.



SPERO autem in domino Iesu Timotheum me citò mittere ad uos; ut & ego bono animo sim cognitis, quæ circa uos sunt. Neminem enim habeo tam unanimem, qui sincera affectione pro uobis sollicitus futurus sit: omnes enim quæ sua sunt querunt, non quæ sunt Iesu Christi. Dixit quæ sibi euenerant, ad Euangelii progressum conduxisse. [Ita ut uincula mea manifesta fierent in omni prætorio.] Addidit illa, [sed etsi immolor supra sacrificium, & obsequium fidei uestre:] ipsosque per hæc confirmauit. Sed forte suspicari poterant priora ista consolationis causa esse dicta. Quid igitur facit? & quomodo suspicionem adimit? Timotheum, inquit, mitto ad uos. Auebant enim de Paulo omnia cognoscere: cur uerò nō dixit, ut mea cognoscatis, sed, ut ego cognoscam uestra? quoniam Pauli res Epaphroditus ante Timoth. nunciaturus erat: quamobrē progrediens inquit, [necessarium autē existimaui Epaphroditum fratrem mittere ad uos,] sed uestra, inquit, cognoscere cupio. Verisimile enim est diu illum mansisse apud Paulū ob corporis imbecillitatem. Quamobrem necessariò, inquit, uestra cupio cognoscere. Vide autē, quàm omnia ad Christū referat, & ipsam quoque Timothei missionem, ita dicens, spero autē in Domino Iesu, idest confido, ut hoc mihi Deus gratificetur, idque mihi ex sententia succedat. *Vt, & ego bono animo sim, cognitis, quæ circa uos sunt.* Quemadmodum, inquit, recreaui uos; dum ea audiuiſtis, quæ de me precati estis; nimirum Euangelium progressus fecisse, dedecus in illos recidiſſe; unde mihi nocere putabant, inde lætitiā attuliſſe; ita cupio de rerum uestrarum statu cognoscere. *Vt & ego bono animo sim, cognitis, quæ circa uos sunt.* His uerbis ostendit gaudere illos debuisse de uinculis, eaque subsequi:

Multum

Multum enim sibi voluptatis attulisse. Nam illud. *Vt & ego bono animo sim*, hoc significat, quemadmodum uos. En quanto Macedoniam amore complectebatur. Idem vero Thessalonicensibus quoque dicit, ut eo loco. Nos autem desolati à uobis ad tempus horę] hinc, spero, inquit, Timotheum mittere, ut de rerum uestrarum statu cognoscam; quod quidem maximam indicabat curam. Quando enim ipse adesse non poterat; discipulos mittebat: ita res illorum sibi ignotas esse ne ad breue quidem tempus ferre poterat. Non enim spiritu omnia cognoscebat; idque iure fiebat. Etenim si hoc sibi discipuli persuassissent; impudentes facti essent. nunc verò cum sperarent latere; facilius corrigebantur. Hoc ipso verò illos potissimum attentos reddit; quod inquit. *Vt & ego bono animo sim*, illorumque studium, ac diligentiam acuit; perinde ac tametsi Timotheus minimè ueniret, aliū tamen inuenturus sit, qui ipsi renunciaret. Hac autem ipse etiam ratione perspicue usus est; suumque aduentum distulit; ut Corinthii conuerterentur. Propterea etiam scribebat [parcens uobis nondum ueni Corinthum.] Non enim hoc solo ostenditur charitas; quod sua nunciat; sed etiam, quod de illorum statu cupit cognoscere. Hoc enim animus est ualde curantis, & satagentis, & in perpetua quadam sollicitudine uersantis. Simul verò, & honore illos afficit Timotheum mittens. Quid ais? Timotheum mittis? quapropter? sanè inquit, *neminem enim habeo unanimum*, idest, qui eque atque ego uestra curet, *qui sincera affectione pro uobis sollicitus futurus sit*: neminem ergo secum habebat, qui eundem, atque ipse animum gereret; idest, qui æque, atque ego uos curet, uobisque consulat. Non facile, inquit, quispiam inueniatur, qui hac de causa tantum itineris uelit conficere: Qui æque, atque ego, uos amat, Timotheus est. Erant autem & alii, quos mitterem; sed nemo talis est. Ergo hoc est, unanimum esse; discipulos item, atque ipse, amare. *Qui sincera, inquit, affectione pro uobis sollicitus futurus sit*, idest paterna. *Omnes enim, quæ sua sunt, querunt, non quæ* I E S U C H R I S T I, id est iucunditatem suam, ac securitatem: quod etiam ad Timotheum scribebat. Sed

1. Thess. 2.

1. Cor. 2.

1. Cor. 6.

cur isthęc conqueritur? nos cōdocefaciens, dum hęc audimus, ne eōdem prolabamur; cōdocefaciens auditores, ne oblectationem, ac quietem quærant. Nam qui quietem quærit; nō quę Christi sunt, sed sua quærit: oportet enim paratos nos esse ad quemuis laborē, ad quamuis miseriam subeundam: *experimentum autem, inquit, eius cognoscite; quia sicut patri filius mecum seruiuit in Euangelium.* Ne id à me remere dici putetis; uos quoque, inquit, hoc scitis; illum mihi item, ut patri filium, in Euangelium seruisse. Meritò hęc Timotheum commendat: ut apud illos magno in honore habeatur. Hoc etiam ad Corinthios scribēs facit istis uerbis, [ne quis illum spernat: opus enim Domini operatur; sicut & ego.] non tam illi prospiciens; quàm iis, qui ipsum recipiunt; ut magnam reportent mercedem. *Hunc igitur, inquit, spero mittere, mox ut uidero, quæ circa me sunt: id est ubi uidero; quis sit status rerum mearum, quemque sint exitum habiturę.* Confido autem in domino, quoniam et ipse ueniam ad uos citò. Non propterea illum mitto; quòd ipse uenturus non sim; sed, ut bono animo sim cognitis, quæ circa uos; ut ne interea etiam uerfer in uestrarum rerum ignoratione. *Confido autem, inquit, in domino, id est, si Deus uoluerit.* Vide, quàm ille omnibus in rebus de Deo pendeat. Nihil ex sua sentētia pronunciat. *Necessarium autem existimaui Epaphroditū fratrem, & commilitonem meum.* Et hunc rursus iisdem, ac Timotheum encomiis ornatum mittit. Illum enim duobus his nominibus commendauit; quòd & eos amat, (dixit enim, qui sincera affectione pro uobis futurus sit), & quòd in Euāgelio ualde se probauit: hūc igitur & iisdem nominibus laudat: quomodo? quoniam appellare fratrem, & cooperatorem, neque hoc contentum addere etiam commilitonem, ostendentis est illi quoque secum communia fuisse pericula, atque eadem de illo, ac de se ipso testificantis. Quod inquit *Commilitonem*, plus est, quàm *cooperatorem*. Non nemo enim fortasse fuerit; qui in leuibus quidem negotiis socium se agendi præbeat; in bello autem, ac periculis nō item. Dum uerò dixit, *commilitonem*, hoc quoque significauit: *uestrum autem, inquit, Apostolum, & ministrum necessitatis meæ mittere ad uos, id est uestra*

uestra uobis donamus; dum uel uestrum hominem ad uos mittimus; uel eum qui uos docet. Rursus multa de illius charitate subiicit dicens, *quoniam quidem omnes uos desiderabat, & moestus erat; propterea quod audieratis illum infirmatum. Nam & infirmatus est usque ad mortem; sed Deus misertus est eius; non solum autem eius, uerum etiam et mei; ne tristitiam super tristitiam haberem.* Hoc loco, & aliud quiddam agit; ostendens, Epaphrodito etiam ualde exploratum esse, amari à uobis: Hoc uerò non parum ad amandum solet allicere: quomodo? egrotauit inquit, & conualuit, & uos mœrore liberauit, quem ex ipsius inualetudine capiebatis: nec tamē propterea ipse mœrere desiit; sed dolebat nō se, cum conualuisset, uos uidisse. Hic & aliud agit, ad sui defensionem causam afferens; quamobrem ferius ad illos mittat: Non enim id ex negligentia fieri; sed Timotheum quidē à se retineri; quoniam neminem habeat; (*Neminem enim, inquit, habeo unanmem*) Epaphroditum uerò ob inualetudinem. Deinde ostēdens longam, ac diurnam fuisse; addidit. *Nam & infirmatus est usque ad mortem.* Vides quantum studii adhibeat Paulus; ne discipulis suis quicquam loci se ullius negligentiae, ac socordiae insimulandi relinquat; neq; suspicandi, ideo, quod ipsos contemneret, non profectū esse? Nulla enim re eque allici discipulus potest; ac persuasionē hac, curē se esse preceptori, suaeque causa illum mœrere; quod exuberantis charitatis est. *Audieratis, inquit, illum infirmatum; nam et infirmatus est usque ad mortem.* Ac ne putes ista mihi per simulationem dici, audi sequentia. *Sed Deus misertus est eius.* Quid ais heretice? Hoc loco misericordiam Dei uocat, retinere illum, qui abiturus erat & ad uitam reuocare. Quod si mundus esset in malis; nō hæc misericordia esset relinquere in malo. Ceterum aduersus hæreticum quidem facile est dicere; erga Christianū autem quid dicimus? Nam hic fortasse hesitabit, ac dicet; Quid? si dissolui, & esse cū Christo multo præstabilius; cur inquit ipsum misericordiam esse consequutum? Ego uerò dicam; Quid est, quod ipse inquit, magis necessarium esse manere propter uos? Nam quemadmodum Paulo hoc necessarium erat; ita & Epaphrodito; quippe

Philip. 1.

Paulus au-
ditorum ca-
ptui se ac-
commodat.

1. Cor. 11.

2. Cor. 11.

quippe qui amplioribus cum diuitiis, maioreq; fidentia, ac
securitate ad Deum abiturus esset. Etenim illud quidem
etiā si paululum differetur; futurū tamen omnino erat: lu-
crari verò animas, postquam illhuc abiisset, non poterat.
Huc accedit, Paulum multa ex communi audientium sen-
su proferre; neque ubique philosophari. Ad mundanos
enim homines sermo ipsi erat institutus, mortem adhuc
timentes. Præterea ostendit, quanti Epaphroditum face-
ret: hincq; illi reuerentiam quamdā conciliat; ut pote cu-
ius salutem adeo sibi utilem esse testetur; ut secum quoq;
ex illius incolumitate misericorditer actum putet. Præte-
rea uerò, ut hoc mittamus, bonum est præsens uita. Nam
nisi bonum esset; cur loco suppliciorum numeraret im-
maturas mortes? quemadmodum ubi inquit, [ideo inter
uos multi infirmi, & imbecilles, & dormiunt multi] Futu-
ra enim uita non prestat bonitate ei, quæ mala est (cæte-
roqui bona minimè esset) sed ei, quæ bona: itaque excel-
lit melior bonam. *Ne tristitiam, inquit, super tristitiam haberem,*
ne ad mœrorem, quem ex ipsius inualetudine capiebam,
accederet mœror ex morte. Ita quanti Epaphroditum fa-
ciat, ostendit. *Festinantius ergo misi illum,* quid est σπουδαϊότερος?
idest festinantius, sine cunctatione, nulla interposita mo-
ta, iubens omnia, quæcunque obstant, uincens quàm
citissimè ad uos uenire; ut mœrore liberet. Non enim si
eos, quos amamus, ualere audiamus; æquè lætamur, ac si
videamus: maximeq; si id præter spem eueniat; quem-
admodum tunc in Epaphrodito euenerat, *Festinantius ergo,*
inquit, misi illum: ut uiso eo gaudeatis; & ego magis sine tristitia sim.
Quomodo magis sine tristitia? quoniam si uos gaudetis;
& ego gaudebo; hic ipse de nostra uoluptate gaudebit; &
ego à mœrore liberior ero. Neque dixit, *sine tristitia,* sed
magis sine tristitia, ut ostendat nunquam animam suam mœ-
rore uacuam esse. Qui enim ita dicit, [Quis infirmatur; &
ego non infirmor? quis scandalizatur & ego non uror?] *in-*
quit, istum deponam. *Excipite itaque illum in domino cum om-*
ni gaudio [in domino, quod idem est ac spiritaliter; idest ma-
gno

gno cum studio ; uel potius hoc significat, tamquàm à domino missum, id est Deo uolente ; itaque illum excipite pro sanctorum dignitate, ut sanctos excipi par est. *Cum omni, inquit, gaudio.* Hæc omnia pro iis facit ; ad quos mittit : Maius enim facit lucrum, qui beneficium dat, quàm qui accipit. *Et eiusmodi homines cum honore habetote*, id est excipite illum pro eo, ac merentur sancti. *Quoniam propter opus Christi usque ad mortem accessit, tradens animam suam : ut impleret id, quod ex uobis deerat erga meum obsequium.* Hic communiter à Philippensium ciuitate missus fuerat ; qui Paulo ministraret ; aut fortasse etiam ideo uenerat, ut quippiam afferret. Allatas enim ab illo esse pecunias, in extrema Epistola ostendit his uerbis, [acceptis ab Epaphrodito, quæ misistis.] Verisimile igitur est illum cum Romam peruenisset, Paulum in magno hoc, grauique periculo reperisse ; ut qui adire illum uellent, ipsi quoque minimè tuto id possent facere ; sed suo periculo accederent ; quod euenire maximè consuevit magna commota tempestate, atque ubi Regum ira maiorem in modum efferuescit. Etenim cum quis, quòd in Regis offensionem incurrerit, in carcerem detruditur, arctæque custodiæ traditur ; tunc vel famuli ipsi aditu prohibentur ; quod quidem Paulo tunc accidisse uerisimile est ; Epaphroditum uero magno, atque excessu animo uirum omnia contempsisse pericula, ut Paulum adiret, eique ministraret ; atque omnia, quæ opus erant, faceret. Duo igitur affert Paulus, ex quibus illi auctoritatem, ac reuerentiam conciliat ; Vnum quidem, ubi dicit, ad mortem usque mea causa periclitatum esse ; alterum uerò, quòd personam ciuitatis gerens hæc perpeffus fuerit ; ut in periculo illo iis, qui miserant, merces deberetur ; perinde ac si ciuitas legatum misisset. Ergo excipere illum cum quodam obsequio, eique gratias agere de officiis suis, ratio quædam erit ; qua pericula, & facta nostra magis adhuc communia uobis facietis. Neque dixit, mea causa ; sed orationi addens auctoritatem, ac fidem, inquit, *propter opus Dei.* Non enim
mea

*Multa occa-
siones mar-
tyrij.*

mea causa facit; sed propter Deum, usque ad mortem... accessit. Quid enim? tametsi minimè obiit, Deo id gubernante; p- se tamen nullam uitæ suę rationē habuit; ac tradidit se ipsum; ut quicquid subeundum fuisset; non ideo tamen à præstando mihi ministerio fuerit cessaturus. Quòd si ut Paulo ministraret, se ipsum morti exposuit; multò magis pro Euangelio id subiisset: imò verò pro Paulo mori, idem erat, ac pro Euangelio. Licet enim, non tantum ne idolis sacrifices, martyrii coronā consequi; sed huiusmodi etiam occasiones martyrium faciunt; ac si admirabile quiddam dicendum est, magis hæ, quàm illæ. Nam qui minore de causa mortem subire audet; multò magis audebit; ubi res maior agatur. Quamobrè & nos, cum sanctos in periculis uersari viderimus; uitę ne parcamus. Nefas enim est eum, qui nihil cum periculo experiri audet, præclari quippiam facere; sed necesse est præsentis uitę securitati cōsulentem amittere futuram: ut impleveret, inquit, id, quod ex uobis deerat erga meum obsequiū. Quid hoc est? non aderat ciuitas; sed per illum omni erga me officio, ac ministerio functa est; nimirum quòd illum misit. Quicquid igitur uestri ministerii mihi deerat; id ipse expleuit; ut hac etiam ratione dignissimus sit; qui multum honoris reportet: quoniam, quod omnes facere oportebat, hoc ipse pro uobis præstitit: atq; ostēdit Paulus priora quoq; officia ab ipsis, qui in tuto erant, exhibita periclitātibus, esse λειτουργίαν idest obsequiū, & ministeriū quasi pro publico munere debitum. Nam hæc uerba, id quod ex uobis deerat erga obsequium, indicāt respectum quendam ad prius illud obsequium, & ministerium. Vides sensum animi, ac spiritum Apostolicum? is uerò non ex arrogantia proficiscebatur, sed ex magna, quā illorum gerebat, cura. Etenim ne efferātur; sed modestiam tueantur, neque magnum quiddam se præbuisse existiment; sed ad humilitatem adducantur; officium illud his uocibus appellat λειτουργίαν, & ὑστέρημα idest debitum ministerium, & id quod deerat.

M O R A L I S D I G R E S S I O .



R E G O neque nos magnos spiritus sumamus, cum sanctis aliquid præbemus; neque hac re nos illis beneficium putemus dare. A nobis enim id debetur; nec quicquã illis donamus. Nam quemadmodũ iis, qui in exercitu sunt, ac bellum gerunt, ab iis, qui domi in pace uiuunt, debentur cibaria, & quicquid illis necessarium est in sumptum (illi enim pro his in acie stant); ita hac in causa. Quis enim Paulum, nisi docendi munus obuiisset, coniecisset in carcerem? quamobrem ministrare sanctis oportet. Quĩ enim non absurdum sit, ei, qui terreno Imperatori militat, omnia suppeditare, & uestimenta & cibaria non solum quantum necessitas postulat, sed etiam plusquã satis est; ei uerò, qui militat cœlesti Imperatori, atque in acie stat aduersus hostes longe grauiore ([quoniam non est colluctatio nobis, inquit, aduersus sanguinem, & carnem]) neque necessaria etiã suppeditare? cuius hoc iniquitatis est? quantum hoc ingrati animi uitium, & minuti, atque angusti? Ceterum, quãtum uideo, plus apud nos hominum metus potest, quã geennę, & futurorum suppliciorum. Propterea sanẽ omnia contra quam deceat, se habent: ut ciuilia quidem negocia singulo quoque die diligentissimẽ administrantur; neque illa unquam omitti uideas; spiritualium uerò nulla nobis ratio habeatur. Ita, quę necessitate nobis imposita, ac tormentis propositis, omninoque tanquam à seruis, & inuitis exiguntur; magna præstantur cum alacritate: quę uerò à libetibus, atque ut à liberis; omnia omituntur. Non hæc in omnes dico; sed in eos, qui huiusmodi sumptus facere recusant. An non poterat Deus necessitatem faciendi imponere? at nõ uult: nobis enim magis consulit, quã iis, qui aluntur. Ideo nõ uult isthęc nos ex necessitate facere; quoniã nulla nos maneret merces. Ac tamen multi eorum, qui hęc sunt, Iudeis sunt inferiores, ac

*Cum sanctis
quippiã da-
mus, debitũ
reddi, non
donari.*

Eph. 6.

o viliores.

*In eos, qui
de sacerdo-
tibus detra-
bunt.*

viliores. Cogita, quot erant, quæ à Iudæis dabantur; decimæ, primitiæ; rursus decimæ, & rursus aliæ decimæ, & rursus aliæ decimæ tertiæ, & siclum: nec quisquam erat, qui diceret, sacerdos multa deuorare. Quanto illi plura accipiunt; râtio etiam tibi amplior merces: nō dicebant; multa sumunt; uentri indulgent: quæ nunc quosdam dicentes audio. Atque isti quidem, qui domos ædificant, atq; agros emunt; nihil putant se habere: quòd si sacerdos quispiam paulò splendidior ueste indutus fuerit, aut necessario alimento non egeat, aut famulum ideo habeat, ne ipse cogatur à decoro discedere; statim hoc illi diuitias nominât. Verè diuitiis abundamus; idque isti uel inuiti fatêtur. Nos enim etiam si pauca habeamus; abūdamus diuitiis: illi uerò etiam si omnia colligant, sibi quæ comparent; inopia laborant. Quousque dementes erimus? Non satis uobis uidetur ad supplicium uobis comparandum, quòd nullum opus editis; nisi damnum præterea illud uobis contrahatis, quod de aliis detrahendo fit? Etenim si tu etiam esses, qui ea quæ habet, sacerdoti dedisses; tamen eo ipso mercedem perdidisses; quòd ea in crimē uocares, quæ tu ipse dedisses: Omninoque, si tu dedisti, quid criminaris? Atq; antea quidem pauperem illum fuisse testaris; dum ita inquis; quæ habet, ego dedi. Quid ergo criminaris? dandum minimè fuerat; si eras in crimen uocaturus. At cum alter dedit; ista dicis. Grauius tanè delictū; cum tu minimè dederis, alterius benefacta criminari. Quantam illos mercedem manere putas; qui isthæc æquo animo audiunt? Dei enim causa hæc patiuntur. Quid ita? Poterant, si uoluissent, cautiones fieri; tametsi nihil illis à maioribus relictū esset. Nā & hæc multos impudèter dicentes audio; si quādo nos ita dicimus; hic, uel ille pauper est. Poterat, inquit, si uoluisset, ad diuitias peruenire: deinde contumelias addunt; pater istius, auus, abauus tales fuerunt; hic uero nunc tali ueste indutus est. Sed quid? dic mihi: nudum ne illū circumire oportuit? Ergo ista quidē tu subtiliter, atq; exiliter ad calculos reuocas: sed uide, ne cōtra te ipsum hæc dicas; atque audi illam Christi admonitionem (nolite iudicare, &
non

Matt. 7.

non iudicabimini.] Poterat igitur, si uoluisset, cauponariam, ac mercaturam exercere; omninoque non eguisset; sed noluit. Quid igitur, inquis, hinc rem quaerit? dic mihi, num sericis induitur uestibus? num sectatorum multitudinem per forum incedens circumducit? num equo uehitur? num aedes extruit, habens, ubi habitet? si hec facit, ego etiam reprehendo, neque illi parco, sed sacerdotio indignum esse affirmo. Nam quomodo monere alios poterit, ne rebus istis inutilibus vacet; qui se ipsum monere non potest? Sin autem rebus tantum ad uitam necessariis non eget; hoc ipso crimen iniustitiae in ipsum intendis? At ipsum circumire oportebat, & poscere? Nec quicquam te o discipule puderet? ac si carnalis pater id faciat, dedecus magnum putes; si spiritalis eo descendere cogatur; non erubescas, neque te in tenebras abdendum putes? [dedecus enim, inquit, filiorum pater sine honore.] Quid ergo? pereundum illi fame fuerat? uerum neque hoc pii hominis est, neque enim probatur Deo. Caeterum quando hec aduersus istos afferimus; quid subito philosophatur? scriptum est, inquit, [Nolite possidere aurum, neque argentum, neque duas tunicas, neque aes in zonis uestris, neque uirgam.] Hi uero terna, & quaterna habent uestimenta, & lectos constratos. Hei mihi cogor ego nunc suspirare; ac nisi mihi decorum tuendum esset, multas etiam profunderem lachrymas: cur? quoniam in aliorum quidem festucas adeo diligenter, ac subtiliter inquirimus; nostras uero trabes, quas in oculis habemus, ne sentimus quidem. Dic mihi; cur isthaec tibi ipsi non dicis? quoniam hoc, inquit, magistris duntaxat praeeptum est. Ergo cum Paulus, inquit, [Habentes alimenta, & quibus tegamur; his contenti simus,] ad solos magistros uerba facit? minime; sed ad omnes homines: idque factis constabit; si a capite locum illum inspexerimus. Nam cum dixisset, [est autem quaestus magnus pietas cum sufficientia,] ac deinde addidisset, [nihil enim inuulimus in hunc mundum; haud dubium quod nec auferre quid possumus,] continuo tunc ista subiunxit.

O 2 [haben-

Eccl. 3. et uidetur textus Chrysostomi magis concordare cum latina quam cum graeca uulgata. Matt. 10.

1. Tim. 6.

[habentes autem alimenta, & quibus tegamur: his cōtē-
ti simus. Qui autem uolunt diuites fieri, incidunt in tenta-
tionem & laqueum, & desideria multa stulta, & nociua.]
Vides ad omnes orationem haberi? Quid uerò, cum rursus
inquit, [carnis curam ne feceritis in desideriis], nō ne om-
nibus generatim loquitur? Quid uerò, cum inquit? [Eſca
ventri, & uenter eſcis; Deus autem & hūc, & has destruet.]
Quid uerò, ubi inquit? [quæ in deliciis eſt, uiuens mortua
eſt] de uidua loquens? num fortasse & uidua magiſter eſt?
An non ipſe fuit, qui ita dixit? [docere autem mulieri non
permitto, neque dominari in uirum.] Quòd ſi uidua, ubi
& ætas ſenilis (ſenectus enim magno eget obſequio) &
natura ipſa (muliebrenim genus maiore eget ſolatio,
quippe quod infirmum eſt): igitur, ſi ubi ætas, & natura
obſtabat; minimè tamen illam ſinit delicatè, & molliter ui-
uere, ſed etiam mortuam eſſe inquit (nō enim tantum di-
xit; ne delicate uiuat; ſed [quæ in deliciis eſt, uiuens mor-
tua eſt]) eamq; è medio remouit (nam quæ mortua eſt, è
medio ſublata eſt); quam ueniam habebit homo ea faciēs,
quorum cauſa mulier uetula punitur? Verum hæc nemo
ne cogitare quidem aggreditur: hæc nemo examinat. Ego
uerò iſta dicere coactus ſum; non ſane id agēs, ut ſacerdo-
tes criminibus liberem; ſed ut uobis conſulam. Nam illi
quidem, ſi cum pecuniæ operam dent, iure ac merito iſta
audiunt; nullum à uobis detrimentum reportant: ſed ſiue
dixeritis, ſiue tacueritis; rationem illhīc iudici reddent:
quamobrem nihil illis ueſtra nocent uerba. Sin autem fal-
ſo à uobis dicuntur; illi quidem lucrum etiam reportant,
ſine cauſa contumeliis affecti: uos uerò uobis ipſis hinc
damnum infertis. De uobis uerò non ita res habet: ſed ſi-
ue uera, ſiue falſa ſint, quæ aduerſus illos; hoc ipſo, quòd
illis maledicitis, uos ipſos leditis: quid ita? quoniam ſi ue-
ra quidem fuerint: uobis nihilominus nocetis iudicium de
magiſtris ferentes, & ordinem diſturbantes: nam ſi de fra-
tre iudicare nō oportet; multo minus de magiſtro. Sin au-
tem falſa; intolerabile omnino ſupplicium, ac poena. De
omni enim uerbo otioſo rationem reddetis. Quamobrem
ueſtra

vestra causa omnia facimus, ac laboramus. Ceterum, quod dicebam, nemo hæc examinat: nemo in his curiosè satagit: nemo quicquam horum sibi ipsi dicit. Vultis & alia addā? [Omnis ex vobis, qui nō renunciat, inquit Christus, omnibus, quæ possidet, non est me dignus.] Quid uerò, ubi inquit? [difficile est diuitem intrare in regnum cælorum.] Quid uerò cum inquit? [væ vobis diuitibus, quia habetis consolationem uestram]. Nemo hoc perpendit, nemo cogitat, nemo secum ipse rationes subducit; sed tantū in res alienas uehemētes sumus. At hoc nihil aliud est: quā par ticipes criminū fieri. Verum, ut præterea uestra causa, quibus criminibus afūnes esse sacerdotes dicitis, ea diluā, audite. Hanc enim de illis opinionem induisse, nimirum illos violare legem Dei, non leue habet ad improbitatē momentum. Age igitur, & illa expendamus. Dixit Christus [nolite possidere aurum, neque argentum, neque duas tunicas, neque calceamenta, non zonam, non uirgam.] Quid igitur? dic mihi. Nū Petrus contra præceptū faciebat? quomodo enim non; cum & zonam haberet, & calceamenta? Audi enim Angeli ad ipsum uerba [præcingere, & calceate caligas tuas]: quamquā huiusmodi calceorum ne magna tunc quidem aderat necessitas: nam illo quidem tempore uel nudis ire pedibus licet: hieme tantū necessarium habent usum. ac tamen caligas habuit. Quid uerò Paulus? cum ad Timotheū scribens dixisset, [Festina ante hiemem uenire]; deinde mandata dat, atq; inquit, [penulam, quam reliqui Troade apud Carpum, ueniēs affer tecum. & libros; maxime autem mēbranas.] En penulam memorauit; nec cuiquam hoc in mentem uenerit, aliā illi non fuisse, quam gestaret. Etenim si omnino solitus erat non gestare, superuacuum planè erat, ut hæc afferretur, iubere. Sin autem fieri nequit, quin gestarit; aliam quoque illi fuisse manifestum est. Quid uerò, quod integrum biennium in sua se arte, ac mercénario labore cōtinuit? Ergo repugnauit Christo uas illud electionis? ille qui dicebat, [uiuo autem iam non ego, uiuit uerò in me Christus]? ille de quo testificatus est Christus, ita dicens [quoniam uas electionis est mihi iste.]

Luc. 14.

Matt. 19.

Luc. 6.

Matt. 10.

Num sacer
doti possi-
dendum au-
rum.

Act. 12.

2. Tim. 4.

Gal. 2.

Act. 9.

hi iste.] Oportebat uos in hac dubitatione relinquere, nullamque afferre questionis explicationem; sed hanc à uobis penam exigere pro ea, qua in scripturis utimini, negligentia. Inde enim omnia hæc existūt. Propterea & in aliorum peccatis accerbi inquisitores sumus, de nostris autem nec cogitamus quidem, quoniā scripturas nō tenemus; quoniam in diuinis legibus nō erudimur. Erat igitur hæc à uobis poena repetēda. Sed quid agā? Pater sum. Multa etiam ultra, quā oportet, filiis gratificantur patres; dū paterna ipsorum incallescunt uiscera: & si filiū tristem, ac tabescētem uideant, ipsos quoq; plus illo pungit dolor; nec quiescunt, donec mœroris causam sustulerint. Ergo & in nobis idem fit; licet paulisper uos merere siuerim ex eo quod nō acciperetis; nimirū, ut bene nunc accipiatis. Quid igitur dicendū est? nō pugnant, absit, sed ualde cōsentiunt cum præceptis Christi. Præcepta enim illa ad tēpus erant & non perpetua. Neq; id ex cōiectura, sed ex diuinis scripturis dico, quō? Narrat Lucas dixisse Christū discipulis [quando misi uos sine sacculo, & pera, & zona, & calceamētis; numquid aliquid defuit uobis? at illi dixerūt: nihil: ergo posthac uobis comparate]. Sed quid facto opus fuit? dic mihi, unam habere tunicam? Quid ergo? cum lauanda hæc erat; domi nudum sedere oportuit? uel nudum circumire necessitate inuitante; nullāque decori habere rationē? Cogita, cuiusmodi id fuisset Paulū, qui orbē terrarū ideo peragrabat, ut tot præclara opera ederet, inopia uestis coadum domi sedere, ac tātis rebus impedimētū afferri. Quid verò, si uehemens ingruisset hiems, ac pluisset, aut etiam cōglaciasset; quomodo eam siccare licuisset? num rursus nudum sedere oportuit? Quid uerò, si frigoris ui corpus collaberetur; num tabescendū fuit, atque obmutescendū? Ne enim putes adamantina illis cōstructa fuisse corpora; audi quid de Timoth. dicat. [modico uino utere propter stomachum tuū. & frequentes tuas infirmitates,] ac rursus de altero [necessariū existimaui mittere ad uos uestrū Apostolum, & ministrum necessitatis meę: nam & infirmatus est usque ad mortem: sed Deus misertus est eius: non solum

autem

Luc. 22.

1. Tim. 5.

Phil. 1.

autem eius, verum etiam & mei] Quamobrem cuius morbo, atque inualitudini erant expositi: quid igitur? pereundum ne illis erat? nequaquam. Quid igitur causæ tunc fuit cur id Christus præciperet? potètiā suam uolebat ostendere; idque in posterum etiam præstari a se posse; sed non præstitit. quapropter? multo erāt hi admirabiliores Israelitis; quorum tamen neque calcei, neque uestes ulu consumebantur; quanquā solitudinem illam peragrarent; ubi ardentiores incidebant solis radii, & qui uel lapides ipsos possent in cinerem uertere. Qua igitur de causa hoc fecit? tua causa. Nam quoniā futurum erat, ut non perpetuo ualeres; sed vulnera acciperes; propterea facultatem tibi medicamentorum parandorum præbuit: quod hinc satis constare potest. Dic enim mihi; an non ipse poterat illos nutrire? quomodo? qui tibi uoluntatem suam ostendēri dedit; Paulo non daret? qui Israelitis dedit murmuratoribus, scortatoribus, idolatris; nō ne multo magis Petro permetteret, qui omnia propter ipsum reliquerat? Qui sceleratis hominibus potestatem habendi fecit; non multo magis Ioanni gratificaretur; qui eius causā patrem quoq; ipsum reliquerat? Attramē noluit; sed per te ipsos nutrit; ut tu sanctificeris; & animaduerte mihi benignitatis exuperatiam. Voluit discipulos suos uiliiores esse; ut tu aliquātulū respirares. Etenim si illos nullus indigos præstitisset; multo sanè admirabiliores futuri erāt, multo clariores: sed salutis tuæ subsidiū detractū esset. Noluit igitur illos fieri admirabiles; sed maluit uiles fieri; ut tu salutem consequeris: & uiles illos esse passus est; ut tu salutem consequi posses. Non enim eque se uenerandū præbet doctor, qui accipit; sed ille potissimū honore afficitur, qui nō accipit: uetum interea non iuuatur discipulus; sed fructum amittit. Vides sapientiam benigni, atq; hominū amanti Dei? Nā quemadmodum ipse propriā gloriā nō quæsiuit, nec sua spectauit; sed cum in gloria esset, uoluit tua causa uilis fieri: idē etiā in doctorib. seruauit; ut cū eos uenerādos præstare posset; nalu- rit abiectos esse tua causā; ut tu haberes unde lucrū terrestre; ut tu haberes. unde ditesceres; ut abundares in spiritualibus: propte-

propterea ille eget in iis, quæ ad hanc vitam pertinent. Potuisse igitur Deum illos nullius indigos præstare, multis argumentis docui: tua tamen causa in egestate relictos esse similiter ostensum est. Hæc igitur cognoscentes, non ad accusationes, sed ad beneficia conferenda nos conuertamus; non aliorum mala curiose scrutemur; sed nostra met recogitemus: aliorum benefacta cogitemus; de nostris autem peccatis recogitemus, atque ita placebimus Deo. Nā qui aliorum quidem peccata uidet, & sua recta facta; duplex damnum reportat: quatenus enim hæc: in arrogantiam tollitur; quatenus illa; in negligentiam incidit. Dum enim cogitabit illum, atque illum peccasse: facile & ipse peccabit: dum cogitabit se bene officio functum; facile superbia efferetur. At qui sua quidem recta facta obliuioni mandat, sola autem peccata aspectat; aliorum uerò non peccata, sed virtuti consentaneas actiones studiosè scrutatur; multis modis lucrum facit: quomodo? audi. Nam cum illum vel illum recte se gessisse uiderit; emulatione ad imitandum, se que illis æquandum prouocabitur: cum se peccasse animaduenerit; demittet animum, ac modestiam tuebitur. Hanc rationem si teneamus; atque hoc modo nostra disponamus; promissa poterimus cōsequi bona; quibus utinam nos omnes digni reddamur gratia, & humanitate &c.

S E R M O D E C I M V S .

Cap. 117.



DE cætero fratres mei gaudete in Domino. Eadem uobis scribere mihi quidem non pigrum; uobis autem tutum. Videte canes; uidete malos operarios; uidete concisionem. Nos enim sumus circumcisio, qui spiritui Dei seruimus, & gloriamur in Christo Iesu, & non in carne fiduciam habentes. Mœrores, & solitudines, cum præter modum animam distrahunt, suo robore illam priuāt. Propterea Paulus etiam, cum Philippenses in magno mœrore essent, eos excitat, & releuat. Merebant autem; quòd quomodo se res Pauli haberent, ignorabant; mœrebāt; quòd ipsum

ipsum obiisse existimabant: mœrebant ob Euangelium, ob Epaphroditum. Igitur de omnibus his rebus animum illis explens subiungit. *De cætero fratres mei gaudete.* Nō habetis, inquit, posthac; cur mœreatis. Habetis Epaphroditum, ob quem dolebatis: habetis Timotheum: ego etiam aduenio: Euangelium procedit. Quid iam uos amplius angat? gaudete. Ac Galatas quidem filios uocat; hos autem fratres. Nam quotiescumque quidem uel corrigere aliquid vult, vel uehementem amoris affectum ostendere; filios uocat: at cum plus honoris iis, quibuscum uerba facit, habendum est, fratres. *De cætero fratres mei, inquit, gaudete in domino, recte dixit, in domino, non mundi modo.* nam hoc non est gaudere: ærumnæ inquit, quæ secundum Christum, ipsæ gaudium habent, *eadem uobis scribere mihi quidem non pigrum; uobis autem tutum.* Videte canes. Vides non in ipso exordio inductam esse admonitionem; sed postquam illos multis nominibus laudauit; postquam suspexit: tunc hoc facit, ac rursus etiam laudans. Videbatur enim hoc orationis genus esse molestius; quamobrem vndique lenit; neque aculeos exstare patitur. Quos autem dicit canes? Hic erant aliqui; quos in omnibus Epistolis significat, iudæi, impuri, execrandi, turpis lucri, & principatus cupidi; qui cum multis ex fidelibus ad se allicere uellent; & christianismum, & Iudaismum prædicabant, corrumpentes Euangelium. Quoniam igitur difficiles ad deprehendendum erant; propterea inquit, *uidete canes.* Iam non Iudæi sunt filii: olim isto canum nomine ethnici uocabantur; nunc autem illi: cur? quoniam quemadmodum Ethnici & a Deo, & à Christo alieni erant; ita Iudæi nunc se abalienauerunt: atque hinc illorum impudentiam, & improbitatem, magnamq; à filiis disunctionem, ac dissidium ob oculos ponit. Nam olim quidem ethnicos uocatos esse canes; audi quid chananæa dicat. [Etiam domine: nam & catelli edunt de micis, quæ cadunt de mensa dominorum suorum.] Cæterum, ut neque hoc isti assequantur; ut canes putetur huiusmodi, qui ad mēsam admitti queant; addit hæc, quibus ipsos omnino abigat. *Videte malos operarios.*

P Ac

Matt. 15.

Mar. 7.

Ac mirifice dixit. *Videte malos operarios*; nam operantur quidem, inquit; sed malam in partem; opusquè cessatione longe deterius est; dum, quæ rectè sunt constituta, deficient. *Videte, inquit, concisionem*. Magnum quiddam, & male statis plenum erat apud Iudæos circumcisio: quando quidem & lex ei decedebat; & sabbatum circumcisione vilius erat. Etenim ut circumcisio fieret; soluebatur sabbatum: nunquam verò ut sabbatum seruaretur; soluebatur circumcisio. Atque considera mihi Dei aptam gubernationem; maiorem quàm sabbatum, habebat venerationem circumcisio; quippe cum ipsa nullo tempore omitteretur. Cum igitur ipsa soluta sit; multo magis sabbatum. Propterea Paulus ipsius nomen refecat; & inquit, *Videte concisionem*. Neque dixit; malum est circumcisio; superuacua est circumcisio; ne uiros istos pungeret; sed sapientius idem molitur, ac struit; à re quidem ipsa abducens; nomen autem illis gratificatus: uel potius rem quoque ipsam studiosius: Verum non ita erga Galatas, sed longe secus. Nam quoniam ibi magnus erat morbus; aperta iam fronte magna cum autoritate scalpellum adhibet, ac secat. Hic uerò, quoniam nihil eiusmodi admisserant; ipsis eam, quæ ex uocabulo, uoluptatem gratificatur; canes interea illos abigens; & inquit. *Videte concisionem*, cauete uobis à concisione, nam nos sumus circumcisio, quomodo? *Qui spiritu Deo seruimus, & non in carne fiducià habentes*, nō dixit: examinemus circumcisionem illam, & hanc; utra sit melior; sed nec nomine quidem ipsam impartit: & quid inquit? circumcisio illa, concisio est, quapropter? nihil enim aliud faciunt; quàm quòd carnem concidunt. Quando enim quod fit, legitimum non est; nihil aliud, quàm carnis sectio est; & concisio. Vel igitur ob hanc causam ita illam appellauit; uel quòd Ecclesiam concidere aggrediebantur. Nam, & nos concisionis nomine utimur in iis, qui temere, & sine arte hoc faciunt. Nam si circumcisio quærenda est, inquit; apud nos eam inuenietis, *qui spiritu Deo seruimus*, idest, qui spiritaliter seruimus. Dic enim mihi, utrum melius; anima, an corpus? euidenter anima, igitur

*Vide notat-
iones.*

ma: igitur & hæc circumcisio illa melior: quin imo hæc nunc sola circumcisio est. Etenim quandiu quidem typus manebat; merito comparationi locus erat, [circumcidite, inquit, præputium cordis uestri] ita, & in Epistola ad Romanos ipsam tollit his uerbis. [Non enim qui in manifesto, Iudæus est, neque quæ in manifesto in carne, circumcisio; sed qui in abscondito Iudæus; & circumcisio cordis in spiritu, non litera.] Nunc verò & nomine iam illam priuat: negatque circumcisionem esse. Nam typus quidem donec uentura est ueritas, ueræ rei nomine uocatur: postquam uerò aduenit ueritas; non amplius. Simile quiddam euenit in adumbrata pictura. descripsit quispiam regem adumbrans. Lineamenta illa adumbrata, quandiu pigmentorum flos & color uerus se in conspectum non dat; regem uocamus. at ubi iste color accessit; obscuratur ueritate typus, neque apparet: tuncque dicimus; imo nunc est Rex: antea non erat. Minimè autem dixit, in nobis enim est circumcisio; sed nos sumus, ac merito quidem. Hoc enim est homo: circumcisio uirtuti congruens, hoc est uerè homo: neque dixit, in illis enim est concisio; sed uidete concisionem. Ipsi enim posthac uersantur in interitu, ac uiciositate. Deinde ostendens non amplius in corpore fieri circumcisionem; sed in corde; inquit. *Et non in carne fiduciam habentes; quamquam & ego habeam confidentiam in carne: quid dicit hoc loco, confidentiam? & in carne? nempe gloriationem; plenam fidentiam, & granditatis orationem: ac scite istud addidit. Nam si, cum esset ethnicus, accusaret circumcisionem, neque circumcisionem solum, sed eos, qui intempestiuè ipsam reciperent; uideretur sanè ideo in illam irruere; quòd nobilitatis, quæ iudaismi erat propria, expers esset; quòd præclara illa, & maiestatis plena ignoraret; neque ipsorum esset particeps. Nunc uero, qui particeps est, & repræhendit; certè non ita repræhendit, tanquam is, qui non sit particeps; sed tanquam qui condemnauerit; non ex ignoratione: sed maxime ex cognitione. Vide igitur;*

Hier. 4.

Rom. 2.

P 2. . . quid

Gal. I.

quid dicat; Et in Epistola ad Galatas, cum incidisset in necessitatem magna de se ipso dicendi, quam nihilominus animi humilitatem præseferat, [audiuiſtis enim inquit, conuerſationem meam aliquando in iudaismo,] & rursus hic, *ſi quis alius uidetur conſidere in carne: ego magis*, ac ſtatim adiunxit. *Hebræus ex hebræis*. Non hoc tanquàm id quod ſibi per ſe propositum eſſet, initio dixit: ſed poſtquam dixerat, *ſi quis alius*, oſtendens neceſſitatem; illorumque cauſa hæc à ſe dici. Si cōfiditis inquit; *ego magis*. Hoc nunc neceſſario dico: alioqui tacuiſſem. Attende uerò; quomodo in arguēdo uitet odium, orationemque ſuam minimè moleſte admitti faciat; dum non nominatim arguit. Id & illis locum ſe recipiendi dabat. *ſi quis uidetur conſidere*. Et recte dixit, *uidetur*, uel quòd tantum fidentia non haberent; uel quòd uera fidentia non eſſet: omnino enim hoc neceſſitatis eſt, non electionis, *circumciſus octauo die*: primum ponit; quod maximè optabant, id eſt circumciſionem; deinde illud, *ex genere Iſrael*. Vtraque hæc oſtendit, neque profelytum ſe eſſe, neque ex profelytis oriundum. Nam ex eo, quòd octauo die circumciſus ſit, oſtenditur non eſſe profelytum; ex eo autem, quòd ex genere Iſrael; oſtenditur, neque ex parentibus profelytis eſſe ortum. Deinde, ne putes, *ex genere Iſrael*, hoc ſignificare eſſe ipſum ex decem tribubus; inquit, *de tribu Beniamin*, perinde ac ſi diceret, ex probatiore parte. Nam quæ Sacerdotū erant; in ſorte erant huius tribus, *hebræus ex hebræis*, hinc oſtendit nō ſe eſſe profelytum, ſed antiquitus ex benè claris Iudæis. Poterat. n. quis Iſraelita eſſe; nec tamē hebræus ex hebræis. Multi enim iam & rem ipſam corruperant; & linguā non tenebant, alijs admiſti gentibus. Vel hoc igitur, vel magnam nobilitatem hinc demonſtrat. *ſecundum legem Phariſæus*, Accedit deinde ad ea, quæ ad ſuam ſectam, & inſtitutum pertinebant: ſuperiora enim omnia minimè erant conſilij, atq; electionis. Neque enim ſuum opus erat, circumciſum eſſe, aut ex genere Iſrael, aut ex Tribu Beniamin, itaq; neque his rebus excellere; quamuis, & in his poſſimum non multos ſocios haberet: ubi igitur conſiſtebat illud *magis*? certè quidem & in hoc

in hoc excellebat ; quòd non erat profelytus ; quòd erat ex probatissima tribu ; quodque antiquitus id haberet à maioribus ; quæ quidem non multi habebant : sed quoniam hæc omnia ab electione sua minimè profecta fuerant ; accedit ad ea , quæ ipsius sectæ sunt ; ubi elucet illud , *magis* [*secundum legem Phariseus ; secundum emulationem persequens Ecclesiam* . Addit hoc ; quoniã illud solum non satis erat ad probandum illud , *magis* . Nam licet pharisæum etiam esse ; nec tamen uehementi zelo affici . Cæterum & hoc addit , *secundum iustitiam* . Ecce , ubi situm est illud , *magis* . Est enim uel ex periculis contemptu , proiectaq ; audacia , uel ex principatus cupiditate id facere ; quod tanè principes sacerdotum faciebant . Ostendens igitur non se talem fuisse , *secundum iustitiam* , inquit , *quæ in lege est , conuersatus sine querela* . Ergo si & nobilitatis ergò , & studii , alacritatisque , & morum , & vitæ , omnes antecellebam ; quid causæ fuit ; quamobrem præclara illa dimiserim , inquit ; nisi quòd ea , quæ Christi sunt , repererim maiora , ac longè quidè maiora ? quamobrem addidit . *Sed quæ mihi fuerunt lucra , hæc arbitratus sum propter Christum detrimenda* .

M O R A L I S D I G R E S S I O .



PAULVS quidem hanc uitæ rationem adeo exquisitam , & ab ineunte ætate susceptam , tantam nobilitatem , tanta pericula , tantos conatus ; labores , studia proiecit ; ac damna putauit (cum antea lucra essent) ut Christum lucraretur ; nos uerò neque pecuniam cōtemnimus ; ut Christum lucremur ; sed malumus futuræ uitæ iacturam facere , quàm præsentium rerum : quamquam hæc nihil aliud sunt , quàm damnum . Cedo enim sigillatim expendamus ea , quæ in diuitiis insunt . An non damnum censeretur illud debet , quod laborem quidem habet , lucrū uerò nullum ? Quid enim , dic mihi , utilitatis ex multis , ac præciosis uestibus ? atque istis induti quid lucri facimus ? nihil planè ; sed damnum dun-

De cōtemnēdis diuitijs .

taxat reportamus : quomodo ? quoniam & pauper uilem ; tritamque uestem ferens in maximis caloribus nihilo deterius fert æstum , quàm tu : quinimo ille facilius : trita enim , & unica facilius finit respirare , ac recreari corpora : quæ autem nouè confecta est , etiam si araneorum tellis tenuior ; non item . Ac tu quidem nimio elatus fastu , & binas , ternasq; tunicas , sæpe uerò , & amiculum , & zonam , & subligacula habes : Illi uerò nemo crimini dat ; quòd vnica tegatur tunica ; hincque facilius fert æstum . Et diuites quidem uidemus manantes sudore ; pauperes uerò minime . Quando igitur homini eundem uel etiam potiorrem usum præbent uestimenta uilia , & nullo propè præcio empta : illa uerò , in quibus necessariò multum auri effundendum fuit , nihil plus efficiunt ; non ne damnum est nimium illud , ac superuacaneum ? Nihil enim plus afferunt , quod ad usum , & commodum pertinet ; sed plus auri effusum tibi est . Eundem uerò usum , & cōmoditatem tu quidem diues centum , aut forte etiam pluribus aureis emisti ; pauper uerò pauculo argento . Vides damnum ? sed fastus videre non finit . Vis ne auri etiam , quod & equis & mulieribus circundant , rationem subducamus ? Ad alia enim diuitiarum mala hoc etiam accedit ; quòd amentes faciunt . Eodem enim honore & mulieres , & equos dignantur : unus est utrorumq; ornatus ; atque ex iisdem rebus uolunt mulieres splēdidiores apparere ; ex quibus & uehicula , ex quibus & pelles cortynarum , in quibus uehuntur . Dic mihi , quid lucri est , mulū uel equum auro ornare ? Mulier uerò tanta auri , lapidumque mole circundata : quid amplius habet ? Atenim aurea , inquit , non consumuntur : quinimo & hoc illis accidere affirmant , qui ista callent ; atq; in balneis , & alibi sæpe , & lapides , & aurea multum de præcio perdunt . Verum sit ita sanè , ut uis ; nihilq; ledantur : cedò quid lucri ? Quid ? cum exciderint ; ac perierint ; an non damnū est ? quid uero , cum inuidiam , atq; insidias in se cōcitarint : nō ne damnum ? Nam quando quidē nihil profunt circumdatæ mulieris ; inflāmant uerò inuidorum oculos , & latrones magis excitant ; nō ne damnum afferunt ? Quid uerò dic mihi ,
cum

cum liceret viro his uti ad negociū magno cū emolumento gerendum; nec tamen pōt ob sumptuosę mulieris luxū; cogiturq; ipse cum fame cōflictari, & in summas adduci angustias, illam uerò spectare auro onustam; nō ne hoc damnum est? Propterea enim pecunię dictę sunt *χρήματα*, idest utilia, non ut ipsis sic nos utamur, quemadmodū utuntur aurificū prothecę; sed ut ex illis honesti quippiā agamus. Quando igitur auri cupiditas id minimē permittit; an non restota damnum est? Nam qui ipsis uti nō audet; perinde ac si aliena essent, ita nō utitur: sublato autem usu iam non sunt, *χρήματα*, idest utilia. Quid uerò, cum ēdes splendidas, ac laxas ædificamus, ipsasq; & columnis, & marmoribus & porticibus, & ambulationibus, modisq; omnibus exornamus, idola ubique & statuas collocantes? multi quidem ex his etiam dēmonas inuocant: sed omittamus nunc istud. Quid sibi vult & tectum aureum? nō ne eundem usum sua illi domus prębet; qui sibi aptā, ac modicam habet? at habet, inquit, magnam delectationem. sane unum; aut alterū diem; exinde uerò minimē. Nam si solem ipsum non ualde admiramur, quōd ei uidendo assueuimus; certē multo minus opera artis; sed nihilo magis, quā si lutea essent, attendimus. Quid enim, dic mihi, ad ædificationis commoditatem multitudo columnarum, & signorū pulchritudo, & aurum muris inspersum confert? nihil: sed omnia luxus, insolentię, elationis nimię, ac dementię sunt. Vbi-que enim rebus necessariis, quibusque utamur, danda opera est, non inutilibus. Vides rem istam damnum esse? vides superuacaneam, & inutilem? nam si neque maiorem usum, neque delectationem affert (procedente enim tempore satietatem parit) nihil aliud est, nisi damnum. Sed obstans inanis glorię studium facit, ne uideamus. Ita Paulus quidem quę lucra esse arbitrabatur; ea reliquit; nos uerò neque ea, quę damna sunt, prę C H R I S T O relinquemus? Quousque tandem humi defixi hærebimus? quousque ad cœlum non spectabimus? non uidetis senes; quā nullum rerum pręteritarum sensum habeant? non uidetis morientes, cum senes, tum iuuenes?

non uidetis eos, qui in uita ipsa suis rebus spoliati sunt? cur de rebus instabilibus pēdemus? cur infirmis illigamur? quousque non persequemur manentes, ac stabiles? Quid non darent senes; quo liceret deponere senectutem? Ita ne? quæ isthæc dementia est, ad pristinam uelle iuuentutem redire, atque huius rei consequendæ causâ facile omnia dare; cum uerò liceat consequi iuuentutem, cui non succedat senectus, iuuentutem multis cum diuitiis coniunctam, multoque uiuaciorem; nec paulum quiddam uelle dare; sed ea retinere, quæ etiâ in præsentî nihil profunt? Ex morte eximere te non possunt; non morbum propulsare, non propulsare senectutem, aut quicquam aliud eorum, quæ necessariò, & secundum naturæ legem accidunt; atq; adhuc ad illa adhærescis? Ecquid lucris? dic mihi: hinc ebrietas, edacitas, obscenæ ac multiplices uoluptates; quæ quidem magis, quam amari domini nos excruciant. Hæc solum ex diuitiis lucrari pote est; aliud uerò nihil; quandoquidem ita uolumus. Nam si liberet; cœlum sane ipsum diuitiis consequeremur. Ergo bonum, inquit, diuitiæ. Non hoc diuitiæ præstât; sed possessoris consilium, atque electio. Electionem enim esse, quæ hoc faciat, vel hinc licet animaduertere; quòd etiâ pauper cœli adire hæreditatem potest. Etenim, quod sæpè dixi, nō mensuram rerum, quæ dantur, Deus spectat, sed animum dantium: licet & pauperi, & pauca danti totum consequi. Exigit enim Deus pro cuiusque facultate: neque diuitiæ regnum conciliant, neque paupertas geennam, sed utraque bonus, & malus animus. Hunc igitur corrigamus, hunc componamus, hunc talem, qualem esse decet, præstemus; atque omnia erunt nobis facilia. Nam quemadmodum artifex siue ferream, siue auream securim habeat; æque ligna cædit, ac dolat, atque adeo facilius etiam in ferro; ita & hîc longe facilius per paupertatem paratur virtus. Nam de diuitiis quidem inquit [facilius est camelum per foramen acus transire; quàm diuitem in regnū cœlorum] de paupertate nihil huiusmodi pronūciauit; sed potius contra [vende omnia quæ habes, & da pauperibus, & ueni, & sequere

*Facilius
paupertate
quàm diui-
tijs paratur
regnum.
Matt. 19.
Ibidem, &
Mar. 10.*

sequere me.] perinde ac si ex uenditione futurum esset: ut sequeretur dominum. Ergo paupertatem minimè fugiamus, tanquam malum: est enim conciliatrix regni: neque item persequamur diuitias ut bonum: Incautos enim perdunt: sed ubique oculos ad Deum intendentes, utamur, quò conuenit, iis, quæ ab illo nobis tributa sunt, & corporis robore, & abundantia diuitiarum, ceterisque rebus omnibus. Absurdum enim planè est, cum ab ipso facti simus, non ei, qui nos fecit, sed aliis isthæc utenda præbere. Fecit tibi oculum? hunc ipsi præsta; præbe utendum; non autem diabolo, quomodo autem Deo præbebis? opera ipsius considerans, & ipsum glorificans, abducens uerò à mulieris aspectu. Fecit tibi manus? Has ipsi possideto, nò diabolo; nò eas ad rapinas, ac prædas, sed ad mandata facienda, ad beneficia cõferenda, atque ad preces assiduas extendens; ad eos, qui ceciderunt, erigendos. Fecit tibi aures? has ipsi præbe; non infractis, ac molliibus cantilenis; non turpium sermonum auditioni [omnis enim enarratio tua, *Eccl. 9.* inquit, in lege altissimi] & rursus [in multitudine, inquit, *Eccl. 6.* presbyterorum sta, & si quis sapiens fuerit, ei te adiunge] Fecit tibi os? Ex hoc nihil prodeat: quod Deo non probeatur; sed psalmodias, hymnos, odas canat spiritales [ut det gratiam, inquit, audientibus] ad fulciendum, nò ad euerrendum, ad benedicendū, non ad maledicendū; non ad destruendas insidias; sed cõtra omnino. Fecit tibi pedes? non ut properes ad uiciositatē, sed ad bona. Fecit tibi ventrem; non ut ipsum rumpas; sed ut philosophicam exerceas sobrietatem. Indidit cupiditatem ad liberorum procreationem; sed nò ad scortationē, & adulterium: Dedit tibi mentem, non ut blasphemiam in ipsum iacias; non ut sis conuiciator; sed ut benè dicas: Dedit & pecunias; ut quò oportet, ipsis utamur; eademque de causa uires dedit. Fecit artes; ut uita sustentetur; non ut à rebus ad spiritum pertinentibus nos ipsos auocemus; nò ut sordidis artibus operam demus, sed necessariis; ut nobis mutuam opem feramus; non ut insidiemur. Dedit testum, eò duntaxat; ut arceat pluuiam; non ut ipsum quidē ornetur auro; pauper

Q

verò

verò pereat fame. Dedit uestes, ut tegamur, non ut ostentemus; non ut illæ quidem multo auro rigeant; Christus verò nudus pereat. Domum dedit; non ut solus habeas; sed ut aliis etiam præbeas. Terram dedit; non ut maiore illius parte ad te abstracta, in scorta, & psaltrias, & mimos, & tibicines, & citharædos infumas Dei bona; sed in esurientes, atq; egenos. Dedit tibi mare; ut nauiges, ne itinere faciendo labores; non ut curiosè illius fundum scruteris; & lapides, & alia huiusmodi inde extrahas; non ut hoc tibi studio habeas. Atenim, quamobrem ergo, inquit, sunt lapides? Quinimo dic tu mihi: Quam ob causam lapides illi in tanto precio sunt? nū facultate aliqua? num usuat certè qui è mari non sunt, utiliores sunt. Etenim hi saltem ad ædificationem cōferunt; illi uerò nusquam. At illi, inquit, pulchritudinem afferunt: quomodo? totum id opinionis est: sunt candidiores? at non certè marmore ualde candido? quinetiam neque ad illius candorem accedunt: at solidiores? ne id quidem: at utiliores? at maiores? neutiquam. Vnde igitur suspiciuntur? non aliunde, quàm ex sola existimatione. Nam si neque pulchriores sunt (multos enim inueniemus illis lucidiores, & candidiores) neque utiles, neque solidiores; unde, inquam, adeo suspiciuntur? an non ex sola existimatione? Quam igitur ob causam illos dedit? non ipse dedit: sed tu magnū esse quippiam putasti. Quid igitur est, inquit, quòd scriptura etiam eos celebrat? nimirum accomodatè ad tuam opinionem loquitur. Nam & præceptor ad puerulum uerba faciens, eadem, atque ille, sæpe suspicit: ut illum sibi conciliet, ac paulatim subuehat. Quid pulchritudinem experis uestium? Vestem tibi circunda, & calceos: his te orna: hæc tibi satis sint. [Desiderabilia, inquit David, super aurum, & super lapidē pretiosum multum,] sed [iudicia Dei] Terrena uerò hæc pro nihilo sunt habenda: non sunt hæc, o dilecte, utilia. Si utilia essent; non iussisset contemnere: sed diuina scriptura ad existimationem nostram loquitur. Atque hoc etiam diuinæ benignitatis est. Quam igitur ob causam inquit, purpuram, & cætera huiusmodi? diuinæ magnificentiae hæc sunt opera.

Plal. 118.

*Cur Deus
dederit pur-
puram, &
alia huius-
modi.*

opera. Nam aliis quoq; ex rebus suas uoluit diuitias ostēdere: alioquin & frumentum ipse dedit solum; tu uerò ex hoc multa paras, placentas, bellaria uaria, ac multa, magnā afferentia uoluptatem. Voluptas, & inanis gloriæ amor hęc omnia inuexit. Videbantur enim hęc tibi omnibus rebus præferenda. Cæteroqui, si peregrinus quispiam, aut agricola harum rerum imperitus te interroget, teq; illa suspicientem uidens dicat; cur ista suspicis, atque admiraris; quid habebis, quod respondeas? Pulchra esse aspectu? sed non ita est. Deponamus igitur hanc opinionem; uerisque reapse bonis inhæreamus. Hęc enim minimē sunt; sed temere accedunt tantum, instar fluminis dilabentia. Quamobrem obsecro uos, caueamus, ne facile circumferamur; sed super petram nos ipsos sistamus; ut futura consequamur bona gratia, & benignitate Domini nostri Iesu Christi, cum quo patri simul, & sancto spiritui, gloria, imperium, honos &c.

S E R M O V N D E C I M V S .



SED quæ mihi fuerunt lucra; hæc arbitratus sum propter Christum detrimentum. Veruntamen & existimo omnia detrimentum esse propter eminentem scientiam Iesu Christi domini mei; propter quem omnia detrimentum feci, & arbitror quisquiliæ esse, ut Christum lucrifaciam; et inueniar in illo non habens meam iustitiam, quæ ex lege est; sed illam, quæ ex fide est Iesu Christi, quæ ex Deo est, iustitiam in fide ad cognoscendum illum, et uirtutē resurrectionis eius. In certaminibus, quæ aduersus hæreticos suscipiuntur; uegetā adhibere meum oportet, atq; assidue in ea cogitatione defixā. Ita .n. disturbare illorū ordines poterimus, & plenissimā reportare uictoriam, nullum illis respirandi spaciū dantes. Propterea cum uelim uos ex scripturis ad huiusmodi certamina instruere, ut hinc etiam eos, qui cōtradicunt, obmutescere faciatis: huius, quæ nūc in manibus est, disputationis initium sumam à finī superioris. Quis autem erat ille finis?

Q 2 Cum

*Mos hereti-
corū delen-
di literas re-
pudiādi scri-
pturam.*

*Utilitas le-
gis.*

Cum collegisset iudaica omnia, quæ gloriandi causam dabant, ea quæ à natura, ea, quæ à consilio, & electione addiderat. Sed quæ mihi fuerunt lucra, hæc existimo detrimentum esse propter eminentē scientiam Iesu Christi domini mei; propter quem omnia detrimentum feci, & arbitror quisquilias esse; ut Christum lucrificiam. Insultant hoc loco heretici. Nam & hoc sapientiæ est spiritus, spes illis victoriæ submittere; ut pugnam capessant. Etenim si aperte loquutus esset; fecissent & in istis, quod in aliis fecerunt: deleuerunt enim literas; repudiaverunt scripturam, cum aduersos illius radios ferre non possent. Sed quod in piscibus fit, ut illud, unde sunt capiendi, non manifestò illis obiciatur, sed occultetur; ut accurrere non vereantur; id & hoc loco accidit; ubi à Paulo lex damnum dicta est. Sane, quod Paulus inquit, huiusmodi est: non licebat Christum lucrari; nisi hæc damnum putassem. Hæc omnia alliciunt hæreticos; ut locum recipiant, existimantes pro se facere. Quando uerò receperunt; tunc illos digitis undique cōstringit. Quid igitur isti dicunt insultantes? En lex est damnum, εν σκύβαλα, idest quisquilie; quomodo igitur ipsam Dei esse dicitis? Verum enim uerò hæc omnia pro lege sunt: quomodo autem; hinc perspicuum fiet. Attendamus autem diligenter, quæ dicuntur. non dixit, lex est detrimentū; sed ipsam, *arbitratus sum detrimentum*; & de lucro quidē loquens, non dixit *arbitratus sum*, sed, *fuerunt lucra*; de damno autem dixit; *arbitratus sum*: merito. Illud enim naturā erat; hoc uero iam ex opinione nostra profectum est. Quid igitur non est, inquit, damnum lex; sed propter Christum putatur damnum. Cur autē non dixit, putari lucrum, sed esse? Cogita quantum fuerit, homines efferratos iam natura, ad humanam uitæ rationē adducere. Nisi lex fuisset; neque etiam gratia data esset: quapropter? quoniam pontis instar fuit. Etenim quoniam minime fas erat de infimo loco in excelsum ascendere; facta est scala. Et quāuis, qui illuc peruenit, non amplius scalæ egeat; non propterea tamen illam spernit; sed potius ei gratias habet. Ipsa enim fuit, quæ illum eò adduxerit; ut tui post hac non egeat; ac tamen pro hoc ipso, quod illius

non eget, beneficium se illi debere merito fatetur: sine illa enim non ascendisset. Idem de lege dicendum est. Eue-
xit nos in sublime: ergo lucrum erat: sed iam ipsam puta-
mus damnum: quomodo? non quoniam damnum est: sed
quoniam longe potior gratia. Nam quemadmodum fame
laborans pauper, quandiu quidem solum argētum habet,
eo arcet famem; postquā uerò aurum inuenerit, si utrun-
que retinere nō liceat, damnum putat retinere argentum,
atque illo dimisso aurum capit; dimittit autem, non quod
damnum sit argentum (nō enim est) sed quoniam utrun-
que simul habere non licet; sed necessario alterutrum est
relinquendum: ita & hic. Non igitur lex est detrimentum,
sed legi inhærentem deficere à Christo: quamobrem cum
nos abducit à Christo; tunc damnum est: quod si adducat;
non item. Propterea inquit, *propter Christum detrimentum*. Si
propter Christum; ergo natura non est detrimentum. Cur
autem non sinit lex ad Christum accedere? ac sanè eo, in-
quit data fuerat [plenitudo enim legis Christus, & finis le-
gis Christus.] Sinit: si dicto audientes esse uelimus: sinit,
si ipsi met legi obediamus; si attendamus: quod si minimè
attendamus; non sinit: *ueruntamen & existimo omnia detrimen-*
tum esse. Quid hoc, inquit, de lege dico? non ne bonum est
mundus? non ne bonum est præsens uita? ueruntamen si
abducant à Christo; pro damnis habeo: cur? propter eminentem
scientiā Iesu Christi domini mei. Vbi enim sol illuxit; lychno
inhæreere damnum est. Itaque ex collatione damnum fit;
nimirum ob alterius præstantiam. Vides Paulum compa-
rationem facere? propter eminentem, inquit; non quod alte-
rum alienum sit. Nam quod eminent, & excellit; rem, quæ
eiusdem sit generis, excellit. Vnde igitur per comparatio-
nem, præstantiam alterius constituit; inde alterius etiam
cognitionem, & similitudinem cognitionis demonstrat:
Propter quem omnia detrimentum feci, & arbitror quisquiliis esse, ut
Christum lucrificiam. Nondum quidem manifestum est quis-
quiliarum nomen de lege dicti: uerisimile enim est Paulum
de mundanis rebus dicere. Nam cum dixisset, *quæ mihi fue-*
runt lucra; hæc arbitratus sum propter Christum detrimentum, addit,

Rom. 10.

ueruntamen

ueruntamen et existimo omnia detrimentū esse: dum dicit omnia; significat, & præterita, & præsentia. Quòd si uelis legem significari; neque ideo tamen cōtumelia afficitur. Quisquilix enim ex frumento existunt; & quod in frumento quasi robustius est, id *σκύβαλον*, idest quisquilla, & palea est: idem enim est, atque *ἄχρον*: quamobrem antequam frumentum existeret; utilis erat illa pælearum seges; & unā cū frumento ipsam colligimus: quòd si illa non fuisset; neque hoc exortum esset. Vides ubique non rem ipsam uocari damnum; sed præ Christo, ueruntamen et omnia existimo detrimentum esse, quam ob causam? rursus, propter eminentem scientiam [propter quem omnia detrimentum feci, quamobrem adiungit, omnia existimo detrimentum esse, ut Christum lucrifaciam]. Vides ubique inhaerentem firmamento Christi? nec usquam patitur nudari legem, ac plagam accipere; sed undiq; ipsam munit: & inueniar in illo non habens meam iustitiam, quæ ex lege est: si is, qui iustitiam habebat: quòd ea præ hac iustitia nihil esset; ad hanc accurrit; qui nullam habent; quomodo non multo magis accurrere debebunt? Et rectè dixit, non habens meam iustitiam, idest non illam, quam mihi meis laboribus, ac sudoribus comparaueram; sed quam ex gratia inueni. Si igitur ille, qui uirtutis officia obiuerat; ex gratia salutem est adeptus; multo magis uos. Quoniam enim uerisimile erat illos dicere, maiorem esse iustitiam, quæ ex laboribus; ostendit hanc præ illa paleam esse. Secus enim, non cum ad ipsam peruenissem, ea proiecta ad hanc alteram accurrissem: quæ nam uerò hæc est? quæ ex fide Dei; idest hæc ipsa etiam à Deo data est: Dei est hæc ipsa iustitia: Donum penitus Dei est. Dei autem dona longo intervallo antecedunt uilitatem rectorum factorum, quæ ex nostro studio profecta sunt. Quid autem est, in fide ad cognoscendum illum? Ergo per fidem cognitio: nec sine fide illum cognoscere fas est: quomodo? per ipsam enim cognoscenda est uirtus resurrectionis eius. Etenim quæ unquam ratiocinatio resurrectionem nobis demonstrabit? sed sola fides. Quòd si Christi secundum carnem resurrectio fide cognoscitur; quomodo generatio Dei uerbi com-

præ-

præhenderetur ratiocinationibus? generatione enim minor est resurrectio: cur? quoniam illius quidem multa exempla extiterunt; generationis nullum. Mortui enim multi resurrexerunt ante Christum (quamuis post resurrectionem rursus obierint) nemo autem vnquam fuit; quem virgo pareret. Ergo si illud etiam, quod ortu secundum carnem uilius est, fide compræhendendum est; quod multo maius est, & infinite maius, ac ne comparabile quidem est, hoc quomodo ratiocinatione compræhendemus? Hæc faciunt iustitiam. Hoc enim oportet credere, fieri potuisse: quomodo uerò potuerit; non iam potest esse ostendere. Ex fide enim fit; ut rerum molestiarum coire societatem uelimus. Nisi enim credamus; neque etiam incommoda libebit subire: nisi credamus fore; ut unâ subeuntes, simul etiam regnemus; nullo pacto ad subeunda incommoda adducemur. Ergo fide, & natiuitas, & resurrectio compræhenditur. Vides non nudam requiri fidem, sed cum operibus coniunctam? Is enim potissimum credit resurrexisse Christum; qui similiter se periculis exponit; qui ei se in perpeſsionibus socium præbet. Fit enim socius ei, qui resurrexit, ei qui uiuit. Propterea dicebat, *et inueniar in illo non habens meam iustitiam, quæ ex lege est, sed illam quæ ex fide est Christi, quæ ex Deo est, iustitiam in fide ad cognoscendum illum, et uirtutem resurrectionis, et societatem passionum illius, configuratus morti eius; si quo modo occurram ad resurrectionem quæ est ex mortuis, [configuratus, inquit, morti eius, idest particeps. Etenim quemadmodum ille ab hominibus malè acceptus est; ita & ego: propterea dixit, configuratus, & rursus alibi. [Et adimpleo ea, quæ defunt passionum CHRISTI in carne mea:] idest uexationes, & calamitates huiusmodi, reddunt imaginem quandam illius mortis. Non enim quod suum est quærebat; sed quod multis prodesset. Quamobrem & uexationes, & incommoda, & angustia tantum abest, ut nos perturbare debeant; ut potius inde letandum sit; quòd per hæc conformes reddimur morti eius: perinde ac si diceret ad illius similitudinem*

Non sufficit nuda fides.

Col. 1.

2. Cor. 4.

12m. 6.

2. Cor. 15.
Apud graecos.Contra in-
nem hereti-
corum fidu-
ciam.

dinem fingimur; quod & alibi inquit, ita scribens [morti-
 ficationem domini Iesu in corpore circumferentes.] Et id
 verò ex magna fide fit. Non enim solum resurrexisse credi-
 mus; sed etiam post resurrectionem habere magnam po-
 tentiam. Propterea eadem uia iter facimus, qua ille; id est
 hac etiam ex parte fratres illius efficimur; perinde ac si di-
 ceret. Ex hac re efficimur Christi quidam. En quanta est
 ærumnarum dignitas. Credimus conformes nos fieri mor-
 ti eius per ærumnas. Nam quemadmodum in baptismo,
 [consepulti sumus similitudini mortis eius;] ita hic eidem
 morti conformes reddimur. Ibi merito dixit [similitudini
 mortis eius,] non enim totam mortē obuiimus; non enim
 corpore, & carne mortui sumus, sed peccato. Quoniam
 igitur mors utrobique dicitur; sed ille quidē corpore mor-
 tuus est, nos autem peccato; & illic homo mortuus est,
 quem ipse assumpserat, qui in corpore nostro spectari uo-
 luit; hic uerò homo peccati; propterea ibi quidem inquit
 [similitudini mortis eius]; hic uerò non iam similitudini
 mortis, sed ipsimet morti. Paulus enim in uexationibus
 non iam peccato mortuus est; sed ipso corpore: quamo-
 brem eandem subiit mortem, *si quo modo occurram inquit, ad
 resurrectionē, quæ est ex mortuis.* Quid ais? omnes enim ad istam
 perueniunt. Nam [nō omnes quidem dormiemus, inquit,
 sed omnes immutabimur] neque resurrectionis solum om-
 nes participes erimus, sed etiam immortalitatis, hi quidem
 ad honorem, hi uerò ad occasionem supplicii. Ergo si om-
 nes ad resurrectionem perueniunt, neque ad resurrectionem
 solum, sed etiam ad immortalitatem; quomodo tanquam
 qui præcipuum quippiam adepturus esset, dicebat, *si quo-
 modo occurram?* Propterea inquit, hæc subeo, *si quomodo
 occurram ad resurrectionem, quæ est ex mortuis:* nisi enim mor-
 tuus fueris; non resurges. Quid igitur hoc est, quod in-
 quit? magnum quiddam hoc loco significat. Adeo enim
 magnum erat; ut neque asseuerare ausus fuerit; sed tan-
 tum inquit: *si quo modo:* credidi in ipsum, & ipsius resurre-
 xionem; præterea propter ipsum patior: nec tamen adhuc
 possumus omnino confidere fore, ut resurgamus. Quam
 hoc

hoc loco resurrectionē dicit; nimirū eam, quę ad ipsum ducit Christū. Dixi me credere in eum, & uirtuti resurrectionis eius, & socium me esse passionum suarum, configuratumque me esse morti eius: ueruntamen post hæc omnia nondū penitus confido: quod alibi dixit, [qui se existimat stare, uideat ne cadat,] & rursus [timeo, ne forte cū aliis predicauerim, ipse reprobus efficiar.] *Non quòd iam acceperim, aut iam perfectus sim; sequor autem, si quo modo comprehendam; in quo & comprehensus sum à Christo Iesu [non quòd iam acceperim.]*

Quid est, iam acceperim? brabium inquit; Quòd, si qui tanta perpessus fuerat, qui uexabatur, qui mortificationem habebat; nondum de resurrectione illa fidenti, & securo animo erat; quid tandem dicemus nos? quid est, si comprehendam? quod antea dixerat si occurram in resurrectionem, quę est ex mortuis; si comprehendam, inquit, ac teneam ipsius resurrectionem; id est si tanta pati potuero; si ipsum imitari potuero, si conformis ipsi fieri, quemadmodū multa passus est Christus; ipsis foedatus est, uirgis cæsus; ac demum mortem subiit. Hoc stadiū est: per hæc omnia opus est ad illius resurrectionem uos peruenire, omnia certamina perferentes. Vel igitur hoc sibi vult; vel istud: si dignus factus fuero, qui asequar probatam illam resurrectionem, ac fidentię plenam; qui ad ipsius resurrectionem perueniam. Nam si certamina, ac labores omnes perferre potero; illius quoque resurrectionem assequi potero, & cum gloria resurgere: non dum enim inquit dignus sum, *sequor autem si quomodo comprehendam.* Adhuc mihi uita in certamine ueratur: adhuc à meta longe absum: adhuc à brabiis disto: adhuc curro; adhuc sequor; & non dixit, curro, sed *sequor*; ac merito. Nam qui apud Græcos dicitur *διώκων*, id est qui sectatur; nostis, quantam cōtentionem in sectando adhibeat; neminem intuetur; omnes quicunque cursum illius interrumpunt, magno impetu propellit; & mentem, & oculos, & uires, & animam, & corpus contrahit, solum brabium spectans, præterea nihil. Quòd si Paulus tantus sectator, ac tanta passus adhuc inquit, *si quo modo comprehendam*, quid dicemus nos? Deinde ostendens debitum

R hoc

1. Cor. 10.

Ibidem 9.

hoc esse, inquit, *In quo et comprehensus sum à Iesu Christo.* Eram inquit ex perditorum numero demergebar; pereundum mihi omnino erat: comprehendit me, ac tenuit Deus. Nam & ipse nos sedatus est fugientes ipsum magno cum studio; propterea omnia hæc illi accepta refeit: His enim uerbis, *comprehensus sum*, & studium Dei demonstrauit nos comprehendere uolentis, & nostrū longinquū recessum; atq; errationem, nosq; omnino ab illo refugisse ostendit.

MORALIS DIGRESSIO.

Nā fugien-
dū à Deo.



VAMOBREM cum illud lachrymis dignum est, omnes ad pristinum statū relabi; tum uero hoc etiam; cum magno simus debito obnoxii, neminem tamen lugere, neminem lachrymari, neminem suspirare. Ac ne putes ironice ista hæc à me dici. Nam quemadmodum ante Christi aduentum à Deo fugiebamur; ita nunc ab ipso fugimus. Pote enim est fugere à Deo, nō quidem loco (nam ubiq; est) sed operibus. Etenim loco quidem ab eo discedi nō posse, audi prophetam dicentem [quò ibo à spiritu tuo; & quò à facie tua fugiam?] quomodo igitur pote est à Deo fugere? eodem modo, quemadmodum pote est procul à Deo proficisci, ac iong; abesse [qui se elongant inquit, à te, peribunt] & rursus [non ne iniquitates uestre diuiterunt inter me & uos?] quomodo igitur fit iste longinquus discessus? & quomodo intercedit interuallum? electione, & animo. Loco enim pote nō est. Quomodo enim quis ab eo, qui ubiq; adest, fugiat? Peccator igitur fugit. Hoc est, quod scriptura inquit [fugit impius nemine persequēte] Valde fugimus Deum; tamen si semper ille sedatur nos. Apostolas cursum suum eò intendebat; ut prope ad illum accederet; nos eo intendimus; ut procul discedamus. Ergo nō hæc digna lamentis? Quò fugis infelix, & miser? quo fugis à uita, & salute tua? si à Deo fugias; ad quem confugies? si à luce fugias; quò respicies? si à uita fugias; unde posthac uiues? Fugiamus hostem salutis nostræ. Cum peccamus, à Deo

Deo fugimus; fugitiuorum more erramus; ad alienam abscedimus terram; quemadmodum ille, qui comederat paternam bonam, & abierat in alienam terram; qui totum patrimonium cōsumpserat, atq; in fame vivebat. Habemus uerò patrimonium & nos; cuiusmodi uerò hoc? liberauit nos a peccatis: donauit nobis uires ad uirtutis officia obeunda donauit nobis alacritatem, patientiam in baptismo: donauit nobis spiritum sanctum. Si hæc absumptierimus; fame post hac laborabimus. Nam quemadmodum egroti, quando quidem febribus agitantur, & succorum uiciositate laborant; neque exurgere, neque suis muneribus fungi, neque agere quicquā possunt; quòd si quis eos à morbo liberet, & ad sanitatem adducat; nec tamen adhuc quicquā agant; iam id ex propria socordia fit; ita sanè & in nobis. Vexabat enim nos morbus grauis, ac febris uehemens; decubebamusque nō in lecto, sed in ipsamet uiciositate, perinde atq; in stercore: in improbitate volutabamur, scatentes vlceribus, fetorē spirantes, squalidi, incurui, umbrę potius, quàm homines. Circumstabāt nos improbi demones, princeps mundi huius ridēs, insultans. Venit Dei unigenitus: emisit radios pręsentię suę; & caliginem cōfestim depulit. Venit ad nos ipse rex, qui erat in throno paterno, thronū relinquens paternū (quādo autē reliquisse dico, ne id significare rursus putes, mutationē, ac transitū, celum enim, terramq; ipse implet; sed ob œconomīā id dico) venit ad hostem, qui ipsū odio prosequabatur, auersabatur, neq; ut ad eum oculos cōuerteret, adduci poterat, blasphemias quotidie appetebat. Vidit in stercore iacentē, à uermibus exulceratum, à febris, & fame oppressum, nullo non morbi genere laborantē. Nā & febris vexabat (hoc enim est improba cupiditas) & inflammationes urgebant (hoc enim arrogantia) & quædā insatiabilis fames occupabat (hoc enim auaritia) & sanies vndiq; (hoc .n. scortatio) & cęcitas oculorū (hoc enim idolatria) & surditas, & stupor (Hoc enim erat lapides, & ligna adorare, & cū illis colloqui) & multa deformitas: hoc enim uiciositas; triste nimirum quiddam, & morbus grauitissimus. Vidit absurdus quàm infantes

Luc. 15.

*Seruari d
nobis posse
mandata.*

*Beneficium
aduentus
Christi.*

R 2 soleant

*Optimus
medicus no-
ster parauit
pharmaca,
& primus
gustauit.
In baptis-
mo omnem
euomimus
uiciofitatē.*


*Deus et pec-
cata remit-
tit, & uires
dat.*

Luc. 15.

soleant loquentes, & lignum & lapidem Deum vocantes. Vidit in tanta uiciofitate; nec tamen abominatus est, non amarior factus, non auersatus est, non odio prosequutus. Dominus enim erat; & opus suum non oderat. Deinde quid facit? Optimi medici more parat pretiosa pharmaca, eaque primus gustat. Virtutem enim ipse primus obiuit; ac deinceps nobis tradidit. Ac primum pharmacum, quasi antidotum quoddam, lauacrum dedit. Ita omnem euomimus uiciofitatem. Ita omnia simul in fugam se dederunt; inflammatio cessit; febris extincta est; & sanies exicata. Omnia enim & quæ ab auaritia, & quæ ab ira, & cætera omnia mala per spiritum euauerunt: aperti sunt oculi; apertæ aures: apta uocem loquuta est lingua; uires acquisiuit anima; acquisiuit corpus pulchritudinem, & florē huiusmodi; qualem par est habere pulchritudinē Dei filium ex spiritus gratia procreatum; qualem par est habere gloriam filium nuper Regi natum, & in purpuraeductum. Hei mihi quātam nobis donauit nobilitatem: nos uerò erga eum, qui adeo nos amauit, ingrati esse perseueramus: peperit nos, nutriuit, beneficiis attecit; quid rursus fugimus ab eo, qui tanta tribuit beneficia? Ergo qui hæc omnia fecit; robur etiam dat: non enim dum morbus nos occupabat, ferendo oneri eramus; nisi ipse uires nobis dedisset, & peccata remississet. Irritum fecimus donum: dedit nobis diuitias; eas dilapidauimus; omnia comedimus, atque exorbuius: dedit nobis uires; eas contumpsi: dedit nobis gratiam: ipsam extinximus, quomodo? contumpsimus nulla in re quæ nobis proderet, atque utilitatē afferret. Hæc nos perdiderunt; atque illud præterea, quod omnium grauissimum est; quod in aliena degētes terra, & comedentes siliquas, non tamen dicimus: redibimus ad patrem, & dicimus; peccauimus in cælum & in te: idque, cum patrem adeo amante, nostrique reditus ualde cupidum habeamus. Dummodo ad ipsum redeamus, dummodo à uiciofitate discedamus, neque ut de præteritis nos obiurget, adduci potest. Satis enim apud illum excusationis est, rediisse. Ecquid dico, ut obiurget, adduci nō potest? non solum

solum ipse non obiurgat; verum etiam si alius obiurget, silentium imponit; etiam si ille, qui obiurgat, apprimè sibi acceptus sit. Redeamus: quousq; recedimus? sc̃tiamus de decus; sentiamus uilitatem. Viciositas nos porcos facit; viciositas famem affert animæ. Recuperemus nos ipsos, & resipiscamus; eòq; incumbamus; ut in pristinam restituamur nobilitatem; ut assequamur futura bona in Christo Iesu Domino nostro, cum quo patri, simulque sancto spiritui gloria, imperium, honos &c.

SERMO DVODECIMVS.



RATRES ego me non arbitror cōprehendisse. Vnum autem: quæ quidem retro sunt, obliuiscens, ad ea uerò quæ sunt priora, extendens me ipsum, ad destinatum persequor, ad brabium supernæ uocationis Dei in Christo Iesu. Nihil eq; inania reddit benefacta, disperditque, atque eorum, quæ nos rectè fecimus, memoria. Duo enim parit mala; neg'igentiores facit, & in arrogantiam tollit. Quamobrem Paulus, quoniam nouerat naturam nostram ad socordiam ualde esse procliuem, multis autem laudibus Philippēses affecerat; uide quomodo eorum spiritus cōprimat, multis quidem aliis adhuc modis; præcipue autem his nunc uerbis; quid enim dicit? *Fratres ego me non arbitror cōprehendisse*: quòd si Paulus adhuc non cōprehendit, neque fidenti animo de resurrectione, ac futuris rebus est. multo igitur minus illis, qui nec minimā illius benefactorū partem assequuti fuerant, id faciendum erat. Quod autem inquit, hoc est: nōdum omnem me apprehendisse uirtutem puto: ita de cursore dici solet; nondum apprehendit. Nondum inquit Paulus totum confeci. Quod si alibi inquit, [Bonum certamē certauī.] hic uerò, 2. Tim. 4. *nondum arbitror me cōprehendisse*; qui utrunque locum accurate leges; robè causam illorum, & horum uerborum cognoscet. Non enim assidue oportet eadem uersare; nosque omnia docere, admonereque, hæc multo antea dicta esse illa uerò iud ipsum obitum: *nondum arbitror, inquit, me cō-*
præ-

prehendisse; sed in hoc uno totus sum; ut ad anteriora me extendam. Hoc enim sibi vult, dum inquit, *quæ quidem retro sunt, obliuiscens, ad ea uerò, quæ priora sunt, extendens me ipsum, ad æstimatū persequor, ad brachium supernæ uocationis Dei in Christo Iesu.* Vide his ueris ostendere; quid illud sit, quod ipsum faciebat ad anteriora se extendere. Ergo qui iam se perfectū putat, nihilquæ sibi deesse ad uirtutis absolutionem; is à cursu cessabit, quasi qui totum iam teneat. At qui se adhuc à meta abesse cogitat; is nunquam à cursu cessat. Hoc igitur & nos existimare semper debemus; etiam si sexcenta obuerimus uirtutis officia. Etenim, si Paulus post sexcentas mortes, post tanta pericula hoc secum putabat; multo magis nos; nondum, inquit, animo concidi; quamuis post tantum cursum nondum peruenerim; non ideo tamen desperaui: sed adhuc curro: adhuc certo: hoc unum spectro, ut aliudue proficiam. Id nobis etiam faciendum est: obliuioni mandanda sunt benefacta; & omittenda, quæ retro sunt. Nam & cursor, non quot spacia confecerit, cogitat, sed quot adhuc restent. Ita & nos, non quantum in uirtute progressi simus, cogitemus; sed quantum adhuc progrediendum restet. Quid enim nobis proderit, quod progressi sumus; nisi etiam quod restat, confecerimus? Neque dixit, non cogito, aut non memini, sed *obliuiscens*, ita nos attentiores reddens. Tunc enim ualde uehementes sumus; cum omnē animi impetum in id, quod restat, coniecimus cum præterita obliuioni mandauimus, *extendens, inquit, me ipsum*: nos autem antequam accedamus; capere uolumus. Is enim extendere se dicitur; qui pedes licet currentes reliquo corpore anteuertere studet; seque inclinat in anteriora; manusque protendit, ut aliquanto etiam plus spatii faciat. Id uero ex multo animi impetu, & magno ardore fit. Qui currit; hoc modo currat oportet, tanto cū studio, tanto cum impetu; non autem remisse. Quantum autem inter hunc, qui hoc modo currit, & inter eum, qui iacet supinus, interest; tantum inter Paulum & nos. Quotidie ille moriebatur; quotidie benè merebatur; nulla erat occasio, nullum tempus; in quo non aliqua illi ad cursum accessio


cessio fieret : non uolebat capere , sed rapere . Ita enim fas est capere . Qui dat brabium ; sursum stat ; sursum positum est brabium . Vide quantum spaciū sit propositum ad percurrentum : vide quā celsus sit locus ; quo uolandum est alis spiritus : aliter enim altitudo illa obtineri nequit . Cū corpore illhuc ambulandum est ; licet enim : [nostra enim *Phil. 3.* inquit , conuersatio in coelis est] : Ibi palma est . Vides eos , qui currunt , quā ex lege uiuant ? quā nihil eorum , quę vires enervant , attingant ? quā quotidie certent in palestra sub magistro , & lege ? Hos fac imiteris ; ac potius maiorem prome impetū . Longe enim potior est palma ; & multi sunt , qui impediunt : ex lege uiue : multa enim sunt , quę robur dissoluunt : bonum crus fac pedi tuo : non enim naturę est ; sed voluntatis ; leuem hanc reddamus ; ne celeritati pedum reliquum pondus officiat . Doce pedes esse cautos : solum enim multis locis est lubricum ; ac si cadas ; multa perdidisti : attamen , & si cecideris , exurge : licet enim & hoc pacto uincere . Nunquam lubricis rebus te committas ; & non cades : super solidas , ac stabiles curre . Sursum caput habeas ; sursum oculos : id & currentibus magistri præcipiunt . Ita consolidantur uires . Sin deorsum uersum nutabis ; cōcides , ac fatifces . Sursum specta ; ubi palma est : hic palmæ aspectus auget studium voluntatis : spes adimit laborum , & molestiarum sensum . Longinquitas facit , ut brabium appareat exiguum . Quod nam illud est ? non ramus palmæ ; sed quid ? regnum cœlorum , requies sempiterna , gloria cum Christo , hæreditas , fraternitas , innumerable bona ; quę uerbis exponi non possunt . Palmæ illius pulchritudinem explicare nefas est : solus ille nouit , qui obtinet ; & qui accēpturus est : nō est aureum , non ex lapidibus cōstat : multo istis est preciosius . Aurum præ illo lutum est : lapides preciosi præ illa pulchritudine lateres sūt . Si ea potitus in cœlum iueris ; magno illic cum honore poteris incedere ; Angeli te reuerentur palmam illam ferentem : Fidenter ad omnes accedes : *In Christo Iesu* : Vides gratum animum : in Christo Iesu hoc , inquit , facio . Non enim sine illius impulsu tantum spaciū conficere fas est :

magno

magno subsidio opus est; seq; ille nobis in pugna socium
 præbeat, oportet. Deorsum quidem te certare uoluit; sur-
 sum uerò coronat: non hîc ubi certamen, est etiam coro-
 na illa; sed in splendido loco. Nō uidetis hîc etiā ex athle-
 tis, & aurigis, quos maximo afficiunt honore, non deor-
 sum in stadio coronari? sed sursum eos uocans Rex illuc
 coronat. Ita etiam & tu hinc in celū specta; ubi capies pal-
 mam, quicumq; ergo perfecti sumus, inquit, hoc sentiamus; & si quid
 aliter sapitis; et hoc uobis Deus reuelabit. Quid hoc est? nimirum
 quæ retro sunt, obliuiscenda esse; ita ut perfecti hominis
 sit, non se existimare perfectum esse. Quomodo igitur di-
 cis? quicumq; perfecti. Dic enim mihi, hoccine uis sapiamus,
 quod tu sapi? Nam si non assequutus es, si non es perfe-
 ctus; quomodo iubes perfectos hoc sapere, quod & tu sa-
 pis, qui nondū perfectus? Hoc enim, inquit, perfectio est:
 & si quid aliter sapitis; & hoc uobis Deus reuelabit: idest, si quis
 autem putat se totum rectè esse assequutum: cauet nimi-
 rum illis; at non ita dixit; sed quid? & si quid aliter sapitis, &
 hoc uobis Deus reuelabit. Vides, quàm uerecunde: Hoc, in-
 quit, vos Deus docebit; idest Deus uobis persuadebit; nō
 tantum docebit. Nam docebat quidem Paulus; Deus au-
 tem inducebat. Et nō dixit, inducet; sed reuelabit; ut igno-
 ratio uideatur potius, quàm improbitas. Non hæc de dog-
 matis dicta sunt, sed de perfectione uitæ; ut nemo se ipse
 existimet perfectum esse. Etenim qui omnia se putat con-
 sequutum; nihil habet. Verumtamen ad quod peruenimus, in ea-
 dem permaneamus regula: idem sapiamus, [ueruntamen ad quod per-
 uenimus, quid hoc est? interea inquit, quod boni cōsequuti
 sumus, teneamus, charitatem, concordiam, pacem: hoc
 nobis rectè confectum est; ad quod peruenimus, in eadem perma-
 neamus regula, idem sapiamus, [ad quod peruenimus, idest hoc no-
 bis iam rectè confectum est. Vides Paulum hoc uelle, præ-
 cepta esse regulam? regula neque additionem, neque de-
 tractionem capit: cetero qui iam non est regula, in eadem re-
 gula; idest in eadem fide, in eadem constitutione, imitatores
 mei estote fratres: & obseruate eos, qui ita ambulant; sicut habetis nos
 formā. Dixit superius, [videte canes] hos ab illis abducēs:
 propo-

proponit nunc eos, qui sunt imitandi. Si quis, inquit, nos imitari vult, si quis eandem insistere uiam; huic operam date: quamuis ego non adsum, nostis tamen incessus mei rationem, & modum, id est rationem vitæ, & morum. Non enim verbis solum docebat, sed etiam factis; quemadmodum in choro, & exercitu, choragum & ducem reliqui imitentur oportet: itaque ordinate incedant. Nam fieri potest, ut ex illo etiam statu, qui in choro solus dicitur, ordo dissoluatur.

MORALIS DIGRESSIO.



RGO Apostoli erant forma, & typus; speciem eam retinentes, quæ archetypi, & primarii cuiusdam exemplaris instar esset. Cogitate, quam accurata esset illis uerba ratio; ut ipsi propostiti essent, quasi archetypus, & exemplar, & leges animatæ. Quæ enim literæ dicebāt; hæc ipsi factis peripicua omnibus faciebant. Hæc optima est docendi ratio: ita discipulum impellere doctor poterit. Sin dicat quidem, ac verbis philosophetur; factis uero contraria repræsentet; nondum doctor est. Nam uel discipulo hoc facile est, uerbis philosophari. Sed illa admonitio, & persuasio accedat oportet, quæ per opera fit. Nam hæc & doctori reuerentiam conciliat, & discipulo propensionem ad parendum; quomodo? quoniam, ubi uerbis quidem uiderit philosophantem; secum dicet; ea quæ fieri non possint, magister iste præcepit; idque ipse primus ostendit, qui ea non facit. Sin autem uiderit uirtutem factis ipsis expressam; non habebit amplius, cur ista dicat. Veruntamen etiam si doctoris uita socordiae plena sit; nobis ipsi attendamus, & audiamus prophetam dicentem: erunt omnes docibiles Dei; & non docebit ultra uir fratrem suum dicens; cognosce Dominum: omnes enim cognoscent me à minimo eorum usque ad maximum. Non habes doctorem uirtute præditum: sed habes eum, qui uerè doctor est; quem etiam solū doctorem

Virtutē omnibus rebus bene uti.

Officium boni doctoris.

*Esa. 54.
Hier. 31.*

Matt. 11.

S appel-

appellare oportet. Ab illo disce. Ille dixit, [discite à me, quia sum mitis:] nō obserues magistrum istum, sed illum, illiusque disciplinas. Inde typum cape: habes effigiem optimam; ad quam te ipse componas: sexcentæ sunt propositæ in scripturis uitarum cum uirtute actarum imagines. Accede, si libet, post magistrum ad discipulos: inter quos hic quidem ex paupertate luxit, atque eminuit, ille uerò ex diuitiis: exempli causa, Helias ex paupertate, Abraam ex diuitiis: utram putas leuiorem, tibi que aptiorem hanc tene. Rursus hic quidem ex matrimonio, ille uero ex uirginitate. Abraam ex matrimonio, Helias ex uirginitate: utram libet, insiste: utraque enim ad cœlum ducit. Et Ioannes quidem per ieiunium; Iob uerò sine ieiuniis. Rursus hic ipse, cum mulieris, & filiorum & filiarum, & domus cura ipsi gerenda esset; multisque abundaret diuitiis; Ioannes uerò nihil possidebat præter uestimentum ex pilis confectum. Et quid dico domum, & diuitias, & pecunias; quando uel eum, qui regnū obtinet, fas est uirtutem consequi? Nulla enim non priuata domo longè occupatior reperietur regia: ac tamen Dauid fulsit in regno; neque illum dissoluit purpura, aut diadema: itemque alter, cui integri populi gubernacula commissa fuerant, Moyses inquam: quod sanè difficilior etiam erat. Hic enim plus licentiæ erat, ideoque plus difficultatis, & molestiarum. Vidisti probatos in diuitiis; uidisti & in paupertate. Vidisti in matrimonio; uidisti & in uirginitate. Contra uerò considera, & in matrimonio, & in uirginitate, & in diuitiis, & in paupertate non defuisse, qui perirent. Nam in matrimonio quidem multi homines perierunt: ut Sampson, non tamen ex ipso matrimonio; sed ex animo, electioneque sua: in uirginitate item; ut quinque uirgines; in diuitiis, diues ille, qui Lazarum despiciebat: in paupertate, nunc quoque sexcenti pauperes pereunt. In regno, & in populi gubernatione multos possum ostendere, qui perierunt. Vis autem & in militari ordine uidere, qui salutem sint consequuti? intueri Cornelium: uis & in rei familiaris administratione? intueri Eunuchum

Aethio-

Aethiopiffę. Ita undique perfpicuum fit, si quod oportet, diuitiis vtamur, nihil esse, quod nos perdat: sin minus; omnia: perdit nos regnum, perdit paupertas, perdunt diuitię. Attento quidem homini nihil nocere poterit. Vis & quos nihil seruitus, & captiuitas lęserit, uidere? Cogita ipsum Ioseph seruum quidem factum, sed nihilominus uirtutis retinentem. Cogita mihi Danielelem, & tres illos pueros, cum captiui efsēt, multo magis fulsisse. Vbiq; enim uirtus lucet, neq; expugnari, neq; impediri ulla ratione pōt. Quid dico paupertatem, & seruitutē? nec fames quidem, nec morbus quantumuis grauis nocere pōt. Morbus enim seruitute est grauior. Talis erat Lazarus: talis Iob. Talis erat & Timoth. crebro pressus infirmitate. Vides nihil esse, à quo superari uirtus queat? nō diuitias, nō paupertatem, non imperium, non seruitutem, non rerū administrationem, nō morbum, non ignominiā, non exilium? sed hęc omnia deorsum, atq; humi relinquēs uirtus ad cōelum peruenit. Tantum generosa sit anima; tunc prohibere nihil poterit, quin uirtutis sit cōpos. Vbi enim ualet is, à quo actio promenda est; nullum externę res impedimentū afferunt. Nam & in artibus, ubi artifex bene peritus fuerit, & tolerans, vniuersamq; artem tenuerit; etiā si morbus adueniat, ipsam retinet; etiā si in paupertatē incidat, ipsam retinet: siue instrumentū in manu habeat, siue nō habeat, siue suo fungatur munere, siue non fungatur; nihil illi ex arte detrahitur. In ipso .n. inest scientia. Ita & qui uirtute pręditus est, atq; ex Deo pendet; siue illum in diuitias conicias; ostendit uirtutē suam: siue in paupertatem; nihilominus; siue in morbum, siue in sanctatem, siue in gloriā, siue in infamiam: an non per ista omnia transierunt Apostoli? [per gloriā inquit, & ignobilitatem, per infamiam, & bonam famam.] Hęc est athletarum esse, nēpe ad omnia esse accōmodatum. Talis enim est uirtutis etiam natura. Quod si dicas; pręesse aliis non possum; solitaria mihi uita agenda est; iniuriam fecisti uirtuti. Ea enim omnibus rebus uti potest, & ubique spīendet, dummodo insit in anima. Fames adest? adest annonę copia? uirtus suum prę se fert robur; quemadmodum

2. Cor. 6.

Act. 18.

Paulus inquit, [scio & abundare, & penuriam pati:] operandum erat? nō erubescēbat: sed duos annos operam artī suæ dedit. Erat ferenda fames? non concidebat, nec uacillabat. Moriendum erat? non deiciebat animum: undique generosum illum animum, atque artem ostendebat. Hunc igitur emulemur; nec quicquā causæ erit; cur mereamus. Quid enim, dic mihi, tali uiro mœrorem asserre poterit? nihil planē: quādiu hanc nobis nemo eriguerit; omnibus hominibus erimus beatiore, & hīc, & ibi. Sit enim quis virtutis compos: tunc & uxorem habeat, & filios, & pecunias, & circumfluat gloria; in his omnibus similiter uirtutem retinebit. Aufer hæc; nihilominus similiter uirtutem retinebit, non à calamitatibus obrutus, non ex prosperitate tumescens; sed perinde ac petra quædam maritima, siue turgeat mare, siue malacia existat, æque manet immobilis; neq; à fluctibus fracta, neq; à malacia quicquā damni passa: ita etiā solidus animus æque stabilis præstat in fluctibus, & in malacia. Et quemadmodū pueruli nauigio uecti turbantur; gubernator autem sedet ridens, & immotus, & ex illorum trepidatione voluptatē capit; ita animus philosophicus, dū ceteri omnes turbantur, aut uicissim ridet intempestiue in rerū mutationibus, ipse quasi ad clauum quendam pietatis sedēs perstat immotus. Quid enim, dic mihi, animam piā perturbare potest? num mors? at hoc melioris uitæ initium: an paupertas? at hoc ipsam prouehit in uirtutis uia; an morbus? sed pro nihilo habet hanc uitam: & quid dico morbum? pro nihilo æque habet delectationes, atque ærumnas. Anticipauit enim, ac se ipsa iam affixit: an ignobilitas? sed mundus ipsi crucifixus est: an amissio liberorum? sed non metuit: futuram enim sibi persuasit resurrectionem. Quid ergo euertere illam poterit? prorsus nihil quicquam: at diuitiæ extollunt? minimē: nouit enim pecunias nihil esse: at gloria? sed iam in hac disciplina eruditus est, omnē hominis gloriam esse ueluti florem fœni: at delitiæ? sed audiuit Paulum dicentem, [quæ in deliciis est, uiuens mortua est.] Ergo cum neque tumescat, neque deprimatur; quid huic sanitati par inueniri poterit? Verum


Esā. 40.

1. Tim. 5.

Verum non tales sunt cæteræ animæ; sed crebrius, quàm mare, & chamæleon, mutantur. Quamobrem ualde ridicula est illarum conditio. Quis enim non rideas; cum uideas eundem nunc ridentem, nunc flentem, nunc sollicitum, nunc præter modum remissum, ac torpentem? Propterea Paulus inquit [nolite conformari huic seculo.] In cælo enim degimus, & quasi ciues uersamur; ubi nulla mutatio. Promissa sunt nobis premia immutabilia: talem & nos uitæ rationem exhibeamus: inde iam capiamus bona. Ecquid igitur nos ipsi in Euripū proiicimus? & in medios fluctus, & in procellas, & turbines? amabò amplectamur maliciā, & tranquillitatem. Ea non ex diuitiis pendet, non ex paupertate, non ex gloria, non ex ignobilitate, non ex morbo, non ex sanitate: nō ex infirmitate; sed ex nostro cuiusque animo. Si hic solidus fuerit, ac recte in uirtutis disciplina eruditus; omnia illi facilia erunt: atq; hinc iam quietem cernet, portumque tranquillum; & illuc profectus innumerabilia bona cōsequetur; quibus utinam digni reddamur gratia domini nostri Iesu Christi, cū quo Patri, simulq; sancto spiritui gloria, imperium, honos nunc, & semper, & in secula seculorum. Amen.

Rom. 12.

S E R M O X I I I.



MULTI enim ambulant, quos sepe dicebam uobis; nunc autem & flens dico, inimicos crucis Christi, quorum finis interitus, quorum Deus uenter est, & gloria in confusione ipsorum; qui terrena sapiunt. Nostra enim conuersatio in coelis est; unde etiam Saluatorem expectamus dominum Iesum Christum, qui transfigurabit corpus humilitatis nostræ, ut conforme fiat corpori claritatis suæ, secundum operationem uirtutis suæ, qua etiam possit subiicere sibi omnia. Nihil æque dissentaneum est, alienumque à Christiano; ac quietem, & ocium querere; Nihil æque à professione nostra, & militia, cui nomen dedimus, alienum; ac præfenti uitæ defixum esse. Dominus tuus in crucem actus est; & tu quietem quæris?

ris? Dominus tuus clavis confixus est; & tu deliciaris? Hæccine militis generosi? Propterea etiam Paulus inquit, *multi ambulant, quos sæpe dicebam vobis, nunc autem & flens dico, inimicos Crucis Christi*. Quoniam erant nonnulli; qui Christianissimum quidem simulabant, sed in ocio, ac deliciis vivebant; id vero aduersatur Cruci; idcirco ista dicebat. Crux propria animæ est in acie stantis, mori cupientis, nullam sibi obledationem postulantis. Illi uero contrariam vitæ rationem sequuntur. Quamobrem tamen dicant se Christi esse; inimici tamen sunt Crucis: alioqui, si crucem amarent; id quoque studerent; ut crucifixam vitam uiuerent. Non ne in Crucem actus est dominus tuus propter te? si illius modum non potes; imitare alia ratione dominum tuum. Iple te crucifige; etiam si nemo te figat. Cruci, inquam, te ipse fige; non ut ipse te interimas, absit (impium enim est), sed prout Paulus dicebat, [Mihi enim inquit, mundus crucifixus est, & ego mundo.] Si dominum tuum amas; mortem illius morere: discere quanta sit Crucis potentia; quot bona fecit; quot faciat; quàm in tuto vitam collocet. Per hæc omnia perficiuntur: baptisma per crucem [oportet enim, inquit, accipere signaculū] manuum impositio per crucem: omninoque, siue in uia simus, siue domi, siue ubi, ubi uis; magnū bonum est crux, salutaris armatura, clypeus minime peruius, sed reluctans diabolo. Cum hoc igitur si bellum geras; tunc gestas crucem: non tantum accepto signaculo, sed etiam, quæ Crucis propria sunt, subiens, ac patiens. Cōlueuit enim Christus passionem nomine Crucis appellare: ut cum inquit [nisi quis tollat Crucem suam, & sequatur me] id est nisi quis recte se comparauerit ad mortem. Isti uero degeneres, uite, & corporis amantes, profecto Crucis sunt inimici: & quisquis deliciarum, mundanæque tranquillitatis amator est; inimicus est Crucis; in qua Paulus gloriatur; quam complectitur; cui nititur inferi; quod illa uerba indicant, [Ego crucifixus sum mundo, & mundus mihi:] nunc uero inquit, *nunc autem & flens dico*, cur? quoniam malum creuerat; quoniam tales qui sunt, hi lachrymis digni sunt. Vere lachrymis

Gal. 6.

De Crucis
potentia.Matt. 16.
sed paulo
aliter.

Gal. 6.

chrymis digni sunt; qui in deliciis degunt; & indumentum quidem, id est corpus pinguefaciunt; futuri uero, quod ipsos manet, supplicii nullam rationem habent. Esto: delicate uiuis; esto: uino mades; hodie, cras, decem annos, & uiginti, & triginta, & quinquaginta, & centum: quod quidem nefas est: Verum, si uis, demus ita esse: quod nam extremum, quæ utilitas? nulla. Talem igitur uitam viuere, non ne lachrymis, & lamentis dignum est? Adduxit nos Deus in hoc stadium, ut coronet; & nos abimus nullo præclaro edito facinore? Flet igitur Paulus, quibus de rebus alii ridet, seque oblectant: tanto alienarum calamitatum sensu tangitur: adeo omnes homines curat. *Quorum, inquit, Deus uenter est.* Propter hoc est Deus ipsis. Hoc illud est [comedamus, & bibamus] Vides quantum malum sint deliciæ? Aliis quidem pecunia, aliis verò uenter Deus est. Non ne hi etiam sunt idololatræ; & illis etiam deteriores, ac nequiores? *& gloria, inquit, in confusione ipsorum:* quidam circumcisionem his uerbis significari uolunt. Ego autem ita interpretor; ac si dictum esset, in quibus oportebat eos pudore suffundi, seque occultare; in his se efferunt. Hoc illud est, quod alibi inquit, [quem ergo fructum habuistis tunc in illis, in quibus nunc erubescitis?] Graue enim malum est turpia facere; sed si te, cum facias, pudeat; quasi dimidium malum est: sin etiam inde te efferas, ac magnifice circumpicias; summus iam est animi stupor. Ergo de illis tantum hæc dicta sunt, & nemo eorum, qui hic adsunt, obiurgationi locum reliquit? nemo illi crimini est affinis? neque Deum uentrem habet? neque gloriam in confusione? Cupio, & uehementer cupio nihil eiusmodi ad nos pertinere. Vellem neminē nosse; cui ea, quæ dicta sunt, crimini dari possent. Sed ualde metuo; ne in nos magis, quàm in illos cōueniant. Etenim si quis omnē uitam in potationibus, & commensationibus insumat; & in pauperes quidem aliquot obolos impendat, maiorem verò opū partem in uentrem effundat; nō ne iure in istum etiam dicentur?

Nihil

*Esa. 22. et**I. Cor. 15.**Rom. 6.*

Nihil his uerbis ad pudorem eliciendum aptius, nihil ad obiurgandum uehementius, quorum inquit, Deus uenter est, & gloria in confusione ipsorum, qui nam isti sunt? qui terrena sapiunt; qui dicunt; ædificemus domos: ubi? in terra inquit: emamus agros; in terra rursum; adipiscamur imperium; rursum in terra: assequamur gloriam; rursum in terra: diuitias comparemus; in terra: omnia denique in terra. Hi sunt, quorum Deus uenter est. Qui enim nihil spiritale cum animo suo cogitant, sed omnia sua hic habent, atque hæc sola curant; merito uentrẽ Deum habent, dicentes [comedamus, & bibamus; cras enim moriemur.] Et corpus quidem doles tibi terrenum esse; quamuis illud tibi, quod ad uirtutem pertinet, nihil noceat; animam uerò in terram deprimis; cum contra corpus quoq; spiritale reddere deberes? licet enim, si uelis. Rides, dic mihi, atque animo es omissio? & qualem consequeris ueniam, cum tanto te stupore affeceris? Ventrẽ accepisti, ut nutrias, non ut distendas; ut illi domineris, non ut dominum habeas; ut tibi inferuiat ad cæteras partes alendas, non ut tu illi inferuias, non ut fines transilias. Non tot malorum causa est mare fines supergressum; quot uenter corpori, animæq; nostræ. Omnem illud terram, in quam se effuderit, obruit; uenter uerò uniuersum corpus. Pone illi terminum, quod naturæ satis est; quemadmodum mari Deus posuit lītus. Ac si æstuauerit, atque excanduerit; increpa illum potestate, quæ in te sita est. Vide quanto honore te affecerit Deus, ut ipsum imiteris? Tu uerò minimè uis; sed uides illum erumpere, totamque naturam corrumpere, atque obrucere; nec tamen audes cohibere, ac moderari, quorum Deus, inquit, uenter est. Videamus quomodo Paulus seruiet Deo: videamus quomodo, & edaces isti seruiant ventri: non ne isti sexcentas perferunt mortes? non ne, quæcunque ille iusserit, detrectare formidant? an non etiam in iis, quæ minimè fieri possunt, obediunt, eique ministrant? non ne mancipiis nequiores sunt? At non Paulus talis: quomobrem dicebat, [nostra conuersatio in coelis est.] Non igitur hic quæramus quietem; sed ibi uelimus clari esse; ubi &

Philip. 3.

vbi & uitam colimus. Vnde etiam Saluatorem, inquit, expectamus dominum Iesum Christum, qui transfigurabit corpus humilitatis nostræ, ut conforme fiat corpori claritatis suæ: paulatim nos euexit. De cælo, inquit, Saluator noster; à loco, à persona maiestatem demonstrans, qui transfigurabit, inquit, corpus humilitatis nostræ. Multis modis nunc malè accipitur corpus nostrum; vincitur, uapulatur, sexcentis malis afficitur. Verū & Christi corpus hæc eadem passum est: Hoc ergo significauit dicens, ut conforme fiat corpori claritatis suæ: ergo idem quidem corpus est; sed induitur immortalitate, transfigurabit inquit. Ergo & figura alia: aut ita mutationem minus propriè uocauit: dixit autem: corpus humilitatis nostræ, quoniam nunc iacet in humilitate; quoniam interitui, ac dolori obnoxium est; quoniam uile uidetur esse, nihilque amplius cæteris habere, ut conforme ipsum, inquit, fiat corpori claritatis suæ: Illi ne, quod sedet in dextera patris? Hoc ipsum corpus conforme illi fit, quod adoratur ab Angelis, illi, cui assistunt incorporeę potestates, illi, quod est supra omnem principatum, & uirtutem, & potestatem, illi ipsi conforme fit. Ergo si uniuersus orbis sumptis lachrymis, eos, qui de hac spe deciderunt, fleat; non ne meritò flebit? quòd hoc promisso nobis proposito, fore, ut corpus nostrum illi conforme fiat, cum demonibus tamen abeant? Iam mitto geennam. Tantum mihi malum videtur de tanta gloria decidisse; ut geennam pro nihilo habeam præ hoc damno, ac ruina. Quid ais Paulus? illi conforme fit? nã inquit. Deinde, ne diffidas; argumentum quoque adiunxit, secundum operationem, inquit, uirtutis suæ, qua etiam possit subicere sibi omnia. Potestatem inquit, habet omnia sibi subiiciendi; ergo & interitum & mortem: potius autem ex eadem ipsa potestate, hoc etiam facit. Quod enim, dic mihi, potentiæ maius opus est Angelos, & Archangelos, & Cherubim & Seraphim subiicere, ac dæmonas; an corpus facere immortale, & corruptelæ nõ obnoxium? illud sanè multò maius. Ostendit maiora opera potentiæ suæ; ut hæc etiam credas. Quamobrem tamen si mundanos istos uideritis exultantes lætitia, & gloria circumfluentes; uos nihilominus stete. Non id uos de statu dei-

*Maiores est
poena dam-
ni, quã sen-
sus.*

T ciat,

Cap. iij.

Al. gloria.

Luc. 10.

Rom. 16.

ciat, nō turbet: spes huiusmodi quæ nobis proponuntur, apte sunt; quæ ualde etiam socordem, atque oscitantem excitent, atque erigant. Itaque fratres mei, inquit, charissimi, & desideratissimi gaudium meum, & corona mea sic state in domino charissimi sic, quomodo? quemadmodum stetitis; immoti: vide post admonitionem encomia, gaudium et corona mea: nō tantum gaudium, sed etiam gloria; non tantum gloria; sed etiam corona. Quid huic uirtuti par inueniatur? quippe cum Pauli corona sint? sic state in domino charissimi, id est in spe Dei. Quociam rogo, & Sintychem rogo id ipsum sapere in domino. Etiam rogo. & te germane compar, adiua illas. Quidam dicunt Paulum his uerbis, [germane compar] uxorem suam rogare; quod minime uerum est: sed quandam aliam mulierem, uel etiam uirum alterius istarum hoc uocat nomine, adiua illas, inquit, quæ mecum laborauerunt in Euangelio cum Clemente, & ceteris adiutoribus meis; quorum nomina sunt in libro uitæ. Vides quantæ uirtutis testimonium illis dat? quod quidem Apostolis dicebat Christus, [in hoc nolite gaudere, quia daemonia uobis subiiciuntur; sed quod nomina uetstra sunt scripta in libro uitæ. Hoc Paulus etiam de istis testificatur dicens, quorum nomina sunt in libro uitæ. Videntur autem mihi hæ mulieres caput fuisse Ecclesiæ, quæ ibi erat; easque commēdat uiro fortasse admirabili; quem comparem etiam uocat; cui fortasse commendare solitus erat, ut auxiliario, & commilitoni, & participi, & fratri: Id uero & in Epist. ad Romanos facit. [commendo, inquit, uobis Phœbem sororem nostram, quæ est in ministerio Ecclesiæ, quæ est in Cenchris.] Compar, uel fratrem aliquem istarum, uel etiam uirum alterius ipsarum ita uocat; perinde ac si diceret: nunc frater es germanus; nunc uir legitimus; quippe qui membrum factus es, quæ mecum laborauerunt in Euangelio. Hinc sollicitudo, & cura erga illas; non ob amicitiam, sed ob benefacta, mecum laborauerunt, quid ais? mulieres tecum laborarunt? n.e., inquit. Non parum, & illæ contulerunt: quamuis enim multi essent, qui Paulo auxiliarentur; tamen inter multos, & istæ suas in agen-

in agendo partes præstabant. Non parum igitur utilitatis tunc Ecclesiis afferebatur. Nam ex eo, quòd ii, qui probati erant cum uiri, tum mulieres, tanto à cæteris honore afficerentur; multa existebant bona. Etenim primuni quidam cæteri ad parem zelum adducebantur; deinde in eo etiam, quòd honorem deferebant, quæstum faciebant: tertio & illos ipsos alacriores atque ardentiores faciebant. Propterea ubique uides id curantem Paulum; ac tales homines commendantem: quod etiam in Epistola ad Corinthios inquit [qui sunt primitiæ Achaïæ.] Quidā inquit nomen proprium illi fuisse, οὐζυρος, idest compar. Sed parum interest: siue hoc, siue illud sit: non hæc minuta diligentia adhibenda est: sed hoc admirandum est, magnum illis deferri honorem iussisse.

1. Cor. 16.

M O R A L I S D I G R E S S I O .



QUANTA, inquit, nobis in cœlis sunt, & Saluator, & ciuitas; & quicquid aliud quis dixerit. [Vnde inquit, & Saluatorem expectamus dominum Iesum Christum]. Atque hoc etiam est benignitatis suæ. Non illuc nos trahit, & cum nos receperit, discedit: sed rursus ipse ad nos uenit: atque in hoc magnum nobis honorem habet. Nam si ad nos cum inimici eramus, uenit; multò magis nunc, cum amici facti sumus. Non hoc Angelis committit, neque seruis. Sed ipse in nubibus ueniet uocans nos in regiam suam. Fortasse autem, & eos, qui ipsum coluerint, ipse ad se in nubibus tollet. [Nam & nos, inquit in nubibus rapiemur; & sic semper cum domino erimus.] Ecquis ergo inuentus fuerit fidelis seruus, & prudens? quinam igitur tantis bonis dignabuntur? quàm miserabiles, qui inde cadunt? Nam si per omne tempus illos, qui regnum amiserunt, lugeamus; tantæ miseræ minime luctus respondere poterit. Etenim si sexcentas geennas attuleris;

Cap. 3.
Quanta sit
pena dam-
ni.

1. Thess. 4.

nihil par afferes dolori illi; quo tunc angitur anima; cum uniuersus quatitur orbis, tubę sonāt, primus accurrit Angelorū ordo, deinde secundus, deinde tertius; deinde sexcenti ordines in terrā se effundunt; tum Cherubim, & Seraphim (multa autem, atque adeo infinita ista sunt); postremo ipsemet aduenit gloria illa circumfluens, quæ nullis verbis exprimi potest; omnes uerò festinant adducere in medium electos; & ii, qui Paulum sectati sunt, quique ira probati sunt, ut ad illum propè accederent, coronantur, prædicantur, à rege in conspectu totius coelestis exercitus honore afñciuntur. Nam tamen si geenna non esset; quantum tamen illud est, hos quidem honorem, illos uerò ignominiam reportare? Intolerabilis res est geenna, fateor, & ualde quidem intolerabilis: attamen intolerabilius mihi uidetur de regno decidisse. Cedò, enim, si quis rex, vel regis filius domo profectus multis bellis egregie cōfectis, magnaq; sui admiratione commota, uniuerso comitatus exercitu in ciuitatem aliquam ingrederetur cū uehiculo, cum trophæis, cum sexcentis militum ordinibus auro onustorum, cum satellitibus, & apparitoribus omnibus aureos clypeos gestātibus; uniuersa autem ciuitas coronata esset, omnesque orbis principes cum ipso, à tergo autem ipsum sequeretur omnis quoque ætas exterarum nationum captiua; tum uerò coram legatis, consulibus, Dynastis, principibus omnibus, in præclara illa pompa obuiam sibi prodeuntes ciues amplexetur, osculetur, manum porrigat, omniaque de se illos sibi polliceri uelit, atque in omnium conspectu cum ipsis, ut cum amicis colloquatur, totumq; illud iter ipsorum sibi causa susceptum dicat; atq; hos quidem in regiam suā perducatur, alios uerò quosdam derelinquat; quantum id omni supplicio maius est; etiam si illi supplicio nō afficiantur? Quòd si apud hominem adeo amarum est de gloria illa decidisse; multò magis apud Deū; cū superæ potestates unā cum Rege adsunt; cum dæmones uincti, atque incurui; diabolus ipse manibus reuinctis agitur, omneque aduersariorum robur; cum virtutes coelorum, cum ipse in nubibus aduenit? Credite mihi;

mihi; præ dolore, qui animum meum ex hac narratione occupauit, orationem ad exitum perducere non possum. Cogitemus, quanta priuemur gloria; cum in nobis situm sit non priuari. Hoc enim est, quod maxime angit, hæc pati, cum in nostra potestate sit non pati. Nam cum hos quidem amplectitur, & mittit in cœlos ad patrem; illos uerò omittit; Angeli uerò quidam illos præhendentes in genæ ignem inuitos, flentes, incuruos traxerint, ac tum demum, cum vniuerso orbi spectaculo fuerint; quantum putas doloris hauriri? Studium igitur adhibeamus, quandiu tempus est, nostramq; ipsorum salutem sollicitè curemus: ne posthac huiusmodi quædam dicenda nobis sint, qualia diues ille dicebat: Si quis nunc nos sinat: statueremus ea, quæ in rem nostram essent; sed nullus sinit. Taliaque nos dicturos non solum ex illo, sed etiam ex multis aliis manifestum est: nam, ut hinc etiam discas, quot fuerunt, qui cum febris laborarent, ita dixerunt, si pristinā ualitudinem recuperemus, nunquam posthac in hæc eadem mala decidemus? Multa huiusmodi tunc dicemus: sed audiemus, quæ diues ille, magnum hiatū intercedere; hic nos nostra bona accepisse. Obsecro igitur, amare fleamus; aut potius non tantum fleamus; sed etiam fungamur uirtute. Lugeamus nunc ad salutem; ne ibi tunc frustra lugeamus: ploremus nunc; & tunc non plorabimus ex improbitate. Fletus hic virtutis est; ille uerò inutilis pœnitentiæ. Afflictemus nunc nos ipsos; ne tunc afflictemur. Multum interest hic afflictori, & ibi. Nam hic quidem ad breue afflictionis tempus: potius autem ne sensum quidem afflictionis capis, exploratum habens, afflictori te, ut bene tibi sit. Ibi uerò longe durior afflictio: nulla enim spe recreatur; neque exitum inuenit, sed infinita ac perpetua est. Utinam uerò hinc liberati requietem illam consequamur. Sed quoniam, ut ne peccemus, cum assiduo studio, tum assiduè precibus opus est, precemur, & studeamus requietē illam consequi. Studeamus obsecro: nam si studeamus, & precemur, consequemur. Si assidue precabimur, dabit Deus. Sin autem neq; ab ipso petamus; nec quicquam eiusmodi

Luc. 6.

Ne peccemus, et precibus. & studio opus est.

præ-

Cap. 3.

prestemus, omninoq; nihil agamus; quò fieri unquam potest; ut dormientes consequamur? planè non potest. Satis enim benè nobiscum agatur; si currentes, nosque ipsos extendentes, & conformes facti morti eius, ut Paulus dicebat, cõsequi potuerimus? tantum abest, ut dormientes. [Si quo modo, inquit, occurrā.] Quod si Paulus dicebat [si quo modo occurrā] quid nobis dicendum erit? Dormientibus enim neq; mundana unquam negocia cõficiuntur. Dormiētes ne ab amicis quidem quicquam accipiunt, ne dum à Deo. Dormientibus ne patres quidem honorem habent, ne dum Deus. Paululum laboremus; ut in omne xpiū requiescamus. Omnino ærumnis angamur necesse est; quòd si hìc minimè angamur, id nos ibi manet. Cur non malumus hìc uexari; ut ibi requiescamus? Vtinam uerò nos omnes digne Christo uitam degentes, & cõformes facti ipsius morti, bona illa, quæ oratio assequi nō potest, consequamur in Christo Iesu Domino nostro, cum quo patri, simulque sancto spiritui gloria, imperium, honos nunc & semper in secula seculorum, Amen.

S E R M O . X I I I .



AVDETE in domino semper: iterum dico gaudete. Modestia uestra nota sit omnibus hominibus. Dominus prope est: nihil solliciti sitis, sed in omni, oratione, & obsecratione cum gratiarum actione petitiones uestre immolescant apud Deum; Et pax Dei, quæ exuperat omnem sensum, custodiet corda uestra, & intelligentias uestras in Christo Iesu. Cum Christus dicat, [Beati qui lugent;] & [veh ridentibus;] quid nunc significans Paulus ita inquit; gaudete in Domino semper? nō fane aduersatur Christo, absit. Veh enim Christus dixit ridentibus risum mundi huius; qui ex rebus presentibus oritur: & lugentes beatos prædicauit, non quouis modo lugentes ex familiarium, ac rerum suarum amissione; sed eos, qui compunguntur; qui sua lugent mala; qui peccata sua expendunt, aut etiam aliena. Non est autem

Matt. 5.

Luc. 6.

autem eiusmodi luctui cōtrarium hoc gaudium; quinimo:
 à luctu illo gaudiū hoc procreatur. Nam qui luget sua ma-
 la, & cōfiteretur; is gaudebit. Præterea uerò licet lugere qui-
 dem propter peccata sua; gaudere autē Christi causa. Quo-
 niam igitur uexabantur rerū molestarum perpeſſione, [Vo-
 bis enim datum est, inquit, non solum, ut in eum creda-
 tis; sed ut etiam pro illo patiamini;] propterea, inquit, *in do-
 mino gaudete*. Idem enim significat, ac si dixisset; talem uitæ
 rationem ostendite, ut gaudendum sit. Quando igitur, quæ
 ad Deum pertinent, nullum apud nos impedimentum ha-
 buerunt, gaudete. Ergo uel hoc inquit, uel uocula illa,
in, valet idem atque, *cum*, idest cum domino semper: *rursus*
dico gaudete: hoc ualde fidentis est, atque ostēdentis, ei, qui
 in Deo est, semper gaudendum esse; etiam si prematur, ac
 quiduis pariat; hic semper gaudet. Audi enim Lucam de
 Apostolis dicentem, [Ibant gaudentes à conspectu concilii;
 quoniam digni habiti sunt pro nomine Iesu uerberibus
 cēdi.] Si uerbera & uincula, quæ præ ceteris uidentur mo-
 lesta, gaudium pariunt; Ecquid tādē erit aliud, quod no-
 bis afferre dolorem queat? *rursus dico gaudete*: recte uerba
 ista geminauit; quoniam rerum natura dolorem sanē pa-
 riebat; ergo ex ista repetitione ostendit, gaudendum om-
 nino esse: *æquitas uestra nota sit omnibus hominibus*. Dixerat pau-
 lo ante, [quorum Deus uenter est, & gloria in confusio-
 ne ipsorum; qui terrena sapiunt.] Quoniam igitur ueri-
 simile erat fore, ut hinc Philippenses erga improbos in-
 fensum animum fusciperent; propterea ipsos iam monet;
 ut nihil erga illos commune habeant; sed magna cum æ-
 quitate utantur non fratribus solum, sed etiam inimicis;
 & aduersariis. *Dominus prope est; nihil solliciti sitis*: quid enim
 cantæ est, dic mihi, cur concidere animo debeatis? an
 quod in uos insurgunt; quodque eos in deliciis degere vi-
 detis? Iam imminet iudicium: non longe erit; cum facto-
 rum suorum rationem reddent; at uos in angustiis labora-
 tis; illi uerò deliciis diffluunt? iam hæc finem habebunt:
 at insidiantur, ac minantur? at non isthæc ipsis perpe-
 tuo ex sententia succedent; iam imminet iudicium;

tunc

Phil. 1.

Act. 5.

Matt. 28.

tuncque omnia contra erunt, nihil solliciti sitis. Iam instat tempus reddendæ mercedis: quod si erga eos, qui uos molestiis afficiunt, æquitatem animi adhibueritis; omnia euanescent; etiam si paupertas, si mors, si quæuis alia grauis calamitas urget; nihil solliciti sitis, *sed in omni oratione, & obsecratione cum gratiarum actione petitiones uestre innotescant apud Deum.* Vna quidem consolatio illa est, [Ero uobiscum omnibus diebus usque ad consumationem seculi;] altera uero illa, *dominus prope est*. tertia rursus post istam; pharmacum, quod mœrorem omnem, & ægritudinem, molestaque omnia propulsare potest: quæ nam hæc est? precari, gratias agere, quicquid nobis eueniat. Quamobrem preces nostras non nudam petitionem esse uult, sed coniunctam cum gratiarum actione pro iis, quæ accepimus: quomodo enim petet quis futura; qui de præteritis gratiâ non habet? *sed in omni inquit; idest in omni re: oratione & obsecratione.* Quamobrem de omnibus gratiæ habendæ sunt, etiam de iis, quæ uidentur molesta. Id enim uerè grati hominis est. Illud enim ipsa rerum natura postulat: hoc uerò ab animo grato, ualdeque erga Deum affecto, atque ex illo penitus pendente proficitur. Has preces agnoscit Deus; alias uero ne nosse quide uult. Huiusmodi igitur res precemini, quæ agnoscantur. Omnia enim ad nostram utilitatem administrat; tamen si id nos non percipiamus. Atque magnam illa nobis asferre utilitatem id argumêto est; quod non percipimus: & pax Dei, quæ exuperat omnem intellectum, custodiat corda uestra, & intelligentias uestras in Christo Iesu. Quid hoc est? pax Dei, inquit, quam cum hominibus fecit, omnem exuperat cogitationem. Quis enim expectauit; quis sperauit tanta aduentura bona? humanam omnem excedunt cogitationem, non tantum orationem: pro inimicis suis, pro iis, qui ipsum odio prosequebatur, qui auersabantur, pro iis tradere filium unigenitum non recitauit; ut pacem nobiscum faceret. Hæc autem pax est, idest liberatio, charitas Dei; custodiat corda uestra, & intelligentias uestras: Hoc enim præceptoris est, non tantum monere, sed etiam precari, & per obsecrationem quoque auxiliari; ut neque

neque a tentationibus obruantur; neque ab errore circumferantur; perinde ac si diceret; qui uos eo modo liberauit, quem neque mens ipsa assequi potest, is uos custodiat, & muniat, ut nihil patiamini. Vel hoc igitur significat; uel istud, pax illa de qua dixit Christus, [pacem relinquo uobis, pacem meam do uobis,] ipsa uos custodiet. Hæc enim pax superat omnem humanam mentem: quod si quæras, quomodo? audi: quando iubet cum inimicis pacem habere, cum iis, qui iniuriâ inferunt, qui nos bello persequuntur, qui infestum erga nos animum gerunt; quomodo hoc non superat humanam mentem? imo uerò, si placet, hoc prius attendamus: pax Dei, quæ exuperat omnem mentem: si pax superat omnem mentem; multo magis Deus ipse, qui pacem dat, omnem superabit cogitationem non solum nostram, sed etiam Angelorum, & superarum potestatum. Quid autem est, in Christo Iesu? In ipso custodiet; ut persequeretur; nec de ipsius fide decidatis. De cætero fratres, quæcunque sunt sancta, quæcunque uera, quæcunque iusta: quid significat, de cætero? id est omnia iam nobis sunt dicta. Verbum est properantis, & nihil cum rebus presentibus commune habentis, de cætero fratres, quæcunque sunt uera, quæcunque sancta, quæcunque iusta, quæcunque pudica, quæcunque amabilia, quæcunque honestæ famæ, si qua uirtus, et si qua laus; hæc cogitate, quæ & didicistis, & accepistis, & audistis, & uidistis in me: quid sibi uult, quæcunque amabilia? amabilia fidelibus, amabilia Deo, quæcunque sunt uera. Hæc enim merito dicuntur uera; id est uirtus ipsa: uiciofitas autem mendacium est: nam, & uoluptas ipsius comes, & gloria mendacium est; & mundana omnia nihil aliud sunt, quàm mendacium. quæcunque pudica: hoc illi opponitur, quod antea dixit, [qui terrena sapiunt;] quæcunque sancta: hoc aduersus illud, [quorum Deus ueter est:] quæcunque iusta, quæcunque bonæ famæ; si qua uirtus, & si qua laus: hoc loco uult ipsos ea etiam, quæ ad homines pertinent, curare: hæc cogitate inquit. Vides hoc Paulum agere; ut omnem prauam cogitationem ex animis nostris euciat. Ex cogitationibus enim prauæ quoque actiones existunt, quæ et didicistis, & accepistis. Hæc optima docendi ratio est, se ip-

10. 14.

Mundana
omnia nihil
aliud quàm
mendacium.

V. sum in

Philip. 3. sum in omnibus monitionibus formulam præbere; quem admodum & alibi inquit [sicut habetis nos formã]; & rursum hîc, *quæ et didicistis, et accepistis*: idest quæ ego uos docui, & audistis, & uidistis in me; idest quantum pertinet ad uerba, & actiones, & uitæ consuetudinem. Vides ipsum omni de re hæc præcipere? Quando enim minimè fas est de omnibus singillatim minuta quædam præcepta dare, de ingressu, de egressu, de uerbo, figura, consuetudine familiari (omnia autem hæc Christiano curanda sunt); breuiter, & quasi summam dixit: *in me audiuistis, & uidistis*: perinde ac si diceret; & factis, & uerbis uobis præui. [† Nihil enim naturæ nostræ æque inimicum est, ac uiciositas:] Hæc agite, non dicite solum, sed etiam facite: *et Deus pacis erit uobiscum*; idest si hæc seruaueritis, & cum omnibus pacem habueritis; in tranquillo, & tutissimo eritis loco; nihil molesti, quodque minime uelitis, patiemini. Quandoque enim nos cum Deo pacem habuerimus (habemus autem per uirtutem) multo magis ipse nobiscum in pace erit. Qui enim ita nos amauit; ut uel ad refugientes accesserit; si accurrentes uideat; non ne multo magis suam præ se feret amicitiam?

†
Hæc de suo
loco dimo-
stra huc uidetur
ab imperito libra-
rio transpo-
sita: cobæ-
rerent autē
satis apte
initio di-
gressionis.

MORALIS DIGRESSIO.

Nihil nobis æq; inimicum, ac uiciositas.



VA M verò nobis inimica sit uiciositas, & amica uirtus, multis argumentis constat. Ac si uultis, primū id spectemus in uno ex iis, quæ contraria sunt, idest in scortatione. Scortatio nos dedecoris plenos, pauperes, ridiculos facit, ac tales reddit, qui ab omnibus contemnamur: Hæc uerò facere inimicorum est. Sæpe autem hæc, & morbos, & pericula affert. Multi uerò etiam scortorum causa perierunt, & vulnera acceperunt. Quòd si scortatio hæc affert; multo magis adulterium. Num igitur eodem modo elemosynæ neuitquam; sed perinde atq; tenera mater filiolo, magnam uenustatem, decus, gloriam conciliat; facitque necessariis muneribus obeundis uacare: nō finit nos languescere, neque à necessariis abducit; sed animum prudentiorē etiam reddit.

reddit. Scortatoribus enim nihil imprudētius. Sed uis ne auaritiam inspiciamus? & hæc eodē modo erga nos affecta est; quo inimici solent: quomodo? odium & hæc nobis ab omnibus cōciliat: facitque ut omnes nos execrentur non solum illi, qui iniuriam acceperunt; sed etiam, qui non acceperunt: nam & illorum vicē dolent, & sibi ipsis metuunt: quamobrem ueluti communes quosdam hostes intuentur, ueluti feras, ueluti dæmonas. Sexcentæ undiq; accusationes, insidiæ, obtreptiones: quæ quidē inimicorum sunt. Contra autem iustitia omnes amicos, omnes usu coniunctos, omnes beneuolos nobis facit: ab omnibus preces pro nobis funduntur: ita status noster in tuto collocatur; nullū periculū, nulla suspicio: sed & somnus securitatis plenus aduenit; nulla sollicitudo; nullus eiulatus. Vides hanc longe meliorem esse? Quid? dic mihi, satius ne est inuidere: an gratulari, & alienæ lætitiæ participem fieri? Hæc omnia expendamus; ac sane inueniemus uirtutem quidē, ut matrem uerē amantem asserre securitatem, atque in tuto collocare; uiciositatem uerò conicere in pericula: res enim omnino est periculorum plena. Audi prophetam dicentem [Firmamentum est dominus timentibus eum; & testamentum ipsius manifestabit ipsis.] Neminē timet; qui nullius criminis sibi est conscius. Nemini cōtra fidit; qui cum improbitate uiuit; sed famulos etiā metuit; eosque cum suspicione intuetur. Ecquid dico famulos? conscientia ipsius tribunal ferre non potest: non solum quæ externa sunt, sed internæ etiam ratiocinationes ipsum fodiant, nec quiescere unquam sinunt. Ergo, inquires, ita oportet viuere, ut laudem spectes? non dixit Paulus, ad laudem spectas; sed fac laudabilia, non spectans ad laudem: *quæcunque uera, inquit, Mendacium enim ista sunt: quæcunque sancta: uox ista sequitur* id est grauitas, & sanctitas morum indicat; quid in externis etiam actionibus, ac moribus præstandum sit: pudicitia uerò animæ propria est: [nemini, inquit, date ullam offensionem, neque occasionem.] Quoniam dixerat, *quæcunque bonæ famæ*, ne existimes ad homines tantum spectasse; addit. *Si qua uirtus, & si qua laus, hæc cogitate, hæc agite:*

Psal. 24.

2. Cor. 6.

V 2 perpe-

perpetuo vult nos in his esse, hæc curare, hæc cogitare. Nam si nobiscum ipsi pacem seruemus; Deus etiam nobiscum erit: sin bellum excitemus: Deus pacis minimè nobiscum erit. Nihil enim æque hostiliter aduersatur animæ, ac viciositas; & nihil uicissim æque illam in tuto collocat, ac pax, & uirtus. Quamobrem incipiamus nostra præstare; tuncque Deum ad nos alliciemus. Deus non est belli, & pugnae Deus. Depone igitur bellum, & pugnam, cum erga Deum, tum erga proximum: pacificus esto erga omnes. Cõgita qualis cum esses, salutem tibi Deus dedit.

Matt. 5.

[Beati, inquit, pacifici, quoniã ipsi filii Dei uocabuntur.] qui tales sunt; perpetuo filium Dei imitantur: eundem tu quoque imitare: pacem serua: quanto enim magis oppugnabit te frater; tanto maior erit merces. Audi Prophetam dicentem; [cum his, qui oderunt pacem, eram pacificus:]

Psal. 119.

*Nihil æq;
Deo accæ.
pti, atque
iniurias o-
bliuisci.*

Hoc uirtus est; hoc humana ratio cinatione maius: hoc nos prope Deum ponit. Nihil æque Deum lætificat, atque iniuriarum immemorem esse. Hoc te à peccatis liberat; hoc delet crimina: quòd si pugnemus, ac luctemur; lōgè à Deo abimus: ex pugna enim inimicitia exiit; inimicitias sequitur iniuriarum memoria, & ulciscendi cupiditas. Excide radicem; & non erumpet fructus: ita discemus ea, quæ ad præsentem uitam pertinent, despiciere. Non enim est, non est in rebus spiritalibus pugna: sed quicquid cuiusmodi videas exoriri, uel pugnas, uel inuidiam, siue quiduis aliud; rerum ad hanc uitam pertinentium causa exoriuntur. Nã uel ab alieni cupiditate, uel ab inuidia, uel ab inanis gloriæ studio initium tuuit omnis pugna. Quamobrem si pacem seruauerimus, terrena etiam despiciere discemus. Eripuit quis pecunias? sed nihil læsit, inquires; dummodo superas illas diuitias ne eripiat: impedierunt gloria tuam? at non eam, quæ apud Deum est, sed leuem hanc, & nullius ponderis. Non enim hæc gloria est; sed nomen gloriæ, ac potius obscuritas: eripuit tibi honorem? imo non tibi, sed sibi ipsi. Nam quemadmodum qui iniuriam facit; non facit, sed accipit: ita qui proximo insidias parat; seipsum primum perdit. Nam qui fodit proximo suo foueam, in ipsam in-

Psal. 7.

ſam incidit . Ergo nō inſidiemur alteri ; ut ne nobis ipſi noceamus : cum alterius gloriam interuertimus ; cogitemus nos ipſos eſſe , quibus noceamus , atque inſidias tendamus . Nam ei quidē , ſi nos plus potuerimus , apud homines fortaſſe nocemus ; nos autē ipſos apud Deum lædimus , ipſum irritantes . Itaque non nobis ipſi noceamus . Nam quemadmodum iniuriam proximo facientes , nobis ipſi facimus ; ita ei benefacientes , nobis ipſis benefacimus . Cū tibi damnum attulit inimicus ; cogitans beneficiū potius , ſi ſapias , tibi contuliſſe ; non modo par illi damnum nō inferes ; ſed etiam benefacies : at manet , inquit , uehementer inſicta plaga : Fac igitur hoc tecum cogites , nō illum eſſe , cui benefacias ; ſed potius de illo quidem te ſupplicium ſumere , tibi uero benefacere ; ac cito huc adduceris , ut benefacias . Quid igitur ? iſtū ne in benefaciēdo ſcopum , ac finem proponere tibi debes ? non ſane iſtum . Sed quādo cor tuum aliter fleſſi non poteſt ; uel hac ratione ipſum adducito ; ac breui ipſi perſuadebis deponere ſimulatē ; & inimico poſthac , tanquam amico benefacies ; & futura cōſequeris bona ; quibus utinam nos omnes fruamur gratia , & humanitate Ieſu Chriſti domini noſtri ; cum quo patri , ſimulque ſpiritu ſancto gloria &c .

S E R M O . X V .



CAVISVS ſum in domino uehementer , quoniam aliquando tandem reſloruiſtis pro me ſentire ; ſicut & ſentiebatis : occupati autem eratis : non quaſi propter penuriam dico . Ego enim didici , in quibus ſum , ſufficiens eſſe . Scio & humiliari : ſcio & abundare : ubique & in omnibus inſtitutus ſum , & ſatiari , & eſurire , & abundare , & penuriam pati . Omnia poſſum in eo , qui me coſortat , Chriſto . Veruntamen benefeciſtis , communicantes tribulationi meæ . Sæpe dixi eleemoſynā non accipientium , ſed dantium cauſa introductam eſſe . Nam illi ſunt , qui maximum queſtū faciunt . Hoc & nunc oſtendit Paulus : quomodo ? Miſerant ad eum quædā longo in-

Ad. 20.

Ad. 10.

go interuállo Philippenses; eaque ipsa Epaphrodito ad ipsum perferenda dederát. Istum igitur cum hac Epistola remissurus, uide quomodo, & ipsos laudet, & ostendat non tam ad accipientium, quàm ad dantium utilitatē id redundasse: hoc autem facit, ut neq; qui benefaciunt, in superbiam extollátur, sed ad benefaciendū alacriores, fiant; quippe cum se ipsos magis iuuent; & qui accipiunt, non licenter procurrant ad accipiendū: ut ne iudicium accipiant. [beatum enim inquit, est magis dare, quàm accipere.] Quid ergo significat, dum dicit, *gausis sum autem in domino uehementer*? nō mundi, inquit, atque huius uitæ more gausis sum; sed in domino; non quoniā ego respirauī; sed quoniam uos profecistis. Hæc enim mea relaxatio est: propterea etiam inquit, *uehementer*; quoniam non erat corporeum gaudium; neque pro sua ipsius relaxatione gaudebat, sed pro illorum profectu. Et uide, quomodo cum illos non nihil de præterito tempore obiurgasset; continuo id occultauerit, cōdocefaciens assidue, & perpetuo uersari in benefaciēdo: *quoniam tandem aliquando, inquit: illud tandem aliquando, lōgum tempus indicantis est: refluuistis: quasi de arboribus germinantibus, deinde arefactis, ac rursus germinantibus. Hoc verò indicantis est, illos cum antea florerent, ac postea extabuissent, rursus vigere, ac germinare cepisse: quamobrem vox ista, refluuistis, & obiurgationē, & laudem habet. Non enim parum est, cum extabueris, refluere. Totum verò id ex negligentia illis accidisse ostendit: pro me sentire; sicut & sentiebatis. Hic ostendit consueſse illos in huiusmodi rebus liberaliter se gerere: propterea addit, pro me sentire, sicut & sentiebatis. Ac ne putes ipsos etiā cæteris in rebus, cum promptiores essent, postea extabuisse; sed in hac sola; uide quàm huic loco cauet, ita dicens, *tandem aliquando refluuistis pro me sentire*; perinde ac si diceret: de hac sola re illud, *aliquando tandem*, accipi uolo: in cæteris enim rebus non ita. Sed queret hic quispiā cur dicens: [beatum est magis dare, quàm accipere:] & [quoniam ad ea, quæ mihi opus erant, & his, qui mecum sunt, ministrauerunt manus meæ:] & rursus ad Corinthios scribens dicat, [bonum est enim mihi magis mo-*

gis mori, quā vt gloriam meā quis euacuet;] nunc non curet gloriam istam suam euacuari, & ad nihilum recidere: quomodo? nimirum, dum accipit. Nam si gloria, inquit, mea hæc est, nihil accipere: quomodo nunc eò adducitur? Quid ergo est? ibi iure optimo non accipiebat pseudapostolorum causa, [ut in quo gloriantur, inquit, inueniantur, sicut & nos:] non dixit [sunt] sed [gloriantur;] hinc ostendens illos accipere quidem solitos, sed clam: propterea dixit, [in quo gloriantur.] Accipiebat autem & ipse; tamen non ibi: propterea ipsemet dicebat, [non infringetur gloriatio mea;] & non solum dixit [non infringetur;] sed exponit etiam, ubi; dicens, [in regionibus Achaia:] & rursus, [alias Ecclesias expoliaui accipiens stipendia ad ministerium uestrum.] Hoc enim indicantis est, se accipere solitum. Sed Paulus quidem meritò accipiebat, sicubi accipiebat, tantum operis habens. Sed qui nihil agunt; quomodo possunt accipere? at preces, inquit, fundo. Sed non hoc est opus. Licet enim id etiam simul cum opere facere: at ieiuno: sed neque hoc opus est. Vide beatum hunc multis locis prædicantem, & operantem. *Occupati enim eratis, inquit: quid est, occupati eratis?* non id, inquit, uestre negligentia erat, sed necessitatis: non enim habebatis in manibus; non abundabatis: hoc enim significat, *Occupati autem eratis:* idque ex communi loquendi consuetudine accepit. Ita enim plerique dicunt, cum non sibi satis ampla res est, sed in angustiis uersantur, *non quasi propter penuriam dico.* Dixi, inquit, *aliquando tandem,* vosque obiurgau; non quòd rem meam quærerem, neque ideo, quòd egerem; non enim propterea quærebam. Sed unde ostendes Paule hanc non esse magnificorum uerborum pompam? Corinthiis quidem igitur ita dicebat, [Non enim alia scribimus uobis, quā quæ legitis, aut etiam cognoscitis:] Atque istis etiam non ita dicebat; ut refelli posset. Non igitur, si se magnifice iactare uoluisset, hæc diceret: apud eos enim, qui norant; dicebat; ubi etiam argui turpius fuisset. *Ego enim didici, inquit, in quibus sum, sufficiens esse.*

1. Cor. 9.

2. Cor. 11.

Ibidem.

1. Cor. 1.

Ergo

Maxima
scientia est
scire abun-
dantiam fer-
re.

Ergo disciplinæ res est, & exercitationis, & curæ: non enim facilis est ad consequendum; sed ualde difficilis, ac multo cum labore cōiuncta: in quibus sum, inquit, sufficiens esse: scio et humiliari: scio et abundare: ubique et in omnibus institutus sum: id est & paucis cōtentus esse scio, & famē ferre, & egestatem, et abundare: nā inquiet quilibet: sed hoc scientiæ non est, neq; uirtutis, abundare: imo uerò maximè uirtutis est, nec minus, quàm illud: quo modo? quoniam quemadmodum egestas ad multa mala facienda adducit: ita, & abundantia. Multi enim sæpe, cum ad hanc rerum affluentiam peruenissent; socordes facti sunt, prosperitatemque ferre nescierunt. Multis rerū copia occasionem cessandi dedit. Nō ita Paulus. Nam cum acciperet, in alios insumebat, & effundebat. Hoc autē est scire uti re. Non remittebat diligentiam suam, non de abundantia sua letabatur; sed eundem se præstabat in egestate, & abundantia, neque inde oppressus, neq; hinc inflatus: scio, inquit, & satiari, & esurire, & abundare, & penuriam pati. Multi sunt, qui nesciunt saturari: quemadmodum Israelitæ. Illi enim comedebant, & calcitrabant: sed eandem, inquit, moderationē, ac decorum seruo. Ostendit neque nunc se uoluptatem, neque antea dolorem cepisse; aut si ceperit, non sua ipsius, sed ipsorum causa. Ipse enim eodem se habebat modo. Ubique enim, & in omnibus institutus sum; id est in hoc longo tempore omnium rerum experientiam cepi: atq; hæc omnia mihi benè processerunt. Sed quoniam id magniloquētiā redolebat; uide quo pacto quāprimum corrigat. Omnia, inquit, possum in eo, qui me confortat, Christo. Non hoc, inquit, meum benefactum est; sed eius, qui uires dat. Sed quoniam, qui benefaciunt, si uideant eum, qui accipit, non ualde affici, sed despicere ea, quæ dantur; negligentiores fiunt (tunc enim libenter dant, cum putant se gratum accipienti facere, illumq; recreare) itaque si hoc solatium despicit Paulus; necesse est & hos negligentiores fieri; igitur ne hoc accidat; uide quomodo rursus huic rei medeatur. Nam ex iis, quæ dixerat, ipsorum spiritus compresserat: in sequentibus uerò alacritatem ipsorum incitat, atque inflamat dicens, ueruntamen bene-

bene fecistis communicantes tribulationi meæ. Vides, quomodo se ipsum segregaueris & quomodo rursus coniunxeris? hoc germanæ, & spiritalis amicitie est. Non enim quoniam, inquit, necessitate minime premebar, ideo puteris me rebus uestris non eguisse: egeo propter uos: quomodo igitur ærumnarum ipsius participes fuerant? per hoc officium: quod etiam de uinculis, in quibus erat, dicebat, [socios gratiæ meæ omnes uos esse:] gratia enim est pati pro Christo; quemadmodum & alicubi ipse inquit [quia à Deo uobis gratia data est nō solū, ut in eum credatis, sed ut etiam pro illo patiamini.] Quoniā enim illa nude dicta, apta erāt, quæ ipsis dolorem facerent: propterea fouet, & completur, & laudat: uerum & hoc moderate: non enim dixit, [dantes] sed *communicantes*; undique ostendens ipsos etiam lucrum fecisse; quando quidem premiorum facti erant participes. Non dixit leues reddentes grumnas meas, sed *communicantes tribulationi meæ*: quod quidem grauius, ac decētius erat. Vides Pauli humilitatem? uides animum generosum? Postquam ostendit se illorū opibus sua causa minime egere; tunc iam fidenter humilia etiam profert uerba, atq; ad ea descendit, quibus mendici utuntur, [quæ tua est dandi consuetudo.] Nihil enim recusat uel facere, uel dicere, dummodo, quod uult, recte cōficiat. Quid autem hoc est? ne puteris, inquit, impudentie fuisse uerba; quod obiurgarim, ac dixerim, [aliquando tandē refluoruitis,] neque etiam necessitatis: non enim quod egeam, hæc dico; sed quid? eo quod uobis ualde confidam; atque huius fidentie uos autores estis. Vides quomodo ipsos curet & leniat? in uobis, inquit, causa est; qui ante alios ad hanc rem accurritis, ac nobis fidentiam datis, ut res huiusmodi nobis in memoriam redigamus. Et uide grauitatem: dum non mittunt; minime obiurgat; ne uideatur suam causam agere: postquam uerō miserant; tunc eos de præterito tempore obiurgauit: atque illi ex quo animo tulerunt. Iam enim minime uidebatur suum negocium gerere. Scitis, inquit, & nos *Philippenses*, quod in principio Euangelij, quando profectus sum à Macedonia, nulla mihi Ecclesia communicauit in ratione dati, et accepti,

Philip. 1.

Ibidem.

nisi uos soli. En quantū encomium: quandoquidē Corinthiī, itemq; Romani, eò quòd illi ex ab ipso audiret, inuēntur: hi uero cū nulla adhuc Ecclesia cepisset: inquit. n. in principio Euang. tanta n. erga factū hunc ostenderunt animi propensionem, ac studium; uacuum nullum exemplum propositum haberent: ipsi primi hinc ferendo fructui initium darent. Neque dicendum est hæc illos fecisse; quòd Paulus apud se maneret; atque beneficiorum causa, quæ ab ipso acciperent: inquit enim, *quando profectus sum à Macedonia, nulla mihi Ecclesia communicauit in ratione dati, & accepti, nisi uos soli.* quid est? accepti? quid uerò est, *communicauit?* cur non dixit, nullam sibi Ecclesiam dedisse; sed *communicauit in ratione dati, & accepti?* res enim hæc communicatio quædam est. Nam [si uos, inquit, uobis spiritalia seminauimus, quid magnum, si nos carnalia uestra metemus?] & rursus, [uestra abundantia ut illorum inopiam suppleat.] Vides, quomodo communicauerint in ratione dati, dando carnalia, & in ratione accepti, accipiēdo spiritalia? Etenim quemadmodum vendentes, & emētes inter se communicant, alter ab altero vicissim accipiens, & dans (hoc enim est communicatio); ita sane & in hac re. Nihil enim, nihil hac negotiatione, & mercatura est quæstuosus: nam fit quidem in terra; perficitur autem in cœlo. Et emptores quidem in terra sunt; emunt uerò, & paciscuntur ea, quæ in cœlis, terreno deposito prætio. Verū ne desperet quispiam: non sunt cœlestia pecuniis proposita uenalia: nō illa pecuniæ emunt; sed electio, atque animus hominis pecunias prolicientis, sed philosophia, sed superiorem rebus ad hanc vitam pertinentibus esse, sed humanitas, sed misericordia: Cetero-
*Quo præ-
 cio ematur
 cœlum.*
Luc. 21. roqui, si argento emerentur; quæ duo minuta proiecit; nihil sane magnum accepisset: nunc quoniā non argentum, sed electio hanc uim habebat: omnem illa certi animi propensionem asserens, omnia accepit. Ita que minime dicamus, pecuniis uenale propositum esse regnum: non enim pecuniis; sed electioni, ac deliberatæ rationi, quæ per pecunias patefit. Ergo opus est, inquis, diuitiis: non diuitiis opus est, sed certa uoluntate. Si hanc habeas; vel duobus minutis

minutis poteris regnum emere; fin minus; neque mille auri talenta tantundem poterunt, ac duo minuta possunt. Cur? quoniam cum multa habens pauciora dedisti; elemosynam quidem fecisti, sed non tantam, quantam uidua illa. Non enim tãtam abhibuisti alacritatem, & animi propensionem, atque illa. Illa enim omnia sibi abstulit; potius autẽ non abstulit; sed omnia sibi ipsi donauit: nõ enim aureo talento regnum pactus est Deus, sed animi propensione; non morte, sed electione: non enim ualde magnum est, animam dare. Quid enim est? unum hominem dedit? vnus autem homo non par precium est: quia & *Thessalonicam* semel, & bis in usus mihi misistis: rursus magnum encomium; quando quidem, cum in metropoli esset, ab exigua tamen ciuitate alebatur. Et uide; ne perpetuò se ex necessitate eximens, ipsos, quod antea dicebam, negligentiores redderet, cum tot modis ostendisset se non egere; nunc ex hoc solo id manifestum fecit, ita nimirum dicens, *in usus*: non enim dixit, *meos*, sed tantum, *in usus*, grauitatis scilicet, & decori rationem habens; quin nõ ex hoc solo, sed etiam ex eo, quod sequitur. Nam quoniam id humile quiddam esse non ignorabat; rursus correctione quadam communit: Non quòd quero, inquit, datum: quod antea dixerat: non quasi propter penuriam dico, idem significans; quanquam illud maius est, quàm hoc; aliud enim est, cum desit, non querere; aliud, cum desit; ne deesse quidem putare: non quòd quero, inquit, datum; sed requiro fructum abundantem in rationem uestram, non meam: uides fructum illis colligi? non mea, inquit, causa, sed uestra hæc dico; ad uestram salutem. Ego enim dum accipio; nihil lucror. Gratia dantium est: dantibus enim illhïc est reposita merces: accipientibus verò hïc consumuntur, quæ accipiunt: rursus cum encomio, & quodam egestatis sensu. Nam quoniam dixerat, non quero; ne rursus negligentiores faciat; inquit. recepi autem omnia; & abundo; idest per hanc dationem, quæ etiam omnia faciunt, expleuistis: quod illorum maxime incitare alacritatem poterat. Nam qui beneficiũ; quanto maiores in philosophia progressus fecerunt; eo magis

cupiunt eos, quibus benefecerunt, esse gratos: *recepi omnia, & abundo*, perinde ac si diceret; non solum quæ præterito tempore omissa fuerant, expleuistis; sed etiam maiorem in modum expleuistis; atque exuberastis. Deinde ne hoc illis exprobrare uideatur; uide, quomodo locum muniat: quoniam dixerat, *non quod quero datum, & tandem aliquando*; & ostenderat debitum id fuisse (hoc enim significat, ἀπὸ ἀγροῦ, id est recipio quasi censum, & fructus ex agro); rursus ostendit ipsos supra ac deberent, præstitisse, & inquit: *recepi autem omnia & abundo: repletus sum*: non absque causa, neque ex animi inductione hæc dico; sed quid? *acceptis ab Epaphrodito, quæ misistis, odorem suauitatis, hostiam acceptabilem, placentem Deo*. En quod istorum munus euexit: non ego, inquit, accepi, sed Deus per me: quamobrem tamen si non egeam, non hoc tamen spectate: nam neque Deus egebat; ac tamen accepit: adeo ut diuina scriptura non reformidarit dicere, [odoratus est dominus odorem suauitatis;] quod sane lætantis est: nostris enim, nostris, quantum ex odoris suauitate afficiatur anima nostra, quantum iucunditatis, & uoluptatis capiat: non ergo recusauit scriptura uerbum adeo humanum, atque humile Deo tribuere; ut hominibus ostenderet accepta ipsorum dona fuisse: non enim nidor, neque fumus accepta faciebat, sed animus, qui offerebat: alioqui Cain etiam dona fuissent accepta. Dixit igitur lætatum quoque Deum esse; & quomodo lætatur? non enim aliter homines loqui didicerunt. Ergo qui nullius rei est indigus, dicit valde se lætari; ut ne ex eo, quod non egeret, negligentes fiant. Cum uero sequenti tempore ceteræ uirtutis obliti, his solis hostiis consideret; uide, quomodo rursus ipsos corrigit, dicens, [nunquid manducabo carnes taurorum, aut sanguinem hircorum potabo?] Hoc & Paulus inquit, *Non quero, inquit datum*: Deus autem meus impleat omnem necessitatem uestram secundum diuitias suas in gloria in Christo Iesu. Vides, quam etiam pauperum more bene precetur. Quod si Paulus bene precatur datibus; multo minus nos hoc facere erubescamus, cum accipimus: nec uero accipiamus, tanquam ipsi egeamus; neque nostra causa gaudeamus, sed ipsorum datum.

Ita &

Gen. 8.

Psalm. 40.

Ita & nobis erit merces, & accipientibus, si ipsorum causa lætemur: ita neque indignabimur, cum non dederint: sed potius illorum vicem dolebimus: Ita etiam alacriores red-
demus; si doceamus non nostra causa hæc à nobis fieri.

Deus autem meus, inquit, impleat omnem necessitatem uestram, aliàs *πᾶσαν χάριν*, vel *πᾶσαν χάριν*, idest omnem gratiam, uel omne gaudium. Ac si quidem legatur [omnem gratiam;] hoc significat non hanc solam eleemosynam, quæ in terra; sed omne benefactum: sin, quod magis puto [omnem necessitatem]; hoc est quod significare vult: Quoniam dixerat; [occupati eratis]; subiungit hîc, quod etiam facit in Epistola ad Corinthios dicens, [qui administrat semen seminanti, & panem ad manducandum, præstet, & multiplicet semen uestrum, & augeat germina frugum iustitiæ uestræ.] Nam & his hoc precatur, ut abundant, & habeant; unde seminent; & precatur; non ut quouis modo abundant; sed *secundum diuitias suas*: quamobrem & hoc moderate fecit. Nā si Paulo similes omnino fuissēt, adeo philosophi, adeo crucifixi; nō hoc sanè fecisset: sed quoniam homines erant opifices, pauperes, uxores habebant, filios aiebant, patres familias erant; atque ex tenuitate sua tamen hæc dederant; quadamquæ rerum præsentium cupiditate minime carebant: ita precatur, ut se ad illorum captum demittat. Iis enim, qui hoc modo uterentur, nihil absurdi tantum precari, quantum illis satis sit, atque ut abundant. Vide igitur, quid precetur: non dixit, faciat diuites, ac ualde opulentos; sed quid? *impleat omnem necessitatem uestram*; ut ne egeatis; sed habeatis, quæ uobis opus sunt; quoniam & Christus formulam nobis precandi tradens, hoc precationi adiecit, docens ita dicere, panem nostrum quotidianum da nobis hodie. *Secundū diuitias suas*; idest pro magnificentia sua, idest quæ ipsius potentia est; ut facile & cito possit facere. Ac ne existiment, quoniam dixit, *necessitatem*, fore, ut in angustias cōcludantur; propterea addidit, *secundum diuitias suas in gloria, in Christo Iesu*. Ita abundabunt, inquit, uobis omnia; ut in gloria ipsius sitis habituri. Vel igitur hoc sibi vult, fore, ut nullius rei egeant. [Gratia enim inquit, magna erat in omni-

2. Cor. 9.

Matt. 6.]

Act. 4.

omnibus illis; neque enim quisquam egens erat inter illos;] vel ut ad ipsius Dei gloriam omnia faciant: ut ad ipsius gloriam copiis suis utantur. Deo autem & Patri nostro gloria in secula seculorum Amen. Hæc autem gloria non filii solum, sed etiam patris est. Nam dum tribuitur filio gloria: tribuitur quoque patri. Etenim quoniam dixerat in Christi gloriam id fieri: ne quis putet ipsius tantum, addidit, Deo autem, & patri nostro gloria, hæc ipsa nimirum, quæ data est filio. *Salutate omnem sanctum in Christo Iesu.* Non leue, & hoc: magnæ enim benevolentia est per literas etiam ipsos salutare. *Salutant uos, qui mecum sunt, fratres.* Attamen dicebas [neminem habeo unanimem, qui sincera affectione pro uobis sollicitus sit:] quomodo igitur nunc dicis, *qui mecum sunt fratres?* hos, qui cum ipso sunt, fratres uocat, ostendens, uel quod antea dixerat [neminem habeo unanimem] nõ ad eos pertinere, qui in urbe erant (quæ enim illis necessitas imposita erat, ut Apostolica negocia susciperent?) uel neque etiam recusare; quin hos fratres uocet. *Salutant uos omnes sancti; maxime autem, qui de Caesaris domo sunt.* Gratia domini nostri Iesu Christi cum omnibus uobis. Erexit ipsos, & confirmauit, ostendens ad regiam etiam domum peruenisse prædicationem. Nam si, qui in regijs, omnia propter cælorum regem despexerant; multo magis id faciendum ipsis erat. Atque hoc etiam indicium erat Pauli charitatis, tam multa, & magna de ipsis narrare; ut hinc, qui in regia erant, ad eos salutandos amore adducerentur, quos nunquam viderant. Maxime enim, quoniam uexabantur fideles, magna tunc urgebat charitas: quomodo? nam qui longè inter se distabant; sibi tamen uicissim coniuncti erant: & qui procul aberant; perinde ac prope essent, inter se salutabant; & singuli erga singulos ueluti erga sua membra afficiebantur: æque pauper erga diuitem, ac diues erga pauperem; neque ulla agnoscebatur præstantia; quod omnes æque in odio essent, atque eicerentur; iisdemque de causis. Quemadmodum enim, si ex diuersis ciuitatibus captiui quidam profecti, in eandem ue-

niant

niant ciuitatem, ualde se inuicem complectuntur, communi illos confociante calamitate; ita etiam tunc societate incommodorum, & asperitatum eos cōiungente, magnam sibi mutuo caritatem præstabant.

M O R A L I S D I G R E S S I O .



AERVMNA enim, & tribulatio uinculū quoddam firmissimum est, charitatis accretio, compunctionis, & pietatis occasio. Audi enim dicentem Dauidem [bonum mihi domine, quia humiliasti me, ut discam iustificationes tuas:] & iterum alium prophetam dicentem [bonum est uiro cum portauerit iugum ab adolescentia sua:] & rursus, [beatus homo, quem tu erudieris domine:] & alium quendam, [disciplinam domini ne despicias:] & [accedens ad feruitutem domini, præpara animam tuam ad tentationem.] Et Christus rursus discipulis suis dicebat, [in mundo pressuram habebitis, sed confidite:] & rursus, [plorabitis, & flebitis uos, mundus autem gaudebit:] & rursus, [angusta, & arcta uia.] Vides ubique laudari tribulationem? ubique commendari, tanquam eam, quæ nobis sit necessaria? Nam si in mundanis certaminibus sine ea nemo coronam accipit, nisi & laboribus, & ciborum abstinentia, & tota uictus ratione, & uigiliis, & sexcentis aliis incommodis se munierit; multo magis hîc. Quem enim mihi afferes? regem ne? at neque ille uitam curis solutam uiuit, sed multis molestiis, atque angoribus refertam. Non enim ad diadema spectes; sed ad solitudinum procellam; unde illi tumultus maximus exoritur: non ad purpuram, sed ad animam illa ipsa purpura nigriorem. Non æque corona ligat caput, atque animam sollicitudo: non ad satellitum numerum spectata; sed ad egritudinum multitudinem: nullam enim priuatam domum tot curis abundantem reperiās, quot regiam.

Mortes

Commendatio tribulationum.

Psal. 118.

Thr. 3.

Psal. 93.

Prouer. 3.

Eccles. 2.

Io. 6.

Matt. 7.

Miserabilis est regia uita cōditio.

Mortes singulo quoque die imminentes à suis etiam ipsis: & ante mensam, & ante poculum ob oculos uersatur sanguis. Noctu uero, dici non potest, quàm sæpe somniis, ac uisis excitati prosiliant; atque hæc in pace: quòd si bellum ingruat; eo magis sollicitudines intenduntur. Quid igitur tali uita fieri miserabilius potest? Adde quæ à suis, quos in ditione sua tenet: deniq; cognato sanguine redundat semper regale pauimentum. Ac si vultis, narrabo etiam quædam; & continuo id ita esse intelligetis. Ac potissimum quidem vetera dicam; quæ tamen adhuc memoria non exciderunt, sed & nonnulla, quæ nostris contigere temporibus. Quidam, ut aiunt, uxorem, de cuius adulterio suspicabatur, nudâ alligauit montibus; ac feris exposuit, matrem iam sibi factam regum multorum. Quam illum putatis uitam uixisse? non enim nisi illum ægritudo exedisset, ad tantum supplicii sumendû descendisset. Hic uerò idem suum ipsius filium interfecit; aut potius huius frater seipsum cum filiis suis. Fertur autem hic & fratrem suum è medio sustulisse; atque hic quidem sibi ipse manus attulit à tyranno compræhensus; ille uerò sobrinum suum unâ secum participem regni, quod ipse illi tradiderat. Alius autem uxorem uidit medicamentis è medio sublatam. Quoniam enim parere minime poterat; mulier quædam infelix, & misera, (infelix enim, & misera est, quæ quod à Deo donandû erat, sua se credidit sapientia præstituram); præbitis medicamentis, & reginam interemit, & ipsa simul interiit. Alius autem postea pharmacis uenenatis sublatus est; poculumque ipsi fuit non iam potus, sed mors. Et ipsius etiam filio oculi sunt effossi, metu sequētis temporis plane immerenti. Alius uerò neque quam ob causam, nec quàm miserabiliter è vita exceßerit, exponere satis honestum est. Eorum uerò, qui successerunt, alter quidem perinde, atq; infimus quidâ, & erumnosus homo esset, combustus est cum equis, & trabibus, ceterisque rebus omnibus; & uxorem uiduam reliquit: quas enim molestias in uita habuerit; ne dici quidem potest; quas ex eo tempore, quo seditionem mouit, subire coactus est: Alter uerò, qui

nunc

*Vide notat-
iones.*

nunc rerum potitur; non ne ex quo diadema gestat, perpetuo uersatur in laboribus, in periculis, in molestiis, in moeroribus, in calamitatibus, in insidiis? At non huiusmodi cœlorum regnum; sed postquam ipsum obrinueris, pax, uita, gaudium, lætitia. Ceterum, quod dicebam, nulla hic uita est ærumnarum expers. Quod si in rebus etiam publicis regalis illa conditio, quæ omnium beatissima videtur, tot redundat calamitatibus; quid putas in priuatis, ac domesticis? profecto quot alia mala existant, ne dici quidem potest: multæ hinc sæpe fabulæ compositæ sunt. Omnes fere tragædæ, & fabulæ, quæ aguntur in scena, ex regibus contextæ sunt. Pleraque enim, quæ in fabulis representantur, ex ueris rebus constant. Ita & uoluptatem habent thyestæa conuiuia; omnisque illa domus calamitatibus euerfa est. Sed hæc quidem ex Ethnicorum libris cognouimus. Verum si uultis, scripturas etiam, quæ idem doceant, proferemus. Saul primus regnauit: nostis autem & hunc sexcēris pressum ærumnis interiisse. Post illum Dauid, Salomon, Abias, Ezechias, Iosias itidem multis modis uexati. Nefas enim omnino est uitam hanc sine laboribus, sine ægritudine, sine ærumnis ducere. Ergo & nos etiam molestiis afficimur; sed non iisdem ex rebus, ex quibus reges; sed unde magnum etiam facere possumus questum: [quæ enim secundum Deum tristitia est; poenitentiam in salutem stabilem operatur.] Pro his rebus merendum est; pro his dolendum; pro his ægritudo suscipienda. Ita moerebat Paulus: ita lugebat; pro iis, qui peccabant. [Ex multa enim, inquit, tribulatione, & angustia cordis scripsi uobis per multas lachrymas.] Nam quando nihil erat, cur pro suis lugeret; pro alienis hoc faciebat: uel potius, quantum ad luctum hauriendum pertinet, communia illa ducebat. Ceteri incidebant in scandalum; & ipse urebatur: ceteri languebant; languebat, & ipse. Bona est hæc ægritudo; hæc omni mundano gaudio potior. Eum, qui ita lugeat, omnibus ego hominibus præpono: atque adeo ipse etiam dominus hos beatos prædicat; hos, qui alienum dolorem, ut sibi communem lugent. Non

2. Cor. 7.

2. Cor. 2.

Y æque

*Qualachry
ma laudan
da.*

æque ego Paulum ob pericula adita suspicio: suspicio quidem & ob illa ipsa, in quibus quotidie commoriebatur: sed hoc, inquam, me magis euehit. Ab anima enim Dei amante, & tenera proficiscebantur; à charitate, quam Christus ipse quærebat; ex quodam naturæ consensu fraterno, & patrio, ac potius utrisque istis maiore. Hoc modo affici oportet; hoc modo flere. Huiusmodi lachrymæ magno sunt refertæ gaudio. Huiusmodi luctus causa lætitiæ est. Ac ne mihi dicas, quid utilitatis afferunt meæ lachrymæ iis, pro quibus hoc facio? Nam etsi illis nihil profimus; ac certè nobis ipsis proderimus. Nam qui sic pro alienis dolet; multò magis pro suis dolebit: qui aliena luget; is certe uitia, & prolapsiones suas non sine lachrymis abire sinet; ac potius haud citò peccabit. Nos verò, quod omnium grauissimum est, iussi aliena peccata flere, ne in nostris quidem ullum poenitentiae signum damus; sed sine ullo doloris sensu cadimus; & omnia curamus magis; omnia magis expendimus, quàm peccata nostra. Ideo gaudemus gaudium hoc mundi inutile; quod cito perit, quod sexcentas parit ægritudines. Moeremus igitur moerorem gaudii autorem; & ne gaudeamus gaudium ægritudinis parentem. Emitteramus lachrymas multum voluptatis feminantes; & non rideamus risum, qui fridorem nobis dentium gignat. Afflictemus nos afflictatione illa, unde requies existit; & ne delicias quæramus, ex quibus ærumna, & dolor. Ad breue tempus in terra laboremus; ut perpetuo nos oblectemus in coelis. In caduca hac vita nos ipsi afflictemus; ut in infinita illa quietem consequamur: non diffluamus deliciis in hac breui; ne in illa infinita suspiremus. An non uidetis quot homines hîc etiam rerum ad hanc vitam pertinentium causa angantur? Existima te quoq; unum ex illis esse & fer ærumnam, ac dolorem spe futurorum bonorum nutritus. Non tu es Paulo melior, non Petro; quibus nunquam ocium datum est; qui in fame, & siti, & nuditate totam vitam confecerunt. Si eadem, atque illi, uis consequi; cur contrariam insistis uiam? Si ad ciuitatem illam
vis

vis peruenire , qua illi digni facti sunt ; illam persequere
viam , quæ illhuc fert . Non illhuc ocii fert uia , sed erum-
næ . Illa lata , hæc angusta est . Hac iter faciamus ; ut con-
sequamur æternam uitam in C H R I S T O I E S V do-
mino nostro ; Cum quo patri , simulq ; sancto Spiritui glo-
ria , imperium , honos nunc , & semper , & in secula secu-
lorum . Amen .

D E O G R A T I A S .



Y .

NOTA-

NOTATIONES QVÆDAM IN COMMENTARIOS

D. Ioannis Chrysostomi in Epistolam
ad Philipenses.



VI horum cōmentariorum manuscriptos cōdices accuratē contulerit, facile intelliget in exemplari ipso Chrysostomi multa in margine, atque inter lineas fuisse apposita; quæ aut adderentur, aut in aliorum locum sufficerentur; minimum cum nondum constituisset, vtrum potius inductum, uel repositum uellet; neq; adhuc extremam operi manum imposuisset; ex quo factum sit, ut ab iis, qui descripserunt, pro ipsorum captu nunc pauciora, nunc plura omissa, nonnulla in alienum locum transposita, interdum etiam simul ea, quæ defendenda, & ea, quæ reponenda erant, in eandem orationis seriem conducta fuerint. Quod à me certissimis, ut puto, argumentis depræhensum fecit; ut nonnullis locis paulo fortasse audacior in quibusdam uerbis trasponendis fuerim; cum nullum sententiis detrimentum asserri uiderem; lectori autē gratum me facturum putarem; cuius antea cursum tanta, quantam ego sentiebam, perturbatione ordinis interruptum iri necesse esset. Quæ autem ista loca sint, in istis, quas adiungimus, notationibus indicabimus; ut lector suum adhibere iudicium; ac, si malit, quæ nos transposuimus, ipse in pristinum restituere locum queat. Cæteris quidem locis nihil ex coniectura mutauimus; sed Vaticanum præcipue codicem, qui reliquis multo & plenior, & emendatior est (Nam in Veronensi integræ nonnumquam paginae defunt) sequuti sumus; quamuis neque ille semper nobis animum expleret. Magnam uerò tibi, ut puto, uoluptatem nunciamus, fore
ut breui

vt breui omnes Chrysostomi in Pauli Epistolas sermones
græcè de integro impressos, atque innumerabilibus locis
emendatos, & auctos habeas; hunc tibi thesaurum non so-
lum procurante, sed etiam magnam partem promente cla-
rissimo illo Ecclesiæ sanctæ lumine Cardin. Sirleto. Quæ
etiam causa fuit, cur ego, quot in huius Epistolæ comen-
tariis sententias restituerim, indicare minime necessarium
putauerim. In ipsis scripturæ uerbis, vulgatam latinam edi-
tionem, quantum maxime licuit, retinuimus; id est excæp-
tis iis locis, in quibus Chrysostomi explanatio uerbis scrip-
turæ non respondisset; aut diuersa omnino græcorum ver-
borum sententia erat: quod in nonnullis veteris testamen-
ti libris minime raro euenit; præsertim cum interdum Chry-
sostomus aut alia uersione (multæ enim tunc erant, ut Aquilæ,
ut Theodotionis, ut Symmachi, ut eæ, quam communem
uocabant) usus fuerit; aut memoriter recitans, non-
nulla, ut fit, mutarit. Quæ etiam fortasse causa est; cur dua-
rum, aut trium sententiarum ex iis, quæ in his commen-
tariis citantur, autorem reperire nondum potuerimus.
Vale ingenue lector, & dum maiora paramus, hæc liben-
ter accipe.

Pag. 1. lin. 7.

ACTORVM Cap. vi. mentio fit de Crispo Archisyna-
gogo non Philippis, sed Corinthi ad fidem conuerso. Qua-
re aut codices Chrysostomi sunt deprauati; aut est ἀνὰ πρῶτα
μνημονεύον; quod tamen Theophylactus quoque sequutus est;
non autem Theodoritus. Nam argumentum huius episto-
læ, quod apud œcumenium Theodorito tribuitur, Theo-
phylacti est.

Pag. 2. lin. 4.

QVAMQVAM Chrysostomus, & qui illius explanatio-
nes in Epitomen redegerunt, id est quos supra nomi-
naui, paulo obscurius de his uinculis loquuntur: tamen
qui ip-

qui ipsorum uerba accurate perpendet, non dubitabit ita ab ipso distributa esse tempora; ut cum Apostolus Romam primò aduenit, biennio in uinculis, & in custodia fuerit; atque intra hoc tempus ad eum uenerit Timotheus, & Epaphroditus à Philippenfibus missus; rursusque utrumque Apostolus à se dimiserit, primum quidem Epaphroditum cum hac epistola, deinde uero & Timotheum: quare cum extremo biennio absolutus est, Timotheum minimè affuisse: quod uerbis illis secundè ad Timotheum epistolæ indicetur: [In prima mea defensione nemo mihi adfuit] Appellat autem eo loco Apostolus primam defensionem; cum causa dicta absolutus est: alioquin & antea ad Tribunal se defensus accesserat: quod satis aperte significat Chrysostomus explanans uerba illa: [in defensione, & cōfirmatione Euangelii.] Vincula igitur, in quibus erat, dum hanc scriberet epistolam, antecesserunt nō quamcunque defensionem, sed illam, in qua absolutus est. Postquam uerò liberatus est: multas adiit nationes, iisque Euangelium prædicauit. In quo itinere utrum Philipenses reuiderit, scribit Theophylactus incertū esse. Chrysostomus sermone quarto explanans ea uerba: [per meum aduentum iterum ad uos] auditoribus inquirendum relinquit. Hoc tamen loco in eam se propendere partem ostendit, uenisse ad illos. Inquit enim. [E uinculis enim dimissus est; atque in ea, postquam ad ipsos uenisset, rursus coniectus.] Corrigendus autem locus est apud Oecumenii interpretem in argumento huius epistolæ, quod, ut diximus, Theophylacti est. Hæc enim Interpretis uerba sunt: [post primam siquidem Apologiam, cuius meminit ad Timotheum, statim uinctus fuit,] cum tamen longum interuallum intercesserit inter primam Apologiam, & posteriora uincula. Græce est *ἐν τοῖς δεσμοῖς*, atque hoc sibi uoluit Theophylactus, fuisse Apostolum in uinculis, cum hanc epistolam scriberet; nec tamen hæc fuisse illustria illa uincula, quorum finis martyrium fuit: Bis enim in uinculis fuisse; primum quidem ante illam defensionem; iterum uerò longo interuallo post, cum & mortem subiit. Ita ergo uertendum est.

[Nam

2. Tim. 4.

Phil. c. 1.

[Nam post primam defensionem, cuius meminit ad Timotheum, rursus postea in uincula coniectus fuit]

Pagina octaua linea 21.

VIDETUR Chrysostomus ostendisse ex locis D. Pauli Episcopum solitum fuisse interdum appellari nomine diaconi, & presbyteri; non autem uicissim, quod nunc expectabatur, presbyterum solitum appellari nomine Episcopi quare suspicor aliquid deesse. Auget suspicionem meam Theophylactus; qui hoc addit, presbyteros etiam episcopi nomen obtinuisse; quod & ipsorum munus sit *ἐπισκοπεῖν τὸν λαόν*, i. prospicere populo, & purgare, atque illuminare egentes. Huc uerò, & Theodorus in hunc locum, & D. Hieronymus Epistola 85. afferunt testimonium ex 20. capite Actorum.

Pagina nona linea 10.

GRÆCE in manuscriptis est, πάντοτε, οὐχ' ἔτι ἐν εὐχαριστίᾳ μόνον; quæ quidem sententia uidetur mihi quodammodo herere; neq; illius uestigium ullum apud Theophylactum, Theodorum, Oecumenium apparet. Hoc enim unum inquit Paulum sibi uelle; quotiescunque uestri recordor (recordor autē semper, & in omni precatione mea) gratias Deo ago. Verumtamen, si codices Chrysostomi nō sunt deprauati, hic fortasse sensus est, quem ex Pauli uerbis elicit; Gratias Deo ago pro uobis nō solum in ordinariis, ac statis meis precibus, quas quotidie ex officio ad Deum fundo; sed etiam semper, idest quæcunque mihi de uobis cogitandi occasio se offerat. Animaduerti enim Græcos libenter nomen *εὐχῶν* usurpare in statis illis precibus, quæ in liturgia potissimum adhibebantur; & apud ipsos *εὐχαλόγιον* idem est, atque apud nostros diuinorum officiorum ratio. Posset fortasse ex loco illo primæ Epistolæ ad Timotheum [obsecrationes, orationes, postulationes, gratiarum actiones] aliqua alia sententia his Chrysostomi uerbis aptari: sed mihi ista, quam attuli, uidetur ferri posse.

Cap. 2.

Pa-

GRÆCÆ est, ὅρῳς ὅτι ἐν τῷ ἑαυτοῦ δέξαν λέγω ὅλλὰ τῶν τοῦ θεοῦ δικαιοσύνην; sed mihi omnino uisa est superuacua uox ista, δικαιοσύνην; nec quicquam ad rem propositam facere: Et apud Theophylactum, œcumenium, Theodoritum ita dicitur, non ad gloriam meam, sed Dei. Ita paulo post Chrysostomus οὐχ' ἵνα ἐγὼ, φησὶ, ἐπαυθῶ, οὕτως ἔπον, ἀλλ' ἵνα ὁ θεὸς δοξάζεται. Quamobrem non dubitavi illam inducere: quamquā non longe absum ab ea suspicione transposita esse ista verba δέξαν, & δικαιοσύνην; & hūc esse Chrysostomi sensum: uides non me iustitiā meam quærere, sed gloriam Dei, idest non me eleemosynam mihi conferri uelle, sed gloriam afferri Deo: sepe enim Paulus & ipsam eleemosynam iustitię nomine appellat &c.

Tract. 87.
in Ioan.

Cap. 7.

Prouer. 15

1. Eth. c. 3.

CHARITAS cum à prudentia se disiungit, atque idcirco nocet; remanet charitas, ut affectus; minime autem ut uera uirtus; quæ ut inquit B. Augustinus, nō potest haberi sine ceteris bonis, quibus homo efficitur bonus. Id paulo ante illis uerbis significarat Chrysostomus, [ut ne erga omnes eandem charitatem adhibeatis; id enim minime charitatis est, sed insulfitatis.] Ita Ecclesiastes præcipit; [noli esse multum iustus;] cum tamen iustitia quò maior, eo melior. [In abundanti enim iustitia, inquit, uirtus maxima]. Sed hoc nimirum sibi uoluit Ecclesiastes iustitiam, cum modum excedit, nomen tantum iustitiæ retinere, non rem ipsam. Ita etiam notatum à doctis hominibus est, dictum esse ab Aristotele fortitudinem obesse. Et latinus autor; uirtutem istam, ueniet, inquit, tempus, cum grauiter gemes. Vocabulum autem εὐσπλαγχνίας latissime patere nemo est, qui ignoret.

Pagina 21. lin. 28.

IN codicibus etiam antiquis tota hæc pars, cuius initium est [Ita interdum est, cum opus bonum, &c.] usque ad illa Pauli uerba [quidā uerò ex charitate] posita est post ea uerba [facilis mihi defensio erit.] Sed facile cognosci potest; quàm nunc magis oratio fluat.

Pagina 23. linea 20.

IN codicibus etiam antiquis initium huius digressionis ducitur ab illis uerbis. [Quamobrem horror pro omnibus.] Sed nos omnia rectius procedere putauimus; si hinc ducatur.

Pagina 114. linea. 25.

RETINVI vulgatam lectionem [qui Spiritu Deo seruimus:] ei enim videtur conuenire Chrysostomi explanatio, *τοῦτέστιν οἱ πνευματικῶς πατρεύοντες*: ita etiam Theophylactus *διὰ τοῦ χρις, καὶ τοῦ θεοῦ*. Testatum tamē relinquere volui, & apud Chrysost. & apud Theophylactū in omnibus græcis codicibus, quos uidi, legi hoc modo, *πνεύματι θεῷ*: quemadmodū etiam manifesto legit Athanasius in Epistola ad Serapionem de Spiritu Sancto. Ita etiam apud Latinos D. Hieronymus, Spiritui Dei. D. Aug. narrat tribus modis legi solitū esse, Spiritu Deo, Spiritui Deo, Spiritui Dei. D. Ambrosius nostram hanc, quam retinui, repudiat, contenditque legendum esse, Spiritui Deo; ut inde argumentum sumatur Spiritum Sanctum esse uerum Deum, quoniam illi seruandum: quod nihilominus ex ista lectione, Spiritui Dei, confici potest.

D. Hieron.
l. 6. in Esa.
capit. 15.
D. August.
cōtra duas
Pelagianorum
ep c. 7
Lib. 2. de
Spirit. c. 6.

Pagina 168. linea 21.

IN Græcis codicibus est *ὑπὸ πρῶτων διαφθεῖσσαν*: sed omnino legendum est *πρῶτων*. Nam in sequentibus uerbis ratio-

Z

nem

nem huius euenti explicans, rursus hac uoce utitur, *περσοὺς δούρα*. Puto autem indicari Eusebiam Constantii uxorem. Item paulo post, ubi codices habent, *ὁ ὡς αὐτῇ* emendauit *ὁ ὡς αὐτοῦ*: alioqui mira esset in uerbis pugna. Ac facile significari potest Iouiniani filius Varronianus; quanquam quid illo factum fuerit, historici, quod meminerim, non narrent. Similia quædam, ac propè eadem commemorat Chrysostomus in Epistola prima, quam nos uertimus, ad Viduam iuniorem: sed hic ea loquendi forma utitur, atque ita uariant exemplaria; ut appareat uariam tunc de his rebus famam fuisse: idcircoque Chrysostomum hoc loco sæpè murasse uerba. Quamobrem magnoperè mirandum non esset; si his ea, quæ ab historicis narrantur, non usquequaque conuenirent: maiorem quidem partem conueniunt.



FLAMINIO NOBILIO



IN opusculum, quod ad me misisti, *ὑπόμνημα* sit lo. Chrysostomi, quicumque paulo diligentius in eius libris legendis est uersatus, et gustum eorum capit aliquem, dubitare potest nemo. Tu quoque quis *ὑπόμνημα* illius interpres, nec minus disertè, et ornatè latinè loquaris, quam ille Gracè scripsit, si quis negare fuerit ausus, eum ego uel malenolum, uel ineptum, & omni prorsus iudicio destitutum esse non dubitanter affirmauerim: Proculdubio gaudet sanctus ille Pater in calis, quòd interpretem te sit nactus in terris; nec per alium, quàm per te loqui mauult: vix enim alium quenquam reperiri posse puto, qui praeclaram illius dicendi vim pari latinè loquendi facultate possit exprimere. Quo maiore cum desiderio quod promittis aliud eiusdem autoris opusculum expecto: quod si miseris, non idèò statim fidem tuam liberaueris; Nam & hoc mihi pollicitus fueras, te mecum esse communicaturum commentariolum quendam de uita magni Cardinalis illius Hippolyti per te scriptum. Quod cum feceris, tunc primum, quam de-

disti mihi fidem, eam liberasse te rectè poteris affirmare. Facturum id autem esse te, nulla mora longiore interposita, mihi tanto magis persuasum est: quòd, & Cardinalis ille, quem tuum vocas, cum non sit magis tuus, quàm meus, & ille fidem pro te suam interposuisse videtur: quem si tu postea tuum vocaueris, dicam dicturum esse tibi me denuncio. Quamobrem hac dicendi forma ne deinceps utaris, Cardinalis meus, verum, noster potius; ne videaris cum tibi soli tamquam proprium vendicare velle. Quem etiam uerbis meis quàm officiosissimè salutabis: ac dices accepisse me literas, quibus mihi monachum quendam commendauit, doctum illum quidem, sicut ex primo cum illo congressu videre licuit; sed qui mecum, ut pranderet, adduci non potuit; ut per exigua mihi cum illo fuerit consuetudo. Opto te bene valere. Dat. Sublatici Cal. Augusti. Anno Iobælei. 1575.

Tuus in Christo

Stanislaus Card. Varmienfis. m. p.




S A N.

SANCTI
PATRIS NOSTRI
IO. CHRYSOSTOMI
ARCHIEPIS. CONSTAN-
TINOPOLITANI.

AD VIDVAM IVNIOREM.

FLAMINIO NOBILIO INTERPRETE.



RAVEM te quidem accepisse plagam, atque ad maximè vitalem partem iaculum supernè immissum pervenisse, omnes sanè tibi consenterint, ac nemo ne ex iis quidem, qui valde philosophi sunt, contradixerit. Verùm quoniam malè acceptos minimè in luctu, ac lachrymis omne suum tempus consumere oportet, sed vulnerum quoque curationi plurimum operæ, studiique navare, ne si despecta fuerint, maiorem ipsismet lachrymis afferant plagam, atq; ipso luctu vehementiorè flammam excitent; æquum profecto fuerit te eam, quæ per sermones adhibetur, consolationem minimè repudiare, ac lachrymarum fluuios parumper coercentem ad breue saltem tempus iis etiam, qui te consolari aggrediuntur, te ipsam dare. Hæc enim causa est, cur, & nos non in ipso luctus vigore, neq; simul ac fulmen decidit, obturbaremus, sed cunctantes toto hoc intermedio tempore, ac permittentes te satiari fletu, quando iam à caligine illa paululum oculos attollere, atque aures iis, qui te consolari tentarent, præbere potuisti, tunc ipsi quoque post ancillarum sermones nostra adiungere-mus. Nam cum adhuc tempestas magna est, & luctus viget, qui dolorè deponere suadet; is eiularum magis prouocat atque irritat; nihilquæ aliud lucri reportans, quàm odium, multam sanè materiè eiusmodi oratione suppeditat igni; simulq; de se, & inimici, & stulti hominis affert opinionem

Verùm

Verum quando iam feruor ille desiderare coepit, ac violentiam fluctuum sedauit Deus, facile orationis uela pandemus. Nam mediocri quidem tempestate poterit fortasse ars suum officium facere: at cum ventorum impetus inuictus fertur, nihil loci est peritiae. His adducti causis toto superiore tempore siluimus, ac vix nunc emittere uocem aggressi sumus. Audiuius enim de Patruo tuo confidendum posthac esse: nam & famulas, quae paulo honoratiores sint, audere de his rebus breues inferre sermones, & praeter domesticas mulieres, eas etiam, quae aut genere tibi cognatae, aut alia quauis ratione ad hoc munus obeundum sint idoneae. Quod si illarum sermones admittis; ualde confidimus, ac pro certo habemus fore, ne nostros contempnas, sed quietem, ac tranquillitatem, quoad poteris, ipsis audiendis adhibeas. Ac sane cum muliebris sexus numquam non proclinator quodammodo ad concipiendum dolorem est; tum uero, cum & iuuentus accesserit, & uiditas immatura, & nullus negotiorum usus, & curarum magna moles, atque illud praeterea, omne pristinum tempus delitiis, hilaritati, diuitiis esse inautritam; multis partibus maior redditur calamitas; ut nisi supernum adsit auxilium; periculum sit, ne quae tot tantisque malis affligitur, a mente deferatur: quod equidem uel praecipuum, ac maximum diuinæ erga te curæ indicium censuerim. Nam quod tot repente concurrentibus malis non te egritudo absorbuerit; nec de naturali mentis statu sis deturbata; non id humani alicuius auxilii fuit, sed omnipotentis illius manus, sed intelligentiæ illius, cuius non est numerus, sed prudentiæ illius, quæ inuestigari non potest, sed Patris misericordiarum, ac Dei totius consolationis. Ipse enim inquit, uerberauit nos, & ipse sanabit nos; percutiet, & curabit nos, & sanctificabit nos. Quamdiu enim tecum unā uiuebat beatus ille uir; capiebas quidem fructus honoris, procurationis, studii; capiebas autem, quales ex homine capere par erat. Quoniam uero illum ad se uocauit Deus; ipse nunc illius loco se tibi substituit: neque hoc meum est, sed beati Prophetæ, qui ita inquit, Pupillum et uiduam suscipiet; ac rursus ipsum uocat patrem

Isae 6.

Psal. 145.

Psal. 67.

pārem pupillorum, & iudicem viduarum; omninoq; hoc hominum genus magnæ ipsi curæ esse videbis. Cæterum ne hoc nomen assidue vsurpatum animum tibi deiciat, ac rationem perturbet reputanti in ipso ætatis flore illud te subiisse; de hoc mihi primum differendum proposui, atq; ostendendum, non calamitatis nomen esse, sed honoris, & honoris quidem maximi. Neque enim tu mihi multorum depravatam opinionem loco probationis, ac testimonii afferas, sed beati Pauli sententiam, atque adeo decretum, ac legem. Quæ enim ille loquebatur, hæc per ipsum pronuntiabat Christus, quemadmodum & ipse dixit, *An experimentum queritis eius, qui in me loquitur Christus?* Quid igitur inquit? *Vidua eligatur non minus sexaginta annorum, & rursus. Adolescentiores autem uiduas deuota, utroque hoc præcepto rei nobis magnitudinem indicans.* Nam de Episcopis quidem præcipiens nullibi numerum annorum statuit; hic autem magnam adhibet accuratorem. Quid ita? non quidem propterea; quod viduitas sacerdotio maior sit; sed quoniā maiore ipse, quam illi laborem sustinet, multis undiq; negotiis illas circumuenientibus publicis, & privatis. Etenim quemadmodum ciuitas mœnibus non circumdata protecta est, atque exposita omnibus, quicumque capere eam voluerint; ita & puella in uiduitate ætatem degens, multos habet, qui vndique insidientur, non solum eos, qui pecuniis animum adiecerunt, sed etiam qui pudicitiam ipsius violare student. Neque verò has tantum, sed etiam alias labendi occasiones in ipsam incurrere inueniemus. Nā & a familiaribus contemni se, & rem per negligentiam perire, nec pristinam retinere dignitatē, & æquales suas, quibus cum versari consueuerant, florentes, ac lætas videre, sæpè autem, & deliciarum cupiditas eò ipsas adduxerunt, ut secundis se nuptiis illigarent. Nec uerò desunt, quæ legitimo quidem matrimonio uiris se iungere minime uelint, sed occultè, & clam. Id autem propterea faciunt, ut encomia uiduitatis lucentur. Ita non ignominia, sed admirationis, atque honoris plena res ipsa apud homines est non modo fideles, verum etiam infideles ipsos. Nam & ego aliquādo,

cum

2. Cor. 13.

1. Tim. 5.

Ibidem.

cum essem iunior, Doctore meo (erat autem ille omnium hominum maxime superstitiosus) animaduerti matrem meam præ multis magnam excitasse admirationem. Nam cum eos, qui sibi assidebant, more suo interrogasset, cuius ego essem; ac responsum esset, me viduę mulieris esse filiũ; de me quęsiuit etatem matris, & uiduitatis tempus. Cum primum verò audiuit quadraginta annos natam esse, vigesimum uerò iam annum agi, ex quo patrem meum amiserit; obstupuit planè, atq; ad eos, qui aderant conuersus, clara voce exclamauit: En quales mulieres apud Christianos sunt. Tanta nõ modò apud nos, sed etiam apud Gentiles uiduitatis laus est, & admiratio. Quę omnia considerans beatus Paulus dixit. *Vidua eligatur non minus sexaginta annorum.* Neque verò ex hoc solo, quamuis graui ætatis testimonio, continuo finit, ut in sacrum hunc adlegatur chorum; sed alia addit ita scribens. *In operibus bonis testimonium habens, si filios educauit, si hospitio recepit, si sanctorum pedes lauit; si tribulationem patientibus subministravit, si omne opus bonum subsecuta est.* O diligẽtiam, ac subtilitatem in probando. Quanta à vidua requirit virtutem, & quàm subtiliter omnia persequitur? hanc sanè operam nõ sumpturus, nisi munus honestatis, ac dignitatis plenum illi commissurus fuisset. At uerò cum dixisset, *Adolescentiores autè uiduas deuota; causam quoq; adiungit: Cum enim luxuriata fuerint in Christo, nubere uolunt.* His enim verbis illud nobis significat, mulieres, quę viros amiserunt, in illorum locum aptari, & iungi Christo. Quò autem ostendat hanc adiunctionem esse suauem, ac lenem; ita inquit. *Cum enim luxuriata fuerint in Christo, nubere uolunt.* Quasi de uiro quodam leni, ac probo loquens, qui quẽ non illis pro imperio vtatur, sed libertate frui permittat. Nec verò hæcenus orationem produxisse satis habuit; sed & aliunde rursus magnæ sibi illas curæ esse declarauit, ita scribens. *Nam quę in delitijs est, uiuens mortua est, quę autem uerè uidua est, & desolata, sperauit in Deum, et in stat obsecrationibus, & orationibus nocte ac die.* Et ad Corinthios scribens inquit, *Beatior autem erit, si sic permanserit.* Vides quanta uiduitatis Encomia. Atque hæc quidem in noua lege, quando iam

Virgi-

1. Tim. 5.

Ibidem.

1. Cor. 7.

Virginitatis decus summo opere emicuit: Verum tamē neq;
huius splendor viduitatis luminibus officere potuit: sed &
ipsa elucet adhuc suam habens virtutem. Quotiescumque
igitur inter dicendum viduitatis mentionem facienus; ne
animo concidas, nec rem turpem existimes. Nam si vidui-
tas turpis, multo turpior virginitas. Sed non est, non est:
procul a nobis absit ista opinio. Quando enim eas, quæ vi-
ris adhuc superstitibus continentiam servant, omnes ad-
miramur, & commendamus; cur nō eas, quæ post virorum
obitum eamdem illis benevolentiam præstant, laudibus &
admiratione prosequamur? Donec igitur, quemadmodū
dicebam, cum beato Therasio vivebas, cum ille tibi ho-
norem, tuorumque commodorum studium præstitit, cu-
iusmodi ab optimo viro expectanda erant. Nunc autem il-
lius loco habes Dominum omnium Deum; qui cum an-
tea tibi affuit; tum verò id nunc multò impensius, ac cu-
mulatius faciet. Atqui studii erga te sui, & procurationis
non minimum, quemadmodum antea dicebam, indicium
iam nobis dedit, in hoc curarum, atque egritudinis incen-
dio incolumem te præstans, nec permittens, ut quicquam
violenti in te admitteres. Qui autem tanta tempestatis vi
incumbente naufragium fieri minimè permisit; multo ma-
gis tranquillo iam mari custodiet animam tuam, & leuem
reddet viduitatem, atque ea, quæ ex ipsa oriri videntur
mala. Quòd si non viduitatis nomen te discruciat; sed ta-
lis viri iactura: Ego etiam tibi planè assentior in toto ter-
rarum orbe paucos ex viris secularibus extitisse viri tui si-
miles, tanta humanitate, probitate, modestia, integritate,
prudentia, innocentia præditos. Verum, si quidem peni-
tus interiisset, atq; in nihilum abiisset; mœrendum, ac do-
lendum erat: sin autem ad quietum, & laetumque delatus
est portum, atque ad suum verè Regem profectus est; nul-
lus hic lachrymis, sed lætitiæ locus est. Etenim hæc mors
non est mors, sed migratio ac domicilii mutatio à deterio-
ribus ad meliora, à terra ad cœlum, ab hominibus ad An-
gelos, & Archangelos, atque ad eò ipsum Archangelorum
Dominum. Nā hic quidem, dū in terris Imperatori milita-

bat; multa erāt expectanda discrimina, multæ ab inuidis infidię. Quò enim magis illius existimatio, & gloria augebatur; eo plures, atque aciores in ipsum excitabantur inimicię. Illuc autem profecto nihil eiusmodi metuendum est. Quamobrem quantum luges, cū tam commodus, ac bonus esset, iussū esse ad Deū ire; tantum latari oportet, magna illum cum securitate, & gloria profectum esse, & à periculis, quæ hic imminabant, tumultu liberum, pacatam, placidissimamque vitam vivere. Quàm enim absurdum est fateri quidem cœlum terra longè melius esse, ac tamen eos, qui hinc eò commearunt, ludu protequi? Nam si beatus ille ex illorum hominum numero fuisset, qui turpiter, ac Deo minimè probati vixerunt; profecto non solum mortuus, sed etiam viuens, sctu, atque ciuitatu prosequendus erat. Nunc verò, quando & ipse vnus ex Dei amicis erat; nō solum viuenti, sed etiam somnū suum obdormienti gratulandum est. Audisti sanè ex beato Paulo, cum ita diceret, longe satius esse dissolui, & esse cum Christo. At fortè charas illius voces audire cupis, tuoq; erga illum amore frui; & cōsuetudinem requiris, & gloriam, splendorem, decus, securitatem, quæ ab illo in te redundabant; atque hæc omnia periisse egrè fers; & qualdā quasi tenebras mēti tuæ offundi sentis. Verum enim uerò tuam quidem erga illum amicitiam quæ tibi nunc, atque antea rueri licet. Talis enim est charitatis natura, & potentia: nō solum præsentes, ac proximos, quique ob os, atque oculos versantur, sed eos etiam, qui longè absunt, complectitur, cōglutinat, coniungit: ac neque temporis longinquitas, neque locorum interualla, neque aliud huius generis quicquam interrumpere, ac discindere animæ amicitiam potest. Quòd si præsens præsentem intueri cupis (nō enim me fugit id tibi esse maximè in optatis) custodi illi leetū alteri viro minimè peruium; incūbe in eam curam, ut eadem in te, atque in illo vitæ, morumque probitas eluceat; ac sine dubio ad eundem cum ipso peruenies eorum; atq; vnà cum eo habitabis non quinq; annos, quemadmodum hic, non viginti, non centum, non mille, aut bis mille, aut decem

decem millia, aut multò plures, sed planè infinitos; & infinita secula. Regiones enim illas recreationis, & pacis, non cognationes ad corpus pertinentes, sed vitæ similitudo apta est, quæ hereditate obtineat. Nam si eadem suscepta viuendi ratio Lazarum Abrahamæ ignotū in sinum illius adduxit, multosque facit ab Oriente, & Occidente cum illo recumbere; profecto te quoque vna cum optimo Therasio locus requietis excipiet, si eandem, atque ille, colere volueris vitam; tuncque ipsum non cum hac corporis pulchritudine, qua præditus abiit, iterum recipies, sed cum alio quodam splendore, ac uenustate; quæ ipsos Solis radios fulgore uincat. Etenim hoc quidem corpus, cum si ad summum pulchritudinis gradum peruenerit, mortale tamen est. Corpora autè eorum, qui Deo placuerunt, tantam induent gloriam; quātam ne intueri quidem his oculis licet. Atque harum quidem rerum signa quædam ac leuiter pressa vestigia, & in vetere, & in nouo testamento nobis ostendit Deus. Nam illic quidem Moysis facies tāta fulgebat gloria, ut eam oculi Israelitarum ferre minimè possent. In nouo autem longe magis fulsit Christi facies. Quæro igitur ex te, si quis tibi pollicitus esset ei se totius orbis regnum traditurū, sed ob hanc causam iussisset viginti ipsos annos te secedere, atque iis transactis diademate, ac purpura ornatum eum tibi traditurum promississet, teque in eodem, atque illum honoris gradu collocaturum; nonne secessionem istam æquo animo, & ea, quæ te decet, modestia tulisses? non ne munus præclarum, remque omnibus uotis optandam duxisses? Obdura igitur & nunc, non regni terreni, sed cœlestis causa, non ut ueste aurea, sed immortalitate indutum recipias, & gloria, quantam eos, qui in cœlis degunt, habere cōsentaneum est. Quòd si ualde tibi intoleranda videtur tēporis longinquitas; verisimile est illum tibi interdum in somniis adstare, & quæ cōsueuerat tecum colloqui, & optatā faciem ostendere. Hoc te loco epistolarum consoletur; quinimmo id maiorē epistolæ uim habet. In illis enim literas tantum cernere licet; hîc uerò, & formam vultus, & risum tranquillum, & figuram, & incessum,

& sonum audire, & amicam illam uocem agnoscere. Ceterum quoniam securitatis præterea ratio, quæ ex illo tibi aderat, te ad fletum impellit, fortasse etiam spes illæ, quæ sese ostendebat maioris dignitatis, & amplitudinis: (audiui enim citò futurum fuisse, ut ille ad consulariæ thronum ascenderet, idque tibi omnium acerbissimum visum esse, ac præcipue animum tuum excruciare puto) illos tibi ante oculos pone; qui cum ad maiorem, quam ille, dignitatem euecti essent, valde miserabilem vitam egerunt. Reuocabo autem tibi in memoriam Theodorum illum siculum; fortasse audisti; erat enim in primis notus, & celebris. Hic & pulchritudine, & magnitudine corporis, & auctoritate apud Imperatorem omnibus præstans, qui ea poterat, quæ interiorum familiarium nemo, prosperam illam fortunam non moderatè tulit, sed insidiatus Imperatori, ac deprehensus, ipse quidem ualde miserabiliter obtruncatus est; ipsius autem uxor neque educatione, neque genere, neque vlla alia re nobilitati tuæ concedens, omnibus repente rebus suis spoliata, ac libertate amissa Cubiculariis ancillis adnumerata, ac nulla non ancilla miseriores, ac magis lachrymabilem uitam agere coacta est, hoc vno cæteras antecellens, quòd propter non cõparabilem calamitatis magnitudinem, lachrymas eorum omnium, qui ipsam aspicerent, eliciebat. Fertur etiam Artemisia viro valde claro nupta, quoniam & ille tyrannidem affectauit, in eandem incidisse paupertatem, ac præterea oculis esse capta. Nam magnitudo ægritudinis, & lachrymarum multitudo lumina extinxit. Ac nunc quidem hominibus eget qui deducant, atque ad alienas portas adducant; vt hoc modo necessarium sibi victum comparare queat. Nec verò aliæ familiæ defunt iridem deiectæ, ac prostratæ, quas commemorare; nisi probitatem, ac prudentiam tuam probe nossem; quæ minimè ex alienis malis calamitati tuæ cupis solarium adhibere. Neq; verò hæc exempla, quæ commemorauimus, aliā ob causam commemorauimus, quam ut intelligas res humanas nihil esse, verèque à Propheta esse dictum, *Omnis gloria hominis, ut flos foeni*. Quò enim altius euehuntur,

tur, atque emicant, eò maiorem edunt ruinam; neque in
iis solum, qui sub alieno imperio viuunt, sed etiam in Re-
gibus ipsis. Neque enim facile quis inueniat priuatam do-
mum æquè refertam calamitatibus, ac Regias. Nam & or-
phanæ, & viduitates immaturæ, & neces violentæ, atque
iis quidē, quæ in tragediis narrantur, multo scelestiores, &
acerbiores in hunc ipsum præcipuè cadunt principatum.
Atque, ut vetera omittamus, ex iis omnibus, qui nostro
tempore imperarunt (fuerunt autē nouem) duo soli com-
muni morte uitam clauferunt. Reliquorum autē hic qui-
dem à Tyranno, ille verò in bello, alius domesticorum cu-
stodum insidiis, alius autem ab illo ipso, qui coronam, ac
purpuram imposuerat, interfectus occubuit. Vxores verò
partim, ut ferunt, veneno interierunt, partim egritudine.
Earum verò, quæ adhuc superstites sunt, altera quidem fi-
lium habens pupillum tremit, ac metuit; ne quis eorum,
qui rerum potiuntur, illa metuens, quæ ferre insequens
tempus queat, eum de medio tollat; altera uerò vix mul-
torum precibus ab exilio rediit, quò antea ab eo, qui tene-
bat, missa erat. Cæterum ad ipsorum etiam, qui nunc re-
gnant, uxores animum aduerte. Alteram videbis ex pristi-
nis calamitatibus respirantem magnæ voluptati magnum
habere dolorem admistum, eò quòd qui potitur, nimis iu-
uenis, ac nullius usus est, multosque habet undique insi-
diantes: Alteram verò timore exanimatam, & iis, qui ca-
pite damnati sunt miseriorem vitam ducentem; eò quòd
vir ipsius ab eo tempore, quo diadema suscepit, usque ad
hodiernum diem in bello & præliis uersatur; verecundia-
que & probris, quibus undique afficitur, magis quàm ex
calamitatibus tabescit. Quod enim antea numquam, nunc
euenit; ut Barbari propriam relinquentes regionem multa
stadiorum millia regionis nostræ percurrerint, & agris in-
censsis, captisque urbibus domum redeundi omnem cogi-
tationem abiecerint. Ac perinde quasi choreas ducerent,
non bellum gererent; ita nostros omnes irrident; & quem-
dam ex illorum Regibus dixisse ferunt, mirari se impuden-
tiam nostrorum militum; qui facilius quàm oues soleant
iugulati,

iugulati, adhuc victoriam sperent, neque ex ipsorum re-
 gione velint excedere. Nam ipse quidem dixit, sese illis cę-
 dendis satietate captum esse. Quo igitur animo & Impera-
 torem, & ipsius uxorem ista verba audientem existimas es-
 se? Et quoniam huius belli mentio incidit, magnum mihi
 viduarum agmē occurrit; quarum multę ex virorum qui-
 dem dignitate plurimum splendoris acceperunt, nunc ve-
 rō repente omnes nigra, ac luctui accōmodata stola amictę
 omne suum tēpus in lachrymis, ac querimoniis traducūt.
 Neque illis hoc datum est, quod honorato tuo capiti. Tu
 enim, o admirabilis, & in lectulo iacētem vidisti honestum
 illum, & supremam audisti vocem, cū quibus modis res
 domesticę administrandę essent, te doceret, & testamen-
 to omniem alieni appetentibus, ac sycophantis aditum ob-
 strueret. Adde illud, quōd iacenti mortuo sæpe incubuisti,
 & suaviata es oculos & composuisti, & honestissimo fune-
 re elatum vidisti: omnibus, quę decebat, erga illum officiis
 functa es, & iusta persoluisti: & ad sepulchrum sæpē acce-
 dens non minimum habes tui doloris solatium. Illę verō
 omnibus huiusmodi solatiis sunt destitutę, cum omnes
 quidem ad bellum misissent viros suos tamquā rursus
 ipsos recepturę; at pro illis tristem illorum mortis accepe-
 rint nuncium. Non enim quisquam corpora ipsorum af-
 ferens, sed uerba tantum mortis genus narrantia ad ipsas
 rediit. Verū sunt, quę neque hac ipsa narratione dignę
 fuerint habitę; neque quomodo illi ceciderint, doceri po-
 tuerint; cū in magno cęsorū numero reliquis essent coa-
 ceruati. Ecquid verō mirum, si multi ex Ducibus hoc mo-
 do interierunt, quādo & Imperator ipse, in vicum quem-
 dam cum paucis militibus conclusus exire quidem, & se-
 se inuadentibus opponere minimē ausus est, sed intus ma-
 nens accenso ab illis igne vnā cum iis omnibus, quos se-
 cum habebat, combustus est, nec uiris solum, sed etiam
 equis, & trabibus, & muris; & omnia in unum, atque eum-
 dem cinerem abierunt? Atque hunc nuncium, si qui vnā
 cum Imperatore ad bellum profecti fuerāt, loco impera-
 toris ipsius ad uxorem reportantes redierunt. Nihil enim,
 nihil

nihil planè ea, quæ in mundo splendida sunt, ab iis, quæ in scena geruntur, à vernorum florum venustate differunt. Primum enim antequàm appareant, euanescent; deinde etiam si paululum temporis maneant, citò tamen ad interitum properant. Quid enim honore, qui à multis exhibetur, & gloria exilius, ac vilius? quem fructum, quam utilitatem afferunt? quo sat bono exitu concluduntur? atque utinam nihil aliud subesset mali: nunc verò præter quàm quòd nihil verè boni inde prouenit; multas etià molestias, multa damna assidue is ferre cogitur; qui se huic acerbissimæ Domine subiecit. Domina enim est eorum, qui ipsam admiserunt; & quò maioribus blanditiis & assentationibus colitur à seruis; eò magis sese contra ipsos erigit, & durioribus ipsos urget mandatis; eos uerò, qui ipsam reiiciunt, ac despiciunt, non habet amplius, ubi ulciscatur. Ita & Tyranno, & feræ qualibet immittior est. Nam Tyrannus quidem, & feræ cultu, ac blanditiis sæpe mitescunt: hæc autem tunc maximè efferatur; quando ei maximè auscultauerimus; ac si dicto audientem inueniat, atque omnia obsequentem, nihil est præterea, quod imperare omitat. Habet uerò, & alteram belli sociam, quam non malè fortasse quis ipsius filiam appellarit. Quando enim ipsa probè à nobis alta & educata creuerit, ac radices egerit; tunc arrogantiam parit, re quæ nihilominus matre animū quem experit, præcipitem agere pōt. Hoc igitur dic mihi, luges, ac lamétaris, quòd ab hac durissima Domina Deus te liberauit? quòd omnibus his pestiferis morbis omnem obsepsit viam? Viuentem enim adhuc tibi uiro nullum in mentem tuam insultandi finem fecissent; mortuo autem non habent, unde in cogitationes tuas impetum faciāt. Hoc igitur tibi rectè curandum, ac præstandum posthac est; ut ne illarum discessum lugeas, neq; acerbū illum dominatum expetas. Nam ubi illæ uehementius spirant; omnia funditus euertunt, ac prosternunt. Et quemadmodum meretrices, cum plerumque suapte natura deformes sint, ac squalidæ, frictionibus, & fucis incautos, & simplices iuuenum animos illaqueant, & postquā in suam ditionem receperint,

perint, seruis omnibus contumeliosius tractant: ita & huiusmodi affectiones Ambitio, & Arrogantia nulla non fecerunt hominum animos magis inquinant. Hinc, & multi diuitias magnum bonum duxerunt: quare qui ambitionem eiecerit; neque à diuitiis etiam capietur. Nam quibus licuit ob paupertatem consequi magnam gloriam; ii ditescere minimè voluerunt, sed magnam auri vim sibi oblatam contempserunt. Atque hos minimè ex me cognoscere necesse habes: ipsa enim longè melius, quàm ego, nosti Epaminundam, Socratem, Aristidem, Diogenem, Cratem, Melobotum, qui suasmet possessiones reliquit, ac deposuit. Nam alii quidem, cum non esset in promptu ditescere, exorientem sibi ex paupertate gloriam animaduertentes, facile in eam se partem dederunt. Hic autem & ea, quæ habebat, proiecit. Adeo omnes huius ferè bellæ sibi acquirendæ cupiditate insaniebant. Ne igitur queramur, Deum ex hac turpi nos tyrannide, & ridicula, & multorum probrorum plena exemisse. Nomen enim solum splendidum est; res autem ipsa longè alios, atque appellatio ipsa polliceatur, amatores suos reddit; ac nemo est, qui gloriæ causa quippiam agentem non irrideat. Ille enim solus suspiciendum se præbere, & gloria circumfluere poterit, qui eò minimè spectat. Qui autem magnum quiddam putat gloriam à multis delatam, atque illius consequendæ causa omnia facit, & patitur; is potissimum ab ea longè aberit, eiusque expers erit, rerum vero gloriæ aduersantium maximè particeps, irrisuonis, criminationis, maledictorum, offensionis, odii: neque in viris tantum id vñ uenit; sed etiam in uobis mulieribus, atque adeo multo magis. Nam quæ & figura, & incessu, & uestitu simplicem quamdam bonitatem præfert, & à nemine honorè aucupatur; eam omnes admirantur, suspiciunt, prædicant, omnibus bonis ominibus prosequuntur; vanæ autem gloriæ cupidam auersantur, oderunt, & veluti belluam quamdam agrestem fugiunt, sexcentas in illam execrationes, & contumelias coniicientes. Nec verò his dumtaxat malis nos eripimus vulgarem gloriam contemnentes; sed & ea, quæ omnium
maxima

maxima sunt, lucramur; dum præter ea, quæ dicta sunt, paulatim erudimur respirare, & aspirare ad cælum, & terrena omnia despiciere. Nā qui delato ab hominibus honore minimè egere se putat; quicquid boni faciet; magna cum securitate faciet; neque aut aduersis, aut secundis huius vitæ rebus quicquam incommodi sentiet; neque enim aut aduersæ illum deicere, atque obruere possunt, aut secundæ inflare, ac tumidum reddere; sed in rebus maxime caducis ac fluxis ipse omnis mutationis expers manet. Quod celeriter, & in tuo ipsius animo euenturum spero; confestimque terrenis omnibus abiectis cælestem te nobis uiuendi rationem repræsentaturam; gloriam verò, quam nunc despes, paulo post irrisuram; & vanam, ac futilem illius personam illusuram. Quod si pristinam, qua per illum potiebaris, securitatem desideras, & bonorum custodiam; nec patere uelles eorum insidiis, qui alienis calamitatibus insultant, iacta super Dominum curam tuam, & ipse te enutriet. *Inspicite enim; inquit, in antiquas generationes, & uidete si quis sperauit in Domino, & confusus est, uel si quis inuocauit illum, & despectus est, uel si quis stetit in mandatis eius, & derelictus est.* Nam qui onus tā intolerabilis calamitatis leuius reddidit, & in præsentī malacia te collocauit; is & quæ imminet, propulsabit. Nam hac quidem plaga nullam te umquam grauiorē posse accipere profecto nobis assentieris. Quando igitur præsens malum adedò fortiter, ac generosè tulisti, idque cum te usus nondum docuisset; multò magis ex iis, quæ accidere possunt, si quid præter voluntatem nostram acciderit (quod Deus omen auertat) facile feres. Cælum quære, & omnia quæcumq; ad uitam illic degendam conducunt; ac nihil eorum, quæ hic fiant, lædere te poterit, ne ipse quidem tenebrarum imperator; dummodò ne nobis ipsi noceamus. Nā & si quis bonis spoliet, & si corpus concedat; nihil horum ad nos; modò animus nobis incolumis, atq; integer maneat. Omnino autem si uis pecunias & ab omni periculo tutas custodire, & amplificare; ego sanè & modum, & locum demonstrabo; quo nulli eorum, qui insidiari solent, fas est irruere. Quis igitur locus est? cælum,

*Psal. 54.
Eccl. 1.*

mitte illas ad optimum illum virum; ac neque fur, neque insidiator, neque vlla alia pestis impetum facere in illas poterit. Si ibi has ipsas pecunias defoderis; magnum ex his lucrum reportabis. Omnia enim quaecumque à nobis in coelis feruntur; longè maiorem, ac meliorem prouentum habent, ac planè talem; qualem consentaneum est ex iis, quæ in coelis radices egerunt. Quod si hoc feceris, vide qualibus frueris bonis: primùm quidem sempiterna vita, & iis, quæ promissa sunt diligentibus Deum; quæ neque oculus vidit, neque auris audiuit, neque in cor hominis ascenderunt: deinde consuetudine optimi viri tui in omne quum: postremo à curis, timoribus, periculis, insidiis, similitate, odio, quæ hanc vitam exercent, te ipsam liberabis. Quandiu enim pecunias apud te retinebis; erunt fortasse aliqui, qui fraudibus interuertant; sin autem ad cælum transmiseris; periculis vacuum, tutam, ac tranquillitatis plenissimam vitam viues; quippe quæ sufficientia vnà cum pietate frueris. Magnæ enim dementiae est, si agri quidem emendi sint, feraciorem terram sectari; cælo autem, & terra in conspectu positis, cum ibi liceat prædium sibi comparare; terræ potius inhærere, sequè molestiis, quæ ex hac sæpè incidunt, casibusquæ exponere; sæpè enim nostram frustratur spes. Quoniã verò illud grauiter percellit, concutitquæ animum tuum, quod sæpè sperasti fore, vt is ad consularem dignitatem eueheretur; ideoque magistratum illi quodammodo ereptū doles; primùm illud quidem fac tecū cogites; licet valde explorata esset hæc spes, attamen humanam fuisse spem; quæ sæpè fallere sit solita; ac multa huiusmodi in hac vita quotidie euenire cernimus; ut cum ea, quæ valde sperantur, minime exitum inueniant; ea, quæ neque in mentem venerunt, ad finem sepe numero perduntur; siue ad imperia, siue ad regna, siue ad hereditates, siue ad matrimonia, siue aliò animum intendamus. Quocirca quamuis propè adesset tempus; tamen, vt in prouerbio est, multa inter calicem, & summum labium. Ac sanè scriptura ipsa inquit. *A mane usque ad nesperam immutatur tempus: sic & Rex, qui hodie est, cras moritur.* Ac rursus quàm incerti,

Eccl. 18.

Ibidem 10

certi, atque in expectati rerum exitus sint, nobis declarans hic ipse Sapiens inquit, *Multi tyranni sederunt in solo; & insuspiciabilis portavit diadema*. Non igitur exploratissimum erat, si vixisset, ad eum dignitatis gradum peruenturum. Quod enim futurum est, incertum est: atq; alia etiam erant, quæ nobis suspicionē iniicerent. Vnde enim manifestum erat, si vixisset, ad magistratum illum euectum iri: atq; adeo futurum minime fuisse; ut ea quæ nollemus, euenirent; ut morbo correptus, aut inuidia, ac malevolentia eorum, qui prosperitatem illius non ferrent, circumuentus, vel aliqua alia calamitate affectus præsentī etiam dignitate priuaretur? Sed fac, si libet, multò exploratissimum fuisse, si diutius vixisset, ad illud fastigium peruenturū: at certè, quanto maior dignitas; tanto maioribus periculis, curis, insidiis necessariò suberat. Ceterum absint & ista; ac sine periculo, summaque cum tranquillitate illud nauigarit pelagus: ecquis finis, dic mihi, manebat? an non idem, qui nunc? aut potius non idem, sed alius fortasse; tristis nimirum, ac votis omnibus fugiendus? Primum quidem tardius vidisset cælum, & ea, quæ in cælis sunt; quod iis, qui res futuras fide, & spe præceperunt, non minimum damnum est. Deinde, quantumvis castè, integreque vixisset; attamen uitæ longitudo, ac necessitas quædam in illum magistratum incurrens, non equè integrum, & purum abire hinc permisissent, atque hoc tempore. Incertum quoque & illud; an forte multis modis immutatus, ac negligentia deditus perpetuum obdormisset somnum. Nam nunc quidem confidimus Dei gratia illum euolasse ad locum quietis; quòd nullam ex iis culpis in se admiserit, quæ à regno cælorum excludunt: tunc uerò publica negotia plerumque tractans fortasse multas ad se attraxisset sordes. Nam tot vndique malis circumstantibus, rectum tenere cursum rarum admodum est; peccare autem, & sponte, & inuitum ualde usitatum, ac quotidianum. Nunc uerò à timore isto longè absumus, ac magnopere confidimus, venturum in die illa plenum uenustatis, & splendoris proximum Regi, atque una cum

Ibidem 11.

† *Al. simplicitate quadā adductū: uide scholium.*

Angelis praeuentem Christo, & gloria, cui nulla par inueniri oratio queat, circumfluentem, & iudicanti Regi adfistentem, & in praestantissimis muneribus ministrantem. Quamobrem misso iam fletu, & eiulatu eandem viuendi rationem, atque adeò etiam potiore tene; ut eandem atque ille, adepta virtutem, in idem etiam cum illo tabernaculum recipiaris; ac rursus coniungi cum illo queas in sempiterna illa secula, non hoc matrimonii nexu, sed alio quodam longe meliore. Hic enim corpora tantum copulat; ille verò multo elegantior, iucundior, melior animam animæ iungit & conflat.

S C H O L I V M.



RECCARE autem, & sponte & inuitum. Hoc loco variant exemplaria. Alia enim habet *ἀκорта* idest inuitum. In aliis autem, ut in Vaticano, legitur *ἀνακτα* idest ex simplicitate quadam. Si prior lectio retineatur; nō ita est accipiendum

In Epif. ad Ephes.

hom. 2. In

Matth. ho.

60.

C. 15.

In Epif. ad

Heb. ho. 15

hominem inuitū peccare, quasi nullum ea in re momentum voluntas habeat. Nā & multò verissima & sancto huic Autori probatissima sententia est, nullam nisi spōtē, ac voluntate admitti culpam. Sed inuitum peccare eum potuit dicere, qui ob inscitiam peccat; cuius tamen inscitie ipse substat culpā: quomodo in Numeris, qui ex ignorantia ne peccat, dicitur non spontē peccare, ac tamen ei poena luenda imponitur: & hoc eodem modo alibi videtur loqui Chrysostomus. Aut cum inuitum vocat, qui à peccando quidem abhorret; sed non tantum roboris habet, ut deprauatæ consuetudini, principum imperiis, vulgi studiis audeat repugnare. Quo etiam videtur paulò ante spectasse in illis verbis ἡ τῆς ἀρχῆς ἐκείνης ἀνάγκη ἵνα ἂν ἐφίκεν οὕτως ἀπελθεῖν κατὰ πόλιν. quæ nos ita vertimus. Necessitas quadam in illum magistratum incurrens non equè purum, atque integrum hinc abire permisset. Simili quadam ratione impotens iræ, ac libidinis agere inuitus dicitur. Sed trahit inuitum nona uis, aliudque libido, mens aliud suadet. Ac tamen non posse repugnare libidini nihil

nihil aliud est, quàm nō velle, aut frigide velle, quod sæpe docuit Chrysostomus. Autor Operis imperfecti paulò magis hyperbolicè loquebatur, cum ita diceret, *Qui in timore servit Deo, poenam quidem evadere; mercedem autem iustitiæ non habere; quia inuitus facit bonum propter timorem.* De hac re accuratè egit D. Augustinus cum alibi, tum libro primo Retract. quod à Magistro sententiarum est animaduersum.

In Io. ho. 8
& 12.
In Matth.
hom. 42.
C. 13. et 16
2. lib. Dist.
41.

EIVSDEM.

DE NON ITERANDO
CONIVGIO

AD EAMDEM.



MULIERES, quæ virorum consuetudinem, partus dolores, & cætera omnia, quibus instructum matrimonium in hominum domos ingreditur, numquàm vsu cognouerunt, ad viros animum appellere, nihil tanè mirandum est. Nam & bellum, rem adeò laboriosam, ac duram, imperitis dulce esse in proverbio est. At sexcentis malis affectis, quibusque dura ipsa rerum conditio persuasit, eas quidem, quæ solutæ à rebus huius mundi vitam agerent, beatas prædicare, se ipsas autem, & pronubas, & diem, quo in matrimonium sunt collocatæ, millies execrari; eas ipsas post tantum fastidii rursus earundem rerum desiderio capi; hoc est, quod me propemodum obstupescit, ac dubitare cogit, & querere; Ecquid causæ sit; quamobrem quas res antea, cum in iis versarentur, fugiendas existimabant; has rursus, cum ab iis liberæ sunt, tamquam expetendas, persequantur. Ac multa quidem animo versans, mecumque ipse cogitans, vix tandè, ut puto, ad ipsam rei causam indagando perueni. Atque ea quidem non vna est, aut altera, sed plurius multæ. Partim enim ob tēporis longinquitatem priorum oblitæ, & ea tantum, quæ in manibus sunt, reco-

1. Cor. 7.

recolentes, veniunt quidem ad matrimonium, quasi ad id, quod omnia mala, quæ è viduitate, depellat; sed alia quædam ibi longè grauiora inuenientes, rursus easdem, quas antea, voces emittunt. Partim verò mundanis rebus rursus inhiantes gloriaque præsentis vitæ suspensæ, & viduitatem rem dedecoris plenam putantes, huius inanis gloriæ & tumoris causa ad easdem se reuocari sinunt matrimonii miseras. Nec verò desunt; quæ non huiusmodi causis adductæ, sed soli intemperantiæ manus dantes, rursus ad priorem vitæ rationem redeunt; ac veram causam occultare iis, quas diximus, prætexendis conantur. Atqui istas accusare, atque huiusmodi matrimonii nomine condemnare neque ipse ausim, neque alteri, ut audeat, autor sim; quando quidem aliter uisum est B. Paulo, uel potius Spiritui ipsi sancto. Nam cum dixisset, *Mulier alligata est legi, quanto tempore uir eius uiuit; quòd si dormierit uir eius, libera est, ut cui uelit, nubat; tantum in domino; atq; ita uiduæ potestatem fecisset rursus, si uelit, nubendi; addidissetque, Beatior autem est, si sic permanferit; ne quis putaret humanum esse præceptum; hæc adiunxit. Puto autem, quòd & ego Spiritum Dei habeam; planè ostendens spiritu dictante ista sibi esse conscripta. Ne quis igitur, quæ modò dicturus sum, in eam partem accipiat; quasi eas, quæ matrimonio se iungunt, reprehendam, ac criminer. Summæ enim arrogantia, ac furoris fuerit, quibus non interdixit Beatus ille, sed indulgit, has cõtra à nobis acerbè condemnari, idque cum sexcentis nos criminibus premamur. Etenim qui vel à iudicando abstinere, ne eadem mensura in nos iudicium exerceatur, atque in aliorum peccata minimè vehementes esse iudices iubemur; sed lenes, & ad veniam dandam faciles; si rem, quæ extra culpam sit, criminemur & condemnemus; quomodo non omnem nobis veniam præcidemus ex nostro in proximum facto in eam sententiam inducentes iudicem, ut in nos uicissim se præbeat durior? Non igitur ut illas accusem, ac pungam, huc oratione delatus sum. Quod enim in Domino fieri, potest, in id cadere crimen nullo modo potest. *Tantum, inquit, in Domino. Verum quemadmodum cum de virgi-**

virginitate verba facimus; non ut de matrimonii dignitate detrahamus, illam laudibus extollimus; ita cū de viduitate disputamus; non quidem ceu secundas nuptias in earum rerum numero, quibus interdictum sit, collocemus, mulieres, ut semel nupsisse contentæ sint, cohortamur. Sed fatemur quidem secundis etiam legem non violari; verū tamen vnas iteratis longè præstare non dubitamus. Atque in hac comparatione; cū vnum alteri præstare dicimus; nemo hoc ipsum, quod inferiorem locum tenere dicimus, vitium putet. Non enim illa inter se ideo conferimus; ut ipsorum alterum in rerum turpium ordinem reiiciatur: sed concedentes id legi cōsentaneum esse, nostroque arbitrio permissum, alterum tamen præ hoc lōgè pluris facimus, magisq; suspicimus. Quid ita? quoniam multum interest eandem mulierem vnius viri esse uxorem; ac duorum. Nam, cui prior fatis est; planè ostendit, neque ad illum ipsum se adiuncturam fuisse; si rei naturam usu ipso probè novisset. Quæ autem alterum sponsum in prioris cubile inducit; nā ista haud exiguum egregiæ erga mundum amicitiae, atque erga res terrenas propensionis indicium præbet. Atque illa quidem nec dum viueret vir, erga alium commota animo est: hæc verò, & si illo viuente ab aliis se pudicam feruarit; attamen multos alios magis, quàm illū suspexit. Sed ne ex hoc facto coniecturā de præterita vita faciamus; rē ipsam expendamus. Etenim quemadmodum virginitas matrimonio melior est; ita hoc matrimonio illud. Vidua enim de principio tantum virginitati concessit; ad extremū verò ipsi rursus æquatur, & coniungitur. Hoc verò matrimonium vtræque ex parte à virginitate abest. Huc accedit, eam quæ facile fert viduitatem, à viro quoq; dum viueret, sepe sibi continere solitam; eam verò, quæ rem maximè molestā putat, ita animū instituisse; ut non cū duobus solum tribusue, sed etiā multo pluribus, si ita fors ferat, sibi res habēda sit, ac vix extrema ætate abstinentum. Quemadmodū igitur matrimoniū illud magnæ honestatis, ac temperantiæ specimen est: ita hoc minime quidē dixerim molliciei, & lasciuiæ (absit) sed certè animi

infr-

infirmioris, & qui carni deditus sit, terræquæ affixus, nec magnum, atq; excelsum quippiam animo concipere vniquam possit. Quòd si quis obiciat, quod honestū est, suam tueri honestatem, siue semel obeatur, siue bis, siue sæpius, similiter enim honestum manere; quinetiam eum, qui sæpius functus est, laudabiliorem esse eo, qui rarius; respondimus huiusmodi sophisma incautioribus fortasse posse imponere; iis autem, qui animum aduertere voluerint, facile ad refellendum esse. Matrimonium enim nō corporum cōmissio facit (ita enim & fornicatio matrimonium esset) sed quòd ea, quæ nupta est, vno viro contenta est.

Atque hoc inter meretricem, atque ingenuam, pudicamquæ mulierem interest. Quòd si vno viro contenta perpetuo sit; coniunctionem istam matrimonii nomine verè appellaris. Sin pro vno multos sponso in donum inducat; non equidem fornicationem audeo dicere; sed illud quidem contendam, hanc illa, quæ vnum dumtaxat virum nouit, longè inferiorem esse. Illa enim audiuit Dominum, cum ita diceret. *Propter hoc dimittet homo patrem, & matrem suam, & adhærebit uxori suæ; & erunt duo in carnem unam; ac viro adhæsit, perinde ac verè sua caro esset; neque oblita est semel sibi impositi capitis. Hæc vero nec priorem nec posteriorem virum propriam carnem reputat: vicissim enim alter alterum eiiciunt. Neque enim mulier prioris viri memoriâ satis rectè colere poterit; quæ post illum alteri nupsit; nec posteriorem iusto amore prolequetur, magna adhuc cogitationum ac mentis parte in eum, qui obiit, deriuata. Ita fit; vt neutri is, qui viro debetur, amor, atque honos ab vxore exhibeatur. Ecquid verò animi putet posteriori sponso esse; qui in prioris thalamum ingreditur; & illius lectum scandit; ac præterea illius vxorem iocantem, ac ludentem videt? Valdè quidem commoueatur, neque ad illam magno cum amore accedat, necesse est. Nam tamen si omnium hominum durissimus sit; non tamen ita exuere omnem humanitatē potest; ut humano quodam sensu non afficiatur; etiam si illa sexcentis ornamentis & seipsam & domum compserit. Dolor enim altè iam animo in-*

tixus

Matt. 9.

fixus non finit puram, & sinceram ad ipsius animum allabi voluptatem. Sed quemadmodum in muris vsu venit, ut cum pars aliqua valde exulta est, licet postmodum dealbetur; subiectus tamen, ac profundus nigror candorem tectorii obsecuret; atque iniucundū sanē spectaculum præbeat; ita & hac in re, tametsi multa splendida excogitentur; in mediis tamen ipsis eminent tristitia; ac molesta quædam ex iis mixtio fit. Nam, & serui, & ancillæ, & agricolæ, & inquilini, & vicini, & gentiles prioris viri demisso, ac tristi vultu intuentur, quæ fiunt; ac gemunt. Quod si præterea pupilli affuerint; si quidem valde pueri sint; magnum ab iis, qui de rebus iudicare queunt, in matrem odium excitant: sin autem puberes; tantam, quantam vix aliud quicquam, viro molestiam comparant. Quæ quidem omnia cum legislatores animaduernerent; & eos, qui propterea anguntur, consolari vellent, & simul sui facti rationē reddere, quod non ex principali proposito, neque, si vtrumvisliceret, huiusmodi matrimonium instituerent; sed tantum metu adducti, ne grauius aliquod malum existeret; secundas nuptias omni illa splendida pompa spoliarunt; neque enim tibia, neque plausus, neque hymenæus, neque choreæ, neque coronæ nuptiales, neque aliud quicquam eiusmodi vespèram illam ornant; sed hæc omnia auferentes, sic non coronatum virum ad viduam mulierem adducunt; tantum non per hæc clamantes, quæ fiunt, omnia esse quidem eiusmodi, quibus uenia detur, sed laudibus, coronis, plausibus minimè digna. At enim obiciet quis; cur igitur Paulus prohibet; ne Iuniores etiam, si velint, viduæ mancant? ita enim scribit; *Adolescentiores autem nidas deuota*. Non sanè Paulus impedimento est; quominus quæ volunt seruare virginitatem, queant; sed ipsæ potius sunt; quæ Paulum eò necessitatis adegerunt; ut præter animi sui sententiam hanc ipsis legem ferret. Nam si Pauli sententiam uis cognoscere; audi, quid dicat. *Volo omnes homines esse sicut me ipsum*: id est continentiam seruare. Quamobrem non sibi ipsi aduersatur beatus ille, neque adeò lapsus est, ut inter se pugnantia loqueretur; nec qui uelit omnes ho-

1. Tim. 5.

1. Cor. 7.

mines colere continentiam, obflaret, quominus, quæ volunt, viduæ maneat. Quid igitur verba illa sibi volunt? *Adolescentiores autem uiduas deuota*. Attendamus obsecro, quæ causa & quam ob rem. Non enim ista absolute protulit, sed

1. Tim. 5. progressus oratione adiunxit: *Cum enim luxuriatæ fuerint in Christo, nubere uolunt*. Vides non eas, quæ viduitatem se uare uolunt, sed quæ postquam in viduitatem inciderunt, nubendum sibi statuunt, ab illo prohiberi, ne viduæ maneat; ne ve in sacrum illum chorum admittantur; id quæ valde sapienter. Nam si alteri matrimonio illiganda es; neque spondere etiam viduitatem debes. Nam post promissionem mutare sententiam longè deterius est, quàm neque omnino promittere. Quemadmodum igitur assiduam liberis operam dare permisit, nō quidem legem statuens, sed ipsis indulgens, sic enim inquit, *Hoc autem dico secundum indulgentiam, nō secundum imperium propter incontinentiam uestram*; ita hoc etiam loco grauioris mali metu secundum instituit matrimonium, ostendens hoc quoque indulgentiæ esse ad multorum infirmitatem sese accommodantis, ac demittentis. Infirmitatem autem dico non potentiæ, sed voluntatis, ac propositi. Nam quemadmodum uirgo, si post promissam uirginitatē se violari fuerit; facinus adulterio grauius perpetravit; ita & uidua, quæ semel promissit, si deinde pactiōem cum Deo factam cōculcans eodem crimine se polluerit; eidem quoque supplicio obnoxia est, ac fortè etiam, si licet mirum quiddam dicere, longè maiori. Non enim idem est, ut initio dicebam, imperitam, atque usu iam edoctam iisdem succumbere tentationibus. Neque verò hoc loco dumtaxat; sed etiam paulo post, cum hæc premisisset, *Volo ergo iuniores uiduas nubere, filios procreare, matres familias esse*, causam subdit, cur istud velit: quæ ea est? *Nullam*, inquit, *occasionem dare aduersario maledicti gratia*. Nam quoniam verisimile est multas eo tempore uiduas post viri obitum licentius, magisque arbitrato suo viuere solitas, à viri societate, quasi à necessitate quadam, ac dominatu liberar; ita ut impudentiæ nomine malam de se opinionem afferrent; abducēs ipsas ab illiberali hac, & pestifera libertate,

tate, rursus ad pristinum iugum adducit. Nam si, inquit, futurum est, ut uiduitatem præferens clam fornicetur, ac seipsam dedecoret; longe satius nubere, ac nullam occasionem dare aduersario maledicti gratia. Quamobrem, ne occasiones maledicta iaciendi dent, ac vitam meretriciam, contumeliisque obnoxiam agant; matrimonium præcipit. Audi, quot præterea sint, quæ ipsis vitio veritat. Nam cum deberent omne suum tempus orationibus, & supplicationibus instare; istæ verò, inquit, *Et ociosa discunt circumire domos; non solum ociosa, sed & uerbose, & curiose, loquentes, quæ non oportet.* Hæc verò ipsi minimè probantur; sed vult perpetuo affixas esse rebus spiritualibus. Nam, *quæ in delitijs est, inquit, uiuens mortua est:* quandoquidem, & virginem ipsam vult bonum hoc suum non corporis castitate definire, sed vniuersum ocium suum Deo consecrare, atque illi perpetuo deferuire. Ita enim scribit. Porro hoc ad utilitatem uestram dico, non ut laqueum uobis iniiciam, sed ad id, quod honestum est, & quod facultatem præbet sine impedimento dominum obsecrandi. Non enim ipsam patitur diuisam esse, sed totam rebus spiritualibus, ac coelestibus hærare vult, & quæ Domini sunt, curare. Ad eandem vitæ rationem uiduam quoque uocat, dicens. *Quæ autem uerè uidua est, & desolata; sperauit in Deum; & instat obsecrationibus, & orationibus nocte, & die.* Quando igitur ocium, quod in Euangelicis negotiis insuendum erat, id non modò in rebus superuacuis, atque inutilibus, sed etiam valde noxiis perpetuo impendunt; idcirco ad matrimonium eas rursus adducit. Nam quemadmodum Iudæis Sabbatum dederat Deus, non ut ociarentur dumtaxat, ac p'anè cessarent; sed ut sese à turpibus actionibus abstinerent; ita uidua, & uirgo, non ut satis habeant uiris non misceri, hanc sibi deligunt vitam; sed ut ea, quæ Domini sunt, curent, atque se totas in Dei cultum conferant. Sit ita sanè, inquiet aliquis. Verum intolerabile malum erit, mulierem nullo rerum usu peritam ea, quæ ad viros pertinent, subire cogi; neque enim ipsa perinde atque ille, tractare, atque administrare res poterit; atq; hinc

nihil aliud lucrabitur, quàm molestias, ac fortunarum ruinam. Ergo quęcumque à secundis nuptiis abhorrerunt; omnia sua pessum dederunt, omnia perdiderunt; neque mulierem viduam inuenias, quę rem suam rectę gerat? Tergiuersationes ista sunt, ac prętextus, proprięquę infirmitatis integumenta. Multę enim pręclarior, quàm viri & domum administrarunt, & filios pupillos educauerunt; & bona, quę acceperant, partim auxerunt, partim non minuerunt. Nam ab ipsomet initio non omnia viris commisit Deus; neque ab ipsis solis pendere, quę ad vitam pertinent, voluit; ne si mulier nihil ad vitam conferret, despiciatui duceretur. Quamobrem id prospiciens Deus non inferiore illam loco constituit; atque id ab ipsomet initio clarum faciens, dixit. *Faciamus ipsi adiutorium*. Etenim ne eò quòd ipse primùm factus est, ac per ipsum formata mulier, magnos aduersus illam spiritus vir sumeret; hoc adiutorii verbo tumorem ipsius compressit; ostēdens mundana negocia nihilo minus mulieris, quàm viri egere. Quę nam igitur ista sunt? quibusque in rebus ad vitam instituēdam, ac sustentādam nobiscum mulier societatem init? Sanē, quoniam ad pręsentis vitę statum componendum nō minus priuata, quàm publica negocia faciunt: hęc disparties Deus, forensia quidem viris commisit, domestica autem mulieribus: ac si munera, officiaq; ista commutentur; omnia corruent, ac peribunt. Tanto vterque vtiior altero in suo munere obeundo est. Igitur, si domestica ex muliebri scientia pendent; atque ista in re tantum viro mulier pręstat, quantum rudi homini artifex in rebus, in quibus artifex est; cur uanum nobis timorem incutimus? Nam peregrę quidem proficisci, multaquę domum apportare, uiro- rum tantummodo est; mulieribus autem lucro operam dare, minimē fas est; at quę sunt apportata custodire, ac tueri, ipsius solius est. Ac tametsi pręstantius quiddam uideatur acquirere, quàm tueri; atramen, si hoc absit, illud quoque inutile, ac uanum. Sępe verò etiam si hoc adsit, illud non solum nihil profuit, sed etiam cuncta euertit. Valde enim difficile est, hominem foris negociantem, atque ampli-

plificando patrimonio operam nauantem, iuste quaestum facere. Maiorem enim partem ex alienis isti calamitatibus crescunt, ac suum negocium gerunt; sicque mulieris arti, & gubernationi saepe officiant ea, quæ per iniustitiam, & vim parta in manus ipsius peruenerunt. Quamobrem & si maius aliqua ex parte sit acquirere, quam conseruare; tamen altera ex parte minus esse deprehenditur; quando non solum ad bonorum amplificationem nihil confert, sed etiam perdit iam reposita. Quid igitur metuat vidua, ne viri absentia res domesticæ deterius se habeant; quarum viuente etiam uiro ipsa procuracionem susceperat? At facilius, inquiet, gubernabat; cum metu illius nemo reluctaretur, nemo molestiam afferret. Nam & famuli, & oeconomi, & uicarii, ac reliqui omnes illum metuentes ad parendum aderant prompti, ac parati; ac nemo erat; qui contra diceret. At eo, quem metuebant, e medio sublato, omnes viduæ mulieri insultant; in suo munere improbe versantur, confidentes sunt, atque omnia peruertunt, ac dissipant. Quod si vlcisci, ac vindictam sumere uelit, vinciens, verberans, in carcerem coniiciens; tum verò in multorum reprehensionem, criminationem, contumelias incurrit: negari ista plane non possunt. Cæterum si fidem ei, qui abiit, datam fregit, atque illius amorem obliuione deleuerit, & vesperam, qua ille ad se primum accessit, & plausum, & hymenæum, & faces nuptiales, & primos amplexus, & mensas, & cætera omnia, quorum una cum illo per omne tempus particeps fuit, & verba, quæ à viro magna cum uoluptate uxorem audire verisimile est; si hæc, inquam, omnia, perinde ac si numquam fuissent, repente abiiciat, atque alteri viro fores aperiat, ipsumque ad illud cubile admittat, quod prioris illius fuerat, & rerum omnium priorum conscium est; nemo ne erit, qui reprehendat, nemo qui criminetur? nemo qui odio prosequatur, ac perfidam, inhumanam, foedifragam uocet, atque huiusmodi aliis conuiciis oneret? Non enim si beatus Paulus rem istam permisit, propterea laudibus dignam putes, ac quæ multorum reprehensionem fugiat: poena tantum, ac supplicio caret;

caret; laudes quidem, & encomia non est, quòd se repor-
 tare posse speret. Nam & mollem, atque ad libidinem pro-
 cliuem esse, ac ne ieiunii quidē tempore, aut quouis alio
 ab vxore abstinere, longē quidem, & multum à supplicio
 abest; non tamen propē eò, ut laudari possit, accedit. nam
 hæc ipsa permissio nihil aliud est, quàm signum magnę cu-
 iusdam infirmitatis, ac socordię. Quamobrē si illud times,
 ne famulis increpandis, ac puniendis audacię subeas opi-
 nionem; illud vicissim cogites, multò magis pertimescen-
 dum esse; ne tantū molliciei, libidinis, perfidię crimen su-
 beas. Præterea verò licebit viduę meliore quadam ratione
 rebus suis cōsulere; ut & magnam partem in tuto illas col-
 locet; & non solum reprehensionem fugiat, sed etiam ab
 omnibus laudetur; quodquē præcipuum est, mercedes il-
 las, quę à Deo præbentur, reportet. Nam si pecunias in cę-
 lo sibi deponendas censuerit, ibiquē tamquam in Asylo
 quodam defodiendas; non solum nō minuentur; sed mul-
 tis partibus maiores fient. Talis enim est huius sationis na-
 tura. Quòd si infirmiore animo est, quàm vt perfectæ illi
 legi implendę par sit, neque omnia simul eò traicere vult;
 illud rursus cogitet, si uirum accipiat, non continuò talem
 accepturam, qui bona amplificet. Quòd si etiam talis sit;
 non solam pecuniarum accessionem considerare cum ani-
 mo suo debet, sed illud quoque, fore, ut multis in re-
 bus Deum, atque homines lædere cogatur. Nam si ille ex
 numero potentium, atque opibus abundantium fuerit;
 multa illam præter sententiam & facere, & ferre coget.
 Et quod à viduitate metuebat; id illi nunc multò grauius,
 & violentius imminebit. Adde euenire facillimē posse,
 vt celeerrimam faciat mutationem. Nam dum uidua est,
 etiam si aliquod in bonis detrimentum accipiat; reliqua
 tamen illi salua, atque incolumia manebunt. At poten-
 ti uno, & Rempubicam, uel aliam quampiam procura-
 tionem gerenti matrimonio iuncta, sæpē omnia simul a-
 mittet. Calamitatum enim, quę uiris accidunt, uxores
 quoque participes sint oportet: Sed esto, nihil eiusmodi
 accadat; ecquid lucri, dic mihi, seruitutem libertati ante-
 ferre?

ferre? ecquid utilitatis diuitiæ afferunt; cum illis arbitratu suo uti minimè queat? nonne multo præstabilius est, pauca ita possidere, ut illa in potestate habeas, quàm omnia, quæ in orbe terrarum sunt, ea conditione, ut unà cum illis te quoque alteri subiicias? Mitto nunc curas, contumelias, conuicia, zelotypias, inanes suspiciones, dolores pariendi, & reliqua id genus. Hæc enim rectè tunc afferuntur, cum ad uirginem sermo habetur; quippe quæ rudis, atque imperita est huiusmodi difficultatum: viduæ autem narrata molestiam potius afferent. Quæ enim usu ipso optime didicit; ea si ipsam uerbis docere uelis; frustra operam sumas. Neque uero par utriusque conditio est; sed magno quodam bono ea, quæ uirgo nupsit, uiduam excellit. Nam quæ uirgo nupsit; multo maiore cum libertate, ac fidentia uiro utetur; quàm, quæ post uiduitatem. Nā hanc qui acceperit; ut uxorem amare potest; ut uirginem, non potest. Quàm uerò amores illi his uehementiores, & magis quodammodo insani sint; nemini non exploratum est. Viduam enim tamquam uiri non omnino insciam minimè toto animo complectetur, atque amabit. Omnes enim ferè homines, ut ita dixerim, solemus siue zelotypia, siue inanis gloriæ studio, siue nescio qua alia causa adducti, eas res præcipuè in amore habere; quibus, antequam in aliorum potestatem uenerint, nostris fruimur, quarumquæ nos primi, ac soli domini sumus. Id & in vestimentis usu venire facile animaduertas: non enim ea, quibus alii usi sunt, eque cara habemus, atque illa quibus nemo. Idem in domo; idem in uasis: domum enim nobis ab alio traditam, non perinde amamus, atque illam, quam nobis ipsi parauimus. Ac uasis, quæ nuper facta sunt, nobis: quæ primùm vsui fuerunt, valde parcimus, magnumque illis conseruandis studium impendimus. Quæ autem ab aliis ad nos uenerunt, non magnopere in deliciis habemus; sed adeò auersamur, ut sæpè in aliam conuertamus formam. Quòd si in domo, in veste, in uasis hoc animo sumus; cogites uelim, in uxore, qua nihil hominibus prætiosius est, quanto acrius, ac uehementius nos affici consentaneū sit.

Nam

Nam alia quidem nec iis, qui cupiunt, recusamus commu-
nicare: hanc autem minimè fas est; ac citius vitam profun-
deremus, quàm id ferre animum induceremus. Virginem
igitur spòsam, quemadmodum dicebam, omni animi im-
petu complectetur; eam verò, quæ alteri prius conuenit,
non æquè beneuolis, atque amicis oculis aspiciet. Neque
tu mihi, quæ rarò, ac vix semel eueniunt, afferas, sed quæ
quotidie in communi vita cernuntur. Neque verò hæ so-
læ causæ sunt; cur illa fidentius agat; verùm etiam aliæ mul-
tæ. Nam viduæ quidem maritus facile illi exprobrare pote-
rit, se quoque ab illa paruifieri, ac despicientiæ indicium
proferre infidelitatem, quam erga priorè virum adhibuit;
atque ita os illi obstruere; vt neque de præteritis rebus, ne-
que de iis, quæ fortasse futuræ non sunt, uerbum hincere
queat. Mortui enim viri contemptus, viuentem quoque,
vt idem sibi expectet, admonebit; falsò fortasse, sed admo-
nebit tamen. Neque verò ille solus hæc perpetuò uxori
obiiciens molestus erit, sed famuli etiam, atque ancillæ,
si minus palam, certè tacito quodam murniure sexcentis
ipsam cōiiciis incessunt. Quòd si filios impuberes ex prio-
re viro habuerit; quomodo illos educabit, quomodo cu-
rabit? Quibus autem pupillis non illi miserius viuunt; qui
paterna omnia in alterius potestate videbunt, famulos,
domum, prædia, & quod caput omnium est, uxorem? quo-
modo matris loco ipsam colere illi poterunt? quomodo
ipso illa filiorum loco diligere? quos cum intuetur, eru-
bescat, ac pudore suffundatur, necesse sit? quibusque non
omnem impedere maternum affectum potest, magna ani-
mi, atque amoris parte in filios, quos ex altero suscepit,
translata? Quid igitur, inquires, si ualdè tenera ætate fuerit,
atque exiguo tempore frui uiro potuerit? Quin ad puel-
las hæc mihi dicta sunt, non illas, quæ iam senuerunt. Nam
cum illis, si ad nuptias animum adiciant, ne verbum qui-
dem mihi faciendum putem. Scilicet nostra illis oratio à
secundo matrimonio abstinendum persuaderet; quod ne-
que temporis longinquitas, neque ætas, neq; aliud quic-
quam persuadere potuit? Sed ad iuuenes omnis mihi est
instituta

instituta oratio. Quæris igitur, quid si puella, & quæ vno tantum anno cum priore viro fuerit, alteri nubat? Imò verò, si in tam tenera ætate viduitatem seruet; habet, unde ei, quæ viginti, trigintaue annos in matrimonio vixit, præferatur, plusquæ honoris reportet. Non hoc meum est, sed B. Pauli. Ille enim est, qui inquit. *Beatior autem erit, si sic permanserit.* Cæteroqui, tametsi illa diu cum viro vixit; tamen cum vno, eodem, ac solo, quemque ab initio accepit: hæc autem duobus se ipsam dedit, idque intra breue tempus. At non uoluntate sua, inquit: nam si prior viueret; vnum illum amaret, præterea neminem. Nunc quando ille citius, quàm oportuit, diem obiit; necessariò alterum quærere matrimonium cogitur. Sed qualis est hæc necessitas? Ego enim hac, quam affers, aliam longè maiorem mihi uidere videor, quæ ipsam mortuo uiro conferuare sufficiat; nimirum gustando percepisse, quantum amari insit in rebus mundanis. Nam, quæ in ipsis perdiu versata est, & callum obduxit; ad easdem rursus se conferret, quasi similes inuentura. Quæ autem principia ipsa adeo molesta experta est; quid sibi uolens, aut sperans, earum, quæ posthac maiores supersunt, molestiarum periculū faciet? Nam quemadmodū is, qui ad mercaturā animū appulit, si antequā quicquā lucri faciat, simul ac ē portu exiit, naufragium fecit; facile, opinor, omnem post hac negotiandi cogitationem abiiciet; ita consentaneum est, hanc multa sibi ē matrimonio iucunda pollicentem, verū antequam ad ea benè percipienda peruenire queat, tantum incommodorum, ac luctus deprehendentem, rerum humanarum amorem, nisi ualdè sit intemperans, deposituram. Quinetiam si ualdè iis afficiatur, atque inhiet; principii, tamen iniucunditas satis idonea est, quæ omnem extinguat cupiditatem. Tunc enim in iis, quæ suscepimus, potissimum perseverare consueuimus; cum principia ipsa ex sententia processerint: quòd si ab initio, atque ab ipsis, ut ita dixerim, carceribus in molestias ac difficultates incurrimus; statim cupiditas deferuet, ac totum negotium deponimus. Quamobrem, quarum immatura

viduitas est; has mihi alterum matrimonium facilius repudiaturas uerisimile uidetur; ne eadem rursus perpetiantur. Nam quæ seruat uiduitatem; in tuto se collocabit; nec similem posthac luctum timebit: quod sanè facere illa cogetur; quæ secundo matrimonium contraxit. Huc accedit eandem quidem esse uiduitatem; non tamen eandem omnibus uiduis propositam esse mercedem, sed uni ampliore, alteri parciorem. Quæ enim ab adolescentia iugum susceperunt; multo maiore honore potientur, atque amplioribus muneribus: quæ autem in ipsa iam senectute; non æquæ, atque illæ. Quid ita? quòd illa quidem, cum multa obstarent, ob Dei timorem omnia sibi perferenda duxit; huic autē nullo sudore, ac labore opus fuit: quis enim labor; ubi nullus aduersarius, nihil quod vim afferat? Quemadmodum igitur, quæ se ipsam alteri uiro dedit, ei, quæ unicuique agnouit, concedat oportet; ita quæ in ipsomet ætatis flore in uiduitate perseuerat, longo intervallo eam, quæ in senectute uirum amisit, anteibit. Atqui utraque unum habuit uirum; sed hæc tamen ipsum castitatis curriculum confecit; illa uerò longo abest intervallo. Igitur non ad laborem solum, sed etiam ad mercedem fac spectes. Sic pleraque uirtutum officia difficilia nobis uidentur; cum sudores, atque ærumnas, quæ lubeundæ sunt, assidue animo uersamus; neque proposita illis præmia animaduertimus. Quod minimè faciendum est, sed circumspicis simul laboribus, ac præmiis, summa subducenda. Tunc enim, quemadmodum uerè sunt; ita à nobis perfacilia iudicabuntur. Ita qui in bello præclare se gerit, non vulnera dumtaxat, prolapsionesque, ac mortem, sed etiam trophæa, uictorias, ceterosque honores omnes reputans, rationibus benè subductis in aciem fortiter descendit. Sic Agricola non solum laborem, qui arando, ac fodiendo sumendus est, sed etiam aream, ac torcularia sibi ob os, atque oculos proponens alacriter opera sua urget. Itidem igitur, & nos spe bona ærumnam uiduitatis leuem reddemus; atque eò magis nos, quàm illi; quòd illis quidem multa sapè ex iis, quæ in ipsis sita non erant, expectatio-


stationem præciderunt. Nostras autem spes nemo est, qui fallat; nisi voluntas nostra accesserit. Quæ utinam non accedat; sed illud nobiscum cogitantes viduam à uirgine non procul abesse; usu etiam interdum venire, ut illam antecellat; nimirum, cum Virgo negociis se implicarit; Vidua autem ex Pauli sententia desolata, & in Deo spem ponens insteterit obsecrationibus, & orationibus, atque ab huius vitæ negotiis abstinuerit; in arenam hanc descendamus; ut quæ inde nos manent præmia, consequamur. Hæc, non quò necessaria iudicemus, attulimus; aut quò illas, quæ in viduitate permanere nolunt, condemnemus; sed hoc vnum cohortatione, admonitione quæ nostra agentes; ut ne terræ perpetuo affixæ herere velint, sed semel solutæ in libertate maneant, ad cælum aspirent, cœlestem viuendi rationem exhibeant, ac iunctæ Christo ea omnia præstent, quæ tanti sponsi compotes decent.





IN BEATI IOANNIS
CHRYSOST. SENTENTIAS,
QVAE AVT VITIO INTERPRAETIS,
AVT QVOD NONNVLLA OPERA

FALSO IPSI ADSCRIBANTVR,
PIAS LAEDERE AVRES POSSVNT.



*Et primo in quartum Tomum, qui
praeipuus est.*



VONIAM sermones D. Ioannis Chrysostomi in D. Pauli Epistolas duobus voluminibus Basileæ anno 1536. impressi circumferuntur; in qua editione sexdecim etiam priores in Epistolam ad Romanos Homiliae à Musculo versæ sunt (nam in posterioribus omnium operum editionibus, huius versionis loco Germani Brixii versionem substituerunt); id circo faciendum putauimus; ut primum, quæ in illis impura iudicauimus, notaremus.

IN

NOTATIONES
IN HOMILIA PRIMA Pag. 1.

213



AVLV[S] Seruus Iesu Christi] Qua, quæso
ratione illius nomen Deus immutans, cum
Saulus esset, Paulum vocauit? Ne quid minus
videlicet reliquis Apostolis haberet, sed quod
Apostolorum Coriphæus quasi præcipuum ha-
beret, hic quoque possideret; imo maioris dispensationis
causam acciperet]. Locus hoc pacto versus sine dubio vi-
detur Paulum Petro præferre; perinde, ac Paulus maioris;
quàm ille, dispensationis causam acciperet; idque struit
Musculus; ut summæ illi Petri, (quod si Petri, multò ma-
gis & successorum) auctoritati deroget, quantum potest
Chrysostomus autem nihil eiusmodi sibi vult; sed hoc vnū
significat, Paulum, quemadmodum & Petrum ex muta-
tione nominis accepisse argumentū maioris familiaritatis
cum Deo; quàm si mutatum nomen non esset. Ita in ve-
teri testamento Abre, & Iacob mutatio nominis fuit ma-
ioris cuiusdam necessitudinis monumentum. Idem notat
Theophylactus in filiis Zebedei euenisse; qui à domino
Bonaerges sunt appellati. Ideo verba illa καὶ πλείονος οἰκειώσεως
ὑποθέσιν λαβὴν, optime à Brixio vertuntur [& maioris neces-
situdinis argumentum obtineret] Neque enim οἰκειώσεως si-
gnificat dispensationem, sed necessitudinem & familiarita-
tem. Et vocem illam [imo] manifestò Musculus de suo
apposuit; ut viderentur sequentes illæ voces [maioris
dispensationis] Paulum Petro præferre. Quàmverò ac-
curatè Chrysostomus Petri auctoritatem tueatur, alibi
ostendimus.

I B I D E M.

[Opus enim illius est, qui seruum facit] Inapta uersio;
& quæ ineptam sententiam præferre queat. Græce est:
τὸ γὰρ ἔργον τοῦ ποιήσαντος δούλον, idest opus enim ipsum effecto-
ris seruum est.

IN

✠



AFFECTVM itaque carnis malitiam dicit, & affectum spiritus, gratiam nobis datam, energiamque bonę voluntati diuinitus decretam. Explicans Chrysostomus, quid sit sapientia spiritus, inquit sapientiam carnis nominari à Paulo vitiositatem, sapientiam vero spiritus, gratiam datam, & actionem illam, quę ex optima electione censetur; nimirum, ut ubique statuatur duo illa bonarum actionum initia, gratiam, & electionem, idque perspicue sonant verba gręca. τὴν χάριν τὴν δεδομένην, καὶ τὴν ἐνέργειαν τὴν τῇ προαιρέσει κρινομένην τῆς κρισεως. Musculus verò ita vertit, ut solius gratię mentionem faciat, diuinitus energiam bonę uoluntati decernentis; scilicet ut uoluntas non liberè, sed ex decreto agat.

IN EADEM PAGINA 105.

[Quòdque cum Angelis dissidendum, certandumque. Hoc est enim mortificare carnem, nimirum uitam uiuere eternam] Quo pacto ista cohæreant [cum Angelis dissidendum; hoc est enim mortificare carnem] si reperiatur, mirabor. Fortasse Musculus in codicem, quo usus est, culpam reiiciet. Erat tamen hominis intelligentis tam insigne mendum animaduertere. Veronense exemplar ita habet. ὁ δὲς ὅσα κακὰ ἐκ τοῦ μὴ ἔχειν πνεῦμα ἀζνοῦ; θάνατος ἐστὶν χθρὰ εἰς θεὸν τὸ μὴ δυνάσθαι ἀρῆσαι τοῖς ἐκείνους νόμοις, τὸ μὴ εἶναι, ὡς χριστοῦ τὸ χριστοῦ τὸ μὴ ἔχειν αὐτὸν ἐν ὁσὶ καὶ σκόπει τὸ νῦν καὶ ὅσα ἀγαθὰ ἐκ τῆς πνεύματος ἔχειν, τὸ χριστοῦ εἶναι, τὸ αὐτὸν ἔχειν τὸν χριστόν, τὸ τοῖς ἀγγέλοις ἀμιλλᾶσθαι. τοῦτο γὰρ εἰς νεκρῶσαι τὴν σάρκα, Animaduertédū tamē uerba illa, ὡς χριστοῦ τὸ χριστοῦ, in Vaticano exēplari ita melius legi, ὡς χριστὸς τοῦ χριστοῦ; ut significetur sine spiritus sancti societate hominem non esse Christi eo modo, quo oportet; id est esse quidem subiectum illius, potestati, sed non acceptum uoluntati; & si fidem nudam habeat, esse membrum Christi numero, non merito. Totus igitur locus ita uertendus. [uides, quot mala ex eo, quòd spiritus Sanctus non habetur, proficiscuntur? mors, inimicitia

amicitia in Deum, non posse illius legibus obtemperare, non esse Christi eo modo, quo oportet, non habere ipsum inhabitantem. Considera itidem, quot bona existunt ex eo, quod spiritus habetur; Christi esse, ipsum habere Christum, Angelos æmulari, & cum iis quasi certare. Hoc est enim mortificare carnem]

I B I D E M.

[Deinde eadem quoque ratione adiecit, peccato, ut discas, quod malitiam non omnino funditus una uice à natura corporis abstulerit] His uerbis nihil & ueritati, & auctoris sententiæ magis repugnans. Chrysostomus enim Valentini, & Manicheorum (quos nostræ tempestatis hæretici imitati sunt) pestilentes hæreses uehementissime oppugnans, cum aliis locis, tum hac potissimum tota homilia id agit, ut naturam ipsam non solum mentis, sed etiã carnis esse bonam demonstret, atque habitasse quidem in ea peccatũ, uerũ totũ per Baptismũ auferri; ut nihil iã sit in renatis, quod propriè peccati rationem habeat; ideoq; à Paulo uocari corpus mortuum, non absolutè, sed peccato *ἵνα μάθῃς, ὅτι τὴν πονηρίαν, οὗ τὴν φύσιν τὸ σῶματος κατὰ πάσιν ἀνέλεν*, idest, ut discas, quod Spiritus Sanctus inhabitans non ipsam naturam corporis, sed uitiositatem semel destruxit] Ceterũ hoc quoque loco Musculus codicem causari fortasse potest. Nam & in Veronensi mendum est. Facile tamen ad deprehendendum erat. In Vaticano quidem, & aliis manuscriptis exemplaribus ita sine ulla litura legitur, quemadmodum nos recitauimus. Eadem hæc sententia sæpè à Chrysostomo repetitur. In vndecimo potissimum sermone in Epistolam ad Philipenses de baptismo agens hanc rem copiosè explicat. *οὕτως πάσαν ἡμεῖς αὐτοὺς καίαν* & quæ sequuntur. Hæc pauca ex illis Homiliis notasse satis sit. Nunc editionem omnium Operum Parisiis 1556. impressorum nobis proponentes (nam quamuis nonnullæ recentiores sint, nihil tamen noui addiderunt) à quarto tamen uolumine, quod primum cum græco exempla-
ricon-

ri conferre iussi sumus, initium sumentes, institutum persequemur.

EX PRAEFATIONE IN EPISTOLAM
AD ROMANOS.



IQVIDEM & Aggeus, & Zacharias, & alii aliquot post Ezechielem, & Daniele, prophetias ediderunt, & multi item post Ionam, & Sophoniam, cæterosque omnes: sed tamen cum illis omnibus coniuncti sunt, à quibus tanto temporis intervallo distant, ad verbum ferè ex græco exemplari impresso: sed sententia prorsus nulla. Nā significatur multos, qui prophetias ediderint post Ionam, & Sophoniam, & cæteros omnes, qui duodecim minores prophetae dicuntur, coniungi in bibliis cum illis duodecim: quod neque ad id, quod sibi uolebat Chrysostomus, quicquam facit, & multis modis perspicue falsum est. Neque enim prophetae post illos duodecim extiterunt; neque, ut extitissent, ullius scripta habemus. Optimus, & peruetustus Vaticanus codex ita habet. καὶ πολλοὶ μετὰ τὸν Ἰωνάν; ubi impressus, καὶ πολλοὶ μετὰ τὸν Ἰωνάν. Ita unius literulae restitutione totus locus, qui me diu torserat, restituitur. Hoc enim modo uertemus. [Siquidem & Aggeus, & Zacharias, & alii aliquot post Ezechielem, & Daniele prophetias ediderunt, ac multo post Ionam, & Sophoniam, cæterosque omnes; ut illud indicetur, quamuis Aggeus, Zacharias, Malachias propius abfuerint ab Ezechiele, & Daniele, quàm à Iona, Sophonia, & cæteris illis antiquioribus, tamen ratione temporum minimè seruata, coniunctos potius fuisse in bibliis cum uerustioribus illis, quàm cum Ezechiele & Daniele: cuius rei causam fuisse prædictionum breuitatem, ut alios nunc omittam, docet Theodoritus initio commentariorum in duodecim Prophetas. Hanc esse Chrysostomi germanā sententiā constat etiam ex Theophylacto: qui de hac eadē re loquens, inquit, πολλὰ διεσκέτισε ἀλλήλων.

IN

O T A T I O N E S 217

IN HOMILIA SECV N D A

Colum. Decimaqu. nta.



SI QV IDEM & tum Romanorum Imperium
sapienter regebatur; quod si modum ignoras
nolito ægreferrè; Non puto hoc affirmare vo-
luisse Chrysoſtomum tunc ab improbis illis
Tyrannis sapienter eſſe adminiſtratum impe-
rium Romanum. Sed perpendebat Pauli modeſtiam; qui
cum illuc uſque prohibitum ſe à Deo intelligeret, quomi-
nus ſuam Romanos uiſendi auaritiā expleret; cauſam
tamen non exquirebat, cur prohibitus eſſet; ſed omnia
ſua tacitus, ac libens ſapientiſſimo, & amantiſſimo illi Pa-
tri committebat. Inducit igitur Chryſoſtomus ſe ipſum
cum Paulo ſermocinantem, atque oſtendentem meritò
tali illum animo præditum fuiſſe: nihil enim cauſæ eſſe;
cur diuinæ uoluntatis cauſas curioſius ſcrutaretur. Quod
ſi pro Romanorū ſalute laboraret, bono illum animo eſſe
oportere, *ἐπεὶ καὶ τότε σοφῶς ἐκονόμει τὰ τῶν ρωμαίων*, ideſt, quoniā
etiam, dum tu Paule abes, ea quæ ad Romanorum ſalutē
pertinent, ſapienter Deus adminiſtrabat. Nihil igitur lo-
quitur Chryſoſtomus de imperio, ſed de ſalute Romano-
rum; quam cum Paulus procuraturus eò uellet accede-
re; prohibitus tamen erat, aliis interea modis diuina pro-
uidencia illorum incolumitati conſulente.

IN HOMILIA TERTIA

Colum. vigefimaquarta.



QUID igitur faciendum erat? ad neceſſitatem,
& vim veniendum? at hoc non licet fortibus,
ac uirtute præditis] Non nunc id agitur, utrum
viro forti liceat ad vim venire. Sed hoc ſibi
uult Chryſoſtomus, rectè ſe geſſiſſe Deum,
cum eos traderet in ignominiam; qui multis modis ad uir-
tutem, Dei quæ cognitionem inuitati, omnia in deterio-
rem partem conuerterant. Quid enim, (inquit) Deo fa-
ciendum erat? num ad neceſſitatem, ac vim veniendum?

E c *ἀλλ' οὐκ*

ἀλλ' οὐκ ἔστι τοῦτο ποιεῖν ἑναρέτες, idest hoc non esset probos, ac virtute præditos reddere: nimirum ob eam causam, quod virtus eatenus virtus est, quatenus non vi, sed voluntate suscipitur: quam sententiam Sanctus auctor sæpe repetit.

IN HOMILIA 5. col. 38. A.

[ADVERSUS quos nunc obiter depugnans, ostendit, quod vel superioribus illis temporibus, antequam etiam lex data esset, hominum natura omnimodam providentiam assequuta fuerit] Illud [omnimodam] de suo addit Interpretes. Ac sanè quamquam Dei semper perfecta pro temporum, ac rerum conditione sunt opera, tamen absolute, tunc plena, integra, & ut ipsius Brixii vocabulo utar, omnimoda providentia à Sanctis patribus nominari solet; cum beata illa aduenit plenitudo temporis, cum nubes pluerit iustum, terraque germinavit Salvatorem.

IN HOMILIA 8. col. 62. D.

✠ DEVS porrò rebus in gloriosis, splendidis, ac magnis se ipse venditat] Absurda in Deo loquutio, ἡ δεικνύται, idest sese spectandum præbet.

IN HOMILIA 12. col. 101. B.

✠ QVIS tandem eousque miser, eousque infelici sydere natus esse queat, ut ne studii quidem tantumdem Christi, quantum peccati, ac Diaboli servituti impendat? loquutio illa, infelici Sydere natus, in christiano homine non satis probatur. ἄλλος, καὶ ταλαίπωρος, idest miser, & infelix.

IN HOMILIA 13. col. 114. D.

[VIM atque iniuriam sustineo] Nihil necesse erat suspectam illam vocem vim] hoc loco addere: ἐπὶ ῥέαν ὑπομένω idest insultum quendam sustineo.

Col. 24. A.

[NAM vbicumque spiritus, vna triadis substantia ad-
fuerit, adest & ipsa Trias] Spiritus sanctus non rectè dici-
tur vna triadis substantia. Substantiæ enim nomen apud
Latinos, quemadmodum apud Græcos τὸ τῆς οὐσίας, signi-
ficat ipsam essentiam, quæ in tribus personis eadem est.
Chrysostomus inquit μία ὑπόστασις : quare ita vertendum.
[Nam vbicumque vna Trinitatis persona, idest spiritus
adfuerit, adest, & ipsa Trinitas.]

Ibidem. B.

[NEQVE enim dixit corpus iam à peccato rétardari,
sed & mortuum esse, cursuum facilitatem intendens] Ob-
scuratur, aut potius peruertitur pulcherrima Autoris sen-
tentia. Chrysostomus expendens, quot bona proueniant
ex eo, quod Spiritum habemus, inter cætera hoc comme-
morabat; quod illius ope adiuti possumus in virtutis via
facillimè currere; idque ex verbis Apostoli eliciens, nota-
bat, non satis illi fuisse ita dicere, corpus post aduentum
Spiritus vacare à peccato, sed significantius ad maiorem
cursus facilitatem indicandam dixisse, Corpus mortuum
esse, quod ad peccatum pertinet, idest planè mortificatū.
Non enim natura corporis, sed ipsa improbitas deleta est,
vt aduerius Musculum diximus Græce ita habet. οὐ δὲ γὰρ
εἶπεν, ὁργῆν τὸ σῶμα λοιπὸν τῇ ἁμαρτίᾳ, ἀλλὰ καὶ νεκρὸν εἶναι, ἐπιτείνων τὴν
εὐκολίαν τῶν δρόμων. idest, non enim dixit corpus vacare in
posterum à peccato, sed & mortuum esse, intendens cur-
suum facilitatem] In Veronensi legebatur τὴν ἁμαρτίαν, sed
mendum correximus ex Vaticano.

126. C.

[INTEMPERIIS acto miseriorem] Eo, qui à Demō-
ne sit correptus, miseriorem; δαμονῶντος ἀθλιώτερος. Eodem
modo corrigatur hom. xv. col. 145. C.

Ec 2 IN

IN HOMILIA 32. col. 273: C.

[QVOD licet tolerantissimum fuerit, ferre tamen non potuit præcognitum tempus, quo defecturi erant Thessalonicenses] Inæptissima sententia, & nihil ad Chrysostomum. Qui cum cō prouectus oratione esset, ut ostenderet se ardenti quodam desiderio teneri singula Pauli membra etiam in puluerem redacta spectādi, & ad cor venisset; multis illud Encomiis ornatur, & hoc inter cætera. τὴν καρτερίαν τὰν τῶν καὶ στέγουσαν καὶ ἐν ὧν ἀποσπῆναι θεοῦ ἀλυσμένων. idest cor illud, quod cum tolerantissimum esset, tamen ne horæ quidem spacium à Thessalonicensibus abesse facillè pariebatur]. Accipit enim Chrysostomus hanc sententiam ex illo Pauli loco. 1. Thess. 2. [Nos autem fratres desolati à vobis ad tempus horæ, aspectu, non corde, abundantius festinauimus faciem vestram videre cum multo desiderio.]

IN EPISTOLAM PRIMAM AD CORINTHIOS ex argumento col. 285. A.

[INGLVVIE sua Idolorum sacrificia gustantes, & sacris penitus dediti] Absurda coniunctio. Chrysostomus verò ita inquit. τῶν γαστριμργίας τῶν εἰδωλοθύτων ἀποχόμοι, & ἐν τοῖς ἱεροῖς καὶ ἀνθρώποις, idest ex voracitate idolothyta degustantes, & in templis discumbentes]

HOMILIA 2. col. 292. B.

[NAM cum per eum, & in eo frequenter de filio verba faceret; ne arbitrarentur illius tamquam minoris meminisse, attribuit id patri] Nullo, aut absurdo sensu. ἐπειδὴ γὰρ δι' αὐτοῦ, & ἐν αὐτῷ συνεχῶς ἔλεγε περὶ τοῦ υἱοῦ, ἵνα μὴ νομίσωσιν, ὅτι αὐτὸς ἐλάττωτος αὐτοῦ οὕτως μέμνηται, προσέγειμεν αὐτὸ τῷ πατρί idest: Nam quoniam dictiones illas, [per ipsum], & [in ipso] continenter filio accommodauerat, ne existiment factam esse hoc modo ipsius mentionem quasi minoris; eodem loquendi modo in patre utitur]

Ibidem

Ibidem. D.

[N A M hoc & ipsa bona iniuria afficeret ; nisi eiusmodi esset natura , vt volentibus & his, qui plurimam se gratiam habituros sciant , sese offerat] ἐπεὶ τοῦτο καὶ αὐτὸ δὲ χάλλει τὰ ἀγαθὰ , εἰ μὴ τοιαύτη αὐτῇ ὅτι ἡ φύσις, ὡς ἐκόντας προσδραμεῖν, καὶ χάριν εἰδέναι πολλὰ, idest quandoquidem hoc ipsamet bona dedecorat ; si ipsorum natura minime talis sit, vt homines & sponte sua , & plurimam habentes gratiam ad ea accurrant .

HOMILIA . . . col. 298. B.

[Sed quemadmodum quoque dixerunt Apostoli super viduis ; non est placitum , vt pratermisso verbo Dei ministremus mensis , sic in hoc loco ministravit , illis non contradicens , sed ex abundantia operatus . Si quidem nunc senioribus quidem , qui inutiliores sunt, hoc munus tradimus, verbū autem quod doceant sapientioribus.] Audi Chrysost. ἀλλ' ὡς περ ἐπὶ τῇ χρεῖν, εἰπόντων τῶν ἀποστόλων οὐκ ἐστὶ ἀρετὴν καὶ ἀλιπόντας ἡμῶς τὸν λόγον τοῦ θεοῦ δὲ λαλοῦντες ἡμεῖς, διηκονήσας, οὐκ ἐναντιόμενος ἐμείνοις, ἀλλ' ἐκ πλεονείας ποιῶν, οὕτως καὶ ἐν ταῦτα : ἐπεὶ καὶ νῦν τοῖς μὲν ἀφελεστέροις τῇ πρεσβυτερίᾳ τοῦτο ἐγχρεῖζομεν, τὸν δὲ διδασκαλικὸν λόγον τοῖς σοφωτέροις . idest . Sed quemadmodum cum in viduarum causa dixissent Apostoli [non est equum nos derelinquere verbum Dei , & ministrare mensis], ipse tamen ministravit , non illis aduersatus , sed pleniore mensura operans ; ita & hoc loco . Siquidem & nunc iis quidem qui inter presbyteros sunt simpliciores , & rudiores , hoc iniungimus , docendi autem munus sapientioribus]

Act. 6.

HOMILIA 4. col. 302. D.

[ABSURDUM profectò est , inquit , nec immerito . Etenim ò homo supra rationem est , & inenarrabilis virtutis Crux] Non placet res fidei vocari absurdas . οὐκ αὖ ἐχρησ

λόγον φησί. Ἐγὼ δ' ὑπὲρ λόγον ἔστιν ἀνθρώπου, Ἐαφ' αὐτοῦ δυνάμει
ὁ σωτὴρ. idest Non id rationi sit consentaneum, inquit: Ni-
hil mirum: Etenim ὁ homo &c.

HOMILIA 6. col. 319. A.

[RATIONI hoc subiiciamus. Aduersus namque Gen-
tilem mihi iam certamen est, idcirco secundum positio-
nem sanè futurum dico. Subiiciamus igitur rationi, & pa-
tietur Gentilis verbis meis saltem consentientibus acquie-
scere, hoc est, quòd Christus veniet] ὑποτάμεθα τῷ λόγῳ
(πρὸς γὰρ τὸν ἑλλενά μοι τέως ὁ ἀγὼν. διὰ τὸτο κατ' ὑπόθεσιν λέγω
τὸ πάντως ἐσόμενον) ὑποτάμεθα τοίνυν τῷ λόγῳ, καὶ ἀναχέδω
πιστεύσαι ὅ ἄπιστος καὶ κατὰ συνδρομὴν τοῖς λεγομένοις, οἷον ὅτι ὁ χειρὸς
ἦξει. Interpres non percipit, quid sit κατὰ συνδρομὴν, quemad-
modum neque infra hom. xii col. 358. c. vbi cum dicat
Chrysostomus, κατὰ συνδρομὴν τοίνυν καὶ συνδρομὴν τὸν λόγον,
ipse vertit [confirmata igitur ut oportuit, ratione sua]:
quare pulcherrimas sententias valde obscurauit. Aperia-
mus igitur nos, quid utroque loco optimus Autor sibi vo-
luerit. Ammonius in Categoriis obseruat duplicem esse
modum reprehendendi obiecta; vnum cum damus, quod
ab aduersario obiicitur, sed nihil inde aduersus nos con-
fici ostendimus; alterum, cum neque illud damus, sed re-
fellimus accuratè. Hunc posteriorem modum ἐνστασις vo-
cat; priorem illum ἀντιπαρατάξις; quem quidem à rhe-
toribus nostris videor meminisse concessionem vocari:
idque est, quod Chrysostomus κατὰ συνδρομὴν nominat. quē-
admodum etiam in homilia vi. in Epistolam ad Romanos
ad ea verba [sit autem Deus verax] τὸ ἀληθὺς; inquit, γὰρ ἡ
μῶν καὶ συνδρομὴν συγχωρεῖν. in octaua autem homilia in
secundam ad Timotheum in morali digressionē vocat
συγχώρησιν. In Homilia igitur xii. primæ ad corinthios, ut
ab ea ordiamur, hoc sibi vult. Reprehensurus erat Pau-
lus Corinthios tamquam superbos, nimiumque sibi arro-
gantes, perinde atque omnia iam consequuti essent. Pri-
mum igitur utitur concessione. Dat enim illos omnia cō-
sequutos:

sequutos; ac nihilominus ostendit nihil propterea fuisse loci arrogantiae. Non enim ipsi sibi ea bona pepererant; sed à Deo acceperant. Deinde verò, quod dederat, euer- tit; ostenditque tantum abesse, vt omnia sint consequuti; vt multa potius, ac magna adhuc illis defint; quod genus reprehensionis ἐνστασις est. Ideo inquit κατὰ συνδύασις τῶν ἰσχυρῶν καὶ συνδρομὴ τὸν λόγον, δείκνυσιν, ὅτι καὶ πολλῶν αὐτοῖς δεῖ.

Idest cum per concessionem concludisset rationem, dans nimirum illos omnia consequutos; nunc repetit, quod dederat; negatque illos perfectos esse; multis enim adhuc egere. Hinc facile etiam explicatur locus sextę homilię. Probaturus erat Chrysostomus miracula initio quidem fuisse vtilia, postea vero futura fuisse inutilia; eam nimirum ob causam, quod nullum fidei meritum esset. Id vt ostendat; sumit, Christum plenum maiestatis venturum ad iudicandum: quod certissimum quidē est; verum quoniam cum infideli disputatio habebatur, qui id negabat; petit ab eo, vt ad tempus id sibi concedat; dum videat, num quod volumus, idest inutilia nunc esse miracula, Christi aduentu concessio, sequatur, nec ne. Nam si non sequitur; vana est omnis argumentatio. sin autem sequitur (quod se ostensurum Chrysostomus profitetur); satis id erit ad indicandam nostrorum dogmatum connexionem, & constantiam; neque infideles admirari amplius sinet, cur hoc tempore miracula non existant. Totus igitur locus ita vertendus est.

[Supponamus in hac ratiocinatione (nam cum græco nobis iam concertatio est: propterea, quod omnino futurum est, ex suppositione accipio) supponamus igitur in ratiocinatione, neque recuset infidelis tametsi ex concessione, & conuentu quodam, iis, quæ à nobis dicuntur, assentiri; cuiusmodi hoc est Christum venturum]. Qui antecedentia verba, & consequentia animaduernerit, non dubitabit, opinor, hanc esse germanam Chrysostomi vtroque loco sententiam.

[NON igitur per disciplinam habitum erga nos honorem ostendit, neque per communicatam cum Angelis, sed per disciplinam Spiritus sancti] ἔ τοίνυν μόνον τὸ μαθεῖν δέκνυσσι τὼ εἰς ἡμᾶς πρὶν, καὶ τὸ μὴ ἀγγέλων μαθεῖν, ἀλλὰ καὶ τὸ ὅτι τὸ πνεύματος αὐτοῦ μαθεῖν, idest. Non igitur illud solum honoris in nos collati argumentum est, quod didicimus, & quod vnà cum Angelis didicimus; sed & illud, quod ab ipso spiritu didicimus] Dicitio illa μόνον restituta est ex vetusto exemplari.

Ibidem.

[DEINDE de Spiritus cognitione diligēter loquutus, cum docuerit, quod ita ad Dei cognitionem peruenitur, quemadmodum ad hominum cognitionem per seipsum] Absurdissim. εἶτα πρὸς τὴν πνεύματος γνώσεως μὴ ἀπειθείας ἐπιπὼν, ὁ δὲ λέγει, ὅτι ἕως ὅσον αἰσθάνεται πρὸς τὸν θεὸν γινώσκων, ὡς ἡ ἀνθρώπου γνώσις αὐτὴ πρὸς ἑαυτὴν. idest, Deinde cum de cognitione spiritus exquisitè, ac subtiliter loquutus esset; atq; ostendisset, quod eque se habet ad cognitionem Dei, atque cognitio hominis ipsa ad se ipsam.]

Col. 330. B.

[NAM facilius omnia mutare quispiam posset, quàm religionem, & consuetudinis reuerentiam. Illud sane erat ad impediendum sufficiens, quod in vltima senectute aliud quiddam, & ab indoctioribus doceri viderentur] πάντα γὰρ τῆς ἀποκατάστασις ἀμετέστη, ἢ τὰ πρὸς θεοσεβείας. ὁ δὲ αἰσθάνεται ὅτι μὴ τῆς σωτηρίας ἱκανὸν ἐμπροσθεν, καὶ τὸ δοκεῖν ἐν ἑαυτῷ γινώσκοντα μαθεῖν, καὶ ὅτι τὸ ἀσυνεπαισθητόν. idest, Omnia enim quis facilius mutarit, quàm ea, quæ ad religionem pertinent. Simul autem cum consuetudine, sufficiebat etiam ad impediendum verecundia ex eo suscepta, quod in extrema senectute viderentur priora dediscere, & ab imprudentioribus discere.

HOMI-

[DEINDE cum ea opinione, ut scilicet, omnes unum sint, negligentiores efficiantur & hi, qui multum, & hi, qui remissius operantur] εἶτα ἐπειδὴ τοῦτο ῥαθυμοτέρως ἐποίει, τὸ πάντας ἐν ᾧ νομίζεσθαι καὶ τοὺς πολλὰ καμόντας, καὶ τοὺς ἐλάττω. id est, Deinde quoniam ista opinio (nimirum & eos qui plures labores suscepissent, & eos qui pauciores, unum esse) negligentiores faciebat]

Ibidem.

[INDE rursus hoc auget, ut quod vult, efficiat & gratificatur quantum licet, ambitiose] εἶτα καὶ λιπαίνει πλέον αὐτό, κατορθώσας ὑπερβέβηκεν, & χαρίζεσθαι οἷς ἐξέσται, καὶ φιλοπρίας. id est Deinde adhuc magis idem molit, cum iam correxisset, quod volebat; & gratificatur, in quibus licet, largē, & liberaliter]

HOMILIA 12. col. 352. D.

[SIC Paulus quum posset multa cum indignatione in fornicatorem ferri, non tamen fecit; sed horrendis verbis primum hominis fastum contundit] Οὕτως, & τότε σιωπῇ εἰπὼν. & ῥᾷδ' ἔχον καὶ πολλῆς ἀγανακτήσεως χεῖρα δὲ τῶν πεπορνδολόγων, φοβερόν ῥήμασι κατὰ σέλλαι παρόντων τὸ φύσημα τῷ ἀνδρὶ. Id est Ita & tunc euenit. Nam cum iam multa cum indignatione fornicatorem tractaturus esset; terribilibus primum verbis fastum hominis deprimit]

Ibidem. C.

[QVVM igitur talis sit fornicator, & animo tam temerario, tam intradabili in peccato, necessario eius cōtundit insolentiam: neque simpliciter primum ponit peccatum, ut nō in impudentia perstet, tāquā ante alios accusatus, neque posterius, ut non superuacaneam suam putaret accusationē] ἐπεὶ οὐκ ὁρῶντος καὶ ὁ πεπορνδολόγος, καὶ τὸ ψυχρὸν οὕτως

FF ἰταμήν

ἰταμῶ, ὁ δὲ σὺν δότῳ εἰργάσατο διὰ τῆς ἀμύρπας, ἀναγκάως αὐτὸν
 προκατέβαλλει τὸν τύπον. καὶ οὐτε παρῶτον τίθησι τὸ ἐγκλημα, ὥς-
 τε μὴ ἀπαυγχυῶται αὐτὸν, ὥς παρὰ τῶν ἄλλων ἐγκλημάτων. ἔτι
 δὲ ὕστερον, ὥς τε αὐτὸν μὴ νομίσαι παρέρχον ἐξ τῶ κατ' αὐτόν: idest.
 Quoniam igitur talis erat is qui fornicationem commise-
 rat, atque animam adeo impudentem, atque intractabi-
 lem per peccatum reddiderat; necessariò illius tumorem
 primum deiecit. Ac neque primo loco ponit accusationē,
 ne ille impudentior fiat, tamquam ante alios accusatus;
 neque posteriore loco, ne ille obiter, & præter institutum
 putet ea tractari, quæ ad ipsum pertinent.

HOMILIA 12. col. 358. C.

[NUNC autem reprehensione vitur, dicens, iam sa-
 turati estis] ἐνταῦθα δὲ ἐντρεπτικῶς ποιεῖ λέγων, ἥδη κεκορεσμένοι
 ἐστέ. Non percipit Interpres, quid significet ἐντρεπτικῶς ποιεῖν
 & λόγος ἐντρεπτικός, atque idcirco multas, & præclaras Chry-
 sostomi sententias obscurat, & peruertit. Significat igitur
 ista dictio, quod alibi copiosius ostendi, inuersam quan-
 dam orationem; quæ aliud in fronte præferat, aliud præ-
 stet in recessu; ac sæpè speciem quidem laudationis ha-
 beat; sed cum vel ipsemet, qui laudatur, eas laudes nullo
 pacto agnoscat, atque idcirco ironice datas non dubitet;
 necessariò inde verecundia, ac pudore perfundatur. Talia
 illa sunt, iam saturati estis; sine nobis regnatis; Nos stul-
 ti, vos sapientes; & cetera præclara, quæ sequuntur. Quam-
 obrem notat Chrysostomus huiusmodi entrepeticas Ora-
 tiones duabus propè contrariis conditionibus esse prædi-
 tas. Nam & altiore inferunt plagam, quàm aperta obiur-
 gatio; & id simul præstant; ut qui arguitur, cum grauius
 fecetur, patientius tamen ferat. Possumus igitur nos ver-
 bo non satis latino, sed Ecclesiasticis Scriptoris usitato
 confundentes Orationes, aut si mauis, pudefacientes, pu-
 dorem exprimentes appellare; atque hoc modo proposita
 verba vertemus. [Hoc autem loco confundente oratione
 vitur dicens [iam saturati estis.]

HOMI-

IN A M quum alia futurorum figuræ essent, cur factæ fuerint, causas habuit. Aliis autem non respondent, ne quis eos possit reprehendere, quòd in tenebris permanant] ἐπεὶ τὰ μὲν τύποι τῶν μελλόντων ἦσαν, καὶ αἰτίας εἶχε τῶν γινόμενων: τὰ δὲ οὐκ ἔπιν: ἵνα μὴ δεῖ καὶ κουργεῖν ἰουδαίοις, ἵνα μὴ ὁπρὸς τῇ σιγῇ: idest, Quando quidem alia quidem figuræ futurorum erant, simulque causas habebant, cur fierent; alia autem minimè. Quamobrem nulla est subdola ratio, ad quam confugientes Iudæi possint ostendere sese ad umbram non adherescere] Sententia enim Chrysostomi perspicuè hæc est, ex rebus, quæ in illa Iudeorum ex Aegypto profectioe eucenerunt, licet omnes essent figuræ futurorum, tamen quarundam fuisse præterea præsentis etiam causas, cur eo tempore fieri deberent, (vt submersionis Aegyptiorum, licet submersionem hostium nostrorum spiritualium per Baptisma futuram significaret, evidens tamen tunc etiam erat causa, cur fieret, nimirum iniuriæ ab Aegyptiis in Hæbreos illatæ); quarundam verò nullas satis aptas causas fuisse, sed tantum significare futura; atq; ex his convinci posse Iudeos.

HOMILIA 16. col. 388. A.

[PER excessum nos edocet, non opus esse omnia gentilibus exhibere. Monet enim quid opponi posse videbatur, & id primum soluit] μεθ' ἡμετέρας διδάξαι βέλτερος, ὅτι, οὐδ' αὖ ὅπου ἢ, τοῖς ἐξωθεν αὐτοῖς διδόναι χεῖρ, τὴν δόκουν εἶναι ἀντίθετον κινήσας, πρὸς ἡμετέρας ταύτῃ ἐλυσε. idest copiosissime docere nos volens, nullam ob causam, qualiscumque ea sit, oportere nos ipsos externis iudicibus committere, mouens id, quod opponi posse videbatur, principio istud soluit]

✠ [QVOD si dimittere vis, cum vir permittat; ad breue saltem tempus fiat] Absurda sententia; quasi permittente viro non liceat vxori etiam ad longum tempus se continere. Græcè ita habet. *εἰ δὲ ἀποσῆναι βύλει, ὅταν ὁ ἀνὴρ ἐπιτρέπῃ, καὶ πρὸς βραχὺ τοῦτο γίνεται.* id est, Quod si abstinere vis, cū vir permiserit, id faciendum est; etiam si ad breue tempus id fiat.

Col. 405. A.

✠ [QVEMADMODVM enim cum de abiiciendis meretricibus disputat, correctione rem facit faciliorem his verbis, non vtique fornicariis huius mundi] Absurda sententia, quasi Paulus difficultatem abiiciendarum meretricum hac correctione minuat; vt satis sit abiicere meretrices fideles, minimè autem opus sit abiicere fornicarias mundi huius. Igitur nihil hīc de abiiciendis meretricibus: sed indicat Chrysostomus locum ex eadem Epistola. c. v. Vbi Paulus iubebat separari à fornicariis, id est cum illis non communicare; hac tamen correctione; vt non quidem à fornicariis huius seculi separari iuberet (alioquin in solitudinem necessario abeundum fuisset; quippe cum per ea tempora plerique essent infideles, & fornicarii) sed tantū ab iis, qui inuis sunt, id est qui fidem susceperant, eamq; deinceps morum improbitate inquinabant. Græcè ita habet. *ὡς περὶ τοῦ ἐν τῇ χρείᾳ ἐστὶ πόρνων διαλεγομένου τῇ ἐπιδορώσει τοῦ πρὸς ἡμᾶς ποίησεν εὐκολον, εἰπὼν, καὶ οὐ πάντως τοῖς πόρνοις τὸ νόσμον τοῦτο.* id est. Nam quemadmodum cum separari oportere à fornicariis differeret, correctione quadam rem facilem reddidit dicens, & non omnino fornicariis mundi huius.]

Col. 405. B.

[QVÆDAM enim Spiritualia sunt, quorum alia quidem virum, alia autem Deum spectant. quedam vero præ-

sentis

sentis vitæ. Illa autem particula, volo vos sine sollicitudine esse, dimittit tamen i^a dominos. Corruptissime. τὰ μὲν γὰρ πνευματικά εἰσι, ὅπερ ἡ μὲν τὰ τῷ ἀνθρώπῳ, ἡ δὲ τὰ τῷ θεῷ μετέμνηται. τὰ δὲ τῷ παρόντι βίῃ, τὸ δὲ λὼ ὑμᾶς ἀμελείμηναι εἶναι: ἀλλ' ὅμως ἔστι καὶ ἀφ' ἡμῶν κυρίως. i. Nam partim quidē spiritalia sunt, cuiusmodi est illud [hæc quidem ea, quæ viri, illa autem, quæ Dei sunt, cogitat] partim verò ad præsentem vitam pertinent, ut illud, [Volo vos sine sollicitudine esse] Ac nihilominus, tametsi res ita se habeat, relinquit dominos] idest, dat illis optionem, ac rem eorum potestati, atq; arbitrio permittit.

HOMILIA 20. col. 410. D.

[QUEM AD MODUM enim propria cuiusque virtus insolentes ea præditos reddit] Imo, quoniam virtus in mediocritate consistit, idcirco, ut Aristoteles inquit, quò maior, eò moderator. ὥστε τὸ μόνον ἔχει ἐπαρχει. idest, Quemadmodum enim ex eo, quòd solus habeas, oritur elatio]

Col. 412. C.

[VIDE, quo pacto, non ut simpliciter edoceat, hæc scribit, sed ad externorum distinctionem. Etenim hoc ubique seruandum est, siue absolute aliquid dicat, siue aduersus aliquos opponatur. Neque enim casus in doctrinæ certitudinem hoc confert, & in ipsum eorum, quæ dicuntur, intellectum] Nihil corruptius. ἐπεὶ πῶς οὐχ ἀπλῶς δογματίζων, γράφει ταῦτα, ἀλλὰ πρὸς ἀντιθέσιν ἢ ἐξωθεν, ἔστι καὶ τοῦ τοῦ πατρὸς καὶ τοῦ υἱοῦ, εἴτε ἀπολελυμένως λέγει, εἴτε πρὸς πᾶσι ἰσάμηνος. οὐδὲ γὰρ τὸ πρὸς εἰς τὴν ἡμῶν ἀρετήν τοῦτο σιωπᾷ, ἔστι καὶ τὴν λέγουμένων τὴν κατανόησιν. idest, Vides hæc à Paulo scribi non tamquam dogma statuente, sed ut sese gentilibus opponat? Nam & id ubique obseruandum est; utrum absolute pronunciet, an aliquibus sese opponens. Non vulgariter enim hoc nobis confert ad certitudinem dogmatum, & ad ea ipsa, quæ dicuntur, percipiendâ.

HOMI-

✠ [Præter legem Paulus fecit] imo supra legem fecit : *ὕπερ τὸν νόμον* , idest, Amplius & maius quiddam fecit, quàm quod à lege postulabatur.

HOMILIA 22. col. 429. D.

✠ [Itaque abiicere dumtaxat argumentum debere me arbitrabar : ego autem, vt exigerem, omnia faciebam] Sententia personæ Pauli, quam tunc Chrysostomus inducebat, parū conueniens. *τὸ κατὰ βαλεῖν τὸ ἀρχαῖον ὑπεύθυνος ἡμῖν μόνον. ἐγὼ δὲ ὡς ἔαμι τὰ πάντα ἐποίουν.* idest. Debitor tantum eram expendendi argentum. Ego autem, vt & aliquid mihi reddendum esset, omnia faciebam] Indicatur autem locus ex Euangelio Lu. x. de Samaritano, [qui protulit duos denarios, & dedit Stabulario, & ait, curam illius habe, & quodcumque supererogaueris, ego, cum rediero, reddam tibi]

HOMILIA 23. col. 558. A.

✠ [Quemadmodum enim in morte animæ, qui mortuus est, à peccato iustificatus est, & nemo hoc victoriam esse dicit. Vincit enim, non qui vitiis non congressus est, sed qui hisce captiuus explicuit se tamen] Si adest mors animæ: quomodo cum vitiis congressus non est? imo congressus est, & succubuit. Græcè ita habet. *ὡς περὶ τῆς θανάτου τῆς ψυχῆς, ὃ δὲ ποθανὼν δεδικαίωται ἀπὸ τῆς ἀμαρτίας, & οὐκ αὖ ἐπινοῶν τὸ τοῦ νικῆναι. ἐπεὶ γὰρ ὅστις ὁ νεκρῶν, ἐκ ὃ μὴ πρὸς τοῖς κακοῖς ἀλλ' ὅτι τὴν ἡδὴ γεγενημένην τῆς παθοναίχμαλωσιν δαλύσας.* Idest, Quemadmodum enim in morte animæ, qui diem suum obiit, iustificatus est à peccato; neq; id tamen dixerimus victoriam esse (ille enim vicisse dicendus est, non qui nihil iam addit ad mala, sed qui iam factam affectionū, & cupiditatum captiuitatem dissoluit)] Vritur autem Chrysostomus verbis Pauli ad Rom. c. 6 [Qui enim mor-

mortuus est, iustificatus est à peccato] : Quorum putat hanc esse sententiam, ut qui ex hoc corpore excessit, iustificatus sit à peccato, quoniam peccare posthac non potest.

HOMILIA 41. col. 571. B.

[Ne defatigemur mortuis auxilium ferendo, præces pro
 ipsis offerendo; cōmunis totius orbis victima preces sunt.
 Hinc pleni fiducia pro toto etiam orbe supplicamus]. De
 industria, ut puto, iste Symon Grynæus pulcherrimam, ma-
 ximeque catholicam Chrysostomi sententiam peruertit.
 μὴ δὴ ἀποκρίνωμεν τοῖς εἰσελθοῦσι βοηθοῦντες, καὶ προσφέρουσιν
 ὑπὲρ αὐτῶν δόχας. Ἐπεὶ τὸ κοινὸν τῆς οἰκουμένης κεῖται καὶ θάρσιον.
 διὰ τοῦτο θάρσει ὑπὲρ τῆς οἴκου μένης δέομεθα τότε. idest
 ne defatigemur iis, qui decesserunt, auxilium ferre, &
 preces pro ipsis offerre. commune enim totius orbis
 expiamentum propositum est. Hoc freti pro toto Orbe
 tunc supplicamus]. Significat autem apertissimè Chryso-
 stomus augustum illud Missæ sacrificium; quod precibus
 vim suppeditare, diuinitus, & copiosissimè eo loco docet:
 quemadmodum, & tertia digressione morali in Epistolam
 ad Philippenfes (quæ tota continetur in homilia 73. ad po-
 pulum Antiochenum) & alibi sæpe.

HOMILIA 2. col. 576. D.

[Quam ergo habituri sumus veniam, quando vetera illa
 omnia superare, & relinquere iussi, nondum, quod mini-
 mum etiam est, rectum vitæ statum sumus ingressi?] Ec-
 quid maximum est, si hoc minimum? πῶς οὐκ ἔξομα
 συγγνώμην, ὅταν ὑπεβλέωμεν τὰ παλαιὰ καὶ δόμοι σπάρματα,
 Ἐξάπλονα ἐκείνου τὸ μέγεθος τῆς αὐτοῦ πολιτείας ὑφαινώμεν; idest.
 Quam ergo habituri sumus veniam; quando fines veteri-
 bus constitutos transilire iussi, inferiorem etiam mensu-
 ra illa viuendi rationem capeessimus?

[Christiana vestra vestigalia. Quod est caput bonorum, quod honestum est, idem, & utile est. Quod honestum non est, id ne utile quidem est. Alia est apud nos utilium natura, præter vulgi opinionem, videlicet, ut ipsi nosmetipsos viventi Deo, & Christo commendemus. Nondum de ceteris præcipimus illis, sed tamen charitatis est, & pro illis orare, ut possint *χριστιανὰ ὑμῶν τὰ τέλη. τὸ κεφάλαιον τῶν ἀγαθῶν, τὸ καλόν, καὶ τὸ συμφέρον. ὃ γὰρ μὴ καλόν, οὐδὲ συμφέρον. ἄλλη γὰρ πᾶρ ἡμῖν τῶν συμφεράντων φύσις παρὰ τῶν πολλῶν ὑπόληψιν. ἑαυτοὺς τῷ ζῶντι θεῷ, καὶ τῷ χριστῷ αὐτοῦ παραδέδωκε. ὅπως γὰρ τῶν ὑπὲρ ἑτέρων αὐτοῖς ἐπιτρέπομεν, ἀλλ' ἀγαπητόν ὑπὲρ αὐτῶν δυνάσθαι δίδωαι*, idest, [Christianos vestros fines.] caput bonorum, [honestum & utile.] Quod enim minime honestum est, id neque utile. Longè enim alia apud nos est utilium natura, quàm vulgus existimet. [Vos ipsos viventi Deo, & Christo ipsius commendate] nondum enim illis, ut pro aliis orent, mandamus; sed sat benè cum illis agitur; si pro seipsis queant obsecrare.] Recitat autem eo loco Chrysostomus, & planè aurea verborum sententiarumq; copia explicat singulas quasq; partes solemnibus illius præcationis, quæ pro Catechumenis fieri solebat; cuius non modo extant vestigia in liturgiis sanctorum patrum; sed etiam tota iisdem propè verbis habetur apud D. Clementem lib. viii. Constitutionum Apostolicarum cap. vi. Ista igitur. [Christianos vestros fines, [& rursus,] honestum & utile [& rursus [Vos ipsos viventi Deo, & Christo ipsius commendate] verba sunt ex illa solemnibus præcatione. Cætera, quæ interiecta sunt, à Chrysostomo adduntur ad explicandum, qui sint Christianis hominibus propositi bonorum fines; & cur Catechumenis præcipiatur, ut seipsos tantum commendent non alios. Tale erratum si in scholastico homine deprehendisset Erasmus, impunitum non ferret. Sunt autem apud illum non pauca eiusmodi.]

[Præterea causa accusatione referta est, ac Zelotypia
Ideo & posuit illam simpliciter, sed docens vnde, & à qui-
bus educatus sit. Et iterum ipsos sine suspitione extimu-
lat ad eleemosynæ opus] *εἶτα καὶ ἡ αἴτια κατηγορίας μεσῇ, καὶ
ζηλοτυπίας γέμουσα. διὸ καὶ τέδεικνυσι αὐτῶν οὐ κατηγορουμένως,
ἀλλ' ὡς διδάσκων ποτὲν, καὶ ὡς πόνων ἐτερόφῃ, ὥστε ἀνυπόπτως
δραγαίρειν πάλιν εἰς τὸν τῆς ἐλεημοσύνης λόγον. idest, ita & cau-
sa ipsa accusationis plena est, & Zelotypiæ. Quamobrem
non illam ex principali proposito posuit, sed quasi aliud
agens, nimirum tamquam docens, vnde, & à quibus al-
tus fuerit; ita ut, dum illi hoc minime suspicantur, rur-
sus excitet ad eleemosynæ rationem.*

col. 757. A.

Quoniam enim non habebat peccata, quæ diceret, sed
vndique bonis operibus fulgebat, circumcursans, & ni-
hil contra se inueniens, ad naturam ipsam confugit] *ἐπεὶ δὴ
γὰρ οὐκ εἶχεν εἰπεῖν ἀμάρτηματα, ἀλλ' ἐλαμπεν ὑπὸ καλῶν ἔργων,
πανταχοῦ περὶ δόξα καὶ μὴ δόξαν πᾶσι καὶ ἑαυτῇ μεγίστην λαβὼν
ἐπὶ τῷ φόνῳ καταφύγει. idest, Quoniam enim non habebat
peccata, quæ diceret, sed bonis operibus fulgebat; quo-
quo versus circumcursans, & nihil, quod magni ponde-
ris esset, aduersus se inueniens, ad ipsam naturam con-
fugit] Visum est mihi verba illa *μεγίστην λαβὼν* non esse omit-
tenda, quoniam scilicet non hoc volebat affirmare Chry-
sostomus Patriarcham Abraham nec venialia quidem pec-
cata habuisse.*

HOMILIA 24. col. 760. C.

Sicut enim homicida; quamuis occidere prohibeatur,
bona tamen mente sepius id facere eligit, & occidere nō
secundum dominum, sed ex bona mente fit, sic & gloria-
ri] Nihil peruersius: *ὡς περὶ γὰρ ὁ φονὴς τῷ σφόδρα κακῶλε μέγαν*

Gg

ὡν δὲ ἀπὸ δεινότητος πολλάκις ἠυδοκίμησε, ἔτι τὸ ἀειτέμνειται ἐκ οὗ καὶ
 κρείον, ἀπὸ τῆς δεινότητος τὸτο γέγονεν, ἕτοι καὶ τὸ καυχήσθαι. idest,
 Sicut enim homicida (quamvis homicidium ex nume-
 ro eorum criminum sit, quæ valde prohibentur) sæpe ta-
 men ex consilio, quo illud commisit, probatus est; itemq;
 circumcidi, licet secundum Dominum non sit, tamen ex
 consilio, & mente, qua id gestum est, redditum est domi-
 no cōsentaneum; ita & gloriari] Significat autem Chryso-
 stomus in secundo exemplo factum Pauli, qui Timothe-
 um circumcidit; de qua re sæpè etiam alibi egit.

Col. 763. A.

Quare non inuides, quòd grauitè fert? tu autem fœ-
 ni circumfers onera talia] Ἐξ τῆτο οὐδὲ βασκαίνεις, ὅτι οὐκ
 ἀχθοφορεῖς; ἐδὲ χρεῖται ἀειφέρεις φορτὰς ταῦτα; idest, Ob hanc
 igitur causam inuides, quòd neque etiam tu graue hoc
 pondus substines, neque talia fœnionera circumfers?

In epistolam ad Galatas. 813.

✠ Ille, inquiunt, labitur in ieiunio, neque quicquam est
 magni] in margine verò apposita sunt hæc verba, Ieiuniū
 Iudæorum; quæ mihi non probantur. Perspicuè enim do-
 ctor Sanctus de ieiunio christiano loquitur, atque eos ta-
 xat, qui labi in ieiunio leue crimen putant.

Col. 839. C.

✠ Et ad quem, inquiet aliquis, Deus condidit testamen-
 tum? ad nullum quidem aliorum hominum, præterquam
 Abraham. Nam illi dictum est. In semine tuo benedicen-
 tur omnes gentes] Falsò dicitur cum solo Abrahâ Deum
 fecisse testamentum. καὶ πρὸς τίνα διέθετο ὁ θεός; τῷ ἀβραάμ
 φησὶν, ἐρρήθυσαν αὐτὸν ἐπαγγελίας, ἔτι πρὸς ἀνέραν αὐτοῦ. idest, Et
 quocum homine testamentum, ac pactū Deus fecit? Abra-
 hæ, inquit, dictæ sunt promissiones, & semini eius.

Ex

HOMILIA I. Col. 865. D.

Beneplacitum igitur primariam voluntatem dicit, vehementem scilicet, & quæ cum desiderio, & concupiscentia sit, quam habet erga nos. Neque enim vel impuriorem dictionem perspicuitatis gratia usurpare recusabo. Quod nos dicimus ad simpliciorum persuasionem, & confirmationem, & ad nostram quoque persuasionem, hoc est vehementer concupiscit, vehementer desiderat nostram salutem] Nihil perturbatius: nec verò optimè se habet Veronensis codex. Locus ex manuscriptis ita restituendus est. *Εὐδοκίαν ἐν τῷ πρῶτον θέλημα φησὶ, τὸ σφοδρὸν θέλημα, τὸ μὴ ἐπιθυμίας θέλημα, τὸ πείσμα. ἔγδ παρατηρούμαι ὡς κοινοτέρα λέξει χρῆσασθαι σαφυνείας ἕνεκεν τῆς ἀφελεισέεσθαι. οὕτω γὰρ καὶ ἡμεῖς τὴν ἐπίστασιν τοῦ θελήματος δηλοῦντες, καὶ τὸ πείσμα ἡμῶν λέγομεν. ὁ οὐδὲ λέγει, τὸ ἐστὶ. σφόδρα ἐφίεται, σφόδρα ἐπιθυμεῖ τῆς σωτηρίας τῆς ἡμετέρας. idest, Beneplacitum igitur vocat primam voluntatem, cupidam voluntatem, contentionem; non enim recusabo, ut rudiores facilius percipiant, communiori dictione uti. Ita enim vulgò vehementiam voluntatis ostendentes solemus dicere κατὰ τὸ πείσμα ἡμῶν, idest, quantum contentio nostra efficere poterit. Quod igitur inquit Paulus, hoc est: vehementer appetit Deus; vehementer cupit salutem nostram] Huius generis errata in hoc opere sunt planè innumerabilia. Nobis autem vnum, & item alterum notare satis sit.*

Ibidem 868. A.

Hoc est, alium dederat Angelis principatum, & alium hominibus] Quasi duo Christi essent. Cæterum & Veronense exemplar ex manuscriptis ita corrigendum. *Τουτέστι, καὶ ἄγγέλους μίαν ἀρχὴν ἔδωκεν, καὶ ἀνθρώποις. Hoc est, & Angelis eundem principem dedit, & hominibus.]*

✠ Etenim ne audiens mundi dominos, increatum etiam illum esse dicas, & alibi seculum malum vocat tempus peruersum, non de creaturis loquens. Nam mihi videtur princeps sub cælo factus à principatu non excidisse etiam post transgressionem]. Quasi Diabolus post transgressionem principatu non exciderit. Corrigendum autē & Veronenſe est hoc modo. *ἵνα γὰρ μὴ κοσμοκράτορας ἀκούσας, & ἄκτιστον αὐτὸν εἶναι φησ, τὸ σκότειον τῶν αἰώνων τούτων προσέθῃσι. καὶ ἀλλὰ τοῦ αἰῶνα πονηροῦ καλεῖ τὸν καιρὸν τὸν διεσπαραμμένον, οὐ τοῦ τῆς κτισμάτων λέγων. ἐπεὶ γὰρ δοκεῖ χυρόμενος ἀρχὴν ἐκ τὸν οὐρανὸν, μὴ μεταπεπρωμέναι τῆς ἀρχῆς & μὴ τέλος ὡς εἶδασιν.* idest. Etenim ne audiens [mundi rectores [increatum quoque illum esse dicas; addit, tenebrarum seculi huius. Et alibi tempus malum vocat præsentem statum corruptum, minime de creaturis ipsis dicens: alioqui, quantum mihi videtur, si ille sub cælo princeps factus esset; planè nec post ipsam transgressionem à principatu excidisset.]

Col. 882: D.

Neque enim si quando res ita postulauerit, ut in urbem regiam ferens obeunda sit via, deinde maiore illius parte confecta circa finem pigrescentes desideamus, ipsa utique nos vocationis spes adiuuit. Ad opera enim bona inquit. Nihil itaque nobis res ipsa, nisi ad hunc modum ambulauerimus, profuerit.

Moralis exhortatio.

Ita sane, & hic, non ut vnum dumtaxat, sed ut omnia operemur, præcipit } Locus & in Veronenſi, & in latinis valde mutilatus corrigendus hoc modo ex manuscriptis, *αὐτὸν γὰρ εἰ βαδίζον ὁδὸν εἰς πόλιν φέρουσαν βασιλικὴν, εἴτα τὸ πλεον αὐτῆς ἀνύσαντες τοῦ τέλος αὐτὸ μαλακιδέντες ἐκαθήσμενοι ὦνῃσιν αὐτῇ ἡμᾶς τὸ βαδίσαι, οὕτως οὐδὲ ἡ ἐλπίς κλήσεως ὀνήσκει αὐτῇ*

Τοὶ πενηντάρους τὸ πρᾶγμα, αὐτὸ μὴ ἀξίως διειπαλῆσθαι τὸ καλὸν
 σάντος. κληθέντες οὐκ ἐπ' ἔργοις ἀγαθοῖς, μένωμεν ἅπαντα ἡθικῶν
 ἔργα ζώμενοι. διὰ τὸ τοῦτο ἐκλήθημεν, οὐχ ἵνα ἐργον ἐργασώμεθα,
 ἀλλ' ἵνα πάντα. idest, Nam quemadmodū si via ad civitatem
 regiā ferens obeūda fuisset, nos verò maiore iam illius par-
 te cōfecta sub ipsum finē mollicie diffluētes desideremus;
 nihil quicquam nobis prodesset ambulasse; ita nequē vo-
 cationis spes quicquam iis, qui istam ceperunt, profuerit;
 nisi dignē eo, qui vocavit, ambulauerimus.

Vocati igitur ad opera bona, pergamus cuncta
 exequi. Propterea enim vocati sumus, non ut vnum opus
 bonum obeamus, sed ut omnia.

Moralis ex
 hortatio.

HOMILIA 6. col. 895. B.

Nam illi quidem, propterea quòd tantam peccatorum
 gravitatem habent, tolluntur, illi verò non hac causa]
 οὐ τοιούτῳ γὰρ καὶ αὐτὸ, ὅσον ἔχουσιν ἀμάρτημάτων βάρους διὰ τὸν
 ὑποτίθενται, ἐκείνοι δὲ οὐ. idest, Nam hi quidem, quicquid
 ponderis ex peccatis ipsos grauat, id hoc ipso deponunt;
 illi autem minime] Loquitur de iustis, qui idcirco in hac
 vita puniuntur, ut peccatorum pondus, si quod habent,
 calamitatum perpesione deponant.

HOMILIA 8. col. 906. D.

Vides, quomodo dignus ille, qui saluetur, factus est?]
 ἐξ ἧς πῶς ἀξίος τοῦ σωθῆναι ἐκείνος. idest, Vides quomodo ille
 dignū se salute præstiterit? Hoc enim vult ostēdere Chry-
 sostomus, custodem carceris (de quo in actis Apostolo-
 rum c. 16.) cum fidem suscepit, partes suas egregiē præsti-
 tisse, ideoque dignum iudicatum a Domino, cui salutem
 daret: Dignitatem verò non absolutē intelligas, sed qua-
 lem scilicet à nobis Dominus requirit, id est animum ipsi
 obsecundantem.

HOM.

Nequaquam igitur bonum est vlcisci: Alium verò contumeliis afficere multò peius est, quàm iniuriam simpliciter inferre.] οὐδαμῶς μὲν οὐ τὸ ἀμυνάσθαι καλόν: τὸ δὲ ἐπεὶ αἰδικουῶντος ἐπερὶν ὑβρίζειν πολλῶ χαλεπώτερον. Nusquam quidē igitur vlcisci honestum est, at cum ab alio iniuriam accipias, in alium contumeliam inferre longè grauius.]

✠ Posteaquē verò manifestum fuerit, iam lux est, non ipsum peccatum. Quomodo? Qui peccatum fecit, quando in medium producit, & accusatur, quando respicit, quando remissione potitur, numquid tenebras eius hoc modo expulisti?] ἐπειδὴν δὲ φανερώθῃ, γίνεται φῶς, οὐχὶ αὐτὴ ἡ ἀμάρτία (πῶς γὰρ;) ἀλλ' ὁ ἐργασάμενος. ὅταν γὰρ εἰς μέσον ἐνεχθῇ, ὅταν νοουθετηθῇ, ὅταν μετανοήσῃ, ὅταν ἀφέσεως τύχῃ, οὐχὶ ὁ ξεῖνος αὐτῆς τὸ σκότος; .i. Postquā verò manifestū factū fuerit, fit lux nō ipsum quidē peccatum (quomodo euim?) sed ille, qui peccatum commiserat. Nam quando in medium productus fuerit, quando monitus, quando penitentiam egerit, quando remissionem assequutus fuerit; nonne illius tenebras depulisti?] Videtur autem Interpres locum ad sacramentum penitentiae pertinentem sedulo obscurasse. Addidimus autem illud γὰρ ex manuscriptis.

Ex Epistola ad Philippenses,

✠ Religiosus non vult videri religiosus, atque ideo nullum sibi ipsi religionis habitum, ac prætectum imponit, sed studet esse aspernabilis.] Visum est notare locum; ne quis imprudens in eo, quod fortasse voluit Interpres, labatur. Loquitur Chrysostomus de eleemosyna in pauperes simpliciter facienda; monetque nos, ne superstitiosus, ac fastidiosus singulorum, quibus benefacimus, dignitatem, & me-

& merita disquiramus : Vfu enim venire , vt qui nimis accurate inquit , sapius impostoribus , quàm sanctis hominibus beneficiat ; qui verò curiosum istum delectum non adhibet , facile in sanctos incidat . Causam huius rei illam esse docet ; quod sancti non id student , vt Sancti videantur , neque Sanctitatis speciem accurate sibi conciliant ; etiam si ex hac simplicitate sua videant fore , vt contemnantur : at impostores , quippe qui in hoc artificium vehementer incumbunt , tam belle sanctitatem simulant , vt vix possis deprehendere . Corrigendum autem est Veronense ex manuscriptis ; atque vbi legitur , καὶ μέλλει διαπύεσθαι legendum , καὶ μέλλει διαπύεσθαι . Sed quot , quantaque errata in ista versione sint , nostra fortasse accurato lectori satis indicabit .

Ex Epistola ad Colossenses ,

HOMILIA 3. col. 1126. A.

Quid hinc dicunt , qui Paulo Samosatæo adherent ? Quæ in cælis , quod controuertebatur , primum posuit , & quæ in terra . Deinde visibilia , inquit , & inuisibilia ; vt pote anima in cælo facta est . Visibilia , vt homines , Elias , Paulus .] Multa in hoc loco , vt & in tota Epistola , sunt , & magni quidem ponderis menda . Nec Chrysostomi sententia est , Animam esse factam in cælo . In manuscriptis ita legitur . τὸ λέγουσιν ἐν ταῦτα οἱ Παύλου τῆ σαμοσατέως ; ὅτι τὰ πάντα οὐρανὸν γέγονεν . ἰδοὺ γὰρ εἶρηται , ὅτι ἐν αὐτῷ ἐκτίσθη τὰ πάντα ; ἀλλὰ τὰ ἐν τοῖς οὐρανοῖς , καὶ τὰ ἐπὶ τῆς γῆς εἶπεν . ὅπερ ἀμφισβητούμενον ἰδὼν , ἀπερὶτον πέτεται . εἴτα φησὶ , τὰ ὁρατὰ , καὶ τὰ ἀόρατα , ἀόρατα τὴν ψυχῇ λέγων , ὁρατὰ πάντας αἰθεράσι . idest , Quid hoc loco dicunt sectatores Pauli Samosatæi ? Omnia esse facta in cælo . Ecce enim dictum est , quod in ipso condita sunt omnia . At ea , quæ in cælis , & quæ in terra dixit . Id , de quo ambigi poterat , priore loco posuit . Deinde inquit , visibilia , & inuisibilia ; inuisibilia animam dicens , visibilia omnes homines] Omnia igitur esse facta in
cælo

coelo, Pauli Samosatei erat opinio; cui se opponit Chry-
stomus illis verbis [At ea, quę in coelis, & quę in terra di-
xit] Quasi Diuus Paulus per ea verba indicare uoluerit,
multa esse quidem facta in terra, sed dici condita in filio,
quoniam per ipsum condita sunt. Suspicio tamen adhuc
nonnulla deesse.

HOMILIA 6. col. 1142 C.

† Nam fides verè est ædificium, & opus habet fundamen-
to valido, & ædificatione diligenti, & munita. Nisi enim
quis securè, ac munitè ædificauerit, concutietur. Si verò
securè, ac munitè satis struxerit, & non perstiterit, non
perstiter amplius: quemadmodum edocti estis. Rursus il-
lud quemadmodum, Exuberantes, inquit, in ea cum gra-
tiarum actione] Nullo pacto id sibi voluit Chrysostomus,
vt qui semel non perstitit, persistere amplius non possit.
Sexcentis enim locis copiosissimè demonstrat neque ex-
tremo vitæ spiritu adiam penitentiam esse inutilem. Et
hoc loco ex Chrysostomi sententia Paulus significat Co-
lossenses esse lapsos, nec tamen de illorum reparatione
desperat. Verba autem illa, [Rursus illud quemadmodum
exuberantes] manifestò sunt mutilata; explendus autem
locus ex manuscriptis hoc modo. οἰκοδομὴ γὰρ ἔστιν ὄντως
ἡ πίστις, καὶ οὐκ ἔστιν ἀμελεῖς ἰσχυροῦ, καὶ τῆς οἰκοδομῆς ἀσφαλοῦς.
αὐτὴ γὰρ μὴ ἐπὶ ἀσφαλείᾳ τῆς οἰκοδομήσεως, σαλεύεται, αὐτὴ ἐπὶ ἀσφα-
λείᾳ, καὶ μὴ ἐσθῆκι, οὐκ ἐπὶ ἱσταται καθὼς ἐδιδάχθητε: πάλιν τὸ κα-
θὼς δηλοποιῶν ἔστιν ὅτι μὴ δὲν κανὼν π λέγειν: φέρεσθαι ὡς φησὶ ἐν αὐ-
τῇ, ἐν εὐχαριστίᾳ. idest, Verè enim fides est ædificium: eget-
que cum fundamēto valido, tum stabili ædificatione. Nam
siue quis non in stabili fundamento ædificauerit, nu-
tat ac labitur; siue ædificauerit quidem in stabili fundamen-
to, sed non firmiter in eo permanserit; iam non stat [Quem-
admodum docti estis] Rursus illa dictio, [quemadmodum]
indicat nihil quicquam noui afferri. [Exuberantes, inquit,
in ea cum gratiarum actione] Vocem illam ἐπὶ ἀσφαλείᾳ quo-
niam obscura videbatur, paraphrasi explicauimus.

HOM

Armari, vincere, feruarique solent, inermes nequaquam] Αἰσθητὸν καὶ τοῦτον σωθῆναι, μήτοιγε χρεὶς τούτων .
idest. Preclare nobiscum agitur, si armati saluemur; tantum abest, ut sine armis saluari queamus] longè enim difficiliorem consequendę salutis rationem Chrysostomus existimavit, quàm isti blandi homines prædicent.

Ex Epistola ad Thessolonicenses,

HOMILIA 3. col. 1202. D.

Vide, quomodo ambiat honorem, & sese iacet, volens ostendere, quòd eos plus omnibus diligit] Non placent istę loquutiones de Paulo. φιλοπεύται, καὶ ἐγκαλλωπίζεται,
hoc loco vertendum erat; effusus quodammodo est, & pompam quamdam adhibet; aut si quid melius doctioribus in mentem venit.

Ex Prima ad Timotheum,

HOMILIA 6. col. 1308. D.

Ista quippe à Christi discipulis mansuetis, ac mitibus longè remota sunt, neque illa digna ore, quod sacris instructionibus deditum sit] Haud scio, an Interpres consulto pulcherrimam sententiam obscurarit. suadet enim copiosa oratione Chrysostomus, ut à maledictis, atque imprecationibus abstineamus, quoniam hæc magnopere dedecent Christi discipulum, atque os illud, quod tali mysteriorum usu dignatum est, idest participatione corporis, & sanguinis Domini nostri Iesu Christi πέρρω τὰ τὰ τῆς τῆ χειρὸς μαθητῆς, τῆς ἐπεικῶνς προσήκον, τῆ εὐμαρῆς τῆ ἡξιομάχου τοιαύτης μυστηγωγίας. idest, Procul ista à Christi discipulis, quorum propria est lenitas, & mansuetudo; procul ab ore illo, quod tali mysteriorum usu dignatum est.

Hh HOMI-

- ✠ Non igitur huiusmodi vitam intelligi voluit, sed eam, quæ in omni pietate, & castitate ageretur. Omne, inquit, Dogma non solum pietate, verum etiam vitæ integritate perficitur; namque pietas & in ea parte querenda est] οὐδὲ τὸν φησὶ τὸν εἶον, ἀλλὰ τὸν ἐν πάσῃ δὶ σεβείᾳ, μὴ τῇ ἡσέδωγ μά-
των μόνον, ἀλλὰ καὶ τῇ τῷ εἶον· καὶ γὰρ ἐκεῖ τὴν δὶ σεβείαν δὶ ζητεῖν.
idest, Neque talem requirit vitam, sed eam, quæ in omni pietate agatur, non ea solum pietate, quæ in dogmatibus versatur, sed etiam ea, quæ in vita. Nam & ibi pietas quæ-
renda est.

Ex secunda Ad Thimotheum,

HOM. 10. col. 1415. A.

- ✠ Duplex auxilium gratiæ commendatur, cui spiritus opi-
tatur, ac Deus] Quasi aliud sit opus Spiritus, aliud Dei
διπλὴ ἡ βοήθεια τῆς χάριτος τῷ πνεύματι, καὶ τῷ θεῷ βοηθούτων
αὐτῇ. Idest, Duplex auxiliū est, alterum gratiæ spiritualis,
alterum Dei ipsam adiuuantis] Indicat autem duplicem il-
lam gratiam à Theologis nostris accuratè distinctam, vnā
habitualement, alteram, quæ est veluti mouens, & vt schola-
stica vtat voce, manuteneas.

Ex Epistola ad Titum,

HOMILIA 5. col. 1454. D.

- ✠ Vides, quàm necessario error inualuit?] ὁρᾷς, ὅτι ἐνέτωρ
ἀπάτη ἵσχυρεν idest, Vides nihil mirandum fuisse, si error
inualetceret?] Hoc enim vult indicare sanctus Doctor,
cum illi Dæmonibus fidem habere capissent, rationi
quodammodo consentaneum fuisse, vt ex vno errore
multi alii contexerentur.

Ex Epistola ad Hebræos,

HOMILIA 2. col. 1488. A.

Sed etiam imaginis, inquiunt, imago appellatus est ho-
mo

mō] Erat mendum etiam in Veronenſi; quod ex manuſcripto ſubſtulimus, ἀλλὰ ἐξ οὗτος εἶρηται εἰκὼν ὁ ἀνθρώπος φησὶν. idēſt, Sed etiam homo dictus eſt imago Dei, inquit heretici.] Multa autem huiusmodi, & magnopere ſententię Autoris officientia ſunt in hac Epiſtola.

HOMILIA 13. Col. 1494. D.

Sed & hic Iudæos, & Paulum Samofatenum, & Arianos, & Marcellum, & Sabellium, & Marcionem percuffit. Quomodo? Iudæos quidem oftendens eis duas eſſe perſonas & Deum, & hominem. Pauli verò Samofateni diſcipulos, dum iſta de æterna loquitur, & increata ſubſtantia. Nam ei, quod ſuprà dixit, per quem & ſecula fecit, illud thronuſtuus Deus in ſeculum ſeculi, oppoſuit. Arianos autem percutit oftendens, quoniam neque ſeruus eſt Chriſtus, neque creatura. Marcellum verò & ceteros, quoniam duæ ſunt iſtę perſonę, ſecundum ſubſiſtentiam ab inuicem ſeparatę. Marcioniſtas autem percuffit, dum oftendit, quia non Deus, ſed humanitas vngitur] hic locus videtur indicare duas perſonas in Chriſto; idcircoque diligenter conſiderandus eſt: ac certe varietas exemplarium in quibuſdam partibus, ſuſpicionem mihi affert, etiam in cæteris eſſe deprauatum. Quòd ſi eo modo, quo nunc leguntur, à Chryſoſtomo ſcripta ſunt; improprie ab illo voces iſtas, *ὁ θεὸς πατὴρ*, & *ὁ υἱὸς αὐτοῦ* elle uſurpatas non eſt dubitandum, idemque valere, atque *ὁ νοῦς αὐτοῦ*, καὶ *φύσις αὐτοῦ*. Nondum enim exorta Neſtorii hereſi non ita accuratè voces iſtę diſtinguebantur, quod de hypotaſeως nomine Hieronymus notauit. Ac ferè omnia, quæcumque à Ioanne Antiocheno & ſuis Sectatoribus obicebantur Cyillo Alexandrino; hoc firmamento videbantur niti; quaſi ille duas in Chriſto perſonas negans, duas quoque naturas negaret; ſedulo ſcilicet ſchiſmaticis hominibus proprias vocabulorum notationes minimè à ſe percipi ſimulantibus. Potuit igitur, vt dicebam, Chryſoſtomus perſonę & hypotaſis nomine eſſentiam, & naturam ſignificare: ſicut etiam Au-

gustinus dicit à Deo esse assumptum hominem; homo autem singularis iam persona est. Sunt igitur Sanctorum Patrum sententiæ in bonam partem, pieque interpretandæ.

Homilia quidem in Psalmum 44. cautissime loquutus est Chrysostomus, ostenditque carnem non esse diuidendam à diuinitate, neque diuinitatem à carne, non ob substantiarum confuſionem (atque ibi utitur voce *εὐσείας*) sed propter summam vnionem. Homilia autem xi. in Marcum disertis verbis docemur, Vnam tantum in Christo esse personam. Verum, an ea græcè habeatur, nescio. Illud quoque notandum est, Verba illa [Nam ei, quod supra dixit, per quem & sæcula fecit, illud Thronus tuus Deus in sæculum sæculi, opposuit absurdam propè continere sententiam. Non enim ista opponuntur, sed ambo de Deo verbo commodissime dicuntur. Hoc autem sibi voluit Chrysostomus, loco illius verbi facere, quo utitur Paulus, cum de creaturis loquitur (innuit enim verba illa paulo superius posita, & explanata [Qui facit Angelos suos spiritus]) opposuisse nunc ista Pauli, Thronus tuus Deus in sæculum, sæculi; in quibus nulla effectiōis mentio, sed perspicue diuinitatis Maiestas indicatur. Ergo verba ista. *θεὸς ὃς ἀνδραποδὼν τὴν ἐποίησε, τὸ, ὃ θεῖος σου ὁ θεὸς εἰς τὸν αἰῶνα τὴν αἰῶνος, ἀντίθετος* ita erāt vertenda. Nam vt à creaturis distingueret, in quibus verbum illud, facere, adhibitum est; ista verba opposuit, Thronus tuus Deus in sæculū sæculi.

HOMILIA 4. col. 1507. A.

† Non enim Monachis scripsit hæc, neque in virginitate manētibus, sed secularibus *οὐχὶ μονάζουσιν ἔγραφε ταῦτα, οὐδὲ ἀειπαρθένοις, ἀλλὰ καὶ κοσμικαῖς*, idest, non monasticam vitam degentibus, neque perpetuam virginitatem seruantibus scripsit hæc, sed etiam secularibus; est enim exprimenda perpetuitas virginitatis.

Vt iam de cetero non opus habeant sacrificio, vt saluen-
tur, sed ipsis hoc faciant operibus] Quasi quis suis operi-
bus sine illius salutaris, atque vnici Sacrificii ope salutem
adipiscit queat. Chrysostomus *ὡς μήτεν λοιπὸν δεηθῆναι*
δουσίας, ὡς τε σωσῶν αὐτοὺς, ἀλλ' ἐπὶ ἔργων τὰ τοιοῦτα. In qui-
busdam Codicibus legitur, *τὰυτὰ νῦν ποιῶν.* Sed codex ve-
tustissimus consentit cum Veronensi. Puto autem hanc
esse Sancti Patris ex D. Paulo expressam sententiam, Chri-
stum Dominum nostrum, qui in primo aduentu cum pecca-
tis apparuit (quatenus scilicet illa ab hominibus in se tran-
sultit, ac Patri in singulari illo Sacrificio obtulit) in secun-
do aduentu sine peccatis venturum, idest non amplius
pro peccatis sacrificaturum, ac salutem daturum, sed per
opera id præstiturum esse, idest non amplius spem salutis,
sed ipsam met salutem, ac felicitatem opere ipso, & effe-
ctu tributurum: aut per opera, idest ex cuiusque hominis
meritis, ac dignitate. Nos igitur ita vertemus [Vt minimè
iam de cetero necesse habeat sacrificium offerre ad ipsos
saluandos, sed ex operibus id facturus sit]

HOMILIA 23. col. 1602. A.

Fides autem certū est, quia iustitiam operatur] *ἢ δὲ πίστις*
εὐδηλον, ὅτι δικαιοσύνην ἐργάζεται. idest, Fidem autem operari,
iustitiam manifestum est] Verè enim, quantum ad ipsam
rerum connexionem pertinet, apta fides est, quæ iustitiam
pariat: non tamen id certum est; cum hominis quantum-
uis credentis improbitas minimè rarò sit impedimento,
quominus Iustitia sequatur: similis sententia est apud B.
Gregorium epist. 47. libri septimi.

Observationes in primum Tomum.

De Epistolis, & præfationibus Erasmi; omninoque de
vniuersis ipsius operibus puto iam ab amplissimis Patribus
esse

esse constitutum, quid agendum sit. Utinam ille multa, & magna talenta, quæ à domino acceperat, alienis quibusdā notis non contaminasset: profectò melius & sibi ipse consu-
lisset; & de Ecclesia sancta Dei meritus esset.

HOMILIA in Psalmum tertium.

Nonnumquam etiam Amici in inimicos conuertuntur propter peccata, & qui olim amabant, oderunt, & auer-
santur, Deo tale odium immittente propter eas, quas no-
uit rationes] habetur hæc homilia græcè in bibliotheca cle-
ricorum regularium Romæ; atque eadem planè verbis
græcis subest sententia, ac latinis: idest Deum immittere
odium: quæ tamen sententia si in bonam partem ac cipia-
tur, nihil continet absurdi. Nam & in hac ipsa homilia eam
lenit Chrysostomus, & homilia 36. in Matthæum, atque
alibi sæpe docet hunc esse scripturæ morem, ut quæ Deus
permittit, dicatur facere.

HOMILIA in Psal. xlii. quæ incipit,

Est pulcher Psalmus,

Vna sola virtus iustificat, fides, quæ est virtutum fasti-
gium] Hanc Homiliam neque apud Græcos puro haberi,
neque in ea Chrysostomum agnosco.

HOMILIA in Psal. xxii. & 116.

Quæ incipit, Circulo consecrato.

Et quia istam mensam preparauit seruis, & ancillis in
conspetu eorum, ut quotidie in similitudinem corporis,
& sanguinis Christi, panem, & vinum secundum ordinem
Melchisedech nobis ostenderet in Sacramento] Item pau-
lò infra] Dimittere captiuis remissionem, & ceteris redde-
re lumen. Istud oleum agnoscimus oleum Chrismatis]
Per-

Perfpiciuè hæc homilia non eft Chryfoftomi.

HOMILIA fequenti.

Discedite quia totum effe noſtrum ad non effe tendit]
Idem de hac iudicandum.

Obferuationes in Tomum ſecundum.

HOMILIA 34.

ſup. Matthei 10. In caput Matthei 10.

Col. 277. C.

Ille autem tali conſolatione omnino carebat; ſed nec
miraculis ſignorum iuuabatur, nec gratiæ cauſa confirma-
batur [loquitur de Iob; quem tamen minimè negaret ali-
quo gratiæ ſubſidio in ſuis certaminibus adiutum effe; ſed
ſatis Chryſoſtomo eſt, deſtitutum illum fuiſſe gratià illà,
qua Apoſtoli abundabant. *ἐνεivos δὲ ταύτης τῆς ἀπολαύσεως*
ἐπ' αὐτοῦ, καὶ τῆς δυνάμεως αὐτοῦ, & τῆς δυνάμεως αὐτοῦ. id eſt,
Ille autem expers huius conſolationis erat, cum eius quæ
à ſignis, tum eius, quæ à gratià] à quali autem gratià, decla-
rat in verbis ſequentibus.

Ex Opere imperfecto in Mattheum, quod certè

Chryſoſtomi non eſt

Iudæi enim ſemper cognoſcebant; quia eſt filius Dei; *
& quomodo filius Dei] col. 632. [Regni dignitas maior eſt,
quam nature] & ibi de iactantia dauidis parum pudenter
Ibidem [ſic & Sancti, cum de mundo iſto defecerint, calu-
rus eſt iſte mundus] col. 634. [Lex impedit fidem, non ad-
iuuat] Ibidem [Niſi enim Deus prius habuerit aut Iudæum,
aut gentilem, impoſſibile eſt, vt adducat enim ad fidem
ſuam] Col. 640. Neque enim firmavit eum Deus in bono,
ſed

sed diabolus in malo, qui fuit dominus eius] Col. 645. [Locus, quod Nuptiæ sint peccatum] Col. 652. [Spiritum sanctum ipsum dicit Vnigenitum Deum, & quod diuinitas ingrediatur pro semine. Vide B. Augustini sermone 191. de tempore. Col. 655.] Ergo Christus priusquam secundum corpus inciperet cognoscere patrem, aut matrem, virtutem diaboli subingavit, [Col. 658.] Herodes enim timebat, quod suspicabatur: Diabolus autem timebat, quod verè sciebat. Herodes hominem estimabat, Diabolus Deum cognoscebat [col. 660] Sed quid? quia multi cum Christo relicto peccauerunt, non agunt poenitentiam illi tales numquàm fuerunt Christi [col. 664.] Primum quidem, quoniam oportebat homines esse in mundo, quamuis essent iniqui, quoniam & ipse mundus iniquus est] 674. [Totus locus de baptismatum differentia, & de Baptismo hæreticorum vehementer mihi suspectus est] Col. 675, & 676. [sic non poterat fieri, vt Deus de Iudæis, aut gentibus iam electos sine tentatione discerneret, & vocaret. Col. 678. [Nam quamuis ipse non erat peccator, tamen naturam suscepit peccatricem. Col. 680. sed hoc excusari aliquo modo potest] Sic, & Christus, ex quo Baptismatis signum accepit; festinabat accipere Spiritum sanctum. Col. 681. [iusti, & peccatores pariter erant ascensuri in cælum. 682. licet & hoc excusari queat [Quia post Christum iam lege, & prophetis non utimur. 683.] quale autem peccatum in morte remittitur, scit, qui intelligit, pro quali peccato introducta est mors.] 684. Serui autem diaboli in igne non baptizantur, quare? quia non potest fieri, vt depositis sordibus emundetur, qui totus est sordidus, col. 685. intelligi potest seruum diaboli, dum seruus manet, non posse sordes deponere. [Sed aut ipsius Christi diuinitas, aut Spiritus sanctus, qui erat in eo, excussit inde diabolum. Col. 692.] parum autè dictum [Totus locus de Angelo bono, & malo mihi suspectus est. Col. 694, & 695.] Propter duriciam cordis vestri Moses ista mandauit, & non ad saluandos eos, sed ad excæcandos, vt inebriati per legem non cognoscerent lumen, quod non mereban-

tur, videre in tenebris, idest in peccatis. col. 696. [Quia ipsi & si viui sumus propter opera viua, & fidem Christi, tamen quia in mundo viuimus, cui Diabolus principatur, coinquinati sumus. Ibidem]. Rursus quæ de Baptismo hereticorum, & quod Christus non potuisset baptizare, nisi baptizatus fuisset, col. 697. absurda; nisi ad bonum sensum detorqueantur [Beneficia sanitarum digno precio fidei venundabat, dicens unicuique, Fiat tibi secundum fidem tuam. Non tamen omnes, sed illos, quos secundum præscientiam suam ante præparauerat, quàm venirent col. 703. sed hoc aliquo modo ad B. Augustini de prædestinatione sententiam referri potest [Qui Dei fuerunt, perire non potuerunt, qui autem perierunt, non fuerunt Dei col. 706. est ibi de diabolo cogente [Si ergo hæc vasa sanctificata ad priuatos vsus transferre sic periculosum est, in quibus non est verum corpus Christi, sed mysterium corporis eius continetur, col. 716. Notatur in margine in quibusdam exemplaribus verba ista abesse. [Caro in malo creata est sub lege peccati, nec potest aut videre, aut audire, aut agere rectum col. 721: quanuis hoc ad rectum sensum traduci queat [Generaliter omne bonum, quod vel nos, vel alios scandalizat, præcidere debemus à nobis. col. 722. [Libellus repudii non solum homicidii crimen non sustulit, sed etiam alterum dimissionis introduxit peccatum. col. 723. De clericis præbentibus librum Euangelii ad iurandum. col. 724 [Lex dum voluit malos facere bonos, etiam bonos facit malos. 725. [Quod numquam adeundus Iudex secularis. col. 726. [In potestate vniuscuiusque est mensura faciendæ iustitiæ. col. 730. [Omnem enim iustitiam, quam facit homo, secundum potentiam suam facit, & de potentia sua profert. Solam autem orationem secundum fidem suam facit, & ex fide profert. col. 735.] De malis, quæ ex clamorosa oratione nascuntur. col. 737. [Diabolus planè Tyrannus est, quia & nolentes compellit facere voluntatem suam. 739. [Tenebræ sunt carnis natura] & rursus [Semper peccatrix est, & semper habet peccandi propositum. col. 749. in extrema tamen homilia 16. contra mani-

cheos negat creaturam Dei esse malam. Sanctum est Baptismum, propterea non est dandum, nisi iam fidem habentibus. col. 757. [Qui autem non ambulant per viam iustitiæ impossibile est, ut verè cognoscant Christum. col. 764. quanquàm videtur significare sapidam cognitionem.] Si ergo vides hominem Christianum, statim considera, si consilio eius cōueniat cum scripturis verus est Christianus; si autem non est, quemadmodum Christus mandauit, falsus est. col. 768. Hæretici Christianos, non christiani hæreticos persequuntur] ibidem. Vide Gratianum 23. q. 4. c. si ecc. ex D. Aug. [Tamen forsitan sciens Dominus hanc hæresim esse præualituram præ omnibus, tribulos eos appellauit, quasi trinitatis professores, & triangulam impietatem in sua perfidia baiulantes. col. 770. & ibidem [Sicut ergo bonorum hominum omnia opera etiam mala bona sunt; sic malorum hominum omnia opera etiam bona mala sunt] [Qui non sic conuersantur, quomodo ille mandauit; non credit Christo, col. 771. Nec est contrarium, quòd quidam de ecclesia cadunt: illi enim nunquàm christiani fuerunt] 775. [Scripturæ ad præiudiciū peccatorum factæ sunt, non ad necessitatem sanctorum. col. 781.] Sed forte dicet Hæreticus volens ostendere Patrem, & filium esse vnum, vel æqualem. col. 783. [Omnes homines secundum carnis naturam mali sumus, 787] Non solū ad vestimentum animæ caro creata est, sed magis ad tentationem eius, quasi domestica, & naturalis inimica copulata est. 794. [Pilatus volebat dimittere Christum, sed non poterat, quia deus eum tradebat. 796] [Qui aut timore frangitur, aut promissione corrumpitur, numquam fuit verè bonus. 800. [Quod Christus non sit natus mulieris 808. quamuis locus videatur deprauatus] lex immitis est, & superba [813. sed videntur dicta ex collatione cum Euangelio.] Nam quòd hominem me videris, vestimentum meū est, non natura 825. [Secundā Vxorem accipere verè fornicatio est. 836. [Omnis res corporalis, quoniā mundi est pars, in maligno est posita. 840.] & ibi multa similia.] Si ergo alter paterfamilias, alter procurator patrisfamilias; quò locū habet, ternitas tuas

856.] & ibi multę similes blasphemię; & iterū col. 866, quę
 à nōnullis exēplarib. dicuntur abesse. Omnis. n. homo na-
 turaliter non solū peccator est, sed etiam totum peccatū.
 col. 875. [Nullus Christianus debet esse mercator, aut si
 voluerit esse, proiciatur de Ecclesia Dei. 877. Vide Gratia-
 num dist. 88. [Nam quamvis peccauerat, tamen adhuc
 David erat sanctissimus. 887. [Rursus indicat inēqualita-
 tem filii. 894. & 895. quamvis locus videatur deprauatus.
 [Ergo illi non secundum sua opera pereunt, neque secun-
 dum suas personas, sed tantum pereunt, quantum potest
 perdere Christus. col. 898. [Inhonestum est enim apud Deū
 opus negociationis, siue dignitatis, siue militiæ col. 903.
 [Omnis quidem malitia confunditur, aliquoties ratione
 veritatis, corrigitur autem numquā, maximē eorum, qui
 proposito malo, & non ignorantia peccant. 906. [In resur-
 rectione mutanda est ipsa carnis natura, ut nihil carnis ha-
 beat in se, nisi fortē tantummodo formam. 910. [Filius ma-
 gnus Deus quidem, non tamen primus] 915. fortasse vo-
 luit significare non ingentum. [Sicut heretici putant, equa-
 litatis mendacium componere festinantes. 916. [Non om-
 nis Sacerdos sanctus est, sed omnis sanctus sacerdos. 917.
 & ibi multa huiusmodi, quę tamen in bonam partem acci-
 pi possent. Rursus contra æqualitatem filii. col. 924. [Rur-
 sus contra unitatem substantię in Trinitate 928.] & rursus
 931. Hæresis Homousianorum 947.] Nunc autem nullo
 modo cognoscitur, volentibus cognoscere, quę sit vera
 Ecclesia Christi nisi tantūmodo per scripturas, 953.] Cum
 legant ipsam Christum non erubescens suam ignoran-
 tiam confiteri ad respondendum 967. [Non potest crede-
 re Deo, nisi qui facit aliquid dignum Deo [&] peccatores
 non credunt Deo] 977. [Nihil ei proderit festinatio eius,
 quia multorum dierum negligentia non potest vna hora
 expleri] 979. & ibi in die iudicii magnum fore timorem
 etiam sanctorum. [Natura ipsa peccatum est. ibidem] si
 ergo maior erit gloria, quę præparata est sanctis à Deo,
 quā quod unusquisque sanctorum meretur, quomodo
 sufficiat, & aliis ad salutem vnius cuiusque opus eorum,

cum nec sibi soli sufficiat ad gloriam illam iusto iudicio consequendam? 979. [Illis videtur iniungere Deus ministerium diaconatus, aut presbyteratus, qui sunt iusti] 981. & multa in hanc sententiam; quamvis eam ipsemet auctor lenire videatur. Vide Ioannem Ostuniensem in octavum librum constitutionum D. Clementis cap. 1. Horum autem multa etiam à F. Sixto in bibliotheca sunt notata; sicut & alia nonnulla, quæ à posterioribus editionibus absunt. [Qui cognoscit Christum, & peccat, videtur quidem habere scientiam Christi, verè autem non habet] 986. [Christus dominus noster puer natus, Ioseph, vel Mariæ filius deputatus est;] 998. Hæc quoque Homilia nihil Chrysostomi habet. [Pater magnus Deus, & primus, filius autem magnus Deus quidem, non tamen primus] 1069; & est homilia ad verbum sumpta ex opere imperfecto. [Non enim erat tempus ut crederent] 1100; atque hæc Homilia longe abest à Chrysostomo [sed perfectam hominis expectabat ætatem, ut nobis tribueret exemplum] 1106. Ita loquitur, quasi Baptisma dandum non sit, nisi hominibus, qui triginta annos agant. Et hæc Chrysostomi non est. [Ipsius anima principale sensus est] 1116. Neque hæc Chrysostomi. [Verum quicumque in inferno est, & in regno cœlorum est, nescio, an valeat misereri. Creator creaturæ miseretur suæ] 1125. neque hæc Chrysostomi.] 1145. In margine habentur hæc verba. [similia profitentur Tabellæ miraculorum in Italia] quæ delenda.

Observationes in tertium Tomum.

Ex Commentariis in acta Apostolorum.

HOMILIA 4. col. 402.

✠ Didicerant, quòd ea, quæ piè fecerant, frustra gesserant. [ἔμαθον ὅτι οὐκ εἰρή ταῦτα κατὰ πρόθεσιν] id est, Didicerant non

non frustra se bonas hasce actiones obiuisse.

HOMILIA 14. Col. 462. D.

Vnde neque Diaconorum, neque Presbyterorum nomen esse opinor, quod clarum, ac manifestum.] De-
lenda illa dictio [Quod;] auctoritate Vaticani codicis,
putoque id significari; quod in primo sermone in Epi-
stolam ad Philippenses scribitur, Apostolorum tempore
nomina hæc sepe confundi solita esse. Omnino autem hi
commentarii in Acta parum explere animum lectori pos-
sunt. Scitent enim mendis; suntque ex variis, ut puto, li-
brariorum scriptis, Chrysostomi orantis sententias, quo-
modo poterant, excipientium male coagmentati.

In sermone 4. de Feria Passionis col. 734.

Sed non potuit vitare peccatum. sic enim de eo ait ✠
spiritus sanctus. Et oratio eius fiat in peccatum; ut in eo,
quod poenitentis festinauit ad portum, ibi incideret eter-
num, & sine reparatione naufragium] Nihil habent hi
sermones Chrysostomo simile.

HOMILIA de spiritu sancto col. 799.

Utigitur, sicut dicebam, ne quis audiens spiritum ✠
Dei, putet proprium quiddam significari, & non com-
mune naturæ, Paulus dicit, Nobis autem non datus est
spiritus mundi, sed spiritus, qui ex Deo est.] Est absur-
da sententia; si loquens de Spiritu sancto dicat nomine
isto non propriam personam significari, sed naturam
communem. Græcè est. ἵνα μή τις, ὅτι ἐστιν, ἀνθρώπου τὸν δῶμα
θεοῦ νομισθῇ, οὐκ ἐστὶν πρὸς τὸν θεόν, καὶ μὴ φέρῃς κοινωνίαν. ita
paulo superius. δι' ὁμοιότητος, ita paulo inferius κατὰ ὁμοιότητα.
nusquam vero utitur nomine ἰδιότητος. Hoc igitur sibi vult
Chrysostomus Spiritum sanctum vocari spiritum Dei,
non tanquam familiarem Dei, quod etiam de spiritu san-
ctorum

corum hominum dicitur, sed tanquam in natura commun-
nicantem cum Deo patre; ideoque non tantum dici spiri-
tum Dei, sed etiam ex Deo. Itaque locus iste hoc modo
[Ergo, quemadmodum dicebam, ne quis au-
diens spiritum Dei, putet significari familiaritatem quan-
dam, & non naturę communitatem, Paulus dicit &c.] & in
cæteris etiam duobus locis, ubi interpres inquit, propriū,
corrigatur familiare.

De Eucharistia sermo. col. 827.

✠ Quemadmodum enim si cera igni adhibita illi assimila-
tur, nihil substantiæ remanet, nihil superfluit, sic & hęc
puta mysteria consumi corporis substantia] Perpicuum
mendum; ac legendum mysterio consumi corporis sub-
stantiam [nimirum panis & vini; quæ quidem corpora
transubstantiantur in corpus & sanguinem domini: Nam
ut idem Chrysostomus inquit homilia 83. in Matthæum,
qui hęc sanctificat, & transmutat, dominus est. Nondum
verò hunc sermonem græcè legi.

De premiis sanctorum sermo. col. 829.

[Ioannes autem præter cæteros ab eo colebatur.] Re-
citatur Chrysostomus verba scripturę. Scriptura autem mi-
nimè dicit Ioannem esse præter cæteros cultum à Domi-
no, sed ὁ ἰσχυρὰς ὁ ἰσχυρὸς.

Ex Oratione de beato Philogonio col. 839.

Hęc omnes audiant, & Monachi, qui montium occu-
parunt cacumina [Ad hęc verba in margine ista sunt ad-
dita. [Nunc in aulis regnant quidem.] quę nausæ viden-
tur plena, idcirco quę delenda. Nam, cum regnant, iustis
de causis regnant.

Obserua-

De amore Dei, & tolerantia in aduersis
ferm. col. 601.

Enimuero, & qui perditō detinētur amore, maiore sūt
venia digni, quā, qui grauiori febre vexantur, vinoque
graues, quā qui torquentur amore.] Falsa est hęc senten-
tia, vt versionis ineptias omittam, maiori venia esse dignos
intemperantes homines, quā eos, qui febre vexantur,
cum illi sua culpa tales sint, hi sepe minimē: Quamobrem
in homilia contra desperationem, & superbiam, quę est
digressio moralis 20. ad Romanos, statuebat Chrysosto-
mus, qui natura minis valeret mente, eum venia dignum
esse; at non eum, qui sponte amentiam sibi comparasset.
Ceterum hęc homilia, de qua nunc agimus, est nona mo-
ralis digressio in eandem Epistolam ad Romanos; atque
inde cuius locum per se corrigere poterit; satis enim cō-
modē Brixius ita vertit.] Nā & qui impudico amore capti
sunt grauius febricitantib. & qui vino se obruunt, quæ-
tionem tolerantib. miserieores sunt.]

In Symbolum Apostolorum.
HOMILIA Prima col. 62.

Credite vitam æternam promissam pro ista gratia da-
ta, vt gratuitā gratia accēpta perseueret à vobis] Inēpta
verborum circuitio, & fortē absurdam sententiam conti-
nens. Si dubitas, num hę Homilię Chrysostomi sint, audi
verba initio huius primę posita.] Dixistis, Credo; quā
breue est, quā modicum est; si ad latitudinem literarum
dirigatis, quinque literę sunt, si ad syllabarum numerum,
duę sunt syllabę]

HOMILIA 2. 611.

[Et quia fides totum sibi vendicat, de Deo vos habere
conue-

conuenit hanc fidem Dei electi.

EX HOMILIA ad Neophytos. col. 617.

✠ Per lauacri regenerationem est namque remissio, sed non conceditur per lauacrum] Neq; homilia hæc quicquã ad Chrysostomum. puto autem esse mendum in istis verbis, ac legendum. [Sed non conceditur secunda regeneratio per lauacrum.]

EX HOMILIA ad baptizandos col. 619.

Nam licet similem etiam illi consecrationem mereantur; sed non illis similis voluntas, nec rerum similis preparatio] Homilia est Latini hominis, qui vt ætas sua ferebat, [merentur] dixit pro [obtineant]

EX HOMILIA 9. de Pœnitentia col. 759.


✠ Peccasti, Ecclesiam egredere, atque tuum dele peccatum] Legendum est, Ecclesiam ingredi; quod perspicue patet ex antecedentibus, & consequentibus verbis: atque ita legebatur in editione Basiliensi 1525. Atque hæc paulo maioris ponderis loca sunt, præcipue quæ crucis asterisco signauimus, quæ in præsentem notare satis esse iudicauimus. Cetera commo-
diore tempore
corrigentur.



AMPLIS

AMPLISSIMO CARDINALI PHILIPPO BONCOMPAGNIO

Flaminius Nobilius S. D.



Veterum clarorum Virorum minuta etiam figilla, ac numismata ab erudijs hominibus laudabiliter colliguntur; & oblata magnis principibus gratum munus accidunt; profecto neque ij reprehendi, opinor sunt: qui sanctissimorum Patrum, quib. Sancta Dei Ecclesia doctoribus utitur, exigua etiam monumenta summi illorum ingenij, ac celestis planè doctrinae imaginem exprimentia sedulo indagant, & colligunt: quinimo sperare non iniuria possunt, fore, ut christianae Reip. principes sibi donata non aspernentur. Quamobrem cum Cardinalis Sirletus uir non minus probitate, ac scientiae copia, quam isto altissimo honoris gradu clarissimus, ex codice manuscripto duas D. Basilij epistolae describendi potestatem mihi fecisset; agnoui optimae notae aurum, & artis politissimae opus. Sunt enim à Sanctissimo & doctissimo illo patre ad duos quasi hominum conuentus scriptae non nihil in causis Ecclesiasticis dissidentes; quos ita conciliare inter se studet, ut in praecipuis tamen dogmatis, id est in ijs, quae ab Ecclesia sunt definita, aut ex sacra scriptura manifestè deducuntur, concordēs esse uelit. Itaque optimam hae, nisi fallor, Epistolae dissensionum sedandarum rationem docent. Quinetiam, cum praeter ea, quae in Symbolo Niceae constituto sancita sunt, quaedam alia exprimi uult, satis ostendit hoc multo magis Ecclesiae Latinae licuisse: qua de re in Ferrariensi Concilio diu est disputatum. Quamobrem & istas ego Epistolae egregie charas habui, latinasque statim feci; & nunc ut facilius breuitatem suam ab iniuria temporum tuerentur, nonnullis D. Ioannis Chrysostomi aureis scriptis coniunctas ad Amplitudinem tuam defero; ut eas à te ceteri habeant. Quod quidem meae erga uirtutem, atque humanitatem tuam obseruantiae specimen alia fortasse aliquando, si non meliora (id enim fieri uix potest) at certè operosiora consequentur. Vale.

KK

BASI-

BASILIVS PRESBYTERIS TARSENSIBVS



OSTQVAM cum vestro homine sum congressus; magnas habui Deo sancto gratias; qui me & illius præsentia in magnis meis angorib. consolatus est; & vestram charitatem per ipsum perspicue ostendit. Nam vestrum ferè omnium erga veritatem Zelum ex vnus hominis instituto cognoui. Quæ igitur priuatim inter nos loquuti sumus, ea ipse ad vos deferet. Quæ autem ex me charitatem vestram cognoscere par est; hæc sunt. Magna est inclinatio temporis ad Ecclesiarum euersionem. Atque id iam diu quidem est, cum intelleximus. Aedificatio autem ecclesie, errorum correctio, erga fratres si infirmiores sint, consensus quidam humanitatis plenus; si rectè valeant, propugnatio ipsorum salutis, planè nulla; ac ne præsidium quidem, quod aut præsentem morbum curare queat, aut impendentem propulsare. Omninoque similis iam est Ecclesie status (vt similitudine vtar, quamuis vilior videri possit, euidenti tamen) veteri vestimento; quod vel leui de causa facile discinditur, pristinam verò soliditatem recuperare nullo pacto potest. Igitur, v in tali tempore, magnum studium, magnaque diligentia opus est in quibusdam ecclesiis iuuandis: iuuabuntur autem, si quæ nunc diuulsa sunt, coniungentur: coniungentur; si quibus in rebus nullum animabus detrimentum afferimus, voluerimus nos infirmioribus accommodare, & obsequi. Quoniam igitur multorum ora sese aduersus Spiritum sanctum aperuerunt, multorumque lingue ad iaciendas in illum blasphemias se acuerunt; optimum factu esse ducimus, vt quantum in vobis est, blasphemorum numerum minuatis, & ad paucos redigatis: atque eos, qui Spiritum sanctum creaturam esse negant, in comunem recipiatis; vt soli relinquantur blasphemi; atque ita vel pudore ad veritatem adducantur; vel si in peccato
maneant,


maneant, ob paucitatem indigni putentur, quib. fides habeatur. Ergo nil ultra quæramus; sed fratribus qui nobiscum coire societatem volunt, fidem, quæ Niceæ sancita est, proponamus; ac si in ea conueniant; illud quoque exigamus, Spiritum sanctum neque creaturam dici oportere, neque eos, qui dicunt, in communionem ipsis esse recipiendos. Nihil aliud est, quod præterea nobis inquirendum censeam. Persuasi enim mihi; si quid etiam est, quo ad ampliorem euidentiam addito opus sit; id frequenti collationi, minimeque contentiosæ inter nos exercitationi daturum esse Dominum; qui ipsum diligentibus omnia cooperatur in bonum.

Iis qui Tarsi sunt.



QUANTUM sit pacis bonum, minimè narrato opus est, cum viris sermonem habenti, qui sunt filii pacis. Quando igitur hoc ipsum tam suspiciendum bonum, tamquæ omnibus, qui dominum diligunt, curandum periclitatur iam, ne ad inane quoddam nomen redigatur; eò quòd cummulata iam sit iniquitas; & charitas in multis refrixerit; oportere arbitror in hoc vno studio eos versari, qui verè, ac germanè seruiunt domino; vt Ecclesias, quæ multis ex partibus, multisquæ modis à se mutuo discissæ sunt, ad concordiam, vnitatemquæ adducant. Quod cum ego quoque aggrediar facere; non est, quòd nimium seduli, atque in aliena negocia se intrudentis hominis crimen meritò pertimescam. Nihil enim tam proprium christiani est; ac pacem conciliare. Quamobrem etiam pro hoc opere maximam nobis mercedem dominus pollicitus est. Ergo cum fratrib. congressus, cum perspexissem, valde quidem fratres ab ipsis diligi, vosq; amari; sed multo adhuc magis amari Christum, & exquisitam, atque integram fidei rationem; & vtrunque ipsis magnoperè esse cordi; tum à vestra charitate ne segregentur; tum verò vt sanam fidem ne prodant; bonam hanc ipsorum men-

rem amplexatus, scribo ad grauitatem vestram, omni obsecrans charitate, vt illos vobis ex animo coniungatis, omnisque Ecclesiasticæ curæ participes habeatis; quemadmodum illis quoque vicissim spopondi rectam esse vestram mentem, vosque etiam, Dei gratia, pro vestro erga veritatem Zelo ad omnia subeunda paratos esse, quæcunque pro verbo veritatis subire opus sit. Quæ autem, & vobis, quantum mihi persuadeo, minime aduersantur, & patribus, quos commemoravi, apta sunt quæ animum expleant; hæc sunt: vt fateamini recipi à vobis fidem à patribus nostris, qui Niceæ quondam conuenerunt; expositam; nullamque earum, quæ illic, dictionum reiciatis; sed exploratissimum habeatis, tercentos decem octo patres, qui minimè contentionis cupidi conuenerunt, non sine spiritus sancti actu, & operatione loquutos esse; hoc etiam addentes fidei illi, Spiritum sanctum minimè dicendum esse creaturam, neque cum iis, qui dicunt, communicandum; vt pura sit Ecclesia Dei, nullum Zizanium secum admittum habens. Hac de re, si vestra illis intima dilectio satisfecerit; ipsi quoque parati sunt, eam vobis, quam par est, subiectionem præstare. Ego enim pro fratribus spodeo, nulla illos in re contradicuros; sed maiorem in modum erga vos omnem modestiam adhibituro; si hoc vnum, quod à vobis expectant, vestra ipsis perfectio libenter dederit.



ILLVSTRISSIMO ET EXCELL.
IACOBO BONCOMPAGNIO.

Flaminius Nobilius S. D.



QD in communi hac totius aula, populi que Romani læticia omnes clientes tui faciunt, ut uoluptatem, quam ex contracta tibi cum clarissimo Sfortiarum genere affinitate, atque Equitum grauis armatura præfectura à Rege Catholica in te collata ceperunt, quibus possunt muneribus officijsque testentur; id à me uix sine scelere omitti posse putauit; quem tu hominem tibi ignotum, nec satis fortasse dignum, qui abs te cognosceretur, eo tantum nomine, quod Illustrissimi Cardinalis Guidonis Ferrerij tui essem familiaris, tibi commendatum, ita in clientelam tuam recepisti, ut nullam in me ornando, atque honestando moram tibi interponendam existimares, aditumque mihi ad Philippi Vastauillanij familiaritatem Cardinalis prudentia, probitate, humanitate præstantissimi continuò patefaceres; quo summo beneficio nihil mihi quicquam contingere optatius potuisset. Affero igitur ad te Diui Maximi Monachi, & martyris Opusculum de mandatis Dei efficiendis, nuper à me in linguam latinam conuersum, tuoque Nomini dicatum. Dicit quispiam; Quid hæc ad Romanæ Iuuentutis Principem, & militarium copiarum ducem? Benè habet; quod tu is es, qui tametsi rei bellicæ scientiam potissimum appetisti, atque in ea partim rebus gestis clarorum Imperatorum legendis, partim audiendis peritis quos magnis stipendijs, premijsque ad te undique inuitas, ita profecisti; ut si usus ueniat, indocile illam usus disciplinam (quod de L. Lucullo summus Orator dixit) ingenij, animique altitudine te representaturum nemo sit, qui dubitet; tamen ceteras etiam bonas artes usque à Pucro adamasti, atque in ijs florentes homines cupidissimè & audis, & foues. Pietatem uerò præcipuè colis; qua una Viriutes omnes continentur; neque arti militari omnium ferè humanarum artium nobilissima hanc iniuriam facis, quod

quod multi sunt soliti, ut perpetuas illi cum bonitate, ac religione susce-
 ptas inimicitias putes; sed per sanctè Deum ueneraris; bona quæ-
 cunque habes, (habes autem plurima, & maxima) illi accepta refers;
 ac denique illius mandata omnibus rebus anteponis. Huc accedit me ita
 cum animo meo cogitasse in tam necessario officio curandum mihi potius
 esse, ut qualecumque munus offerrem; quàm dum nimis subtiliter, ne
 inaptus habear, mihi prospicio; nihil offerem. Postremò Cardinalis
 meus, sponforem se mihi fecit, te hoc quicquid est, in bonam acceptu-
 rum partem, nec tam ad munus ipsum, quàm ad animum, unde profici-
 scitur, nec ad uitia Interpretis, sed ad optimi, ac sanctissimi autoris
 præstantiam spectaturum. Cuius quidem Cardinalis promissione tam il-
 lustri dignitate, ac tanto illustriore uirtute uiri satis mihi cauisse uideor
 Spero tamen, quæ tua benignitas, ac morum suauitas est, nihil opus fo-
 re, ut sponforem appellem. Reliquum est, ut Nuptias tuas bonis omi-
 nibus prosequar; utquæ ea tibi res benè, & feliciter eueniat, Deum
 precer; quod qui magis ex animo faciat, nemini concedo. Vale.



BEATI MAXIMI MONACHI ET CONFESSORIS

SERMO AD PIETATEM EXERCENS

Per Interrogationem , & responsionem .

Frater Senex.



PATER interrogauit Senem his verbis . F. Amabo te mi Pater, dic mihi; quò spectet, ac tendat Incarnatio Domini. S. Miror te frater; qui cum ferè quotidie Symbolum fidei audias; de hac re me interroges . Veruntamen illud habeto, propositam incarnationi Domini esse nostram salutem. F. Modum explices Pater. S. Nimirum cum initio homo á Deo factus, & in Paradiso collocatus mandatum violasset; in interitum, ac mortem incurrit; deinde per omnes ætates multis modis Dei prouidentia, curaque adiutus, tamen non desistit in peius ruere, & nouas in dies ad deteriorem partem accessiones facere, à multis, variisque carnis perturbationibus ad vitæ desperationem adductus. Propterea Vnigenitus Dei Filius æternum verbum, quod est ante secula, Deus de Deo, fons vitæ, & immortalitatis apparuit nobis, qui in tenebris, & umbra mortis sedebamus, incarnatus ex Spiritu sancto, & Sancta Virgine, ac Deiformis vitæ rationem commonstrâs, sanctaque mandata dans, & iis, qui ad eorum normam vitam instituissent suam, cœlorum regnum promittens, iis verò, qui ea minimè obseruassent, æternum supplicium comminatus, passus salutarem illam passionem, atque ex mortuis resurgens, resurrectionis, æternæque vitæ spem nobis donauit, condemnationem, quæ nos ex primorum parentum peccato, atque inobedientia tenebar, dissoluens, & imperium mortis morte abrogâs; vt quemadmodum in Adam omnes moriuntur, ita in ipso omnes iustificen-

iustificentur; & in cœlos ascendens, atque à dextris Patris sedens Spiritum sanctum misit; qui arrabo vitę esset, & lucem, sanctitatemque animabus nostris, & auxilium illis afferret; qui pro sua ipsorum salute mandata illius observare omni studio, animique contentione conarentur. Huc igitur, ut summatim dicam, incarnatio Domini spectavit. F. Velim Pater summatim audire, quę mihi conficienda mandata sint; ut per ipsa salutem consequar. S. Ipsemet Dominus postquam resurrexerat, id Apostolis patefecit. [Euntes docete omnes gentes baptizantes eos in nomine Patris, & Filii, & spiritus sancti, docentes servare omnia, quęcunque mandavi vobis]. Quamobrem, quicumque baptizatus est in nomine patris, & filii, & spiritus sancti; omnia quęcunque ille pręcepit, observet, oportet. Idcirco enim præter rectam fidem ob-

*Fides sine
operibus sa-
lutem non
affert.*

Psal. 118.

temperacionem quoque omnibus mandatis Dominus adiunxit, copulavitque; quod videret fieri minimę posse, ut vna absque altera homini salutem afferret. Propterea etiam David recta imbutus fide, ad Deum dicebat, [Ad omnia mandata tua dirigebar; omnę viam iniquam odio habui]. Nam omnia nobis mandata contra omnem viam iniquam à domino donata sunt; ac si vnum negligatur; oppositam illi viciositatis viam loco ipsius succedere necesse est. F. Ecquis nam verò est, ò Pater; qui omnia efficere mandata queat, cum tam multa sint? S. Qui Dominum imitatur, atque illius vestigia sequitur. F. Et quis est ò Pater, qui Dominum imitari possit? Dominus enim tametsi homo factus, tamen Deus erat. Ego autem homo sum peccatis inquinatus, ac sexcentis perturbacionibus constrictus, servusque factus: Quis igitur queam ego Dominum imitari? S. Nemo eorum, qui rebus huius mundi corporeis servitutem serviat, Dominum imitari potest. Quib. autem licet dicere, [Ecce nos reliquimus omnia, & sequuti sumus te]; illi potestatem accipiunt ipsam mandandi, omniaque ipsius mandata conficiendi: Qualem potestatem ipsum audi dicentem. [Ecce dedi vobis facultatem calcadi supra serpentes, & Scorpiones, & super

Matt. 19.

Lu. 10.

& super omnem virtutem inimici, & nihil vobis nocebit.]
 Hac ipsa potestate, facultateque accepta dicebat Paulus. 1. cor. 4.
 [Imitatores mei estote, sicut & ego Christi] ac rursus. [Ni- Eph. 11.
 hil ergo nunc damnationis est iis, qui sunt in Christo Iesu; Ro. 8.
 qui non secundum carnem ambulant; sed secundum spi-
 ritum.] Et rursus. [Qui autem sunt Christi; carnem suam Gal. 5.
 crucifixerunt cum vitiis, & concupiscentiis]. Et rursus.
 [Mihi mundus crucifixus est, & ego mundo.]. De hac ipsa Gal. 6.
 facultate, atque ope prophetice scribens David dicebat. Ps. 90.
 [Qui habitat in adiutorio altissimi; in protectione Dei coe-
 li commorabitur: dicet Domino, susceptor meus es tu, &
 refugium meum Deus meus; sperabo in eum.]. & rursus.
 Super Aspidem, & Basiliscum ambulabis, & conculcabis
 Leonem & Draconem: quoniam Angelis suis mandavit
 de te, ut custodiant te in omnibus viis tuis.]. Qui verò car-
 ni addicti sunt, ac mundi materiam amant; laudi, qualia ab Matt. 10
 illo audiant. [Qui amat patrem, aut matrem plusquam me;
 non est me dignus: Et qui amat filium, vel filiam super me;
 non est me dignus; & qui non accipit crucem suam, & se-
 quitur me: non est me dignus: Et omnis ex vobis, qui non
 renunciat omnibus, quæ possidet; non potest meus esse di- Lu. 14
 scipulus.]. Quisquis igitur illius discipulus fieri vult, atq;
 ipso dignus inueniri, & ab eo potestatem accipere aduer-
 sus spiritus nequitie; is segregat se ipsum ab omni carnis
 vinculo, liberatque ab omni erga materiam propensione.
 atque hic ille est, qui contra non aspectabiles inimicos pro
 illius mandatis decertat; quemadmodum ipsemet Domi-
 nus seipsum formulam, atque exemplar nobis præbuit; &
 ab illorum principe in Eremito, & cum mundo se dedit, ab
 iis, qui ab illo agitabantur, tentatus. F. At enim multa sunt
 pater mandata Domini; & quis est, qui ita possit omnia in
 mente habere, ut in omnia seruanda contentè incumbat?
 Ego verò, qui valde infirmam mentem gero, cupiebam
 breuem quamdam rationem audire; cui seruandæ par ex ea
 salutem consequeretur. S. Multa quidem sunt mi frater, sed
 ad breuem quamdam summam rediguntur, nimirum ad De dilectio-
ne Dei, &
proximi.
 caput illud; diliges Dominum Deum tuum ex tota fortitu-
 dine

Mat. 6

Jo. 14.

Jo. 15.

De diligen-
dis inimicis

dine tua; & proximū tuū, sicut te ipsum; & qui hoc vnū ca-
put seruale contendit; is omnia simul mandata exequi-
tur. Neq; verō Deum, aut proximū is germanē amare po-
test; qui se ipsū, vt dictū est, à rerū corporearū cupiditate nō
segregauerit. Pugnant. n. hæc inter se, materię incubare, ac
Deū diligere. Atq; hoc sibi volebat Dñs, cū ita diceret, (Ne-
mo potest duob. dominis seruire. Aut. n. vnū odio habebit,
& alterū diliget, aut vnū sustinebit, & alterū contēnet. Non
potestis Deo seruire, & Māmonæ). Quatenus mens nostra
mundanis rebus inheret; eatenus seruitutē illis seruit, ac
Deū despicit, mandatū violans. F. Qualibus rebus inquis o
Pater? S. cibus, pecuniis, possessionibus, gloriæ, cognationi,
& ceteris; quę sunt generis eiusdē. F. Dic mihi pater; nonne
Deus ista condidit, & hominibus ad vsum dedit? Quomodo
igitur iubet, ne illis adhæreamus? S. sine dubio Deus cōdi-
dit, atq; hominibus ad vsum dedit; bonaq; omnia à Deo sūt
facta. vt benē iis vtentes Deo placeremus. Sed nos infirma,
materięq; addicta mente præditi res corporeas pluris faci-
mus, quā mādatū dilectionis; iūs, constricti cū homini-
bus bellū suscipimus; cū contra oporteret cuiusq; hominis
dilectionē omnibus rebus, quę sub aspectū cadunt, omni-
busq; corporibus anteferre; quę quidē dilectio dilectionis
erga Deū indicium est: prout ipsemet Dominus in Euāgeliis
ostendit. [Qui me diligit, inquit, mandata mea seruabit] Et
quod nā mandatū sit illud, quod si seruauerimus, Dominū
ipsū amaturi simus; audi ipsū exponētē. [Hoc est præceptū
meū, ut diligatis inuicē] Vides mutua hominū inter se chari-
tate contineri charitatē erga Deū? quę quidē plenitudo est
totius diuini mandati. Hæc igitur causā est; quamobrē iu-
beat, ut quicunq; se illi prōptē, atq; alacriter in disciplinam
traditurus est, nō modo hisce rebus nō adhærescat; sed etiā
omnia sua renunciet. F. Quoniā dixisti pater præ cuiuslibet
hominis dilectione omnia, quę sub aspectū cadunt, atq; ip-
sūmet corpus postputanda esse; Ecqua ratione fieri potest;
vt eū diligā, qui me odio prosequitur, atq; auersatur? Quod
si præterea & mihi inuidet, & maledictis configit, dolosq; ad-
uersū me stituit, & insidias molitur; ec. quo modo diligere il-
lum

lū possum? Mihi quidē pater istud ex earum rerū numero videtur esse, quarū natura nullo pacto compos est; quippe cū ipsamet ex dolore perturbatio naturaliter cogat ab eo, qui dolorē inussit, alienū animū habere. S. In serpētibus quidē, ac Belluis, quę naturā aguntur, reuera fieri nō potest, quin pro virib. de illo vindictā sumant, à quo molestia afficiūtur. At apud eos, qui ad imaginem Dei conditi sunt, & ratione ducuntur, ac Dei notitia dignati sunt, legemque ab ipso acceperunt, pote est eos, qui nobis dolorē fecerunt, nō auersari, & eos, qui odio prosequuntur, diligere. **Quamobrem** Dominus cum inquit [diligite inimicos vestros, benefacite his, qui oderunt vos, benedicite maledicentibus uobis, & orate pro calumniantibus vos,] & quę sequuntur, non tamquam impossibilia præcipit, sed planē ut possibilia: ceterò qui minimē puniret eum, qui non seruaret. Id vero ipse Dominus per ipsamet opera demonstrauit; quinetiam omnes ipsius discipuli, pro sua erga proximum dilectione usque ad mortem decertantes, & pro iis, à quibus occidebantur, ardentem precantes. Nos verò quoniam corporis, ac voluptatis amore capti sumus, atque hęc pluris quàm mandatum facimus; propterea eos qui oderunt, diligere minimē possumus; sed potius iisdem adducti causis, uel eos, qui nos amant, sepe auersamur, animo deterius, quàm ferē, ac serpentes, affecti. Quocirca cum Domini vestigia sequi nequeamus; neque etiā scopum ab ipso propositum ita nosse possumus, ut potestatem accipiamus. F. Ecce pater abiici omnia, cognitionem, opes, delicias, mundanam gloriā, nec quicquam mihi præterea in hac vita superest, quod possideam præter ipsum corpus; ac tamen fratrem, qui me odio prosequatur, atque auersetur, amare, non possum; quamuis eatenus mihi uim afferam, ut malum pro malo factis ipsis non reddam. Quid igitur mihi faciendum est; ut ipsum ex animo queam diligere, etiam si quantas maximas potest molestias, calamitates que mihi afferat, meque insidiis appetat? S. Fieri minimē potest, ut quispiam ex corde diligit vexatorem suum, tametsi huic mundanę materię videatur renunciassē; nisi Do-

Lu. 6.

*Præcepta
sunt possibi-
lia.*

mini scopū verè cognouerit. Si autem domino id illi gratificante scopum cognoscere potuerit, ac secundum illum ambulare studuerit; potest eum, qui odit, ac vexat, ex animo diligere; quemadmodū dilexerunt Apostoli, cō quòd illum benè cognitum haberent. E. Ecquis nam scopus Domini est, ad quem cognoscendum cohortaris pater? S. si

Scopus incarnationis

Domini scopum nosse vis; attente audi; ac primū pro me ora; ut à Deo mihi detur sermo, qui id quod à nobis queritur, possit exponere. Dominus igitur noster Iesus Christus naturā Deus, & propter amorem erga homines homo fieri non dedignatus, genitus ex muliere, sub lege factus est secundum diuinum Apostolum; ut cum mandatum, quā homo, seruasset; antiquam Adę maledictionem ē medio tolleret. Intelligens igitur Dominus vniuersam legem, ac Prophetas ex duobus legis pendere mandatis, nimirum istis, Diliges Dominum Deum tuum, & proximum tuum sicut te ipsum; hæc ab initio, & vique ad finem congruenter humanæ naturę seruare studuit. Ille autem qui ab initio decepit hominem, ac propterea imperiū mortis obtinuit, Diabolus inquam, animaduertens ei in Baptismate à Patre testimonium dari, eumq; ut hominem de cœlis accipere cognatum Sanctum spiritum, & ab eo in Eremum, ut tentaretur, expulsū esse, vniuersam belli molem in ipsum conuertit; si qua forte ratione persuadere illi posset, ut mūdi materiam pluris faceret, quā dilectionem erga Deum. Ergo cum intelligeret Diabolus tria esse, in quibus omnia humana versarentur, cibos inquam, pecunias, honores; per quę etiam in perditionis barathrum coniecerat hominem; in his ipsis tribus eum in Fremo tētauit. Quibus cum Dominus noster se superiorem ostendisset, retro abire Diabolum iussit. Hoc igitur dilectionis erga Deum indicium est: Cuius mandatum, cum iis, quibus Diabolus sibi pollicitus erat, rationibus, Domino, ut transgredereetur persuadere non potuisset; tum vero in posterum, ut Dominus in mundum prodiens mandatum dilectionis erga proximum violaret, iniquorum Iudæorum operā vsus, quibuscumque artificiis potuit, adlaborauit. Propterea cum ille doceret

Artificia diaboli erga Dominum

ceret vias vitæ, & opere commonstraret coelestem viuendi rationem, & adnunciaret resurrectionem mortuorum; promitteretque vitam æternam, & cœlorum regnum credentibus, iis verò, qui non credidissent sempiternum supplicium comminaretur; & ad eorum, quæ dicebat, confirmationem, diuina, & quæ opinionem superarent, signa ostenderet; & ad fidem turbas vocaret; Diabolus iniquos illos Phariseos, & scribas concitabat; vt variis modis eum adorirentur; vt cum ille, quemadmodum putabat, tentationes ferre non posset; ad eos, qui insidiabantur, odio persequēdos, præceps ferretur; atque ita malus dæmon, quod cupiebat, assequeretur, cum dominum nostrum violatorē mandati dilectionis erga proximum ostendisset. Dominus autem, vt pote qui Deus erat, non ignorans illius cogitationes, ac desideria, ipsos quidem ab illo actos Phariseos odio minimè prosequeretur, (quomodo enim posset is, qui naturā bonus est?) sed per eam, qua illos complectebatur, dilectionē, illū à quo agebantur, puniebat, atq; vlcisceretur; & illos quidem, qui agebantur, quippe qui poterāt quidem non agi, sed sponte ex socordia ac negligētia agentem ferebant, monebat, arguebat, increpabat, miseriam in qua erant, patefaciebat, nec benefacere vnquam intermittebat; cum blasphemii appetere, lenitatem, ac lenitudinem, cum malè acciperetur, tolerantiam adhibebat; omniaque dilectionis officia erga ipsos representabat; impulsorem verò, hac in eos, qui impellebantur, humanitate puniebat (ò inusitatum, atque omnem opinionem superans bellum), pro odio dilectionem præstans, & bonitate feriens ipsum iniquitatis patrem. Idcirco tot, tantisq; malis ab illis affectus vel potius, vt verius dicamus, per illos, vsque ad mortem pro dilectionis mandato, eo, qui homini conueniebat, modo decertauit: atque integra victoria de diabolo reportata, corona resurrectionis pro nobis se induit. Atque hoc illud est, quod inquit diuinus Apostolus: Hoc sentite in vobis, quod & in Christo Iesu; qui cum in forma Dei esset, non rapinam arbitratus est esse æqualem Deo; sed se ipsum exinaniuit, formam serui accipiens, & in similitudine homi-

*Liberum
arbitrium*

Philip. 2.

*Scopus do-
mini.*

hominis factus, & habitu inuentus vt homo: humiliavit seipsum factus obediens vsque ad mortem, mortem autem crucis: propter quod & exaltauit illum Deus, & donauit illi nomen, quod est super omne nomen; vt in nomine Iesu omne genuflectatur coelestium, terrestrium, & infernorum, & omnis lingua confiteatur, quod Dominus Iesus in gloriam Dei Patris]. Hic igitur fuit Domini scopus; vt Patri quidem obediret vsque ad mortem, quia homo pro nobis custodiens mandatum dilectionis; diabolum autem puniret eo ipso, quod ab eo per scribas & Phariseos, quos ille impellebat, male acciperetur. Atque ita, dum sponte vincitur; vicit eum, qui victoriam sibi pollicebatur; atque ab eius Tyrannide mundum liberauit. Hoc modo Christus ex infirmitate crucifixus est; per quam infirmitatem, mortem mortuam reddidit; & eum, qui mortis habebat imperium, principatu deiecit.

2. Cor. 12. Hoc etiam modo Paulus in seipso infirmabatur, & gloriabatur in infirmitatibus vt inhabitaret in ipso virtus Christi. Hanc vincendi rationem cum didicisset, ad Ephesios

C. 6. ita scribebat, [Non est nobis colluctatio aduersus sanguinem, & carnem; sed aduersus principes, & potestates, aduersus mundi rectores tenebrarum seculi huius, contra spiritualia nequitiae in coelestibus]: illosque vniuersam Dei armaturam sumere iubet, thoracem iustitiae, & galeam spei, & scutum fidei, & gladium spiritus; vt qui cum inuisibilibus inimicis bellum gerunt, possint omnia improbi illius ignita iacula extinguere. Factis vero huius luctae rationem demonstrans dicebat. [Ego igitur sic cur-

1. Cor. 9. ro, non quasi in incertum; sic pugno, non quasi aerem verberans; sed castigo corpus meum, & in seruitutem redigo; ne cum aliis praedicauerim, ipse reprobus efficiar]: Et rursus, [Vique in hanc horam & esurimus, & sitimus; & nudi sumus, & colaphis cedimur]: Et rursus, [In

Ibidem. c. 4. labore & aërumna, in vigiliis multis, in fame, & siti, in ieiuniis multis, in frigore, & nuditate, praeter illa, quae extrinsecus sunt] Ac talem quidem pugnam aduersus daemonas, qui voluptate titillabant carnem, pugnavit, per infirmitatem

firmitatem proprii corporis illos expellens. At aduersus eos, qui odium inferere certant, atque idcirco inconsideratos homines aduersus pios concitant; vt per illos tentati, illos odio prosequantur, ac dilectionis mandatum violent, rursus luctandi rationem factis nobis commonstrans, dicebat, [Maledicimur, & benedicimus; persecutionem patimur, & substinemus; blasphemamur, & obsecramus tanquam purgamenta huius mundi facti sumus, omnium peripsa usque adhuc] Nam Dæmones quidem ideo aliquem qui maledictis, ac blasphemis Paulum infectaretur, atq; hostili animo persequeretur, submittebant; vt ad eum, qui conuicia, ac blasphemias congerebat, atq; infectabatur, odio prosequendum adducerent, hoc sibi pro fini proponentes; vt ille dilectionis mādātum violaret. Apostolus autem non ignorans illorum consilia, maledicentibus benedicebat, & infectantes ferebat, & eos, qui blasphemabant, obsecrabat, vt à dæmonibus quid em, qui talia in ipsis patrabant, deficerēt, bono autem Deo se coniungerent, ac familiares fierēt; dēmonas verò, qui hęc moliebātur hoc pugne genere puniebat, in bono semper vincens malum, ad imitationem Saluatoris. Atq; ita cum ipse, cum ceteri Apostoli vniuersum mundum à dēmonibus segregantes, Deo coniunxerunt; clade ipsa sua victoriam de his reportantes, qui vincere putabant. Ergo tu quoque Frater, si hunc tenueris scopum, potes, qui te oderunt, diligere; sin minus; planè non potes. F. Verè, Pater, ita est; neque alia ratione licet: ac propterea Dominus cum blasphemis, ac colaphis appeteretur, & reliqua pateretur, quæ à Iudæis passus est; equo animo tulit: illorum quidē, vt imprudentium, atque in fraudem inductorum miseratus (Ex quo illę voces de cruce [Pater dimitte illis non enim sciūt, quid faciūt]) de Diaboli verò, ac principum dēmonum malitia, ac fraude triumphans in cruce, cum pro dilectionis mandato, sicuti dixisti, usque ad mortem cum illis concertasset, & victoriam, quam de illis erat consequutus, nobis gratificatus esset, ac mortis imperium sustulisset; suam ipsius resurrectionem toti mundo ad uitam donauit. Sed ora
pro

1. Cor. 4.

Lu. 23.

pro me Pater; vt integrè, atque omni ex parte valeam Domini, atque Apostolorum ipsius scopum tenere, ac vigilare in tentationum temporibus, neque ignorare cogitationes, & consilia Diaboli, ac Dæmonum ipsius. S. si ea, quæ dicta sunt, semper tecum sedulò mediteris; poteris non ignorare; ac si illud præterea in mente habueris; quemadmodum tu tentaris, ita & fratrem tuum tentaris; ac si ei quidem, qui tentatur, veniam dederis; tentanti autem, qui te ad odium eius, qui tentatur, adducit, resisteris, ipsius artificio, & machinamento haud quaquam cedens. Atque hoc illud est, quod præcipit Iacobus in catholicis Epistolis.

ca. 4. [Subditi estote Deo; resistite autem Diabolo, & fugiet à vobis.] Ergo si perpetuò, & vigilanter, vt dictum est, ea quæ expositimus, cures, ac mediteris; potes Domini, atque ipsius Apostolorum scopum cognoscere, & homines quidè diligere; atque illorum casus, & prolapsiones misericordia prosequi; cum improbis verò dæmonibus per dilectionem sempiternum bellum gerere. Quòd si vani esse volumus, incogitantes, socordes, & corporeis voluptatibus mentem obruimus; nò dæmonibus, sed nobis ipsis, & fratribus bellum facimus; quinimò dæmonibus per voluptates seruiamus, pro ipsis cum hominibus pugnantes. F. Ita uti est, dicis pater. Semper enim ex mea socordia dæmones contra me occasiones arripiunt. Sed quæro te pater, vt mihi exponas, qua nam ratione comparanda mihi sit vigilantia, ac diligentia. S. Perfecta rerum terrenarum despicientia, assiduumque diuinę scripturę studium animum in Dei timorem adducit. Dei autem timor vigilantiam affert; tuncque anima incipit & cernere dæmonas, qui sibi ratiocinationibus suggerendis bellum inferunt, & punire; de quibus dicebat David [Et despexit oculus meus super inimicos meos, & super eos, qui insurgunt in me, malignantes, audit auris mea] Ad hanc luctam ipse etiam Apostolorum Corinthus Petrus excitans discipulos dicebat. [Sobrii estote, vigilate: aduersarius vester diabolus tanquam Leo rugiens circuit querens, quem deuoret; cui resistite fortes fide] Sed & Dominus. [Vigilate, & orate, ne intretis in temptationem

tionem] Ecclesiastes verò inquit, [Si spiritus potestatem habentis ascenderit super te, locum tuum ne dimiseris] locus autem mentis virtus est, & notitia, ac timor Dei. Admirabilis autem Apostolus valde sobrie, ac generose pugnans dicebat. [In carne enim ambulantes non secundum carnem militamus. Nam arma militiæ nostræ non carnalia sunt; sed potentia Deo ad destructionem munitionum, consilia destruentes, & omnem altitudinem extollentem se aduersus scientiam Dei, & in captiuitatem redigentes omnem intellectum in obsequium Christi, & in promptu habentes vlcersci omnem inobedientiam] Igitur si Sanctos tu quoque imitaberis, ac multo cum labore vacabis Deo, sobrius, ac vigilans eris. F. Et quid homini faciendum o Pater est, vt mens assidue queat vacare Deo? S. Nefas est mentem vsque quaque vacare Deo; nisi tribus hisce virtutibus prædita fuerit, charitate, temperantia, attentione in orando. Nam charitas quidem mulcet iram, temperantia verò extinguit libidinem: oratio verò mentem abducit ab omnibus cogitationibus, nudamq; ipsi sistit Deo. His igitur tribus virtutibus ceteræ omnes comprehenduntur ac sine his Deo mens vacare non potest. F. Cupio Pater discere quo pacto charitas sedet iram. S. Quoniam in charitate hæc sunt; misereri, & benefacere proximo, tolerantiam erga illum adhibere, atque æquo animo ferre, quæ ab illo accidunt, quemadmodum sæpè diximus. Hæc igitur cum habeat charitas, nihil mirum si in homine, cui adest, iram mollit, ac mitigat. F. Non parua sanè illius officia: sed planè felix, qui adipisci illam potest. Ego autem re uera longè ab illa aolum. Veruntamen amabò te pater, dic mihi quid sit longanimitè agere. S. Patienter ferre, quæ graui accidunt, ac tolerare molesta, atque expectare finem tentationis, nec temere iram emittere, nec verba effutire imprudentiæ plena, nec suspicari, aut in animum admittere quippiam, quod pium, ac Deo deditum hominem non deceat, quemadmodum inquit scriptura. [Vsque in tempus sustinebit patiens & postea redditio iucunditatis; vsque in tempus comprimet verba; & labia multorum ena-

2. cor. 10.

Mens nō uacat Deo nisi per charitatem, temperantiam, orationem.

Eccl. 1.

M m rabunt

*cōditiones
longanimitatis.
Cur nobis
accidant ca-
lamitates.*

rabunt sensum illius. Hæ igitur sunt notæ longanimitatis, sed non solæ: nam & illa non minima pars est, ita secum putare, se esse, qui tentationi causam dederit. Fortè verò, & ita se res habet, Multa enim eorum, quæ nobis accidunt, vel ad nos erudiendos accidunt, vel ad præterita crimina abolenda, vel ad præsentem negligentiam corrigendam, vel ad ea, quibus inquinari posthac possemus, vitia evitanda. Qui igitur ita cum animo suo cogitat, vnam aliquam harum causarum fuisse, cur tentatio aduenerit; dum vapulat, non excandescit (præsertim cum sibi ipse peccati sui sit conscius); neque illum causatur, per quem accidit tentatio, (nam siue per hunc, siue per alium, bibendus ipsi omnino erat calix diuinorum iudiciorum); sed in Deum intuetur, ei que punienti gratias agit, & seipsum causatur, atque alacriter suscipit disciplinam; quo quidem modo se gessit Dauid in Semei, & Iob in mulierem. Homo verò imprudens rogat quidem per sepe Deum, vt ab eo misericordiam consequatur, & à grauib. perturbationibus liberetur; accedentem verò misericordiam non suscipit; quoniam eo, quo ipse concupierat modo, non accedit, sed quo medicus animarum expedire iudicauit, ac propterea illam contemnit, ac præ perturbatione estuat; atque interdum quidem aduersus homines excandescit, interdum verò Diuinam Naturam blasphemis appetit: atque ita & ingrati animi iudicium dat, & virgam paternam auersatur. Rectè dixisti Pater. Sed illud etiā mihi exponas velim, quomodo temperantia cupiditatem extinguat. S. Quoniam facit, vt à rebus omnibus, quæ ad explendam egestatem necessariæ non sunt, sed ad voluptatem comparantur, abstinemus; nec quicquā nobis velimus, præter eā, quæ ad vitam opus sunt; nec iucunda, sed vtilia persequamur. vsui præterea respondere proportionem vult ciculenta, & poculenta, nec finit corpus humore nimio mollescere; sed satis id habet, si solam corporis vitam conseruet; neque hominem libidine cōmiscendorum corporū perturbari, atque auferri finit. Hoc igitur modo temperantia cupiditatem extinguit. Voluptas vero, cibi; ac potus immoderatio, ventrē excat-
facit;

facit; turpes cupiditates excitat, accenditque; ac totum animal concutit, impellitque; ad amentem illam commisionem. Tunc oculi inuerecundi, & manus effrenata, & lingua loquens titillat auditum; & auris vanas voces accipit; & mens Deum despicit; & anima consulto mechatur, corpusque; ad nefandum opus patrandum aduocat. F. Vera narras. Sed cupio preterea discere, quomodo orandi attentio mentem abducit ab omnibus cogitationibus. S. Cogitationes sunt rerum cogitationes. Rerum vero aliarum intelligentia comprehenduntur, aliarum sub sensum cadunt. Has ipsas igitur versans animus, cogitationes, & simulachra ipsarum circumfert. At gratia orationis Deo mentem coniungit; coniunctam abducit a cogitationibus. Tunc nuda mens cum illo familiariter habitans deiformis fit; talis facta, ea, quae decent, ab illo postulat; neque vnquam frustra. Haec igitur causa est; quamobrem Apostolus sine intermissione iubeat orare; ut assidue Deo mentem coniungentes, paulatim propensionem ad res corporeas exuamus. F. Ecqua nam ratione potest mens sine intermissione orare? Ipsam enim & psallentes, & legentes, & colloquentes, & ministrantes in multas cogitationes, contemplationesque distrahimus. S. Nihil eorum, quae fieri non possunt a diuina Scriptura imperatur. Nam vel ipse Apostolus & psallebat, & legebat, & docebat, & ministrabat, multisque modis petitus in ærumnis erat, ac tamen sine intermissione orabat. Assidua enim oratio est, mentem habere multa cum innocentia, ac desiderio affixam Deo, speque ab illo semper pendere, & in ipso omnem suam fiduciam reponere omnibus in rebus, quaecunque geruntur, & quaecunque accidunt. Hoc modo affectus Apostolus dicebat. [Quis nos separabit a charitate Christi? tribulatio, an angustia, an fames, an nuditas, an periculum, an gladius?] Et paulo post [Certus. n. sum, quod neque mors, neque vita, neque Angeli, neque principatus, neque virtutes, neque instantia, neque futura, neque altitudo, neque profundum, neque creatura alia poterit nos separare a charitate Dei, quae est in Christo Iesu

*Quomodo
mens sine
intermissio
ne orat.*

*Nihil im-
possibile
in scriptura
imperatur.*

Ro. 8.

2. Cor. 4.

domino Nostro]: & rursus, [In omnibus tribulationem patimur, sed non angustiamur; aporiamur, sed non destituimur, persecutionem patimur, sed non derelinquimur, deieciimur, sed non perimus, semper mortificationem Domini in corpore circumferentes; vt & vita Iesu manifestetur in mortali carne nostra: semper enim nos, qui viuimus, in mortem tradimur propter Iesum; vt & uita Iesu manifestetur in carne nostra mortali]. Hoc igitur modo affectus Apostolus sine intermissione orabat. In omnibus enim quęcunque gereret, vt dictum est, & quęcunque ipsi acciderent, spe à Deo pendeat. Propterea omnes semper sancti in calamitatibus lætati sunt, vt ad habitum diuinę spei peruenirent; & propterea dicebat Apostolus. [Libenter igitur gloriabor in infirmitatibus meis, vt inhabitet in me virtus Christi; propter quod placeo mihi in infirmitatibus, in contumeliis, in necessitatibus, in persecutionibus, in angustiis pro Christo. Cum enim infirmor, tunc potens sum]. Sed veh nobis miseris, qui viā sanctorum dimisimus; ideoque omni spiritali opere vacui sumus. F. Quid causa est, quamobrem compunctionem non habeam? S. Quoniam timor Dei non versatur ob os, atque oculos nostros; quoniam malorum omnium facti sumus habitaculum: ac propterea terribile illud Dei iudicium perinde quasi furi-
le somnium sit, contempsimus: ceteroqui quis non compungatur? audiens partim quidem Moysen per Dei personam de peccatoribus hæc dicentem, [Ignis succensus est in furore meo, & ardebit vsque ad inferni nouissima; deuorabitque terram cum germine suo, & montium fundamenta comburet. Congregabo super eos mala, & sagittas meas complebo in eis] & rursus. [Acuiam vt fulgur, gladium meum; & arripiet iudicium manus mea, & reddam ultionem hostibus, & his, qui oderunt, me, retribuam]. partim verò Esaiam clamantem: Quis adnuntiabit vobis locum æternum? ambulate in lumine ignis vestri & in flāma, quam succendistis?] ac rursus; [Egredientur, & videbunt cadauera virorum, qui preuaricati sunt in me. Vermis enim eorum non morietur, & ignis eorum non extinguetur; & erunt

12.

Deuter. 32

Vulgata [si acuerō]

Ca. 33. ubi

vulgata

[quis habita-

bit] & c. 50

Ca. ult.

erunt in uisionem omni carni], partim etiam Hieremiam dicentem, [Date Domino uestro gloria, antequam contenebrescat, & antequam offendant pedes uestri ad montes tenebrosos. Expectabitis, lucem, & ibi umbra mortis: & ponentur in tenebris]: & rursus. [Audi popule stulte, qui non habes cor: qui habentes oculos non videtis, & aures, & non auditis. Me ergo non timebitis, ait Dominus; & a facie mea non timebitis, qui posui arenam terminum mari, preceptum sempiternum, quod non præteribit?] & rursus. [Auerſio tua erudiet te, & malitia tua arguet te; & scito, & vide, quia amarum tibi est te reliquiſſe me, dicit Dominus]. Ego plantaui te vineam fructiferam omnem veram: quomodo conuerſa es in amaritudinem vitis aliena? & rursus. [Non ſedi in Concilio ludentium, & metuebam a facie manus tuæ. Solus ſedebam, quoniam amaritudine repletus ſum.] Ecquis verò non contremiſcat; qui Ezechielem audiat dicentem. [Effundam iram meam ſuper te, & complebo furorem meum in te, & iudicabo te iuxta uias tuas, & ponam ſuper te omnes abominationes tuas, & non parceret oculus meus, nec miſerebor: & tunc ſcies, quia ego Dominus]. Ecquis verò non compungatur daniëlem audiens ſingillatim deſcribentem terribilem illius iudicii diem? [Aſpiciebam inquit, donec throni poſiti ſunt, & antiquus dierum ſedit. Veſtimentum eius candidum quaſi nix, & capilli capitis eius, quaſi lana munda. Et thronus eius flamma ignis; rotæ eius ignis accenſus: fluuius igneus, rapiduſque egrediebatur a facie eius. Millia millium miniſtrabant ei, & decies millies centena millia aſſiſtebant ei. Iudiciuſ ſedit, & libri aperti ſunt.] arguentes nimirum, quæ cuique geſta ſunt; & rursus. [Aſpiciebam ego in viſione noctis, & ecce ex nubibus cœli quaſi Filius hominis veniebat, & uſque ad antiquum dierum peruenit, & in conſpectu eius oblatus eſt ei: Et ipſi datus eſt principatus, & honos & regnum, & omnes populi, tribus, linguę ipſi ſeruiunt: & poteſtas eius poteſtas æterna, & regnum eius non corrumpetur. Horruit ſpiritus meus, Ego Daniel in habitu meo, & uiſiones capitis mei conturbauerunt me]. Ecquam

Cap. 13.

Cap. 5.

Cap. 1.

Cap. 15.

Cap. 7.

Cap. 7.

- Psal. 61.* quem ver non terreāt Davidis verba illa? [Semel loquutus est Deus; duo hæc audiui, quia potestas Dei est, & tibi Domine misericordia; quia tu reddes unicuique iuxta opera sua]; & rursus voces i'le Ecclesiastis? [Finem sermonis, in quo omnia sunt, audi. Deum time, & mandata eius obserua; hoc est enim omnis homo: quia omne factum, adducet Deus in iudicium siue bonum, siue malum sit]. Ecquem non similes Apostoli voces? [Omnes enim nos manifestari oportet ante tribunal Christi, ut referat unusquisque nostrum ea, quæcunque per corpus gessit, siue bonum, siue malum]. Quis ergo sit, qui infidelitatem nostram, animæque nostræ cecitatem non iugeat? qui hæc omnia audientes, haud tamen penitentia afficimur; neque tantam nostram indigentiam, ac solordiam amare scimus? quam previdens Hieremias dicebat: [Maledictus, qui facit opera Domini negligenter.]. Nam si curæ nobis esset, salus animarum nostrarum; contremisceremus ex sermone Domini; plurimumq; studii in mandatis ipsius conficiendis poneremus; in quibus salus nostra posita est. Sed nos audientes Dominum, cum ita diceret, [Intrate per angustā portā, quæ ducit ad vitam], latam illam, ac spaciosam pluris facimus, quæ ducit ad interitum. Propterea cum ille e cœlis aduenit, iudicaturus viuos, & mortuos, audiemus. [Discedite à me maledicti in ignem æternum, qui paratus est diabolo, & angelis eius]. Atq; hæc audiemus; non quod facinora, ac flagitia patrauerimus; sed quod ad bona opera prestanda nihil curæ, studiiq; adhibuerimus. ac proximū minime amauerimus. Quod si præterea malefacta adiunt, ac tamen adeo negligenter agimus; quā ferre diem illum poterimus? Ac sanè per Moysem dictū est antiquis, Non mœchaberis, Non occides, & reliqua quæ sequuntur. Dominus autem sciens Christiano homini ad perfectionē non sufficere horum dūtaxat mandatorū obseruationem, dicebat. [Amē dico vobis. Nisi abundauerit iustitia vestra plusquam Scribarū, & pharisæorū; non intrabitis in regnum cœlorum.]. Quamobrē nullo non loco animæ sanctitatem, per quā corpus etiā sanctificatur, sinceramq; erga omnes homines charitatem

ritatem præcepit: quibus ex rebus & charitatē illam, quę er-
ga ipsum est, cōparare nobis poterimus: atq; vt sæpē dictū
est, seipsum nobis formulā vſque ad mortem, suosq; disci-
pulos præbuit. Quam igitur defensionis rationem inuenie-
mus in die illo, exemplar huiusmodi habentes atque adeo
negligenter, olſcitātēq; agentes? Vicem noſtrā lugens Hie-
remias, qui tanto gratię munere dignati fuimus, ac tantam
ſocordiam, atque incogitantia adhibemus, vel potius om-
nibus vitiis inquinati ſumus, dicebat. [Quis dabit capiti
meo aquā, & oculis meis fontem lachrymarū, & plorabo po-
pulū hunc die, ac nocte?] De nobis & Moyſem audio dicē-
tem: [Et comēdit Iacob, & impletus eſt, & recalcitrauit di-
lectus, ineraſſatus, impinguatus, dilatatus & dereliquit Deū
factorem ſuum, & recessit à Deo ſalutari ſuo.] Nec non Mi-
cheam lugentem, ac dicentem. [Veh mihi anima quia pe-
nitit reuerens de terra, & qui corrigit, in hominibus non eſt:
vnusquifq; proximū ſuū tribulat tribulatione; in malū ma-
nus ſuas præparant] & Pſalmiſtā ſimiliter de nobis dicen-
tem. [Saluum me fac domine, quoniā defecit ſanctus, qu-
niam diminutę ſunt veritates à filiis hominum. Vana loquun-
ti ſunt vnusquifque ad proximum ſuum; Labia dolosa, in
corde, & corde loquuti ſunt: diſperdat dominus vniuerſa
labia dolosa, linguam magniloquam.] Prophetiſtis etiam
vocibus nos lugens Apoſtolus dicebat [Non eſt, qui faciat
bonum; non eſt vſque ad vnum. Sepulchrū patens, eſt gut-
tur ipſorum; linguis ſuis doſe agebant. venenum aſpidū
ſub labiis eorum: quorum os maledictione & amaritudi-
ne plenum eſt; contritio, & infelicitas in viis eorum, &
viam pacis non cognouerunt: non eſt timor Dei ante o-
culos eorum] Idcirco rurlus proſpiciens futura, de præ-
ſenti hac noſtra improba viuendi ratione ad Timotheum
ſcribebat. [Hoc autem ſcito; quòd in nouiſſimis diebus
inſtabunt tempora periculosa. Erunt enim homines ſeip-
ſos amantes, cupidi, elati, ſuperbi, blaſphemi, parentibus
non obediētes, ingrati, ſceleſti, ſine affectione, ſine pace,
criminales, incōtinentes, immites, ſine benignitate, pro-
ditores, proterui, tumidi, voluptatū magis amatores, quàm
Dei,

Cap. 9.

Deuter. 32
uulgata in
tem paulo
aliter.

Cap. 7 uul-
gata paulo
aliter.

Pſal. 11.

Ro. 3.

Tim. 3.

Dei, habentes speciem quidem pietatis, virtutem autem eius abnegantes]. Propterea vehi nobis; qui in ipsa malorum extrema incidimus. Quotus enim quisque nostrum est, dic mihi, qui commemoratis vitiis non sit implicatus? Non ne in nobis expleta est prædictarum rerum prophetia? An non omnes sumus ventri dediti? An non omnes sumus voluptatum amatores? an non omnes rebus corporis inhiamus, atq; insanimus? an non omnes iracundia effierimus? an non omnes sumus iniuriarum memores, atque ad vindictam sumendam accensi? an non omnes omnium virtutum proditores, contumeliosi, dicaces, proterui, osores fratrum, tumidi, arrogantes, elati, inanis glorię cupidissimi? an non omnes hypocritę, fraudulentissimi, inuidi, inordinati, incurantes, vagi, negligentes, socordes mandatorum saluatoris, omni viciositate referti? An non pro templo Dei facti sumus templū idolorū? Nōne spiritus sancti loco improbis spiritibus referti sumus: nōne falsò Deū patrē inuocamus, & pro filiis Dei filii nunc gehēne facti sumus? nōne qui magnū Christi nomen præ nobis ferimus, ac iactamus, ludęos ipsos improbitate superauimus? Nec verò audita veritas indignationem pariat, & iracundiā cuiusquam prouocet.

Io. 8. Quoniam & illi tunc, cum legis violatores essent, dicebāt, [Nos vnum patrem habemus Deum] sed à Salvatore audierunt; [Vos ex patre diabolo estis, & desideria patris vestri vultis facere]. Quorum similia verba & nos ab ipso audiemus, quoniam proditores mandatorum ipsius sumus.

Rō. 8. Nam & Apostolus eos, qui spiritu aguntur, Dei filios nominauit. Nam [Quicumque inquit, spiritu Dei aguntur, hi filii dei sunt?]. Quomodo igitur nos, qui ab ipsa morte agimur, filii Dei appellari poterimus [prudencia enim carnis mors;] Sanē qui spiritu aguntur, ex fructibus spiritus indicantur. Videamus igitur; num fructus illos, qui à spiritu sunt, feramus. [Fructus enim spiritus, inquit, est caritas, gaudium, pax, patientia, longanimitas, bonitas, benignitas, fides, mansuetudo, continentia.] Hęcine in nobis habemus? Vtinam ne omnia, quę his aduersantur. Quo igitur modo filii Dei vocari poterimus, ac non potius

ex ad-

ex aduersario? Nam quod ex aliquo sit; simile effectiori est; quod vel dominus ipse ostendit, cum ita diceret. [Quod natum est ex spiritu, spiritus est;] nos autem caro facti sumus, cupiditate elati aduersus spiritum; idcircoque merito ab ipso audimus [Non permanebit spiritus meus in hominibus his, quoniam carnes sunt]. Quo igitur modo quicquam ad nos Christiani nomen pertinebit; si nihil, quod Christi sit, nobiscum habemus? Sed forte dicet quispiam; ego fidem habeo, & fides in ipsum satis mihi est ad salutem. Sed quid isti respondebit Iacobus? [Et dæmones credunt, & contremiscunt;] & rursus. [Fides sine operibus mortua est in semetipsa;] Quemadmodum & opera sine fide. Quomodo autem credimus in ipsum, vel ei de futuris rebus credimus; si de presentibus, quæq; in manu sunt, non credimus? & propterea rebus corporeis nos immergimus, & carne viuimus, & contra spiritum militamus? At qui Christo in veritate crediderant, ipsumq; totum mandatorum obseruatione domesticum sibi habitatorem fecerant; ita dicebant. Viuo ego iam non ego; viuit autem in me Christus: quod autem nunc viuo in carne, fide viuo filii Dei, qui dilexit me, & dedit seipsum pro me]. Propterea cum pro ipso salutem omnium procurantes male acciperentur, ut pote qui diligentes, atque accurati ipsius imitatores, germanique mandatorum ipsius custodes essent; dicebant, [Maledicimur & benedicimus, persecutionem patimur, & substinemus, blasphemamur, & obsecramus.] Audierant scilicet ipsum dicentem. [Diligite inimicos vestros, benefacite iis, qui oderunt vos; benedicite maledicentibus vos; orate pro persequentibus; & calūniantibus vos.] & quæ sequuntur. Ita cum ex sermonibus, tum ex factis indicabat Christus se esse, qui in ipsis operaretur. Nos autē, quoniā nulla non ipsius mādāta violamus; propterea omni impuritate, atq; improbitate abundamus; factiq; sumus pro templo Dei domus negotiationis, & pro domo orationis, spelunca latronū, pro gente sancta, gens peccatrix, & pro populo Dei populus plenus peccatorum, pro semine sancto semen sceleratū, & pro filiis Dei, filii illegitimi; quoniā deseruimus mādāta domini, ac seruimus improbis.

N n spiri-

Io. 3.

Gen. 6. ubi
uulgata pa
ulo aliter.

Ia. 2.

Et fides si
ne operibus
& opera si
ne fide mor
tua sunt.

Gal. 1.

1. Cor. 4.

Matt. 5.

spiritibus per impuras affectiones; & ad iracundiā prouocauimus Sanctū Israel. Ideo vicem nostrā plorans magnus Esaias clamat, mederi simul cupiens calamitatibus nostris. [In quo percuriā vos ultra addentes prauaricationem? Omne caput languens, & omne cor moerens à pedibus vsq; ad caput; neque vulnus, neque liuor, neque plaga tumens. Non est malagma imponere, neque oleum, neque alligaturas]. Deinde quid propter hæc? [Derelinquetur filia Sion, vt tabernaculum in vinea, & sicut tuguriū in cucumerario, & sicut ciuitas, quæ vastatur.] Hanc animæ nostrę solitudinem Apostolus quoque patefaciens, dicebat. [Et sicut non probauerūt Deū habere in notitia; tradidit illos Deus in reprobū sensum; vt faciant ea, quę non conueniunt, repletos omni iniustitia, improbitate, malitia, auaricia, plenos inuidia, homicidio, contentione, dolo, malignitate, fufurrones, detractores, Deo odibiles, cōtumeliosos, superbos, elatos, inuentores malorū, parentibus non obediētes, insipientes, incompósitos, sine affectione, absq; fœdere, sine misericordia: qui cum iustitiā Dei cognouissent, quòd qui talia agūt, digni sunt morte, non solū ea faciunt, sed etiam consentiūt facientibus. Propterea tradidit illos Deus in passionē ignominie, vt contumeliis afficiant corpora sua in semetipsis.] Et quid posthęc expectandum? [Reuelatur, inquit, ira Dei de cœlo super omnem impietatem, & iniustitiam hominū;] & quę sequuntur. Hanc animę solitudinem Dominus quoque significans dicebat. [Hierusalem, Hierusalem, quæ occidis prophetas, & lapidas eos, qui ad te missi sunt: quoties volui congregare filios tuos, vt gallina congregat pullos suos sub alis: & noluisti. Ecce dimittitur domus vestra deserta.] Esaias verò iterū cum videret nos, monachos inquam, corpora tantū ministeria implere, spiritalia autem despicerē, atque hinc intumescere, dicebat. [Audite verbum Domini principes Sodomorum: percipite legem Dei populus Gomorræ. Quòd mihi multitudinem victimarum vestrarum. Plenus sum holocausto arietum, & agnorum: adipem, & sanguinem taurorum, & hircorum nolo. Quis enim quæsiuit hæc de manibus vestris? Calcere atrium meum non

nim non apponetis. Si afferatis similaginem; frustra: ineen-
 sum abominatio est mihi. Neomenias vestras, & sabbata
 & magnum diem non fero: Ieiunium, & ocium, & neo-
 menias vestras, & sabbata odiuit anima mea. Facti estis mi-
 hi in satietatem: nequaquam posthac dimittam. Cum ex-
 tenderitis manus ad me, auertam oculos meos à uobis.
 Et cum multiplicaueritis orationem; non exaudiam uos.]
 Quam-ob causam? [Manus enim vestræ, inquit, sangui-
 ne plenę sunt.] Quoniam qui fratrem suum odit; homicida
 est. Propterea omnis exercitatio, ac vitę ratio charitatis ex-
 pers, aliena à Deo est: propterea & hypocrisim nostram
 tantò antea arguens dicebat. [Populus iste labiis suis ho- *Esa. 29.*
 norat me; cor autem eius longè est à me. Frustrà colunt
 me. & quæ sequuntur. Ac sanè, quæ ipse Dominus dice-
 bat, cum miseros prædicaret Iudeos, ita audio; perinde
 quasi ad nos dicta sint; qui nunc hypocritæ sumus; qui
 tanto gratię munere dignati, deterius quàm illi affecti su-
 mus. Nonne & nos alligamus onera grauiā; & importabi- *Matt. 23.*
 lia; & imponimus in humeros hominum; quæ nos ne di-
 gito quidem mouere volumus? Nonne & nos omnia no-
 stra opera facimus, vt videamur ab hominibus? Nonne & *Matt. 23.*
 nos amamus primos accubitus in conuiuuiis, & primas ca-
 thedras in conuentibus, & salutationes in foro, & voces il-
 las hominum; rabbi, rabbi; & eos qui hæc in nos non dili-
 gentissimè conferunt, usque ad mortem bello persecui-
 mur? Nonne & nos tulimus clauem scientiæ, & claudi- *Lu. 11.*
 mus regnum cœlorum aduersus homines, neque nos in-
 trantes, neque illos facientes intrare? Nonne & nos cir-
 cuimus mare & aridam, vt faciamus vnum profelytum;
 & cum fuerit factus, facimus eum filium geennæ: duplo
 quàm nos? Nonne & nos sumus cœci excolantes culicem,
 camelum autem glutientes? Nonne & nos decimamus
 rutam, & mentam, & omne olus, & præterimus iudi-
 cium, & charitatem Dei? Nonne & nos sumus vt mo-
 numenta, quę non parent; cum extrinsecus quidem appa-
 reamus iusti hominibus, intus autē pleni simus hypocrysi, &

iniquitate? Annon & nos edificamus sepulchra martyrum,
 & ornamus monumenta apostolorum; & similes eorum sumus,
 qui illos occiderunt? Ecquis igitur non plorabit nos
 tam misere affectos? Ecquis non lugebit nostram tam grauem
 captiuitatem? Propterea qui filii illi Sion inclyti eramus,
 reputati sumus in vasa testea: propterea obscuratum est aurum:
 alienatum est argentum bonum: propterea qui nazarei illi Sion
 eramus nunc splendidiore, facti sumus ut Aethiopes; qui lacte
 candidiores; atramentum nigore vicimus. Ideo facies nostra
 denigrata est super carbones: qui nutriebamur in coccineis,
 amplexati sumus stercora; & maior effecta est iniquitas
 nostra, quam iniquitates Sodomorum. Propterea ex filiis diei
 & lucis facti sumus filii noctis, & tenebrarum. propterea
 qui filii eramus altissimi; ut homines morimur; & ut vnus
 principum cadimus. Propterea traditi sumus in manus inimicorum
 iniquorum, ferorum, inquam, daemonum; & regi iniusto, &
 pessimo ultra omnem terram, id est horum principum. Scilicet
 peccauimus, iniquitatem fecimus, impii egimus violantes
 mandata domini Dei nostri, & conculcantes filium Dei, &
 sanguinem testamenti communem ducentes. Verum ne tradas
 nos in finem propter nomen tuum domine, neque antiques
 testamentum tuum, neque auertas misericordiam tuam a nobis
 propter miserationes tuas. pater noster, qui es in coelis, &
 per viscera vnigeniti filii tui, & propter misericordiam
 Sancti tui spiritus. Ne memineris iniquitatum nostrarum
 antiquarum; sed cito anticipent nos misericordiae tuae Domine,
 quoniam valde mendici sumus. Fer nobis auxilium Saluator
 noster: propter gloriam nominis tui Domine eripe nos, &
 propitius esto peccatis nostris propter nomen tuum, memor
 primitiarum carnis nostrae; quam cum ex nobis amore
 hominum adductus suscepisset vnigenitus filius tuus,
 pro nobis habet in celis; ut nobis firmam, ac stabilem
 salutis spem largiatur; ne desperatione deteriores euadamus.
 Per honoratum ipsius sanguinem, quem pro mundi uita effudit,
 per sanctos ipsius Apostolos, & martyres, qui pro ipsius
 nomine sanguinem suum fuderunt, per sanctos prophetas, &
 patres, & patriarchas, qui omni studio placere tuo sancto
 nomini

Thren. 4.

Ps. 81.

Dan. 8.

Dan. 9.
Heb. 10.

Ps. 72.

Merita san-
ctorum.

nomini contenderunt, ne despicias deprecationem nostrā Domine, neque derelinquas nos in finem. Non enim in nostris iustificationibus confidimus, sed in misericordia tua, qua genus nostrum seruas; supplices obsecramus bonitatem tuam, ut ne in iudicium nobis fiat mysteriū illud, quod ab vnigenito filio tuo ad salutem nobis est dispensatum; & ne proicias nos à facie tua, ne abomineris indignitatem nostram; sed miserere nostri secundū magnam misericordiam tuam, & secundum multitudinem miserationum tuarum dele iniquitates nostras; ut sine condemnatione accedentes ad conspectum sanctę glorię tuę digni fiamus, qui protegatur ab vnigenito filio tuo; neque perinde, ac mancipia peccati, reprobi fiamus. Hem Domine, omnipotens domine exaudi deprecationem nostram; quod præter te alium nescimus, nomen tuum inuocamus. Tu enim es, qui omnia operaris in omnibus; & à te auxilium poscimus cōuertere igitur de cœlo domine, & vide de domo sancta tuā, & glorię tuę. Vbi est Zelus tuus, & fortitudo tua? ubi est multitudo misericordię tuę, & miserationum tuarum; qua sustentasti prolapsiones nostras? tu enim es pater noster quia Abraham non cognouit nos: sed tu domine pater noster libera nos. A principio nomē tuum super nos est, & vnigeniti filii tui, & sancti spiritus tui. Quare seduxisti nos Domine à via tua, non erudiens nos virga iudiciorum tuorum? Cur indurasti corda nostra, ne timeremus te? dereliquisti nos errori, effrenato, & exlegi. Cōuertere domine propter seruos tuos, propter sanctam ecclesiam tuā; propter omnes, qui à seculo sunt, sanctos tuos, ut hæreditate possideamus modicum sancti mōtis tui. Aduersarii nostri conculcauerunt sanctuarium tuum. Facti sumus quasi à principio, cum non dominareris nostri, neque inuocatum esset nomen tuum super nos. Si aperueris cœlum, tremor apprehendet ex te montes, & liquefcent sicut cera à facie ignis; & comburet ignis aduersarios; & terribile erit nomē tuum in aduersariis. Cum feceris gloriosa, tremor apprehendet ex te montes. à seculo non audiuius, neque oculi nostri viderunt Deum absque te, & opera tua, quæ facies

Daniel. 9.

1. Cor. 15

Esa. 63.

Es. 64.

Nn 3 expe-

*Ita D. Hieronymus in
commentarijs.*

Ps. 78

Matt. 19.

expectantibus misericordiam. Occurrent. n. facientibus iustitiam, & viarum tuarum recordabuntur. Ecce tu iratus es, & nos peccauimus; potius autem nos peccauimus, & tu iratus es. Idcirco errauimus, & facti sumus, quasi immundi omnes nos; vt pannus sedentis omnis nostra iustitia. Et defluximus quasi folia propter iniquitates nostras: sicut vt tu auferet nos, & non est qui inuocet nomen tuum, & qui recordatus apprehendat te; & auertisti faciem tuam à nobis & tradidisti nos propter iniquitates nostras. Et nunc Domine pater noster es tu; nos autem lutum, opus manuum tuarum omnes. ne irascaris nobis Domine nimis, & ne in tempore memineris peccatorum nostrorum. Et nunc respice, quoniam populus tuus omnes nos. Ciuitas Sancti tui facta est deserta; Sion; quasi solitudo facta est Hierusalem, in maledictionem domus; Sanctuarium nostrum & gloria, cui benedixerunt patres nostri, facta est igne combusta, & omnia gloriosa nostra conciderunt. Et super omnibus his sustinuiſti domine, & tacuisti, & humiliasti nos valde Typicè quidem acciderunt hæc antiquo populo tuo; verè autem nunc in nobis impleta sunt. & facti sumus opprobrium vicinis nostris dæmonibus, derisio, & subîannatio his, qui in circuitu nostro sunt. Sed respice è cœlo, & vide, & salua nos propter nomen sanctum tuum, & notas fac nobis fallacias aduersariorum nostrorum, & libera nos à machinamentis ipsorum, neque auertas à nobis auxilium tuum; quando quidem nos minime idonei sumus, qui obſtantia vincamus. Tu verò potens es ad dandam nobis salutem ex omnibus inimicis: salua nos domine ex huius mundi molestiis secundum bonitatem tuam, vt in conscientia pura pelagus huius vitæ tranantes, digni efficiamur sempiterna vita sine crimine, atque integri ſiſtentes nos horribili, ac terribili tribunali tuo. Hæc omnia cum audisset Frater, valideque compunctus esset; cum lachrymis dixit Seni. F. Quantum video Pater, nulla mihi reliqua est salutis spes. Iniquitates enim meę supergreſſę sunt caput meum. Sed rogo te; exponere, quid mihi agendum putes. S. Salutem conſequi apud

sunt;

sunt; ut ipse dixit Dominus. Preoccupemus igitur faciem eius in confessione, adoremus, & procidamus ante Deum, & ploremus coram Domino, qui fecit nos, quoniam ipse est Deus noster. Et audiemus ipsum ex ore Esaie ita loquentem. [Cum conuersus ingemueris, tunc saluus eris, & rursus] Numquid non potest manus Domini, saluos facere, aut aggrauata est auris eius, ut non exaudiat? sed peccata vestra separant inter vos, & Deum; & propter peccata vestra auertit faciem suam, ut non misereatur. [Quamobrem] inquit. [Lauamini, mundi estote, auferite improbitates vestras ab animabus vestris coram oculis meis. Quiescite agere peruersę discite benefacere. Quęrite iudicium, subuenite oppresso, iudicate pupillo, defendite viduam; & venite, & disputemus, dicit Dominus; si fuerint peccata vestra ut phenicęum, quasi niuem dealbabo, & si fuerint, ut coccinum, quasi lanam dealbabo. Ac si volueritis, & audieritis me, bona terrę comedetis. os enim Domini loquutum est hæc.] Et rursus per Ioelē hęc inquit. [Conuertimini ad me in toto corde vestro; in Ieiunio, & fletu, & planctu. Scindite corda uestra, & non vestimenta vestra: misericors enim & miserator est Dominus, & poenitentiam agens super malis.] Ad Ezechielem vero. [Fili hominis dic ad domum Israel. sic loquuti estis dicentes peccata nostra, & iniquitates nostrę super nos sunt, & in ipsis tabescimus, & quomodo viuemus? dic ad eos, viuo ego dicit Dominus. Nolo mortem impii, sed ut reuertatur à via sua, & viuat. Conuersione conuertimini à via vestra; & quare moriemini domus Israel?] Tertius verò regum liber præstantiam diuinę bonitatis demonstrans hęc narrat, cum Achab descendens in vineam Naboth, quam illo per Iezabelem interfecto possederat, audisset verba Helig dicentis. [Hęc autem dicit Dominus. occidisti, & possedisti; & in loco, in quo linxerunt canes sanguinem Naboth, ibi canes lingent quoque sanguinem tuum. Et canes comedent Iezabel in antemurali Iezrael. Itaque cum audisset Achab sermones istos; scidit vestimenta sua, & operuit cilicio carnem suam, ieiunauit, & dormiuit in sacco. Et factus est sermo Domini ad He-

Esa. 30.

apud 70.

59.

C. 4.

C. 2.

C. 33.

C. 21.

3. Reg 21.

Ps. 31

Matt. 3. de
Ioan. ibi-
dem 18.

1a. robi. 4.

liam dicens. Nonne audisti Achab humiliatum coram me non inducam malum in diebus eius] David autem inquit, [notum feci peccatum meum, & iniquitatem meam non abscondi. Dixi confitebor aduersum me iniustitiam meam Domino, & tu remisisti impietatem cordis mei. Pro hac orabit ad te omnis sanctus in tempore opportuno & in diluuiis aquarum multarum ad eum non approximabunt.] In Evangelio autem Dominus. [Poenitentiam, inquit, agite: appropinquauit enim regnum coelorum] Petro autem interroganti, quoties in die si peccet in me frater meus, dimittam ei? usque septies? respondet ille, qui natura bonus est, & incomparabilis in bonitate [non dico tibi usque septies, sed usque septuagies septies.] Quid huic bonitati par inueniri potest. Quid cum hac humanitate conferri valeat? cognoscentes igitur timorem domini, ac praeterea bonitatem, humanitatemque ipsius cum ex vetere, tum ex nouo testamento, conuertamur ex toto corde nostro. Et cur nos imus perditum fratres? Mundemus manus, qui peccatores sumus obsecro, & purificemus corda nostra duplices animo; miseriam nostram agnoscamus, lugeamus, ploremus ob peccata nostra; deponamus improbitates nostras, fidem habeamus promissionibus domini: timeamus illius minas; amemus inter nos ex toto corde; usurpemus vocem istam, fratres nostri, etiam erga eos, qui nos odio prosequuntur, atque auersantur; ut nomen Domini glorificetur, & appareat in letitia sua. Demus nobis mutuam veniam, dum per nos vicissim tentamur, ut pote qui omnes a communi hoste oppugnemur: resistamus cogitationibus nostris, deum in auxilium aduocantes; fugemus, atque eliciamus e nobis improbos, impurosque spiritus; subiciamus carnem spiritui, eam laboribus, atque erumnis omnibus deprimentes atque in seruitutem redigentes; mundemus nos ipsos ab omni inquinamento carnis, & spiritus; excitemus nos mutuo, atque acuamus ad charitatem, & bona opera; ne inuideamus inter nos, neque si nobis inuideatur, effremur; sed potius mutua nos misericordia, atque indulgentia prosequamur; ac per mutuam humilitatem unus nostris medeamur

deamur; ne nos mutuis maledictis, ac scommatis proscindamus: sumus enim membra alter alterius. Socordiam, ac negligentiam excutiamus; ac forriter stemus contra spiritus nequitiae decertantes; & habebimus aduocatum Iesum Christum iustum ad patrem, ipse est propitiatio pro peccatis nostris; obsecremus ipsum in puro corde ex tota anima nostra, & nobis dimittit peccata nostra; quoniam prope est Dominus omnibus inuocantibus eum, omnibus inuocantibus eum in veritate, & voluntatem timentium se faciet, & deprecationem ipsorum exaudiet, & saluabit eos. Quamobrem inquit, [Immola Deo sacrificium laudis, & redde altissimo vota tua. Et inuocabis me in die tribulationis tuae, eruam te, & glorificabis me.] 1. Io. 2. Ps. 144. Ps. 49. C. 58. Etiaius verò rursus. [Solue omnem colligaturam iniquitatis: dissolue obligationes violentarum cautionum: Dimitte fractos in remissionem, & omnem scripturam iniquam conscinde. Frange esurienti panem tuum, & pauperes sine tecto induc in domum tuam. Si videris nudum; operi, & domesticos seminis tui ne desperxeris. Tunc erumpet matutinum lumen tuum, & sanitates tuae cito orientur, & prebit in conspectu tuo iustitia tua, & gloria Dei circundabit te.] Tantum ne? imo uerò, & alia. [Tunc clamabis, & deus exaudiet te: adhuc loquente te dicet, Ecce adsum. Tunc orietur in tenebris lumen tuum, & tenebrae tuae erunt sicut meridies. Et erit Deus tuus tecum semper, & impleberis sicut desiderat anima tua.] Vides, ut soluendis cordibus nostris ab omni iniustitiae vinculo, & à plexu illo memoriae iniuriarum acceptarum, operaque ex animo danda, ut proximo benigne faciamus, lumine cognitionis Dei circumfulgemus, ac turpibus perturbationibus liberamur, atque omni virtute implemur, & gloria Dei splendescimus, & ab omni inscitia vendicamur; atque orantes celeriter exoramus; & nobiscum perpetuò Deum habebimus; omnisque nostra auiditas per Deum implebitur? Amemus igitur inter nos; & amamur à Deo; mutuam nos nostram tolerantiam, ac patientiam adhibeamus, & suam in peccatis nostris adhibebit Deus: malum pro malo ne reddamus; & non recipiemus mercedem secundum peccata:

*Matt. 6.
& 9.**Quomodo
in nobis sit
saluōs fieri**Psal. 80.**Psal. 43,**contra in-
ne n fidu-
ciam.**Matt. 7.*

cata nostra. Veniam enim peccatis nostris, venia fratribus danda inuenimus. Et misericordia Dei in eleemolyna erga proximum inclusa latet. Propterea dominus dicebat. [Dimittite & dimittetur vobis: & si dimiseritis hominibus peccata eorum, dimittet, & vobis pater coelestis delicta vestra] & rursus [Beati misericordes, quoniam ipsi misericordiam consequentur; & qua mensura mensi fueritis, remetietur vobis] Ita prębuit nobis dominus rationem expediendę salutis, deditque nobis potestatem si ios Dei fieri; vt potuerat iam in ipsa nostra voluntate sita sit salus nostra. Demus igitur nos domino integrę, ut ipsum vicissim integrum accipiamus; fiamus Dii per ipsum. Eo enim factus est homo, cū naturā deus esset, & dominus: ei dicto audientes simus; atque ipse facillimę vlciscetur inimicos nostros. [Si populus meus audisset me, inquit; si Israel in viis meis ambulasset; pro nihilo inimicos eorum humiliassem, & supra tribulantes eos misissem manum meam. Omnem spem nostram in vno illo collocamus, & omnem curam nostram in illum proiciamus; & ipse ex omni tribulatione eripiet nos, & per omnem vitam nostram ipse nos enutriet: omnes quidem homines ex animo diligamus; at in hominū nemine spem figamus. Nam quandiu Dominus tuetur nos; & amici omnes nos amplexantur, & inimici omnes aduersus nos potestatem nocendi amittunt. Cum primum verō Dominus nos destituerit; tunc neque vilis amicus est, à quo non deferamur; & inimici omnes aduersus nos pollent, vigentque. Verum & qui in seipso confidit; maximas ruinas edet. Timens autem Dominum exaltabitur. Propterea dicebat dauid; Nō enim in arcu meo sperabo, neq; gladius meus saluabit me. Saluasti enim nos ex omnibus tribulantibus nos, & odientes nos confudisti.] Non admittamus ratiocinationes minuentes peccata nostra, & vaticinantes illorū factam iam esse remissionem. De istis enim cautos nos reddens Dominus dicebat. [At tendite vobis à falsis prophetis, qui venient ad vos in vestimentis ouium, intus autem sunt lupi rapaces] Quamdū enim mens nostra à peccato turbatur; nondū illius remissionem consequuti sumus; nondū enim fructus dignos

dignos penitentię fecimus. Fructus enim penitentię est vacuitas perturbationum: vacuitas autem ista, extinctio peccati: nondū verò vacuitatem istam perfectam adepti sumus dum interdum quidem oppugnamur à perturbationibus; interdum verò inducias facimus. Ergo neque perfectā peccatorum remissionem adepti sumus. Nam à peccato quidē illo, quod ex parentibus contraximus, per sanctum Baptisma liberati sumus: at ab eo, quod post baptisma in nobis admisimus; per penitentiam liberamur. Germanani igitur poenitentiam adhibeamus; vt à perturbationibus liberati peccatorum remissionem consequamur. Despiciamus caduca hæc, & fragilia; ne ipsorum causā cum hominibus pugnantes mandatum charitatis violemus, atque ex Dei charitate decidamus. Spiritu ambulemus, & cupiditatem carnis ne perficiamus, vigilemus, sobrii simus; abiiciamus post hac negligentiam somnum: æmulemur sanctos athletas saluatoris; imitemur ipsorum concertationes, eorum, quę retrò sunt, obliti, in anteriora nos ipsos extendentes. Imitemur perpetuum illorum cursum, ardentem charitatē, continentiam tolerantiam, temperantię sanctitatem, generosam patientiam, omnia ferentem longanimitatem, luctum ex alienorum malorum consensu, quietam lenitatem, flagrantem zelum, charitatem non fictam, excelsam humilitatem, simplicem pauperiem, fortitudinem, benignitatem, probitatem: ne supini indormiamus voluptatibus; ne tumescamus ratiocinationibus; ne inquinemus conscientiam, pacem cum omnibus sectemur, & sanctitatem, sine qua nemo videbit Dominum. Pręterea verò mundum fugiamus fratres, mundiq; principem. Missam faciamus carnem, & carnalia. ad cælum intento cursu properemus; ibi sit nostra conuersatio; diuinum Apostolum imitemur; ducem vitę suscipiamus; fonte vitę fruamur; cum Archangelis hynos canamus domino, & Deo nostro Iesu Christo. Ipsi gloria, & imperium simulq; Patri vnā cum Sancto Spiritu in sæcula sæculorum. Amen.

Operarum quidem errata non pauca intelligentis lectoris diligentia corrigenda relinquimus; nostra uerò, quæ multo plura fortasse sunt, excusanda humanitati.

Series Chartarum.

⚡ ABCDEFGHIKLMNOPQRSTVXYZ Aa Bb
Cc Dd Ee Ff Gg Hh Ii Kk Ll Mm Nn.

Omnes sunt duerniones præter ⚡ & Nn qui
sunt terniones.



ROMÆ Apud Iosephum de Angelis.

M. D. LXXVIII.



RECORDS OF THE
CITY OF NEW YORK

Volume 100
1880



NEW YORK
1880

sidr0007564



Biblioteka Jagiellońska

